

**AUGUSTINIANA  
ECCLESIAE  
ROMANAE  
DOCTRINA A  
CARDINALIS...**

---






Ex Bibliotheca  
majori Coll. Rom.  
Societ. Jesu


44.3.23.

44 44  
E D  
24 12













AUGUSTINIANA  
ECCLESIAE ROMANAE  
DOCTRINA  
A CARDINALIS  
SFONDRATI

NODO EXTRICATA,

Per varios S. Augustini Discipulos,

ILLUSTRISSIMIS ET REVERENDISSIMIS ECCLE-  
SIAE PRINCIPIBUS ARCHIEPISCO-  
PIS, EPISCOPIS

Cæterisque totius Cætus Ecclesiastici Ordinibus  
Cleri Gallicani in Comitibus generalibus  
in Palatio Regio. ad Fanum S. Ger-  
mani proximè congregandis  
Nuncupata.

*Bibl. Secy.*

*coll. Rom.*




*Le su*

COLONIAE

TYPIS HAEREDUM CORNELII AB EGMOND,  
CUM APPROBATIONIBUS:  
M D C C. 2





ILLUSTRISSIMIS & REVEREN-  
DISSIMIS ECCLESIAE PRINCIPIBUS  
ARCHIEPISCOPIS , EPISCOPIS ,  
CÆTERISQUE TOTIUS CÆTUS  
ECCLESIASTICI ORDINIBUS CLE-  
RI GALLICANI IN COMITIIS GE-  
NERALIBUS IN PALATIO REGIO  
AD FANUM S. GERMANI PROXI-  
ME CONGREGANDIS.

*Illustrissimi ac Reverendissimi Principes.*

**P**ER Classicum quinque Illustrissimo-  
rum ex Vobis Præsulum , quod  
contra NODUM PRÆDESTINATIONIS  
DISSOLUTUM in Urbe & Orbesonuit,  
excitati pugiles , scriptores Collectionis  
hujus , militare gestiunt sub signis ve-  
stris , quibus , si alia subirent , injuriam  
facerent. Stant enim in capite hujus  
aciei Archiepiscopi ac Duces Rhemensis  
& Parisiensis cum tribus aliis Ecclesiæ  
Gallicanæ Principibus ; quorum primus  
per Dei gratiam stabit in capite Comi-  
tiorum

# NUNCUPATIO.

tiorum vestrorum. Præterea depugnat hæc acies tum pro *causa duorum hominum*, quorum per unum venundati sumus sub peccato, per alterum redimimur a peccatis; in qua propriè fides Christiana consistit: tum pro morali Christiana. Digna sanè utraque arena laceratis, zelo, & avitâ indole Illustrissimi Religiosissimique Cleri Gallicani. Si enim materia Gratia & peccati originalis spectatur, inter primos, qui Pelagium Diospolitanae Synodo sapientius denuntiarunt, quam judicaverunt Iudices, fuère, uti nostis, Heros & Lazarus Galli Episcopi, hic Aquensis, Arelatensis ille. Pluribus post annis cum virus Pelagii, unde primùm emerferat, renataffet in Angliam & Hyberniam, e Gallia Papa Cælestinus, teste Prospero, Germanum Antisiodorenses Episcopum vice sua mittit, ut deturbatis Hæreticis Britannos ad Catholicam fidem dirigat. Deinde rursus missâ ex Britanniis legatione, certiores facti Episcopi Gallicani pestem Pelag ibi latius serpere, coactâ numerosâ



numerofâ Synodo, delectus est Germanus Antifiodorensis Episcopus ut eam deleret, atque semel iterumque tum cum Lupo Trecensi, tum cum Severo Treverensi trajecit hydramque confecit.

*Licet demonibus*, ait Bradwardinus, *tempestatem in mari concitantibus, Oceanum transfretarunt, ipsamque argumentationibus nedum vocalibus, verum etiam realibus, miraculis scilicet patulis, strenuè convulserunt.* Quos umquam discipulos Augustinus habuit aut fideiiores aut generosiores Gallis Prospero & Hilario? Quibus etiam debet Ecclesia præclaros illos Augustini de Prædestinatione & de Dono Perseverantiæ libros, quos sanctissimi Doctoris testamentum, totiusque ejus de Gratia doctrinæ velut consignatorium sigillum dixerim. Quid exinde Avitum Vienneensem Episcopum, Fortunatum Pictaviensem, Cæsarium Arelatensem, Cyprianum Tulonensem aliosque benè multos commemorem Augustinianæ doctrinæ sequaces & defensores acerrimos. At silentio premere nec possum nec debeo.

## N U N C U P A T I O.

quam fortiter & glorioſè in ſecundis Arauſicanis comitiis Gratia victrix ſub Cæſario triumpharit de reliquiis Pelagii tunc graſſantibus & poſtea graſſaturis in Molina, Molinæque gregalibus. Prolixum nimis & ſuperfluum foret commemorare innumera exempla, prælia, & palmas quibus Inclytus Clerus Gallicanus pro Evangelio Gratiæ Dei adverſus Pelagii ac Semipelagianorum ſocios probavit invictum ſuum animum, zelum, ſapientiam. Quantis animis, quantâ eruditione Illuſtriſſimi Prædeceſſores veſtri pro Auguſtiniana Eccleſiæ Catholicæ doctrina nono ſæculo decertarint, teſtantur clariffimè Eccleſiæ veſtræ annales; teſtantur præclara Scripta ſanctorum Amolonis & Remigii Lugdunenſium Archiepiſcoporum, ac ſancti Prudentii Trecenſis Epicoſcopi; teſtantur Concilia Gallicana Valentinum, Lingonenſe, Tullenſe, Pariſienſe, Tuziacenſe, quorum zelo ac laboribus ſtrenuè ſuffragati ſunt inferioris ordinis pugiles S. Paſchaſius Radbertus,



## N U N C U P A T I O.

Radbertus, B. Lupus Ferrariensis, Ratramnus Corbiensis, celebris ille Florus Lugdunensis Ecclesiæ Theologus, ac demùm undecimo sæculo S. Bernardus Galliarum Augustinus. Horum denique omnium animos ac doctrinam duojam laudata Ecclesiæ vestræ lumina, Rhemensis & Parisiensis Archiepiscopi in suis nuper Decretis, Collegis annuentibus, plaudente Galliâ, contraxerunt, sanxeruntque.

Nec minùs generosè stetit semper pro Morali Christiana adversus luxuriantium ingeniorum laxitates Inclytus Galliæ Clerus; sicut præter innumeras mollioris Ethicæ Denuntiationes, Censuras, Damnationes per Episcopos & Academias Galliæ, satis demonstrat unicum specimen, quod anno 1656. ad Ecclesiæ suæ gloriam immortalem & posterorum exemplum ediderunt Comitiam Generalia Cleri Gallicani, dum in epistola sua encyclica ad universos Regni Franciæ Episcopos, de morali laxiori ita

## N U N C U P A T I O.

cenſuerunt: (a) *Quædam opiniones moderne, quæ Moralem Chriſtianam & Evangelii principia tantum immutaverunt, ut profunda ignorantia longè ſit anteponenda tali ſcientiæ, quæ problematicè ſuſtinere quidlibet docet, ac artes quærere non ad prævos hominum mores exterminandum, ſed excuſandum, viasque aperiendum quibus iis ſatiſſiat non offeñſâ conſcientiâ.*

Zelum Illuſtriſſimorum Gallix Præſulum Cardinalis Aguirius tom 2. Conciliorum Hiſpaniæ in monito ad Illuſtriſſimos D. D. Archiepiſcopos & Episcopos Hiſpaniæ ac novi Orbis, ut Concilia frequenter celebrent, multum extollit, teſtaturque potitum fuiſſe  
MAGNO PLAUSU AC FRUCTU APUD  
SEDEM APOSTOLICAM. Ignoscite,  
VERI-

(a) *Certaines opinions modernes, qui ont tellement altéré la Morale Chretienne, & les maximes de l'Evangile, qu'une profonde ignorance ſeroit beaucoup plus ſouhaitable qu'une telle ſcience qui apprend à tenir toutes chofes problematiques, & à chercher des moyens non pas pour exterminer les mauvaiſes habitudes des hommes, mais pour les juſtifier, & pour leur donner l'invention de les ſatiſfaire en conſcience.*

# NUNCUPATIO.

VERITATIS VINDICES quod verba ejus etsi prolixiora non possim omittere : *Huc spectat*, inquit, quod plurimi eorumdem Antistitum in Conciliis Provincialibus & aliis Comitibus, præsertim apud Galliam, simul cum aliis doctissimis viris, studiosè curaverint reformationem morum, & puritatem ac soliditatem Ethices Christianæ adversus laxitates multorum Casuistarum, quorum tot theses perniciosas & scandalosas ut minimùm, damnavit Sedes Apostolica sub Pontificibus Alexandro VII. Innocentio XI. & Alexandro VIII. Laudandi quidem sunt illi Præsules, qui in eum finem plurimum laborarunt, & tot synaxes insignium Theologorum coegerunt zelo reformatæ disciplinæ moralis : & præsertim inter illos quatuor Galliarum Archiepiscopi, ac duodecim Episcopi qui tempore Urbani VIII. die 5. Aprilis anno 1644. in unum congregati scripserunt ad eundem Pontificem celeberrimam illam epistolam & ubique

## N U N C U P A T I O.

*sparsam adversus licentiam quorundam  
Casuistarum in opinando, aientes inter  
plura alia de iis: Divinorum Sacramen-  
torum usus, qui sacer omnino ac salu-  
tariis esse debet, in perniciosum ac piis  
omnibus deplorandum abusum conver-  
titur sæpissimè. Depravatis denique ac  
corruptis moribus blandimenta potius  
atque operimenta quam salutaria reme-  
dia comparantur. U T E SENTEN-  
TIIS EX LIBRIS ILLORUM FIDE-  
LITER EXCERPTIS nemini non  
apertum atque exploratum esse potest.  
Deinde suum vehemens desiderium  
significant ad corruptelas morum expur-  
gandas, effrænatamque illam quorumli-  
bet flagitiorum (quæ numquam tanta  
fuit) licentiam, AUGENTIBUS  
EAM INDIES NOVITIIS QUI-  
BUSDAM CASUUM CONSCIEN-  
TIÆ ARCHITECTIS. Hæc illi  
graviter, & cum magno plau-  
su apud Sedem Apostolicam. In-  
super Octavius Archiepiscopus Seno-  
nensis in literis eodem anno ac die datis  
ad*



## N U N C U P A T I O.

*ad gravissimum Cardinalem Franciscum Barberinum (postea Decanum Sacri Collegii) scripsit: Eo mollities animorum, ac disciplinæ elanguescentis dissolutio processit, ut jam de vera pœnitentia ac sincero amore Dei loqui pœne sit nefas. Hoc videlicet artificium humani generis hostis excogitavit, quo fatiscens Religionis degenerem illam laxitatem pro ipsa Religione obtruderet, quasi a diverticulis ad viam regredi, a via aberrare sit... Ita alitur quorumlibet licentia flagitiorum; ita Crux Christi evacuatur: jam enim crimen ludus est, & pœnitentia crimini datur. Hæc ille; & plura similia iidem Episcopi in epistola alia ad Innocentium X. data anno sequenti 1645. die 21. Julii.*

ILLUSTRISSIMI AC RELIGIOSISSIMI PRINCIPES in Nodo Prædestinationis dissoluto sibilare virus Pelagii & pejus aliquid, scripta hujus Collectionis ostendunt; ac insuper ab eodem tradi præter plures alias opiniones laxiores, illam ipsam de requisita ad peccandum



## N U N C U P A T I O.

advertentia malitiæ, quam Comitibus vestris anno 1656. studiosissimè denuntiaverunt Parochi Parisienses, quæ damnati Philosophismi genuina mater est, & totius moralis Christianæ perniciēs.

Incliti Prædecessores vestri in præfatis Comitibus professi fuere per epistolam encyclicam, *Plurimi Parisiensis aliarumque præcipuarum Regni hujus Civitatum Parochi, tum querimoniis quas suorum Præsulum permissu de grassantibus malis detulere Nobis; tum obtestationibus pro adhibendo iis remedio zelum Nostrum auxerunt, doloremque duplicarunt. Quod si Conventum Nostrum citius accessissent, quaslibet novas Casuistarum ex quibus extracta obtulerunt, propositiones examinasset diligenter, sententiamque solemnem tulisset quæ hujus conscientiarum pestis grassationem stitisset. At deficiente tempore quod examini huic peragendo per accuratissimam diligentiam, sic exigente rei momento, necessarium erat, existimavimus, non posse nos melius,*  
*quan-*

# NUNCUPATIO.

*quantum præsens fert occasio, tam deplorando malo adferre remedium, quam expensis Cleri imprimi jubendo instructiones factas a sancto Carolo Boromæo.*

*Similiter Episcopus Venciensis de iisdem Comitibus, quorum pars magna fuerat, testatur in Censura Apologiæ pro Casuistis: In postremo Cleri Gallicani Conventu Parisiis habito anno 1656. Rhotomagenses Parochi ad illum remissi, itemque Parisienses collectas ex recentioribus Casuistis complures propositiones Nobis excutiendas obtulere: harum omnes lectio horrore perculit, & prope absuit quin Nobis aures obturaremus, ut Niceni Patres ne Arrii blasphemias audirent fecisse memorantur. Magnus omnes zelus & ardor incessit cœercendæ perditorum illorum scriptorum audaciæ qui tam nefarie sanctissima quæque Evangelii dogmata pervertunt, eamque morum disciplinam in Ecclesiam invehunt, quæ non profligatis Ethnicis pudori, ac Turcis non planè improbis offensioni foret. Addit opiniones obla-*

*tas*

## N U N C Ū P A T I O.

tas per deficientis injuriam temporis damnationi fuisse subductas.

Idem Parochis Parisiensibus Abbas Cironius Universitatis Tholosanæ Cancellarius , qui in Comitibus illis non exiguam partem habuerat , scripsit verbis sequentibus : *Ego Episcopus ad diabolica illa dogmata , quæ vestris continebantur excerptis, proscribenda semper vidi paratissimos; tantumque omnes adversus illa horroris, præ se ferebant , ut solis demum temporis angustiis & concludendi diuturnioris Conventus necessitate a conficienda Censura præpediri liqueret. Mihi quidem ita persuasum est ad ejusmodi morum doctrinam ex animo detestandam non aliud requiri quam ut quis Deum esse credat, nec primis Christianæ Religionis elementis renuntiavit. Utinam illam vel universo meo sanguine fundendo abolere liceret.*

In tempore igitur offertur hæc scriptorum Collectio, ut pro religione vestra dignemini prosequi factam Nodi dissoluti denuntiationem , & quamvis  
ardens

# NUNCUPATIO.

ardentem pro veritate zelum vestrum, qui non eget olco nostro, nequaquam præsumimus augere, tamen dare veniam quod Parochorum Parisiensium ad Comitia anni 1656. verba repetantur quæ Prædecessoribus vestris tam accepta fuere, ut zelum iis suum auctum fuisse libenter agnoverint: (b) *Ecclesia universa, ILLUSTRISSIMI PRINCIPES, Vos obtestatur: nimium honoris ejus interest. Non potest tolerare diutius sive impropria Hæreticorum suorum hostium, qui ex imputatis illi hisce perniciosis dogmatibus diffamare eam student; sive conspi-*

(b) *Toute l'Eglise, MESSEIGNEURS, Vous en conjure: son honneur y est trop intéressé: elle ne peut plus souffrir ni les reproches des Heretiques ses ennemis, qui tachent de la decrier en lui attribuant ses maximes pernicieuses; ni la temerité de quelqu'uns de ses Enfans qui conspirent avec eux pour lui faire la même injure. Car n'est ce pas le plus grand scandal qui soit jamais arrivé dans l'Eglise de Jesus Christ, que les Heretiques ayant eû la hardiesse d'imputer a tout le Corps des Catholiques les relachemens de quelques particuliers, il se trouve en ce tems des compagnies tout entiers qu' les en avoient, qui justifient leur accusation.*



# NUNCUPATIO.

*spirantium cum illis ad inferendam hanc injuriam, quorundam Filiorum suorum temeritatem. Numquid enim scandalorum maximum, quod umquam Ecclesiæ Jesu accidit, illud est, quod audentibus Hæreticis universo Catholicorum Corpori imputare quorundam Novatorum laxitates, reperiantur hoc tempore Societates integræ, qui eas admittant & illorum conentur justam reddere accusationem.*

Has ergo, ECCLESIAE PATRES, benignè accipite Lucubrationes; & suam ignoscite importunitatem Offerenti, qui pro salute Illustrissimi Cleri Gallicani & commissi Gregis, ac pro felici Comitiorum vestrorum successu Deum Optimum Maximum sine intermissione orabit.

ILLUSTRISSIMARUM

G. G. V. V.

DEVOTISSIMUS ET HUMILLIMUS  
FAMULUS N: N:



# PRÆFATIO:

**A**liquot jam anni sunt, cum Gallicana Ecclesiæ nonnulli, iique magni nominis, eximia doctrinæ, præcipuaque autoritatis Antistites, Nodum Prædestinationis Dissolutum Apostolicæ Sedi, summoque Pontifici, ut gravibus scatentem erroribus denuntiarent, Exinde non pauci cum iisdem Illustrissimis Præsulibus deplorant ingens scandalum ac detrimentum, quod ex Libro illo patiuntur Fides Catholica, Ecclesia, & salus animarum. Eo plus dolent, quod per iteratas editiones operis, quod utilius luce caruisset, vident malum latius serpere, & dum nihil adhibetur remedii, grassari securius. Interea dum multorum animos hac sollicitat cogitatio: nemo erit quem tangat causa & Catholicæ veritatis, & Gratiæ Christianæ & salutis animarum? Nemo, qui tantis malis mederi studeat? Opportune inciderunt per divinam Providentiam in manus nostras scripta variorum, quos adversus Nodum dissolutum Dei Gratia & Fides Catholica in sui patrocinium excitarunt. Theologicum hoc, tamque necessarium communi ac publico malo remedium quod Pontificio præcurrit, religioni duxi non commune ac publicum facere, territus comminatione

## P R Æ F A T I O.

*tionem Sapientis: Qui abscondit frumenta, maledicetur in populis.*

*Plurima enim in Nodo dissoluto concurrunt quæ scandalum augent, nimirum & errorum enormitas, & speciosus putridarum mercium fucus & prætensi Authoris eminentia, & approbationum magnifica & sesquipedalia verba, & Molinistarum, amatorumque moralis laxioris applausus, & mala causæ pejor defensio.*

- Lib. 2. Quod ad errores attinet, verissime dixit de pecc. Augustinus: In causa duorum hominum quorum per unum venundati sumus*  
*cap. 24. sub peccato, per alterum redimimur a peccatis: per unum præcipitati sumus in mortem, per alterum liberamur ad vitam. .... In horum ergo duorum hominum causa propriè fides Christiana consistit. Et Sermonem 30. editionis PP. Benedictinorum: Hoc est Christianæ Fidei fundamentum, unus & unus. Unus homo per quem ruina, alius homo per quem structura, id est, doctrina de peccato originali & Gratia Christi, Fidei Christianæ fundamenta sunt. Ergo plena scandalum & discriminis doctrina est, quæ hæc Fidei fundamenta diruit, sicut manifestum est ea dirui per sequentia Nodi Dissoluti dogmata.*  
*p. 118. ta. Deus parvulos Cælo exclusit ob peccatum non proprium, sed paternum.*  
*p. 114: Parvuli qui sine baptismo decedunt, beati quidem non sunt, nec tamen pereunt. Ad-*  
*dit*

*dit alibi* Non damnantur. *Insuper* In p.164.  
 hac, *inquit*, parvulorum causa considerán- p.120.  
 dum est, licet Deus ad cælestem gloriam  
 non eos admiserit, alio tamen multoque  
 majori beneficio affecisse. *Tam procul in ne-*  
*gatione peccati originalis nullus umquam Pela-*  
*gianus abiit.*

*Quod aliud dogma Gratia Christi esse potest* p.217.  
*illo infestius* Fixum ergo ratumque sit ni-  
 hil aliud ex sententia S. Augustini Gratiam  
 effectricem esse quam cognitionem congru-  
 am. Planè ipsa divinæ bonitatis ratio ex-  
 igit, ut in dandis majoribus aut minoribus p.107.  
 gratiis major minorve necessitas & infirmi-  
 tas peccatoris attenderetur, idè enim plu-  
 ra remedia Judæ reprobo adhibita, quam  
 Petro electo,

*Quid moralis Christiana fundamenta æquè ac*  
*istud evertit :* (b) Sicut nullum peccatum est p.161.  
 non contra rationem, ita nullum non con-  
 tra conscientiam. *Quid periculosius illo.* p.152.  
 Demus ita ignorasse (*Deum invincibiliter*  
*Brasiliæ incolas*) id quoque magna beneficii  
 & Gratia pars fuit, cum enim peccatum sit  
 essentialiter offensio & injuria Dei, sublata  
 Dei cognitione, necessariò sequitur nec in-  
 juriam nec peccatum nec æternam poenam  
 esse. Ergo cum hac ignorantia impeccabi-  
 les redderentur, alioquin certissimè peccaturi  
 si agnoscerent, sequitur hoc ipsum benefi-  
 cium

## P R Æ F A T I O.

lium esse.... Ergo sive Barbari agnoscant, sicque invocare illum & salutem consequi possunt, sive penitus ignorent, & idè nec possint peccare, semper verum erit ne illis quidem misericordiam decesse. *Hæc sunt (si Superis placet) principia de propaganda Fide.*

*Scandalosa illa quidem a quocumque doceantur, sed quanto cum majori periculo traduntur ab ejusmodi Libro, cujus fronti splendor ex Purpura, & culmen authoritatis accersitur sive ex genuino sive ex imposito (sicut equidem mallem, si fieri potest, credere) Authore CÆLESTINO S. R. E. PRESBYTERO CARDINALE SFONDRATO ? Quis sine suspitione mali venenum non bibit, quod tam specioso calice propinatur? Quis non induet se in casses, quos velat & ornat Purpura? Quanta hinc salutis animarum pericula! cum verissimè dixerit Cardinalis Bellarminus : Nomen Cardinalis idem fere sonare videtur quod principalis, sive is a quo alii pendent, ut a cardine ostia dependere solent. Cum enim Cardinales, inquit Eminentissimus D. Aguirius in præfat. ad Concilia Hispaniæ, ex vi muneris sui sint intimi consiliarii & coadjutores Romani Pontificis, non in ordine ad bonum regimen aut reformationem unius Provinciæ aut Regni tantum, sed totius Orbis Christiani, debent pro virili laborare opere, verbe,*

*De clericis lib.  
I. cap.  
16.*



## P R Æ F A T I O.

verbo ac scriptis in eundem scopum ; ac studium & curam suam doctrinamque salutarem, tutiorem, imitationi Christi aptiorem, sacris Canonibus conformiorem ; ac proinde severiorem, porrigere. *Ab hac verò quàm procul deviaverit Nodus Dissolutus, probant porrecta superius Specimina.*

*Discrimen augent speciosæ approbationes, ac præcipuè F. Joannis Damasceni Ordinis Min. qui suam pro imperio & palma videtur composuisse, nequaquam sollicitus ut de Nodo dissoluto æquius sentiret, sed ut magis magnificâ adulatione eum extolleret. Hanc ergo palman quam ambiit, cæteris omnibus præripuit ; gloriaturque insuper se curasse tam præclari Operis editionem : Non alio itaque Lemmate, ait, inscriberem Librum, quam quo suum de Oratione Gregorius Nyssenus τὸ ἱερὸν ἔργον Θεοῦ ἐργον sacrum & divinum opus. Addit prudentiam eminere, tam religiosè, ut ita dicam, in hoc Opere, imò in quavis Operis linea, & in quovis pene apice, ut (sicut in omni ejus actione) nullibi delideretur. Nec hoc satis : Sanè, inquit, nîlcautius Authore nostro, nam ubicumque aliquid probandum suscipit vel sacrorum Codicum auctoritati innittitur, vel exquisitis Theologiæ principiis adhæret, vel SS. Patrum & Augustini imprimis sententiâ fulcitur. Addit pro coronide subtilissimum laudis argumentum :*

Ut

Sfondrati de gratia & Prædestinatione tractantem, permisit edi prudenti dispensatione; injuriosa est Cardinali Albano Apostolicorum Brevium Secretario, cujus curis Opera Sfondrati commendavit summus Pontifex; injuriosa est Cosimo tertio magno Hetruriæ Duci & Cardinali Leandro Colloredo, quorum studio Liber in lucem prodiit; injuriosa est Cardinali Bernardino qui ut sacri Palatii Magister, Nodum a Doëtoribus approbatum imprimendi facultatem concessit &c.

*Hæc tam pulchra & pro commendatione Nodi dissoluti urgentia existimavit, ut pag. II. gratulando Bibliopola Colonienſi repetat; Feliciter edidisti Cœlestini Cardinalis Sfondrati Nodum Prædestinationis, quem summus Pontifex commendavit Cardinali Albano; cujus editionem procurarunt magnus Hetruriæ Dux & Cardinalis Coloredò; cum quo dispensavit propter argumenti genus Cardinalium Congregatio; quam approbarunt Doëtores & Magister sacri Palatii. Tantorum nominum contemptor Secretarius Rhemenſis Nodum illum accusavit tamquam hæreticum. Regum Maximæ Concionator, cujus lingua calamus scribæ, Nodi defensionem, ubi limborum pueri vindicantur, suscepit, commotus hoc Dei mandato: In judicando pusillit̃ esto misericors*

*Cors & pater : & observantiâ nominum sub quorum umbra Nodus Sfondratianus protegitur. Si hæc impune dicantur & palàm , imo dedificentur sacro Collegio Cardinalium , quam luctuosa & Nodo ejusque defensione timenda sunt detrimenta fidei , salutique animarum.*

*Sanè verisimile est Defensorem hunc esse athletam aliquem & quidem antesignanum ex agmine illo , quod Generalis quidam præpositus promissit se in arenam missurum pro Nodo Dissoluto , si hunc quispiam auderet laceßere. Sed infelix causa , quæ tali defensione non purgatur , sed lutatur amplius , sicut manifestum reddunt specimina sequentia !*

*Nam pag. 25. nomine infantium non baptizatorum dicere non veretur : Si pænis corporeis patrum essemus obnoxii , non cessaret proverbium (apud Jeremiam cap. 21.) ET POSSEMUS DEUM ARGUERE PER JURII.*

*Pag. 70. inducitur Christus post mortem suam prædicans in limbo non baptizatis pueris : Possidebitis beatitudinem naturalem . . . . nihil vobis deerit ad felicitatem præter visionem beatificam , sed defectum istum compensabo abstrahendo cogitationem vestram ab isto objecto. Vivite in expectatione beatitudinis istius naturalis ; ego interim revertor prope Calvariam resumpturus meum corpus.*

*Pag. 40. infantium non baptizatorum nomine sit : Non obstat quo minus tamquam*

Danielis alumni benedicamus Domino; qui nos Barbaris ex parentibus natos, non permisit diutius vivere nec labi in idololatriam, aliaque Barbarorum adulatorum crimina. Ne putate nos hic (*sic inducuntur pag. 43: in limbo loqui*) tamquam statuas silere; incredibile est quam jucundè exegerimus tempus, quod intercessit usque ad adventum Christi. Quid de paradiso terrestri non narravit Adam? ab eo didicimus primum idioma mundi.

*Præterea pag. 45.* Beatitudinem naturalem hanc adipiscemur, postquam bonus Pastor segregaverit oves ab hædis . . . . in terra dæmonibus exemptâ feliciores erimus quam protoplasti: nam nec nobis a serpente tentatore erit formidandum . . . . tantum abest ut aliquis Cherubim nos excludat his tempe, quin potius, ut docet Catharinus, non carebimus angelicis revelationibus & visitationibus, etiam eorum qui erunt in Cælis, qui hic recreabunt nos & solabuntur, ut præter divinam visionem majestatis nihil nobis deesse intelligamus: nam revelavit Deus Isaræ & Joanni Evangelistæ fore, ut creet terram novam, longè priori amæniorē: in ea regnabimus non amplius infantes (nam statueram habebimus tunc quam anno ætatis 33. eramus habituri) sine ulla invidia, sine ulla anxietate. Quid demum de nobis postea futurum sit, non investigemus. Certè non desunt.



## P R Æ F A T I O.

sunt qui putent imponendum nobis a Deo aliquid præceptum ut Adamo, nosque eo sapientiores fore, & in mercedem accepturos gloriam æternam, ut fiat unum ovile & unus Pastor.

*Sic generosus. Athleta Nodum Dissolutum tueretur armis & doctrina Palagii, quibus pejora addit, quod tamquam Danielis alumni benedicent Deo; quod Angelicis revelationibus & visitationibus recreandi; quod Adamo feliciores, cum spe, juxta nonnullos, mercedis & gloriæ æternæ cum Sanctis omnibus: cum tamen de sententiâ, solam beatitudinem naturalem parvulis non baptizatis pollicita, quam lib. 6. de amissione gratiæ cap. 6. numeraverat 2. loco Bellarminus, subjungat cap. 2. Ex enumeratis sententiis prima & secunda non solum falsæ, sed etiam hæreticæ existimandæ sunt; & contrâ fide catholicâ tenendum, est parvulos sine baptismo decedentes, absolute esse damnatos; & non solâ cœlesti, sed etiam naturali beatitudine perpetuo carituros.*

*Nec sufficiebat tam male cataphracto militi tam præclara defensio, nisi etiam adversarios suos quinque dignissimos Gallia Præsules calumniis proscinderet: Studium eorum, quo Sedi Apostolicæ Nodum Dissolutum, uti scitentem erroribus, denuntiarent, dignum Episcopo zelum hic audeat Jansenismi insimulare, quem laudavit Innocentius XII. Brevi suo ad præfatos Gallia Præsules:*

Litteras vestras, *inquit*, VII. Kal. Martii proximè præteriti ad nos datas, grato animo accepimus: ex iis enim vigilem ac sacerdotalem zelum, quo sacros Antistites in partem sollicitudinis nostræ vocatos, flagrare maximè decet, in Vobis vigere . . . deprehendimus. *Sed contra Innocentii testimonium Advocatus Nodi Dissoluti in epistola dedicatoria ad Sacrum Cardinalium Collegium altè reclamat: Utinam Jansenisticum fermentum in Secretarii solius (sed nemo non videt feriri quinque Præsules Gallicos) pectore latens, non sit palmaris rota, quæ equuleum istum in Sfondati doctrinam circumagit? Multi putant his animabus globum Sfondrato infestum irritari, nempe quod Sfondratus contra Regalistas & Jansenistas scripserit. Nomen Jansenii, ait *ibid.* ulcus est, ad minimum contactum infremuit Secretarius & ita exarsit: Quo sanè prætextu ad nova & inaudita prosiliunt. Aliterne loquuntur Jansenistæ? Quam quinque scilicet Gallia Præsules? Postremò concludit epistolâ 26. Nolite quæso vos, o Franci, nolite hæreses Calvinianas & Jansenianos tanto molimine, tanta felicitate a Salomone pacifico exactas, per cuniculos in Regni viscera revocare.*

*Et hæc dedicantur & dicuntur sacro Cardinalium Collegio de quinque Ecclesiæ Gallicanæ Principibus, quorum Epistola non difficile subseri-*

## P R Æ F A T I O.

*scriberent plerique omnes Gallia Episcopi. Ergo Jansenistico fermento & ulcere jam laborant Archiepiscopi Rhemensis & Parisiensis ; & Episcopi Meldensis , Atrebatensis , Ambianensis ? Ergo jam Jansenista est , quisquis Nodi Dissoluti erroribus adversatur ? Ergo jam tandem Ecclesiae & Regnorum principes ex hoc clarissimo argumento agnoscant phantasma Jansenismi quasitum ubique , sed nusquam repertum præterquam in laboranti quorundam phantasia , quæ ad hoc solum id fabricavit , ut defendantur errores & vexetur veritas ejusque amici , uti liquet ex hoc specimine.*

*Non possunt probi omnes , honorisque Romanæ Ecclesiæ studiosi non sperare a Sede Apostolica , sacraque Congregatione tam enormi scandalo medelam opportunam quam primum exhibitum iri , ne hæretici & minus instructi Catholici verissimum putent , quod nuper prædicavit Pseudopropheta Furieu : (a) Freudentibus Jansenistis Ecclesia Romana se declaravit Pelagianam. Et Leydeckerus in sua Jansenismi Historia : Ostensa palam Romanæ Ecclesiæ lethalis corruptio , ac Pelagianismus nutritus & toleratus est in ejus sinu.*

*Cum sacra Congregatio prohibuerit tractatus edere de prædestinatione , & divinis auxiliis , concedit interim veniam , quæ fronti voluminis im-*

\* \* 4

*pressa*

*(a) Malgré les Jansenistes l'Eglise Romaine s'est déclarée Pelagienne.*

## P R Æ F A T I O.

*pressa est, ut edatur Nodus Prædestinationis Dissolutus, docens aperte parvulos sine baptismo morientes non perire, non damnari, non miseros esse, sed Regno Cælorum majus a Deo beneficium accipere: nihil aliud ex sententia S. August. gratiam effectricem esse quam COGNITIONEM CONGRUAM: nullum esse peccatum quod non sit contra conscientiam, & ejusdem farinae plurima.*

*Roma liber imprimitur, proditque Splendens titulo & purpurâ Cælestini S. R. E. Presbyteri Cardinalis Sfondrati; prodit magnificè laudatus per Romanæ & universalis Inquisitionis Qualificatorum & S. Congregationis Indicis Consultorum approbationes, munitus insuper censurâ Magistrî sacri Apostolici Palatii Ordinis Prædicatorum.*

*Clamat altè innumeris linguis Societas per Orbem universum, summo Pontifici Innocentio XII. & Romanæ Ecclesiæ Cardinalibus charum esse Nodum Dissolutum: numquam satis laudatum Opus, continere genuinam Romanæ Ecclesiæ doctrinam: per hanc enim putant sua Molina dogmata tantum non, ut ajunt, canonizata. Itaque ad exemplar editionis Romanæ, alia duplex adornata est, altera Colonia, altera Antverpia. Sic magnis viribus certatur ad augendam præclari Operis æstimationem, propagationemque.*

*Ne verò imaginarias solum laudes commemorare videar, ecce eas, quas Appendix ad Nodum Sfondratianum Sacro Cardinalium Colle-*



## P R Æ F A T I O.

*Collegio offert in Epistola proamiali* : Da mihi, vovebat Salomon, sedium tuarum assistricem sapientiam, ut mecum sit & mecum laboret. Salomonici plusquam factus est compos voti Sfondratus : siquidem in approbatione & editione sui Nodi non tantum coadjutricem habuit Apostolicæ Sedis Sapientiam assistricem Cardinales, sed & ipsam Sanctam Sedem, Innocentium inquam XII. Deinde, sicut supra exhibitum est, gratulatur Bibliopolæ Servatio Noethem : Feliciter edidisti Cœlestini Cardinalis Sfondrati Nodum Prædestinationis, quem Summus Pontifex commendavit Cardinali Albano ; cujus editionem procurarunt Magnus Hetruriæ Dux & Cardinalis Colorado : cùm quo dispensavit propter argumenti genus Cardinalium Congregatio ; quem approbarunt Doctores & Magister Sacri Palatii : Tantorum nominum contemptor Secretarius Remensis (*quinque Galliæ Præsules designat*) Nodum illum accusavit tanquam hæreticum.

*Sic apud S. Cardinalium Collegium Nodus extollitur ; Sic, qui eum denuntiarunt, Galliæ Præsules sugillantur, tamquam maximorum nominum contemptores, velut gerentes in pectore fermentum Jansenisticum, quod tamquam palmaris rota equuleum istum in Sfondrati doctrinam circumagat : velut laborantes ex Jansenisimi ulcere, ad ejus minimum contactum fremunt,*

# P R Æ F A T I O.

& sic in sua denuntiatione loquuntur, ut aliter non loquantur Jansenistæ. Denique tanquam Patriæ & Religionis proditores, qui velint hæreses Calvinianas & Jansenianas magno molimine in Ecclesiæ & Imperii viscera revocare.

Quam porro ex his omnibus, nisi remedium adferat Sedes Apostolica, discipuli praeceptoris Jurieu & Leydeckeri inferent conclusionem, præter hanc falsam quidem, sed uti ipsi putant, plausibilibus nixam argumentis: Freudentibus Jansenistis Ecclesia Romana declaravit se Pelagianam.

Et quamvis paulò minus ferocire videatur Minister Banagius in Historiâ Ecclesiasticâ recentè editâ, quippe qui Ecclesiam solum describit tanquam in Semipelagianismum propensiores; quis interim audire sustineat eundem occasione Nodi Ecclesiæ, Pontifici, Episcopis his verbis insultantem. (b) Moritur Cardinalis Sfondratus.

*Histoire  
de l'E-  
glise*

*l. 27.  
c. 8.*

parturiens librum, ubi, cum se Augustiniane Doctrinæ inhærere profiteatur, in as-

(b) Le Cardinal Sfondrata meurt en enfantant un livre, ou sous prétexte de suivre S. Augustin, il enseigne le Semipelagianisme le plus outré qu'on ait jamais vu. Ce seroit au Pape à y remédier: l'Ouvrage est né dans son sein; il part d'aujourd'hui qu'il a fort honoré. La dignité de Cardinal peut contribuer à l'établissement de l'erreur chez

## P R Æ F A T I O.

afférendo Semipelagianismo insolentius quam ullus hactenus se gessit. Papæ incumberet remedium adferre. In sinu ejus natum est Opus , profectumque a manu, quam singulari in honore habuit : Dignitas Cardinalitia in errore facile plerosque confirmabit, de rebus ex prejudiciis passim Judicantes. Tacetur nihilominus Romæ. Necessum est quinque Episcopos ex ipsa Gallia accusationes suas contra Librum Romam ad Papam mittere , atque condemnationem ejus efflagitare.

*Remedium illud omnes qui & Ecclesiam Romanam & Fidei integritatem, & fidelium salutem amant, tamdiu differri dolent post tam urgentia pericula, quæ festinum remedium exigunt: post tam solemnem denuntiationem factam mense Februario Anni 1697. per quinque, ex primariis Gallicana Ecclesie, Antistites, significantes insuper: Plures Episcopi subscripserunt, nisi pauci sufficerent, ut ne ambitiosius quam modestius agere videremur. Post Sedis Apostolica*

\* \* 6

chez la plus part de hommes, qui jugent de choses par les prejugez: Cependant on se tait a Rome; il faut que cinq Evêques envoient de France leurs requêtes contre ce livre au Pape, & que de si loin ils en demandent la condamnation.

## P R Æ F A T I O.

*lica responsum ad Episcopos Gallia: Officii itaque nostri esse duximus, Librum ipsum, resque in eo a Vobis adnotatas, insignium Theologorum discussioni committere, ut omnibus maturæ considerationis trutinâ perpensis, quod justum fuerit subinde decernere valeamus. Nec porro dubitare nobis licet, quin idem Spiritus Sanctus, qui aliarum sæpe apud Sedem Apostolicam causarum acceleratorem urisit, etiam urgeat Nodi Dissoluti decisionem.*

*Profecto nisi latius grassanti malo diu desideratum remedium apponatur, prorsus expectandum est fore ut densum agmen, quod contra Nodi Dissoluti oppugnatores se producturum promisit Generalis quidam Præpositus, pergat sicut incepit in Appendice ad Nodum Sfondratianum, patrociniū Nodi Dissoluti adscribere summo Pontifici Innocentio XII. & Romanæ Ecclesiæ Cardinalibus, cum ingenti sanæ Doctrinæ & Sedis Apostolicæ injuria, magnoque tam Catholicorum quam Hæreticorum scandalo.*

*Timendum quoque, ne agmen illud, quod nihil sibi perire sinit, contendat Nodum Dissolutum saltem negativè a S. Sede esse approbatum, si nihil contra eum decidat; postquam eundem Theologorum discussioni commisit ut omnibus maturæ considerationis trutinâ perpensis, quod justum fuerit subinde decerneretur.*

*Huic*



## PRÆFATIO.

*Huic ergo tam sanctæ summi Pontificis intentioni me servitutum existimavi, si sequentia variorum scripta, quæ ad imperatam Nodi Dissoluti discussionem opportunè conducunt, publica facerem; ad quod insuper stimulavit iusta defensio Præsulum Gallicanorum, qui a Nodi Dissoluti mangonibus convitia Jansenismi, multasque injurias pro denuntiatione sua patiuntur, pro qua a Summo Pontifice laudes & gratias, quas apud omnes merentur, acceperunt.*

*Itaque primum Scriptum hujus Collectionis est Præsulum quinque Gallicanorum ad Innocentium P. P. XII. Epistola.*

*II. Archiepiscopi Remensis de Nodo sententia.*

*III. Propositiones Quadraginta è Nodo excerptæ.*

*IV. Animadversiones in locos in Nodo citatos.*

*V. Responsio pro S. Augustino ad Nodum Dissolutum.*

*VI. Observationes in excerpta Nodi Dissoluti.*

*VII. Excerptum ex Historia Congregationum de Auxiliis recens edita, adversus quatuor nova Enodatoris Paradoxa de Naturali Beatitudine Parvulorum sine Baptismo decedentium. Sive Caput XVII. Libri IV. hujus Historia, Præclarissimi illius Operis, quod Deus excitavit tum ad bene*

## P R Æ F A T I O.

benè refarciendum malè illata sua gratia damna,  
zum ad confundendam linguam eorum, qui suo  
latere & bitumine turrim moliebantur, cujus  
culmen Caelos invaderet.

Circa scriptum sextum cui titulus, Observatio-  
nes in excerpta Sc. hoc pramonendum duxi, con-  
tinere illud placita quadam, quæ cum Augu-  
stini & verioris Doctrina principiis judicantur a  
viris eruditis non satis conciliari posse, qualia  
sunt.

1. Gratiam habitualem jus tribuere ad gratiam  
actualem, neque hanc posse justis justè denegari,  
sicut nec gratiam orandi.
2. Prædestinarios agnoscit hæreticos.
3. Grantias exteriores interioresque communes omni-  
bus commendat, commendarique vult.
4. Gratiam Angelorum & Adami ante lapsum  
majorem censet eâ, quæ nunc lapsis datur.
5. Significat definitum esse a Tridentino, illud  
Deus non deserit Sc. intelligendum esse de gratia  
actuali.
6. Censet errorem esse damnabilem, justificados de-  
seri a Deo ex merito peccati originalis.

Alia forte nonnulla in Scripto illo reprehendi  
possent; verum sicut mihi animus non est ea præ-  
stare, sic nec libet refellere; quod non ægrè  
mihi ignoscent Nodi Dissoluti Tutores, cum ipsi  
etiam ex plerisque notatis scopulis laborent, &  
nobis solùm propositum sit scripta, quæ in ma-  
nus nostras inciderunt, fideliter edere, quantum

Gra-

## PRÆFATIO.

*huncumque servire possint sive discussioni Nodi  
a Pontifice maximo imperata; sive demonst-  
randa æquitati denuntiationis Gallicanorum Pra-  
sulum; sive tollendo scandalo ac detrimento quod  
a Nodo patiuntur Fides, Ecclesia, Salus ani-  
marum. Igitur exequimur propositum.*



CEN-

## C E N S U R A.

**L**iber hic, cui Titulus, *Augustiniana Ecclesia Romana Doctrina* clarè ostendit, quam misera sint humanæ rationis, cui nec Scriptura, neque Traditio præluceat, ratiocinia; præsertim in materia Prædestinationis & gratiæ, in qua toties exclamat Doctor Gratiæ S. Augustinus: *O altitudo divitiarum sapientiæ & scientiæ Dei!* Meritò igitur lucem videbit & cum attentione legetur; & si qui fortè ex lectione Libri, quem impugnat, in vera Doctrina, quam de Prædestinatione & gratia, duce Augustino sequitur Ecclesia, titubare caperint, erigantur & confirmantur, ac nemo impostero doctrinis novis, variis ac peregrinis facilè abducatur.

Actum Antverpiæ hæc  
11. Martii 1700.

ARN. EYBEN Cath.  
Antv. Can. Theol.  
Librorum Censor.



# CAUSA DIVINÆ GRATIÆ

Sive  
COLLECTIO SCRIPTORUM &c.

---

I.

## EPISTOLA

ILLUSTRISS. ET REVERENDISS.

ECCLESIAE PRINCIPUM

C. MAUR. LE TELLIER Arch. Duc. Remens.,  
LUD. ANT. DE NOAILLES Archiep. Parisiensis,  
JAC. BENIGNI BOSSUET Episcopi Meldensis,  
GUIDONIS DE SEVE Episcopi Attrebatensis,  
& HEN. FEYDEAU DE BROU Ep. Ambianensis,

AD SANCTISSIMUM

D. D. INNOCENTII PP. XII.

Contra librum cui titulus: *Nodus prædestina-  
tionis dissolutus, auctore Cælestino S. R. E.*

*Presbytero Cardinali SFONDRATO, typis  
mandatum Romæ anno M. DC. XCVI.*

BEATISSIME PATER,

**E**PISCOPORUM est sine personarum ac-  
ceptione detegere errores, qui quo altiore

## 2 PRÆSULUM V. GALLICAN.

loco se attollunt, eo graviore ictu conterendi. Itaque ad Apostolatum vestrum deferre cogimur propositiones istas: primam, *quantum ex parte Dei est, omnes dilecti: omnes ad vitam æternam, aut aliquid quod vitâ æternâ melius sit, (ut de infantibus baptismo non tinctis postea dicemus: ) destinati.* Hæc scripta reperimus in libro, cui titulus: *Nodus prædestinationis dissolutus.* Neque enim metuimus, B. P. ne, quia eminentissimum Cœlestinum Sfondratum, tot egregiis dotibus commendatum, ut serviret Ecclesiæ, ad tantam dignitatem provexit, idcirco illius quoque ignoscatis erratis quæ ad Ecclesiæ fidem labefactandam pertinerent: imò verò scimus, Vestram Sanctitatem, ut veritati & Ecclesiæ serviat, nullius nomini parcituram, ac nos magis peccaturos, si necessaria taceamus.

Sanè faveamus licet optimi viri memoriæ, ingenio & elegantiae, tamen obstupuimus ad inauditas voces. Sed cum Auctor ad alios nos remittat locos, ubi de infantibus sermo sit, ad eam tandem partem legendo devenimus, in quâ hæc sunt posita: *parvulos quod attinet, qui sine baptismo decedunt, cælesti quidem regno, quasi paternæ culpæ reos, nec expiatis exclusit. Non exclusit tamen naturalibus bonis: beatitudine scilicet naturali: quod primum annotamus: & à peccato præservavit; æternoque supplicio, quo si adolescerent, puniendi essent: cum sola, inquit, præ-*

P. 1. §.

1. n. 2.

p. 14.

Ibib. n.

13. p.

48.

*praeservatio à peccato, quam semper supponit in parvulis, originali licet vero magnoque peccato inquinatis, pluris valeat, majorisque pretii sit, quàm regnum ipsum cœleste: quasi major res sit, tantum carere malis, quàm æternâ vitâ Deoque ipso perfrui: quæ tam absurda, tam vana sunt, ut christianæ aures ferre non possint.*

Quo magis legendo processimus, B. P. eo pejora occurrebant: qualia profectò hæc sunt: *In hac parvulorum causâ considerandum est, licet Ibid. x. Deus ad cœlestem gloriam eos non admiserit, alio 23. p. tamen multoque majori beneficio affecisse, quod illi 120. ipsi longè cœlo prætulissent; & nos quoque, si electio daretur, multò majoris pretii quàm cælum duceremus. Et paulo post: quid ergo conqueri de Deo possunt; aut quid illis mali fecit, si non quidem cœlo, at alio beneficio donavit, quod multò præstantius cœlo est, quodque & ipsi & omnes sapientes cœlo præferrent? Unde concludit: Ergo nulla dolendi, nulla conquerendi, sed magis gaudendi, gratesque agendi, causa est; ut profectò parentibus christianis parvulos suos amittentibus sine baptismi gratiâ, non luctus, ut sit, sed gratulatio indicenda sit: ipsi verò parvuli, tanti licet sacramenti exsortes, lætis magis vocibus quàm lacrymis prosequendi videantur.*

Hæc quidem sufficerent ad condemnationem tam inauditæ novitatis; sin autem responderi volunt auctoris ratioociniis ex parvulorum

#### 4 PRÆSULUM V. GALLICAN.

innocentiâ , ut vocat , personali repetitis , de his quidem mox viderimus , si V. S. permiserit : rogamus interim , te teste , te iudice , B. P. ecquid in fidei quæstionibus ratiocinia sine Scripturis ac traditione valeant ? cùm Prophe-  
*Is. viij.* ta clamet , *Ad legem magis & ad testimonium ,*  
*20.* ad Traditionem , ad Patres : ne , si , tu Theologe quisquis es , aliquid evangelicæ prædicationi addideris , quâcumque dignitate fulgens , quocumque hominum præsidio fretus , sis licet Apostolus , sis licet Angelus , ab altâ Petri sede tamquam è cœlo feriaris , ac sermones tui anathema fiant.

Et tamen illa subtilium argumentorum inventa videamus , ipsumque erroris recludamus fontem. Nempe , inquit , actualibus cùm  
*Ibid.* venialibus tum etiam mortalibus peccatis subduci , regno est potius : atque ut verbis clarioribus auctoris utamur , *innocentiæ personalis donum & immunitatis a peccato tantum est , ut ipsi parvuli millies cœlo carere malint , quàm vel uno peccato involvi , nullusque Christianorum est , cujus non idem votum esse debeat : quod est vanissimum.* Neque enim si vetuit Apostolus , *ne faciamus mala , ut veniant bona ;* idèd prohibere possumus Deum , quominus ex permissis peccatis pro suâ excellentissimâ potestate majora bona eliciat , quàm ea quæ ante peccata futura erant : neque propterea peccatis delectamur : absit ;

*Ibid. v.* sed eidem Apostolo dicenti credimus , *ubi abundavit*  
*20.*



*davit delictum, superabundasse & gratiam.* Nempe ex peccatis meminimus, tantam gratiæ accessionem factam, ut etiam eorum occasione Christum habeamus. Nec si Petrus è lapsu evasit humilior ac deinde fortior atque felicior; idè liceat nobis peccatum, innocentiae; sed uberiorem post peccatum gratiam minori anteferre, Deique omnia mala ventis in bonum exsuperantissimam prædicare bonitatem.

De his ergo argutiis, beatissime Pater, salvâ reverentiâ Vestræ Apostolicæ Sanctitatis, id meritò dixerimus: *Telas araneæ texuerunt: Isa. lix* quibus imbecilles animæ caperentur. Neque enim quòd peccatum toto animo horreamus, idè invidere debemus aut Deo liberalitatem suam, aut nobis felicitatem nostram: nec prohibere quis possit, quominus cum Ecclesiâ concinamus lætum illud ac faustum: felix culpa! &, ô verè necessarium Adæ peccatum!

Hæc vera, hæc pia sunt, non ex recentibus novæ pietatis ducta commentis, sed ex veris fontibus christiani apostolicique spiritus. Quod autem tories parvulis *immunitas a peccato*, ipsaque adèd innocentia tribuatur, intolerabile credimus: vanaque erroris excusatio est, quòd illa *innocentia* novo atque ambiguo nomine *personalis* vocatur. Neque enim parvulorum persona innocens est, *ad quam peccatum*

*Nod. diff. §. 1. n. 13. & 23. p. 48. & 120.*

*Conc.* ipsum quod est mors animæ transit, ut est in  
*Araus.* Arausicano II. ac postea in Tridentino Con-  
*II Cap.* cilio definitum: non, inquam, persona inno-  
*2. Conc.* cens est, eo quòd careat peccatis propriâ vo-  
*Trid.* luntate contractis: imò verò peccatrix, quæ  
*Sess. V.* sub irâ Dei atque in potestate tenebrarum nas-  
*Can. 2.* citur: quæ exorcismis exsufflatur: quæ aquâ  
mundatur: valetque omninò illud quod à  
S. Augustino Synodus Tridentina depromsit;  
*Sess. 7.* originale peccatum non utique nobis esse ex-  
*Can. 3.* traneum: imò ut *origine unum, ita propagatione*  
*unicuique esse proprium*: nec nisi inhærente &  
propriâ sanctitate purgandum.

Ejicite ergo, Beatissime Pater, ex Ecclesiâ  
Dei, cui pari integritate ac potestate præside-  
tis, degeneres mollesque sententias, quæ pie-  
tatis specie vim ipsam pietatis infringunt. Ne-  
que enim dissolvit, sed implicat nodos, qui  
humanis affectibus exilibusque argutiis magis,  
quàm ecclesiæ traditione ducitur. Nec semel  
dixisse contentus eundem errorem semper in-  
*Ibid. §.* culcat magnificentioribus verbis: cum dona  
*2. n. 16.* collata parvulis sine Christi sacramento dece-  
*p. 164.* dentibus, *ad Christi merita ac redemptionem perti-*  
*nere* asserit: ut hinc quoque vel maximè re-  
dempti parvuli censeantur, quòd sacramenti  
redemptionis expertes nullâ in Redemptoris re-  
gno & corpore parte sint: quo quid absurdius  
& in Redemptorem ipsum contumeliosius dici  
possit, nos quidem non videmus.

Quo

Quo loco idem auctor hoc etiam addit : *non* §. 1. n.  
*damnari* parvulos : quippe qui propter alienum 23. p.  
*nec personale peccatum damnari non possint* : 118.  
*at quis hæc docuit ?* Non certè Concilium §. 2. n.  
*Lugdunense II. sub Gregorio X. non Floren-* 16. p.  
*tinum sub Eugenio IV. quorum hæc fides est,* 164.  
*hæc definitio : illorum animas, qui in actuali mor-* t. xi.  
*tali peccato, vel cum solo originali decedunt, mox in* concil.  
*infernum descendere, pœnis tamen disparibus pu-* Labb.  
*niendas.* En quo : cu quibuscum descendant : part. 1.  
*qui naturâ filii iræ, exosi & invisi, cum cæteris* p. 966.  
*damnatis ad infernum detruduntur : quos ta-* Decret.  
*men auctor noster non damnari docet, quasi* union.  
*aliud sit damnari, quàm ad infernum descen-* t. XIII.  
*dere : insuper si Deo placet, patriæ exilium, fa-* p. 515.  
*vori & gratiæ iram, denique ipsi cælo infernum*  
*anteponit : usque aded summis ima permiscet.*

Quod verò damnari negat, qui a pœnâ sen-  
 sūs, hoc est ab ignis æterni cruciatu, passim  
 immunes habeantur : quid ad nos, qui eâ de re  
 non contendimus ? Consulant qui voluerint I. 2.  
 doctissimum Dionysium Petavium : consulant Theol.  
 imprimis eminentissimum Henricum Nori- dogm.  
 sium, à V. S. insignis doctrinæ merito, chri- lib. 9.  
 stiano orbe applaudente, ad summaquæque n. 5.  
 provectum : nos quidem hæc prætermittimus, Vind.  
 ac theologis disputanda relinquimus. Quàm Au-  
 autem sit immanis error, ab inferno ac dam- gust.  
 natione absolvere parvulos sine Christi sacra- cap. 3.  
 mento defunctos, Cardinalis Bellarmini ver- §. 5. à.  
 pag. 50.  
 bis ad. 84.

3. lib. bis malumus quàm nostris dicere: qui quidem  
 vi. cap. ex prædictis aliisque decretis, hanc sententiam  
 2. ab Ambrosio licet Catharino aliisque defen-  
 sam, non modò *falsam*, sed etiam *hæreticam*  
*existimandam esse* concludit: & contrà, FIDE  
 CATHOLICA tenendum, *parvulos sine bap-*  
*tismo decedentes absolute esse DAMNATOS: nec*  
 Ibid. *solâ cœlesti, sed etiam NATURALI beatitu-*  
 cap. 2. *dine perpetuò carituros, qui nempe sunt eruntque*  
*semper averse habitualiter a Deo: deguntque ac*  
*semper degent in carcere inferno: ex Concilii*  
*Lugdunensis Oecumenici decretis, in Con-*  
*cilio Florentino repetitis: Ecclesiâ orientali*  
*unà cum Romanâ & occidentali in unam fi-*  
*dem concinente. Ex his igitur aliisve decretis,*  
*teste Bellarmino, illi parvuli sub potestate diaboli*  
*in carcere inferno degunt, loco, inquit, horrido ac*  
*tenebricoso: quod quid est aliud, quàm projici*  
*cum damnatis in horrendas illas exteriores te-*  
*nebras, & ibidem esse sub potestate tenebra-*  
*rum, quarum id regnum est?*

De affectibus verò illis, quos pios vocant,  
 juvat eundem Bellarminum audire hæc sanctè  
 Ibid. & graviter differentem: Nihil prodesse parvulis  
 init. *jam defunctis misericordiam nostram, & contrà*  
 cap. *nihil eisdem obesse nostræ sententiæ severitatem:*  
*multum autem nobis obesse, si ob inutilem miseri-*  
*cordiam erga defunctos, pertinaciter aliquid contra*  
*Scripturas aut Ecclesiâ defendamus: idcirco non*  
*affectum quendam humanum, quo plerique moveri*  
*solent,*



*solent, sed Scripturæ, Conciliorum, & Patrum  
sententiam consulere, & sequi debemus.*

Atque abfuisse quidem à celeberrimo Sfondrato Cardinali hanc pertinaciam facile confidimus: cæterum tacere non possumus id, quod de sancto Augustino scribit: *Nunquam, Ibid. §. scilicet, Augustinum hoc modo philosophatum 2. n. 16. esse, sed in causâ parvulorum non nisi ad occulta p. 164.* Dei judicia provocasse. Hæc ille de S. Augustino, quem in ipso libri titulo suæ solutionis auctorem prædicabat. Et tamen postea ejusdem doctrinæ diffusor, ac plus tanto doctore, absit verbo injuria, sibi sapere visus, hæc subdit: *Nec id ad Augustini institutum pertinebat, nec voluit ipse aliis adimere libertatem ea omnia dicendi, quæ deinceps opportuna viderentur: præsertim, inquit, adversus Calvinum atque Jansenium:* quo sanè prætextu ad nova & inaudita quæque profiliunt. An enim si novi auctores confutandi veniunt, ideò nova quoque dogmata invehi necesse est in Ecclesiam? nempe hæc, quòd parvuli tam luctuoso puniantur exilio, non ad illa tremenda judicia, sed ad Dei gratiam potiore referri oportere? quæ profectò si ad nodum reprobationis parvulorum dissolvendum pertinerent, quo in loco explicando Augustinus totus est, non ab ejus instituto abhorrerent. Sed ille huic nodo non aliam solutionem affert, quàm illud Apostoli: *Rom. Tu quis es?* & illud, in causâ parvulorum toties ix. 20.

repetitum: *an non habet potestatem figulus luti, ex eâdem massâ originis vititâtæ atque damnatæ, facere aliud quidem vas in honorem, aliud verò in contumeliam?* Neque quidquam aliud in parvulorum, ac in totâ prædestinationis causâ,

*Lib. de B. Augustinus aut quæsit, aut promisit: imò  
sp. & aliud quærentibus id apertè significat, cu non  
lit. cap. ista sufficiant, ut quærat doctiores sed caveat  
33. ne inveniât præsumtores.*

*Nod. Neque minus alienum est à beati doctõris  
diff. p. sensu, quod illud Sapientiæ: raptus est, nema-  
1. §. 1. litia mutaret intellectum ejus: transfertur ad par-  
n. 23. vulos. Illud enim de justis, ne à suâ justitiâ  
p. 120. recederent, esse prolatum; & locus ipse cla-  
Sap. iv. mat, & B. Augustinus aliique orthodoxi om-  
11: nes uno ore consentiunt. Ad gratiam autem  
Lib. de pertinere, quòd sine baptismo rapiantur in-  
præ. fautes in infernum carcerem devolvendi, tan-  
SS. cap. quam eis subtracto baptismo potior obventura  
14. sit felicitas & gratia; non ipse Catharinus, non  
ipsi Pelagiani ausi sunt asserere: qui, cùm iisdem*

*Nod. parvulis aut vitam æternam aut naturalem  
dissol. assignent beatitudinem, non tamen eam qua-  
1. p. §. lem cumque, aut vitam æternam aut felicitatem  
1. n. 23. regno præferendam putant.*

*p. 118. Causa autem errandi hæc fuit, quòd tantum  
Aug. nodi dissolutor nequidem naturam ac vim  
lib. III. peccati originalis agnovit, atque etiam ex S.  
de lib. Augustino probare nititur, parvulis in præ-  
arb. cap. sente vitâ cruciatis esse aliquid bonæ compensa-  
23. n. tionis.  
68.*

tionis, quod in æternâ vitâ reseruet Deus, quoniam quanquam nihil boni fecerint, tamen nec peccaverint aliquid. Quam quidem sententiam idem Cardinalis à B. Augustino in Epistolâ ad Hieronymum retractatam fatetur, *Non tamen ut errantem & falsam, sed tantum ut minus firmam validamque.* Hæc quidem Sfondratus Cardinalis asseruit: nec legere voluit in eâdem Epistolâ, nullam iisdem parvulis compensationem cogitandam, quibus insuper damnatio præedit. parata est: eamque esse robustissimam ac fundatissimam Ecclesiæ fidem. De fide ergo est illa damnatio parvulorum, quam illi compensationi Augustinus opponit: de fide inquam, est illa damnatio, quæ licet, Augustino teste, omnium mitissima, non tamen proinde sanctitati ac æternæ felicitati anteferenda sit: neque ullum præsidium in illâ est Epistolâ ad Hieronymum, quam auctor dissoluti nodi tantâ confidentiâ proferebat.

Nod.

dissol.

ibid. p.

118.

Aug.

Ep. 6.

lim 28.

in novâ.

166.

cap. 7.

n. 18.

&amp; seq.

ibid.

cap. 7.

n. 20.

Idem alibi scripsit: fatendum, quia nunquam parvulis ante baptismum sublati Deus vitam æternam voluit, istos ad alium finem classenque providentiæ pertinere: quo loco perspicuum est, eundem auctorem totius humani generis primæ institutionis oblitum. Quis enim christianus negat, universam Adæ sobolem in eo ad æternam vitam fuisse ordinatam? Non ergo parvuli ad alium finem aut ad aliam classen providentiæ revocandi sunt: sed planè ad com-

Nodi.

diss. 1.

part. 5.

I. n. 13.

p. 48.

munem creaturæ rationalis ordinem redigendi: ut nec sine sacramento Redemptoris, vitam æternam ad quam instituti erant recuperare possint, nec ejus jacturâ sine certâ & justâ damnatione mulctari.

Hæc quidem sunt, quæ attinent ad parvulorum statum: pluribus superfedemus, quibus quippe animus est ea promere, quæ magis ad exponendum, quàm ad refellendum errorem necessaria videantur. Nunc ad alterum caput pergimus; nec veremur, ne parenti optimo atque sanctissimo tædio simus, cui res maximas ejus apostolico judicio decidendas, summâ cum animi demissione subjicimus.

*Nodi* Altera ergo propositio sic habet: *ut demus:*  
*diff. p.* (Brasilienses aliosque) *ita ignorasse* (Deum, hoc  
*i. §. 2.* est. invincibiliter) *id quoque magna beneficii &*  
*n. xi. p.* *gratia pars est.* Quæ quidem, Beatissime Pater;  
*152.* liceat enim nobis in optimi parentis sinum intimos animi nostri sensus deponere: non sine maximo dolore referimus. Sed sunt quæ magis doleant, nempe sequentia, quibus ista muniantur: *Cum enim, inquit, peccatum sit essentialiter offensio & injuria Dei; sublatâ Dei cognitione necessario sequitur, nec injuriam, nec peccatum, nec æternam pœnam esse:* reddique *impeccabiles*, atque ab æternâ pœnâ prorsus impunes, etiam parricidas, hospitum necatores, ac ortenta libidinum consecretantes; quos Deus tantâ gratiâ, hoc est cecitate mentis, summâ-  
 que



que sui ignoratione donaverit. Quod quid est aliud, quàm peccatum ipsum philosophicum ab Alexandro VIII. felicitis recordationis antecessore vestro tantâ perspicuitate damnatum? hæc nempe ad Sinenfes solatia deferebant, quibus execratæ gentis, ac de parentum suorum sapientiâ immensum gloriantis, superbiam demulcerent. Horum ergo gratiâ querebatur: *An infideles præcepta naturalia transgre-*

*dientes pœnas æternas mereantur: & negabant aliqui, quia ignorantia Dei & legislatoris à tam gravi pœnâ excusantur.* Sic enim blandiebantur Sinenfibus: at sacræ congregationis auctoritate Consultores rescribebant; procul dubiò damnari eos, idque pœnis æternis, de quibus questio instituta erat, nec illam turpissimam ignorationis Dei excusationem admittebant.

Con-  
sult. &  
resp.  
anni  
1674.  
q. 24.  
in lib.  
Fr. Do-  
minici  
Ferdinandi  
Nauarrete  
Dominicani:  
tract.  
7. pag.  
503.

Alexander verò VIII. recentissimo edicto die 24. Augusti, anno 1690. decernebat hoc temerarium, piarum aurium offensivum atque erroneum, si dicatur, peccatum philosophicum quantumvis grave, in eo qui Deum vel ignorat, vel de Deo actu non cogitat, esse grave peccatum, sed non esse offensam Dei, neque peccatum mortale dissolvens amicitiam Dei, neque æternâ pœnâ dignum. Quo decreto nihil sublevati sumus, si ab ipsâ urbe, à tantæ dignitatis viro, portentosa doctrina non tantum ad Sinenfes, sed etiam ad omnes reipublicæ christianæ provincias diffundatur. Sic enim duo invalescerent; primum,

ut essent omninò impeccabiles, qui summè & invictè, si quidem id fieri posset, ignorarent Deum: alterum, ut ea ignorantia ad gratiam, non autem ad peccati gravissimam pœnam pertineret. Quæ duo ab errore defendi non possunt. Neque enim fieri potest, ut innocens Deo sit, qui extinctâ licet cognitione Dei, rectæ rationis & conscientiæ lucem à Deo exorientem spernit. Neque item fieri potest, ut non sit contumeliosus in Deum, qui rectæ rationi, cujus Deus auctor & vindex est, infert injuriam. De pœnarum verò per hanc ignorantiam sublatâ æternitate quod sentiunt, non advertunt, pœnarum æternitas

*Lib. 34.* à quâ radice profluat. Nempe, ut ait S. Gre-  
*Moral.* gorius magnus antecessor vester: vellent mali  
*cap. 16.* sine fine vivere, ut possent sine fine peccare: quippe qui felicitatem ac finem ultimum in pravâ delectatione defigunt. Neque vero quisquam est, qui non æternum esse velit id, quo se beatum putat. Inest ergo cuicunque mortali peccato quædam concupiscentiæ æternitas, atque ut ita dicam immensitas, cui profectò Deum totâ suâ infinitate atque æternitate ac sanctitate adversari necesse sit. Ergo mortale quodcunque peccatum, contra legem etiam naturalem, habet aliquid quod æternam iram provòcet: unde quocunque peccato rectam rationem leseris, exurgit ille ultricis conscientiæ stimulus; ille *vermis* inter-

rior.

rior, qui teste Christo *non moritur* : cujus adeò *Marc.*  
 immortale virus, morsus indefessus : quod *ix. 43.*  
 supplicii genus qui extinguendum putat, evan- *§ seqq.*  
 gelio contradicit. Vermem autem illum pro-  
 fectò comitatur sempiternus ignis, à quo si  
 impios illos eximeris, erit non modò parvu-  
 lis, verùm etiam adultis Deum nescientibus,  
 à sempiterno igne seclusus assignandus locus :  
 nec in sinistra erunt perditì ac scelerati, qui  
 Deum nesciunt, ejusque ignoratione mulcta-  
 ti, nec à præteritis peccatis expedire se possunt,  
 & in nova proruunt. Non ergo impeccabi-  
 les, qui legem naturalem quam sciunt non  
 impunè contemnunt : nec, si vel maximè sint  
 impeccabiles, id beneficii loco consequentur.  
 Et si enim gratia est, peccare non posse in bonâ  
 voluntate firmatos : non proinde gratia, sed  
 peccati esset pœna gravissima, peccare non  
 posse eo quòd ignorarent Deum; quo nihil  
 est miserius & æternæ damnationi propius.

Has autem supplicamus, beatissime Pater,  
 ut perpendatis voces : *Ergo cum hac ignorantia*  
*impeccabiles redderentur, alioquin certissimè pec-* *Nod.*  
*caturi si agnoscerent, sequitur hoc ipsum beneficium* *diff.*  
*esse, juxta illud Apostoli : melius enim erat illis* *ibid. p.*  
*non agnoscere viam justitiæ, quàm post agni-* *152.*  
*tionem retrorsum converti ab eo, quod illis*  
 traditum est, sancto mandato, 2 Pet. 2. hoc  
 nempe supererat ad erroris cumulum, ut quia  
 lege Dei & gratiâ perversi & ingrati abutimur,  
 sub-

subtractio legis & gratiæ, non pœnæ, quod semper Ecclesiæ visum est, sed gratiæ & beneficio imputetur.

Quæ mala inde proveniunt, Beatissime Pater, quòd Scripturas divinas velut versatiles ad arbitrium flectant; quòd cæcis affectibus & inanibus ratiunculis delectati, Patribus non auscultent, malintque comminisci falsa, quàm tantis viris docendos se tradere. Quæ nisi claro, certoque judicio ab ecclesia Dei propulsetis, omnia collabascant: Romam, quod Deus avertat, suis favere, non modò adversarii, verùm etiam pii saltem infirmi conclament: ac lascivia ingeniorum magis incitata, quàm compressa esse videatur.

Sed hoc à vestris temporibus procul abesse, & vestri pontificatus claritudo, & ab ore vestro per totam ecclesiam pervulgatæ voces docent. Itaque supplicamus, ut post illas præcipuas propositiones, hanc quoque Sanctitas

*Not.* Vestra dispiciat: *post promulgatum evangelium, diss. §. an fides explicita in Christum omninò necessaria sit,*

*2. p. disputant theologi: si tamen admittamus necessariam esse, dicendum est, &c.* Quæ à christia-

*169. n.* norum scholis longè abigenda sunt, ne sub dubio relinquatur, an sine Christi nomine credito & invocato salvus esse quis possit; dicente

*Joan.* Domino: *qui credit in illum non judicatur, me-*  
*iii. 18.* *dio justificationis invento; qui autem non cre-*  
*dit, jam judicatus est: relictus ipse sibi, nulla-*  
*que*



que novo iudicio, propriâ & præcedente iniquitate merfus.

Postremò, Pater Sanctissime, quod ad universi libri pertineat scopum, illud vel maximè Apostolicæ Sedi, quam beatus illustras, insinuandum putamus, ne Vestra sinat Sanctitas definitionem prædestinationis infringi eam, quam vester Augustinus tradidit, ut nempe sit *præscientia & præparatio beneficiorum Dei, quibus certissimè liberantur quicumque liberantur*: hanc enim *definitionem prædestinationis* omnibus gentibus prædicandam, idem Augustinus iterum iterumque commendat: *hac prædestinatione beneficiorum Dei* fieri confitetur, ut omnes prædestinati singulari & gratuitâ dilectione serventur, qui fons christianæ humilitatis ac pietatis est: hujus prædestinationis veritatem *semper fuisse in ecclesiæ fide*, ac de eâ neminem unquam nisi errando disputare potuisse, & idem Augustinus affirmat, & sanctis Pontificibus Cœlestino & Hormisdâ pronuntiantibus, Ecclesia Romana suscepit: & nostro quoque sæculo Cardinalis Bellarminus, non *ad opinionem, sed ad ecclesiæ catholicæ fidem* pertinere asserit. Quam tamen catholicam veritatem nodi dissolutor tacet, atque hujus prædestinationis definitionem immutat: supponit aliam S. Augustino ignotam, quæ vim singularis atque gratuitæ dilectionis ac beneficiorum præparationis obscuret. Quanquam enim

*Lib. de don. persev. cap. 14. 17. 20. 21. 23.*

*Ibid. 8.*

*Degr. & lib. arb. lib. 2. cap. 11. 1. 3. p. 460. &c. 1. p. 8. 1. n. 13. p. 48.*

enim eam non semel agnoscit, sic tamen rem involvit dictis, ut nihil magis vereri videatur, quàm ne electos majori quàm reprobos beneficio affectos esse constet: quod nec Molinae sectatores inficiati sunt. Sic Ecclesiæ Romanæ de singulari & gratuitâ dilectione electorum, aut omninò quatitur, aut saltem vacillat fides: quæ si auctoris verbis affirmare nitimur, huc nempe totus liber transferendus fuit.

*Ibid.*

67.

106.

107.

108.

109.

*Ec.*

Neque plura memoramus, cùm ea à vobis perpenſa & annotata, vestra egregia ad vicinos Belgas decreta demonſtrent: nobis certè ſufficit, ad veſtrum Apoſtolatum detuliſſe ea quæ veritatem læderent, ac Patrum laudare ſententias, quas majore gratiâ de Petri Cathedrâ prædicatis.

Plures Epifcopi ſubſcripiſſent niſi pauci ſufficerent, ut ne ambitioſiùs quàm modeſtiùs agere videremur. Cæterùm meminimus à S. Innocentio I. non modo ſynodicas, ſed etiam quinque Epifcoporum literas, paterno animo eſſe ſuſceptas; atque ab Innocentio XII. paria expectari oportere, tanti Pontificis æquitas ac paterna benignitas facilè perſuadet. Subſcripiſimus,

*Epist.*

26. i.

11.

*Concil.*

p. 1290

**B**EATISSIME PATER,

SANCTITATIS VESTRÆ

Ob-

Obsequentissimi ac devotissimi servi ac filii,

✠ CAROLUS MAURITIUS Arch. Dux Remensis.

✠ LUDOVICUS ANT. Arch. Parisiensis.

✠ J. BENIGNUS Episc. Meldensis.

✠ GUIDO Episc. Attrebatensis.

✠ HENRICUS Episc. Ambianensis.

Parisiis, vij. Kalendae

Martii, an. 1697.

*Et haec erat inscriptio :* Sanctissimo Domino  
Domino nostro INNOCENTIO Papæ XII.

INNO.

## INNOCENTIUS PAPA XII.

VENERABILES FRATRES, Salutem & Apostolicam Benedictionem. Literas vestras vij. Kalend. Martii proximè præteriti ad nos datas, grato animo accepimus. Ex iis enim vigilem ac sacerdotalem zelum, quo sacros Antistites in partem sollicitudinis nostræ vocatos flagrare maximè decet, in vobis vigere, vosque priscam erga hanc sanctam Sedem, cui nos, licet immeriti, præsidemus, debiti obsequii gloriam constanter retinere deprehendimus: dum antiquæ traditionis exempla servantes ecclesiasticæ memores disciplinæ, ad locum quem elegit Dominus ascendistis, ac ea quæ in libro posthumo bo. mem. Cœlestini S. R. E. Cardinalis Sfondrati de divinâ prædestinatione nuper edito, reprehensione digna vobis visâ sunt, ad nostrum Apostolaturn, eo fermè tempore quo variæ doctorum hominum de eodem libro sententiæ etiam per urbem ferebantur, detulistis, nostrum hac in re iudicium eâ quâ par est reverentiâ deponentes. Officii itaque nostri esse duximus, librum ipsum, resque à vobis in eo adnotatas, insignium theologorum discussioni committere, ut omnibus maturæ considerationis trutinâ perpensis, quod iustum fuerit, subinde decernere valeamus; non aliâ profectò, quam



quàm crediti nobis divinitùs ministerii partes,  
 sicut oportet, implendi, habitâ ratione; quod  
 ut etiam in aliis omnibus, quæ ad onerosam  
 Apostolici muneris nostri curam pertinent,  
 salubriter exequi possimus, jugibus Fraterni-  
 tatum vestrarum apud Patrem luminum pre-  
 cationibus, infirmitatem nostram juvari ve-  
 hementer optamus, vobisque Apostolicam  
 Benedictionem peramanter impertimur. Da-  
 tum Romæ apud sanctam Mariam majorem,  
 sub annulo piscatoris, die 6. Maii, Ponti-  
 catus nostri anno sexto.

*Signatum* : MARIUS SPINULA.

*Et hæc erat inscriptio* : Venerabilibus Fra-  
 tribus CAROLO MAURITIO Remensi,  
 & LUDOVICO ANTONIO Parisiensi Ar-  
 chiepiscopis; nec non JACOBO BENI-  
 GNO Meldensi, GUIDONI Attrebatensi,  
 & HENRICO Ambianensi Episcopis.

SEM-

## SENTENTIA

Illustrmi. ac Rmi. Domini

**C. M. LE TELLIER,**

Archiepiscopi Rhemensis,

De Libro Emmi. Cardinalis Sfondrati  
cui titulus :*NODUS PRÆDESTINATIONIS &c.*Quæ habetur in Epistola ejusdem  
Præfulis data die 14. Ja-  
nuarii 1697.*E Gallico in Latinum translata.*

**C**Um ab integro & amplius Sæculo de gratia & Prædestinatione disputent Theologi, ac pro variarum partium Studio vicissim alius alii ad extrema declinare videatur; haud scio an hucusque scriptum hac de materia prodierit magis immoderatum, quam illud quod hodie Cardinalis Sfondrati nomen præfert. Auctori hujus scripti propositum est mysterium divinæ prædestinationis enucleare, vel, ut ipsemet loquitur, sacri hujus ænigmatis nodum, quantum homini licet, dissolvere.

Dux

Duæ sunt hujus operis partes. In priori Auctor tribus aut quatuor potissimum propositionibus suum de Prædestinatione Systema explicat, quod hoc veluti principio nititur, *Deum habere impensam & efficacissimam voluntatem salvandi omnes.* Hic scopus & finis totius disputationis. Ad probandam autem hanc novam & inauditam propositionem, multa deinde affert non minus nova atque inaudita.

Primò contendit Deum non modo omnibus conferre gratias ad consequendam vitam æternam necessarias, verum etiam abundantissimas & efficacissimas, quibus singuli facile salutem adipisci possint.

Secundò nequidem perditissimos atque obstinatissimos peccatores ejusmodi copiosissimis & efficacissimis auxiliis destitui: idque ut probet, longum istiusmodi peccatorum catalogum texit, incipiens a creatione mundi usque ad tempora Juliani Apostatæ.

Tertiò peccatorum orationem, in iis quæ ad gratiam vitamque æternam spectant, a Deo semper exaudiri asserit, adeoque in eorum esse potestate ejusmodi gratiam efficacissimam & triumphatricem, obtinere.

His adjunguntur certi quidam Aphorismi, quos fidelibus ad Prædestinationis meditationem proponit, & ad tres revocat: Primus est, *De iis cogitandis & faciendis sollicitum esse,*

*Scopus Operis.*  
a pag.  
20.

*1. Propositio.*

*2. Propositio.*

*Aphorismi practici circa prædestinationem.*

esse, quæ Deus præcepit, & quibus observatis nemo unquam periit; non vero de iis anxium esse, quæ Deus non præcepit, nec sciri à nobis voluit, quale est mysterium Prædestinationis.

2. Aphorismus.

Secundus, ita in negotio salutis conatum & industriam propriam adhibere, ac si nihil à gratia expectares: ita vero in solam Dei gratiam sperare, ac si nihil conatus & industria tuæ possent.

3. Aphorismus.

à 21.

pag.

2. Pars operis tribus propositionibus constat.

Tertius Aphorismus est, Totam spem suam in Deum reponere, nec minori fiducia vitam æternam ab illo expectare, quam si unice à voluntate arbitrioque tuo penderet.

Brevissima est secunda pars operis. Tribus tantum propositionibus constat, his videlicet, Primò clarum esse ex Sacris Scripturis Sanctisque Patribus noluisse Deum mysterium Prædestinationis ab hominibus explorari. Secundò, cum multa sint in rerum natura quæ licet vera, occultas tamen & impenetrabiles habent causas, nec ideo falsi accusari possunt; multò magis idem dicendum esse de alea Prædestinationis. Tertiò denique, causam divinorum judiciorum quærentibus hanc dari optimam omnique demonstratione potentiorum, Deum videlicet, qui est ipsamet justitia, ac sapientia, nihil nisi justum & bonum facere potuisse: idque nobis ex iis quæ vel fide certissima sunt, vel in ipsâ naturâ solo lumine rationis perspectissima habemus, ratum fixumque esse debere.



Si quis utramque hanc Operis partem in-  
 ter se comparet, statim animadvertet Au-  
 ctorem sibi ipsi non constare. In priori si-  
 quidem parte mysterium Prædestinationis e-  
 nucleare conatur: in posteriori verò ex  
 Scripturis & Sanctis Patribus mysterium istud  
 humano intellectui impenetrabile esse osten-  
 dit. Pag. 244. Si inverso ordine opus a se-  
 cunda parte incepisset, prioris componendę  
 labori parcere potuisset.

In aliis adhuc secum ipse pugnat. Præde-  
 stinationem omninò gratuitam & cuicumque  
 merito antecedentem admittit, tametsi to-  
 to opere probare contendat Deum omnibus  
 dare gratias copiosissimas & ad salutem con-  
 sequendam efficacissimas, dummodo quis  
 eis bene uti velit. Præterea quęcumque  
 ex Scripturis ad probandam Prædestinatio-  
 nem ante prævisa merita afferuntur solvere  
 conatur. Quin etiam ut Lessii sententiam de  
 Prædestinatione post prævisa merita com-  
 mendat, longum auctorum huic opinioni  
 faventium indicem textit: atque ita in una  
 eademque pagina 49. dupliciter secum pu-  
 gnat, tum quod gratię effectum hominis ar-  
 bitrio planè subjiciens, prædestinationem ni-  
 hilominus esse omninò gratuitam confirmet:  
 tum quod ex ipsa, quam ibidem affert,  
 Prædestinationis definitione, eam esse ex  
 prævisione meritorum, liquidò constet. Et

quidem pagina proximè præcedente ait nihil aliud esse Prædestinationem, quam antecedentem & efficacem Dei voluntatem hominem ad vitam æternam promovendi, dandique efficacia ad hunc finem media, quod quidem omnibus tam reprobis quam electis vult esse commune; quibus mediis cum videat aliquos bene usuros, istos elegit & prædestinavit; quos vero iisdem mediis minimè usuros viderit, hos abjecit ac reprobavit. Hæc aded inter se pugnantia, qua ratione conciliari possint planè non video. En Auctoris verba: *Nihil aliud est prædestinatio, quam antecedens & efficax Dei voluntas hominem ad vitam æternam promovendi & dandi efficacissima media, quibus cum videat aliquos bene usuros, illos consequente voluntate salvare proponit. Quibus postmodum subjungit: Absolutissime dicendum est prædestinationem gratuitam omnino esse & opus solius amoris; sicque eam non esse ex prævisis hominum meritis, sed potius ex prævisis Dei donis & gratiis.*

Passim in eodem opere alia parum coherentia occurrunt. Sic postquam Auctor gratiam quantumvis efficacem libertati atque arbitrio hominis subjecit, tantam alibi ait esse ejus virtutem, ut nihil ei resistat pag. 217. *Nulla igitur, inquit, tam fortis & adversa aut ex vitio aut ex natura inclinatio, nulla vis ino-*  
*lite*

*lita consuetudinis, quæ victrici huic gratiæ non  
planè succumbat.*

Voluntatis & efficacis gratiæ verba novo  
& alieno sensu fere semper accipit. Ante  
illum Theologi, juxta Scripturam & tradi-  
tionem, gratiæ efficacis nomine intelligebant  
eam, quæ certò & invincibiliter effectum  
suum operatur: & similiter eam Dei volun-  
tatem absolutam & efficacem vocabant, cui  
etsi homo resistere possit, numquam tamen  
actu resistit. At Auctor gratiam efficacissi-  
mam nominat eam, quâ quotidie peccato-  
res & impii abutuntur; itemque voluntatem  
absolutam, quæ contrariâ hominum volun-  
tate suo effectû frustratur. Qui sic loquitur  
victricis gratiæ notionem non tenet; atque  
his verborum formulis oppugnatur omnipo-  
tentia Dei, vel saltem alio prorsus modo,  
quam in Scripturis sacris, explicatur. De-  
nique hæc notissimis Augustini, Prosperi  
aliorumque Sanctorum divinæ gratiæ defen-  
sorum principiis, planè adversantur. De gra-  
tia efficaci sic scribit Augustinus: *Hæc gratia  
à nullo duro corde respuitur: idcò quippe pri-  
mitus datur, ut duritia cordis auferatur.* Et  
Prosper de eadem Carmine de ingratis sic  
canit:

*Ipsa suum consummat opus, cui tempus agendi  
Semper adest, quæ gesta velit: nec moribus illi  
Fit mora, nec causis anceps suspenditur ullis.*

3. *Obsér-  
vatio.  
Com-  
munes  
& re-  
ceptas  
rerum  
notio-  
nes in-  
vertit.*

4. *Obser-* Similia habent alii SS. Patres.

*vatio.* Idem scriptor ad novas & inauditas suas  
*verba* opiniones confirmandas clarissima & expressa  
*Scrip-* Scripturæ verba in alienos ac prorsus novos  
*turæ in* sensus detorquet. Sic sententiam Christi de  
*alienos* necessitate baptismi ad salutem consequen-  
*sensus* dam Joan. 3. *Nisi quis renatus fuerit ex aqua*  
*detor-* & *Spiritu Sancto, non intrabit in regnum cæ-*  
*quet.* *lorum, non de quacumque beatitudine, sed*  
*de sola supernaturali interpretatur. Parvuli,*  
*inquit pag. 114. qui sine baptismo decedunt,*  
*beati quidem non sunt, nec tamen pereunt;*  
*æternis suppliciis non addicuntur. Et pag. 120.*  
*Sed nec fecit eos Deus miseros. Quæ quidem*  
*interpretatio fuit Pelagianorum, non uno*  
*loco à Sancto Augustino confutata, & in*  
*Synodis Patrum Africanorum damnata.*  
*Addit eosdem parvulos ob peccatum, quod*  
*in eis reprehendi nequit, minimè damnan-*  
*dos: tale autem esse peccatum originale:*  
*Eodem loco ait Sanctum Augustinum ardore*

*Mira* disputandi contra Pelagianos severius ali-  
*Aucto-* quando de parvulis sensisse, sibi que ipsi in  
*ris sen-* hoc argumento non constare.

*tentia,* Sed aliud adhuc gravius hujus Auctoris  
*de par-* erratum, cujus ne quidem ipsi Pelagiani ar-  
*vulis* guuntur; nempe, quod *licet Deus parvulos*  
*sine* sine baptismo decedentes ad cælestem gloriam non  
*baptis-* admittat, alio tamen multoque majori beneficio  
*mo de-* eos afficiat, quod illi ipsi longe cælo prætulissent,  
*ceden-*  
*tibus.*



*Et nos quoque, si electio daretur, multò majoris pretii, quam cælum, hoc est ipsiusmet Dei possessionem, duceremus.* Tam stupendi paradoxo hanc rationem affert, quod videlicet fato præmaturo abrepti, innocentia suæ personalis securi reddantur, & actualium peccatorum admittendorum periculo subducantur. pag. 120.

Addit ibidem, hocce innocentia personalis & à quocumque actuali peccato immunitatis donum tale esse, ut ipsi parvuli millies *inno-*centia cœlo carere malint, quam suscepto baptis-*per-*mo, admittendorum in adulta ætate pecca-*nalis.*torum certissimo periculo subjacuisse; nulumque esse Christianorum, cujus non idem votum esse debeat.

At quam horrenda inde consequuntur! Primò quid sibi vult personalis illa innocentia? Nonne omnes pueri peccato Adami rei constituuntur? Nonne peccatum istud in eos nativitate pertransiit, eisque proprium factum est? Nonne Scriptura omnes *naturâ* filios iræ, Dei inimicos, pænâ dignos appellat? Africana olim Concilia, & plura alia hisce postremis temporibus hanc esse fidem Catholicam sanxerunt. Deinde si carnali generatione prognati nihil aliud præter peccatum & labem in mundum inferimus, ut toties contra Pelagianos & Semipelagianos Ecclesia declaravit; quid in infantibus oc-

currit, quod à Deo præmium non æternæ solum beatitudini æquiparandum, sed, si Auctori credamus, anteponendum, mereatur? Præterea si talis est fors infantium, nemo est Christianorum cui dolere non debeat se sine baptismo in ea ætate mortem non obiisse. Quin & matribus optandum, vel saltem minimè dolendum, proles suas, non percepto hoc Sacramento, extingui. Denique iidem illi infantes gaudio exultare debent, nunquam se Christo conjunctos fuisse per baptismum, in quo spiritualiter regeneriti, ex filiis iræ & vindictæ, quales erant carnali generatione, in filios adoptionis & gratiæ transire potuissent. Quin etiam hac de re Deo gratias agere debent, idque agnoscere Auctor non erubescit. Ipsa ejus verba hanc in rem afferre præstat. *Deinde inquit pag. 120. in hac parvulorum causa considerandum est, licet Deus ad cœlestem gloriam eos non admisserit, alio tamen multòque majori beneficio affectisse, quod illi ipsi longè cælo prætulissent, & nos quoque, si electio daretur, multò majoris pretii quam cælum, duceremus: Id verò beneficium fuit, quod fato præmature abreptos innocentia suæ personalis securos reddidit, & quamplurimis peccatis infinitisque peccandi periculis subduxit. . . . Hoc verò innocentia personalis donum, & immunitatis a peccato tantum est, ut ipsi parvuli millies cælo carente*

vere malint, quam vel uno peccato involvi . . . . .  
 Quid ergo . . . . . ipsis mali fecit (Deus) si non  
 quidem cælo, sed alio beneficio donavit, quod  
 multò præstantius cælo est, quodque & ipsi &  
 omnes sapientes, si potestas eligendi daretur,  
 longè cælo præferrent . . . . Ergo (in pueris)  
 nulla dolendi, nulla conquerendi, sed magna  
 laudandi gratesque agendi causa est.

Pluribus Epistolæ ad Romanos locis contra sensum Apostoli abutitur; unde mirum non est si Ecclesiæ Doctores passim apud eum etiam malè habeantur.

Quantumvis palam a S. Augustini & S. Thomæ doctrina aberret, omnibus persuasum vellet se cum eis planè sentire. Sed præterquam quod ea dissimulat, quæ in eorum operibus maximè contra eum faciunt, illorum verbis vim affert, novo atque inaudito hætenus sensu ea intelligens.

Prædestinationem ita explicat, ut fortasse non ineptè ejus nodi solutionem sibi vendicet, juxta hoc dictum: *Nodus triplici iclu solutus*. Siquidem admissis semel ejus principiis, prædestinationis arcanum non est amplius supra intellectus humani captum. Nam si cum illo supponas Deum copiosas & validas gratias promiscuè omnibus, ne quidem exceptis peccatoribus induratis aliisque, quæ suum effectum ex nutu & arbitrio humanæ voluntatis fortiantur, communicare; *sterium*

5.  
*Observatio.*  
*Doctrina S. Augustini & Thomæ adversatur.*

6. *Observatio.*  
*Admissa Auctoritatis Doctorum non my-*  
*sterium prædesti-*

*flinati- quis jam non intelligat hominem seipsum  
enise- discernere, sua ipsius itinera dirigere, pro-  
vacua- priæ felicitatis esse auctorem & architectum?  
tur. Itaque quod antea pietas Christiana, post  
Apostolum, tanquam incomprehensibile ha-  
buerat, novâ hac explicatione facillimè ab  
omnibus intelligitur.*

*7. Ob- Sanè mirandum Romæ ante oculos Pon-  
serva- tificis doctrinam, aded summorum Pontifi-  
tio. cum, qui olim gratiæ inimicos damnarunt,  
Vete- spiritui contrariam publicari. Huic certè e-  
rum diametro opponuntur dicta Innocentii primi,  
Ponti- Zozimi, Cœlestini, Sixti, Leonis, Hilarii,  
ficum Gelazii, Bonifacii, Hormisdæ. Similiter  
senten- Conciliorum Africanorum, & Arausicanæ  
tia synodi de hoc argumento definitiones Car-  
contra- dinalis Sfondrati sententiæ planè adver-  
dicit. santur.*

*8. Ob- Cum in doctrina gratiæ idem Cardinalis,  
servatio. ut jam Observatum est, a S<sup>to</sup>. Augustino  
De ejus dissentiat, consequens est ut etiam in tra-  
Aphor- dendis regulis ad praxim pertinentibus mini-  
rismis. mè cum eodem S<sup>to</sup>. Doctore conveniat.  
Docet Augustinus propriis operibus nequa-  
quam fidendum aut gloriandum; neque si-  
nit nos ad proprios liberi arbitrii conatus  
respicere, nisi divina eis gratia adjungatur,  
ad quam vult omne nostrum bonum refer-  
ri, cum ex nobis ipsis nihil habeamus nisi  
errorem & mendacium. *Nemo habet de suo,**



inquit celebre Concilium Arausicanum, *nisi peccatum & mendacium.*

Si quis attendat libros Cardinalis Norisii, quos ante multos annos atque etiam nuper in Italia typis edidit, vix dubitet quin eum pro doctrina Sui. Augustini egregiè pugnantem Cardinalis Sfondratus hoc suo opere aggredi voluerit. Longè abfuit a citando doctissimo illo gratiæ Christi & Augustinianæ doctrinæ defensore, pag. 14.

9. Ob-  
serva-  
tio.  
Propo-  
situm  
ei fuit  
Cardi-  
nalem  
Norisi-

Videtur idem Auctor penitus tollere prædestinationem, dum nullam in Deo prædilectionem agnoscit : qua in re longè ultra quam Catharinus progreditur. Hic quippe certum quemdam prædestinatorum numerum admittebat, qui singulari Dei prædilectione vitam æternam consequerentur ; cum cæteri non prædestinatione Dei, sed bono usu gratiæ sibi oblatae ad eandem beatitudinem pervenirent. At Cardinalis Sfondratus hoc posteriori modo, quotquot salvantur prædestinari asserit his verbis pag. 14. Nulla unius præ alio electio . . . . Sed quantum ex parte Dei est, omnes dilecti, omnes ad vitam æternam, aut aliquid quod ipsa vita æterna melius sit, ut de infantibus Baptismo non tinctis poslea dicemus, destinati. Idem adhuc habet pag. 68.

um con-  
suetudine.  
10. Ob-  
serva-  
tio. Pe-  
jus sen-  
tit de  
præde-  
stinati-  
one  
quam  
Catha-  
rinus.

Cæterum ex hujus Auctoris lectione patet, aliquam cum habuisse scribendi facilitatem.

Sed nullo id delectu facit. Sermo ejus declamationibus, inutilibus verbis, exclamationibus & molestis repetitionibus redundat. Critices inopiâ libros sine dubio suppositos tanquam veros citat. Sic S<sup>ti</sup>. Augustini nomine falsò inscriptos non semel adducit. Alicubi ex revelationibus S<sup>tae</sup>. Brigittæ seriò argumentatur: alibi dubitat an quartus liber Esdræ sit inter apocryphos numerandus. Multa ridiculè exaggerat. Sic pag. 146. ad-jutoria quæ peccatoribus ad resipiscendum suppetunt describendo, hæc habet. *Quot Religiosorum cohortes juvandis peccatoribus promptæ: denique mille modi, mille artes reperta, quibus & sanis & infirmis, & morientibus subveniretur, tantâ copiâ, tantâ varietate, tantâque illecebrâ ac condimento pietatis, ut ferè mirum sit inter tot prasidia & blandimenta virtutum perire aliquem posse.*

Postremò idem scriptor pag. 152. nefandum peccati philosophici dogma tradit,

F I N I S.

PRO-

## III.

PROPOSITIONES  
QUADRAGINTA

Excerptæ ex Libro cui titulus:

## NODUS PRÆDESTINATIONIS

Adjunctis quibusdam notis.

## PROPOSITIO PRIMA.

„**P**ARVULI qui sine baptismo decedunt.... *De peccato o.*  
 „LICET CULPA PROPRIA CAREANT, non *rigina-*  
 „tamen carent aliena & paterna pag. 114. *li 8*  
 „lin. 20. *statu*  
*puero-*

## NOTA.

Hoc loco tradit Auctor parvulos, ante-*rum si-*  
 quam baptismo abluantur, culpa propria *ne bap-*  
 carere, hoc est nulla peccati labe infici, *tismo de-*  
 nulloque intus in anima reatu ipsis inhæren-*ceden-*  
 te teneri; sed solum ob alienam ac paternam *tium.*  
 culpam, ipsis extrinsecus imputatam, donis  
 Dei gratuitis omnique jure ad cæleste reg-  
 num privari. Hunc ejus esse sensum patet  
 ex verbis quæ statim sequuntur. *Quamvis e-*  
*rim, inquit, damnari nemo possit paternâ cul-*  
*pâ, potest tamen paternâ culpâ iis bonis privari,*  
*quæ liberaliter accepturus erat, Patre innoxio,*  
*nec in Principem delinquentem, Siquidem*  
 B. 6 *cla-*

# 36 PROPOSITIONES XL.

clarum est ejusmodi reorum filiis, parentum culpam propriè non inesse aut inhærere, tametsi ad eos, ex humanæ justitiæ legibus, ob publicum exemplum, aliqua saltem delicti paterni pœna perveniat. Idipsum secunda, quam mox afferemus, propositio confirmat, multaque alia legentibus occurrunt, quæ hunc esse auctoris sensum demonstrant.

Atqui hæc doctrina, quæ nullam propriam culpam in parvulis sine baptismo decedentibus agnoscit, apertè repugnat Concilio Tridentino, in quo definitur, *Adæ peccatum, quod origine unum est, & propagatione, non imitatione transfusum omnibus, INESSE UNICUIQUE PROPRIUM.* Sess. 5. can. 3. Id quod confirmatur Sess. 6. cap. 3. ubi *homines ex semine Adæ propagati, dicuntur nasci injusti, cum eâ propagatione, per ipsum dum concipiuntur, PROPRIAM INJUSTITIAM CONTRAHANT.* Unde idem Concilium Sess. 5. Can. 4. & Can. 5. anathemate ferit eos, qui *formam baptismatis in remissionem peccatorum in parvulis non veram sed falsam intelligerent, aut qui negarent per gratiam, quæ in baptismo confertur, reatum originalis peccati remitti, aut etiam assererent non tolli totum id quod VERAM ET PROPRIAM PECCATI RATIONEM HABET.*

Hæc fuit semper antiqua & fundatissima Ecclesiæ doctrina, quam cum impugnaret Pelag.



Pelagius, objiciens, *nulla ratione concedi, ut Deus qui propria peccata dimittit, imputet aliena*; respondit ei Augustinus, non imputare Deum aliena peccata sed propria. *Aliena quippe erant, inquit, quando ii qui propagata portarent, nondum erant: nunc verò carnali generatione jam eorum sunt, quibus nondum spiritali generatione dimissa sunt* lib. 3. de peccat. mer. & rem. cap. 8.

PROPOSITIO II.

„ Adamo infelicitè peccante, tota quo-  
 „ que posteritas, quippe ex patre rebelli na-  
 „ ta, omni jure ad cæleste regnum spolia-  
 „ ta est, QUOD PECCATUM ORIGINALE VO-  
 „ CAMUS, pag: 48. lin. 8.

NOTA.

Totam peccati originalis rationem ponit Auctor in privatione juris ad cæleste regnum; quæ quidem privatio, pœna est & effectus peccati originalis, non verò ipsum originale peccatum: Unde patet Auctorem nihil agnoscere in parvulis, quod veram & propriè dictam peccati rationem habeat. Certè Augustinus ex ejusmodi privatione, aliisque miseriis, quibus parvuli etiam recens nati obnoxii sunt, originale peccatum eis inesse probat, cum alioquin injustum foret eos tantis malis affici si omni culpa ac reatu peccati carerent. Tridentinum etiam Concilium Sess. 4. Can. 2. de hac re sic decernit:

### 38 PROPOSITIONES XL.

*Si quis dixerit . . . inquinatum illum (Adamum) per inobedientiæ peccatum mortem, & pœnas corporis tantum, in omne genus humanum transfudisse, non autem ET PECCATUM QUOD MORS EST ANIMÆ, anathema sit: quæ quidem Patres Tridentini ex Synodo Araulicana Can. 2. mutuati sunt, ubi hæc leguntur: „Si quis „soli Adæ, prævaricationem suam & non „ejus propagini asserit nocuisse, aut certè „mortem tantum corporis, quæ pœna peccati est, non autem & peccatum, quod „mors est animæ, per unum hominem in omne genus humanum transfudisse testatur, injuriam Deo dabit.„ Postremò Bellarminus lib. 5. de amiss. gratiæ & statu peccati cap. 16. hanc sententiam, quæ peccatum originale non aliud esse docet, nisi primam Adæ transgressionem actualem posteris ejus imputatam, & nihil esse in parvulis unicuique proprium & inhærens, quod habeat veram peccati rationem, falsam, hæreticam, & sacro Concilio Triden. contrariam pronuntiare non dubitavit.*

#### PROPOSITIO III.

„Parvuli qui sine baptismo decedunt, „beati quidem non sunt, nec tamen pe-  
„reunt p. 114. lin. 18.

#### NOTA.

Longè aliter de pueris à peccato originali per baptismum non liberatis SS. Patres & Con-

Concilia passim loquuntur nonnullos eorum locos asserre suffecerit. S. Ambrosius in cap. 15. Lucæ sic habet. *Fuit Adam & in illo fuimus omnes; periit Adam & in illo omnes perierunt.* Magno peccato, inquit S. Prosper in responsis ad dub. 6. Genuensium, *periit Adam, & in illo omnes perierunt, quia omni homini, damnatâ nativitate genito, hoc in Adam debetur ut pereat.* Auctor libri de vocatione gentium cap. 24. *Sine baptismo mortuos perisse non dubium est, qui utique, nisi gravissimi peccati essent participes, non perirent.*

Concilium Carthaginense sub Aurelio apud Augustinum epist. 96. *Quicumque negat parvulos per baptismum Christi à perditione liberari, anathema sit.* Si per baptismum à perditione liberantur, ergo antea perditioni erant seu perierant, ob peccatum videlicet originale.

S. Bernardus epist. 190. ad Innocentium 2. Papam refellens errores Petri Abalardi, pueros per originale peccatum periisse, atque ideò redemptione Christi egere, docet his verbis; *An sicut non habent (pueri) unde diligant, ita nec unde PEREANT, ut non sit eis in Christo necessaria regeneratio.... si ita sapit (Abalardus) cum Pelagio desipit.*

#### PROPOSITIO IV.

„ Si Deus parvulos ad gloriam non elegit,  
 „ non ideo sequitur eos damnari pag. 118.  
 lin.

„lin. 18. Parvuli non damnantur, & innocentiam personalem, quæ peccatis actualibus opponitur, illibatam servant pag. 164. lin. 5.

## NOTA.

Parum est Auctori, parvulos cum peccato originali decedentes, quacunque poenâ sensus eximere, nisi etiam pronunciet illos absolute non damnari; quod est contra Apostolum dicentem ad Rom. 5. v. 18. *Per unius delictum in omnes homines in CONDEMNATIONEM*: & contra sententiam & communem loquendi modum sanctorum Patrum. De parvulis, inquiunt Episcopi Africæ in Sardinia pro fide exules in epistola sua synodica, *indubitanter tenenda Catholica regula*, la veritatis, quia parvulus qui baptizatur, „gratuita Dei bonitate salvatur, qui verò „sine baptismate moritur, propter peccatum „originale damnatur. Eodem modo loquuntur S. August. Enchirid. cap. 23. lib. de origine animæ cap. 2. & alibi. S. Fulgentius lib. de fide ad Petrum cap. 3. S. Gelasius epist. ad Episcopos per Picenum. S. Gregorius lib. 9. moralium cap. 16. & alii. Quapropter Bellarminus licet eorum sententiam probat, qui parvulos sine baptismo decedentes à poena sensus eximunt, fide tamen Catholicâ tenendum docet *eos absolute esse damnatos*, & non solâ cælesti, sed etiam natura-



turali beatitudine perpetuè carituros, quare sic graviter monet: *Hoc loco*, inquit, „illud præfandum esse videtur, misericordiam „nostram erga parvulos jam defunctos nihil eis prodesse, & contra nihil eisdem „obesse sententiæ nostræ severitatem; multum „autem nobis obesse, si ob inutilem misericordiam erga defunctos pertinaciter aliquid contra Scripturas aut Ecclesiam defendamus. Idcirco non affectum quendam humanum, quo plerique moveri solent, sed Scripturæ, Conciliorum & Patrum sententiam consulere & sequi debemus lib. 6. de amissione gratiæ cap. 2.

## PROPOSITIO V.

„Qui solo originali peccato tenetur, dici „non potest Deum deserere . . . . Prius „ergo quàm peccata hominum (actualia) „præviderentur, sicque quantum ex parte „Dei fuit, nemo desertus, nemo exclusus, „nemo reprobus; ergo nemo non electus „pag. 98. lin. 29. & lin penult.

## NOTA.

Cum Catholica fide certum sit, propter peccatum originale parvulos baptismo non renatos excludi à regno cœlorum, & negativè saltem reprobari, ut docent omnes Theologi, contra fidem peccat, qui asserit neminem ob solum originale peccatum esse desertum, exclusum, reprobum aut etiam

non

non electum. Hanc assertionem fidei principiis repugnare affirmat Cardinalis de Laurea opusc. 2. De reprobato. Cap. 5. n<sup>o</sup>. 37. & certè, si fide Catholica tenendum est, parvulos cum peccato originali decedentes, absolute perire & damnari, ut ex notationibus ad præcedentes propositiones constat, fide quoque Catholica tenendum est eosdem non fuisse electos, sed in massa damnationis relictos, ut loquitur Augustinus, atque adeo exclusos seu reprobato.

## PROPOSITIO VI.

„ Nos dicimus exhiberi parvulis (sine baptismo decedentibus) si non gratiam sufficientem, qua vitam æternam consequi possint, exhiberi tamen beneficium longè præstantius, quodque infinitis partibus ipsam gratiam sufficientem antecellat. Eo enim beneficio prius è medio tolluntur, quàm peccatis se obstringant, & non damnantur: pag. 164. lin. 1. certum est etiam in parvulos maximam Dei misericordiam elucere: quamvis enim Dei visione æternaque gloria priventur, at præservantur ne peccent, hoc est ne Deum ipsi offendant, ne jacturam innocentiae faciant, & perpetuis ignibus crucientur, quæ omnia & maxima beneficia esse & cælesti gloriæ certâ ratione præferri & consequenter ad Christi merita & redemptionem pertinere, supra ostendimus. Ibid. lin. 9.

NOTA

## NOTA.

Multa hîc afferuntur nova & antea in Ecclesia Dei non audita. Primum, quod pueri sine baptismo decedentes pertineant ad redemptionem Christi, & ejus meritis maxima beneficia consequantur, quod planè contrarium est doctrinæ à Concilio Tridentino traditæ sess. 6. de justificat. Cap. 6. ubi dicitur, quod etli *Christus pro omnibus mortuus est, non omnes tamen mortis ejus beneficium recipiunt, sed ii duntaxat quibus meritum passionis ejus communicatur*: ac statim additur, eam meritorum Christi communicationem fieri per baptismum, in quo homines renascuntur & justificantur, quod etiam intelligendum de Sacramento poenitentiae aliisque Sacramentis & præfidiis à Deo institutis: id quod cum generaliter ad omnes homines pertineat, præcipuè tamen & peculiari modo locum habet in pueris, qui nonnisi per baptismum actu ipsis collatum in justificationem & beatitudinem renascuntur, ut loquitur Augustinus Ep. 89.

Deinde asseritur, beneficia illa, quæ pueris cum peccato originali morientibus tribuuntur, gratiam sufficientem quæ adultis confertur, & quâ vitam æternam consequi possunt, infinitis partibus antecellere, imò & ipsi gloriæ cælesti certâ ratione præferri: quod quàm sit absurdum & primis fidei

Chri-

Christianæ principiis contrarium, per se patet. Quod verò pueri Dei beneficio è medio tollantur priùsquam peccatis se obstringant, id jamdudum Episcopi Africani pro fide in Sardiniam relegati in Epistola Synodica adversus Pelagianos rejecerunt his verbis: „ non „ est diceudus aliquis Dei bonitate futuræ im „ pietat præreptus, qui absque justificationis „ gratia mortuus, impiorum consortio est „ deputatus.

Præterà notanda hæc verba: *prius è medio tolluntur quàm peccatis se obstringant, &, præservantur ne jacturam innocentia faciant*, quibus satis apertè significat auctor se, nullam peccati originalis maculam in pueris ante baptismum agnoscere, uti supra ostendimus. Quod etiam pag. 20. adhuc clarè indicat, ubi ait, *ejusmodi infantes fato prematuro abreptos, innocentia suæ personalis securos reddi*: quasi verò peccatum originale carnali propagatione in eorum personam non transierit, & antequam per baptismum deleatur, *innocentes* coram Deo & infantes haberi possint.

Longè aliter de his sentiunt SS. Patres, Concilia, totaque Ecclesia, quæ per magnum illud inobedientiæ peccatum, quo Adamus se totamque posteritatem obstrinxit, docet, pueros nondum per baptismum renatos, esse sub potestate diaboli atque  
ejus



ejus captivos , filios iræ , vasa contumeliæ. Id apertè demonstrant exorcismi & exsufflationes , quibus à primis usque sæculis in administrando baptismi Sacramento utitur ; sacerdos quippe exsufflando in parvulum ait : *Exi spiritus immunde , & da locum spiritui sancto* : quod etiam expressè definit Concilium Tridentinum Sess. 5. de peccato originali can. 1. declarans *Adamum , per offensam prævaricationis incurrisse , cum morte , captivitatem sub ejus potestate , qui mortis deinde habuit imperium hoc est , Diaboli* : quæ utique pæna ad eos omnes pertinet , qui carnali generatione ejusdem culpæ participes fiunt.

## PROPOSITIO VII.

„ Infantes baptismo non tincti ad aliquid  
 „ quod ipsâ vitâ æternâ melius sit , destinantur  
 „ pag. 14. lin 22.

## PROPOSITIO VIII.

„ Licet Deus (parvulos sine baptismo decedentes) ad cælestem gloriam non admitterit , alio tamen multòque majori beneficio affecit , quod illi ipsi longè cœlo prætulissent , & nos quoque si electio daretur , multò majoris pretii , quàm cœlum duceremus. Id verò beneficium fuit , quod fato præmaturo abreptos innocentia personalis securos reddit . . . . . Quid ergo conqueri de Deo possunt , aut quid ipsis mali fecit , si non quidem cœlo , sed alio beneficio donavit ,

„navit, quod multò præstantius cœlo est,  
 „quodque & ipsi & omnes sapientes, si po-  
 „testas eligendi daretur, longè cœlo præfer-  
 „rent pag. 120. lin. 3. lin. 16.

## NOTA.

„Nova, inaudita, & communi Christiano-  
 rum sensui repugnans assertio: *super omnia*  
*Dei bona constituitur*, inquit S. Hilarius com-  
 ment. in Matth. c. 26. *Qui in Dei gloria*  
*collocatur, quia nihil sit ultra quod melius sit.*  
 Certè statui Beatorum injurium ac piarum  
 aurium offensivum videtur, aliquid commi-  
 nisci quod, cujuscunque compensationis præ-  
 textu, æternæ vitæ ac cœlesti gloriæ præfe-  
 ratur. *Quæ enim*, inquit Augustinus, *circa*  
*parvulos qui post gravissimos cruciatus sine Sa-*  
*cramento Christianæ pietatis expirant, compen-*  
*satio cogitanda est, quibus insuper & damnatio*  
*præparata est?* Epist. 28: Quid? quod juxta  
 hanc doctrinam omnes Christiani statum  
 parvulorum cum solo originali decedentium,  
 justitiæ per fidem sibi collatæ, imò & sancti  
 in cœlo regnantes, qui in ætate adulta mor-  
 tui sunt, cœlesti, qua gaudent, gloriæ præ-  
 ferre deberent, quia neutri sine peccato  
 actuali vitam hanc transigere potuerunt.

Quin etiam ex eadem assertione sequere-  
 tur, longè minori pretio habendos qui post  
 gravia peccata, pænitiæ virtute & charitatis  
 ardore ad altissimum sanctitatis gradum

per-

pervenerunt, qualis fuerunt S. Petrus, S. Maria Magdalena & alii, quàm justos, qui servata baptismi innocentia, statim atque usum rationis adepti sunt, diem suum obierunt: id quod à fide & sensu communi Christianorum alienum est, imò & divino oraculo apud Ezechielem cap. 18. v. 21, 22. contrarium, ubi Deus vitam absolutè impio pœnitenti promittit. *Omnium iniquitatum ejus, inquit, non recordabor, in justitia sua quam operatus est vivet:* quibus verbis significatur apud Deum, ac revera, hominum è vita decedentium sortem non ex præteritis peccatis, quæ per pœnitentiam deleta sunt, aut ex prævisis operibus, quæ, si diutius vixissent, edituri erant, sed ex præsentis justitia, in qua usque ad finem perseverarunt, æstimandam esse. „Omnes nos, *inquit Apostolus*, mani-  
 „festari oportet ante Tribunal Christi, ut re-  
 „ferat unusquisque propria corporis, prout  
 „gessit, sive bonum sive malum 2 Cor. 5,  
 v. 10. Propria corporis prout gessit, hoc  
 est, dum in corpore degeret, sive ea per se  
 gesserit, ut adulti, sive aliorum operâ, ut  
 infantes, qui alieno ministerio baptismum  
 percipiunt. Quo ex textu Apostoli jam olim  
 Augustinus Semipelagianos confutavit, qui  
 ad prævisa quædam opera, hoc est, ut ipse  
 loquitur, ad futura non futura, confugie-  
 bant, ut rationem redderent cur ex duobus  
 pueris

pueris unus ad baptismi gratiam perveniret, alter, festinantibus licet Ministris, ante acceptam eam gratiam, vitâ excederet.

Falsa auctoris ratiocinatio inde nascitur, quod peccatum actuale in se ipso tantum consideret, prout est offensa Dei, cui summo opere displicet, illudque comparet cum statu infantium ante perceptum baptismum è vita discedentium: cum potius debuisset eorundem infantium statum cum statu iustorum, qui gratiâ & caritate Deo conjuncti sunt, aut etiam cum statu beatorum qui summo jam bono fruuntur, comparare. Tunc enim quis non advertat, pueris à peccato actuali vacantibus, infinitis partibus, præferendos esse fideles adultos, qui in adeptionem filiorum Dei adsciti, spe jam salvi facti sunt, & per bona opera ad vitam proficiunt sempiternam; & multò adhuc magis Beatos in cœlo, qui ab omni peccato liberi & suæ felicitatis securi in æternum cum Christo regnant? sanè si peccatum actuale semel admissum statum & conditionem adultorum ita deprimit, ut eis etiam in cœlo constitutis, infantes sine baptismo demortui quodammodò præferri debeant; ut quid ergo Apostolus Dei bonitatem tantopere prædicat, quod ubi abundavit delictum, ibi abundet gratia? Ut quid ex eo potissimum misericordiam Dei commendat, quod omnia

co-



cooperentur in bonum, iis qui secundum propositum vocati sunt? quam in rem Augustinus ait, prorsus omnia, id est ipsa etiam peccata; quia & humiliores post peccatum resurgunt, & per poenitentiam ferventiores, majori, quàm antea, alacritate, in bonis se operibus exercent.

Præterea si tanta sunt beneficia, quæ Deus, etiam ob meritum Christi, pueris sine baptismo decedentibus confert, cur quæso, Ecclesiasticâ sepulturâ privantur; cur cum Psalmis & hymnis ad Ecclesiam non deducuntur; cur pro eis sacrificium Missæ in gratiarum actionem non offertur? Atqui non solum hunc usum non habet Ecclesia Dei, sed potius parentes ac propinqui, cæterique fideles ejusmodi puerorum mortem tanquam gravissimum casum deplorant.

Denique valde periculosa & perniciofa esset ista doctrina, si in vulgus spargeretur: ubi enim semel homines sibi persuasissent, parvulis sine baptismo demortuis ea præstari beneficia, quæ cælesti etiam gloriæ anteferri debeant, facile existimarent non tanti referre an baptismo regenerati, an verò non regeneratè moriantur: idque præsertim locum haberet in matribus, quæ ex crimine foetus suos concipiunt; quas à procurando abortu, nihil æquè cohibere solet, quàm si cogitent, quod in

Ecclesia didicerunt, prolem, si in utero extingatur, æternum perituram.

## PROPOSITIO IX.

„Qui solo originali tenetur, dici non potest  
 „Deum deserere . . . Si ergo Deus neminem  
 „deserit, nisi desertus, quomodo in illo præ-  
 „destinationis decretorio momento, & in quo  
 „summa rerum incommutabiliter vertitur,  
 „tot hominum myriades deseruit, ab eis  
 „non desertus, hoc est nullo eorum peccato  
 „demeritoque præviso? pag. 98. lin. 29.

## NOTA.

Certum est hoc effatum Augustini: *Deus neminem deserit, nisi prius deseratur*, intelligi de perseverantia adulatorum in iustitia jam accepta, à qua non excidunt nisi per propriam voluntatem & peccata actualia; quod expressè significat Concilium Trident. Sess. 6. de justificatione Cap. II. ubi ait: *Deus suâ gratiâ semel justificatos non deserit, nisi ab eis prius deseratur*. Cæterum si generalius ea verba accipiantur, tam certum est omnes in Adam Deum deseruisse, quàm omnes in Adam peccasse. Cum itaque Deus aliquem, qui solo originali tenetur, deserit, hoc est, ex prævisione peccati originalis, in massa perditionis relictum damnat, non illum deserit, antequam deseratur, sed ab eo prius desertus est, tum in Adamo, in cujus lumbis fuit, tum etiam quando primum

mum carnali generatione in peccatis conceptus culpam originalem contraxit. *Universum genus humanum*, inquit Augustinus, „tam iusto iudicio divino in apostolica radice damnatum est, ut etiamsi nullus inde liberaretur, neino rectè posset Dei vituperare iustitiam. *Enchir. Cap. 99. Non simus ingrati*, inquit idem S. Pater, *quod secun-* „dum placitum voluntatis suæ tam multos liberat misericors Deus de tam debita perditione, ut si inde neminem liberaret, non esset injustus : ex uno quippe omnes in condemnationem non injustam iudicati sunt ire, sed iustam. *Lib. de dono persever. Cap. 8.* „similia habet pluribus aliis locis Sanctus Doctor, quibus è diametro opponuntur quæ hîc ad minuendum vel potius ad tollendum è medio peccatum originale afferuntur.

## PROPOSITIO X.

„Constat parvulos (sine baptismo decedentes) sensibilis pœnæ immunes fore : id enim ratio, omniumque Theologorum auctoritas convincit pag. 119. lin. 12.

## NOTA.

Ratione ergo destitutus & ex Theologorum albo expungendus Augustinus, qui medium locum, in quo infantes sine ulla sensibili pœna, naturali quadam felicitate in æternum fruerentur, ut Pelagianorum inventum

explofit, eosdemque infantes ad sinistram in iudicio futuros, atque in infernum ituros, tametsi non nisi mitissimâ poenâ ibidem plectendos, constanter docuit.

Idem dicendum de S. Fulgentio, Gelasio & Gregorio magno Summis Pontificibus, Isidoro Hispalensi, Alcimo Avito, Anselmo & aliis, qui hanc sententiam palam & apertè docuerunt.

Rationis quoque expertes, ac Theologorum nomine indigni erunt inter Scholasticos ac recentiores Gregorius Ariminensis *a*: Driedo, *b*: Conrius, *c*: Sylvius, *d*: Paludanus, *e*: & hac nostra etiam ætate Florentius de Cocq, 39. qu. & Scholę Lovaniensis Doctores, qui omnes hanc sententiam sequuntur. Imo eodem quoque loco habendus erit Emmus. Cardinalis Norisius, qui in vindiciis Augustin. §. v. fusè eandem sententiam, tanquam dogma Catholicę Ecclesię probatum, defendit. 5. cap.

2. part. Potuit quidem liberè auctor sequi sententiam, quę negat pueros ob solùm originale peccatum poenâ sensus plecti, tanquã a tempore Scholasticorum inter Theologos communio: sed non debuit contrariam tantâ confidentia rejicere ac improbare. 3. Trac. de statu puero- rum Sc.

d 1.2.

qu. 81.

art. 6.

qu. 2. e Epist. ad Conrium Archiepiscopum Thua- nensem.

PRO-



## PROPOSITIO XI.

„ Duæ sunt in Deo voluntates : Prima *De vo-*  
 „ absoluta , efficax , independensque ab *lunta-*  
 „ omni hominum merito , quâ Deus natu- *te Dei*  
 „ raliter meroque suæ bonitatis instinctu , *omnes*  
 „ atque ut ita dicam , motu proprio , vult *salvos*  
 „ omnium hominum salutem æternamque *facien-*  
 „ felicitatem . . . . . & hanc vocamus *di, & de*  
 „ voluntatem antecedentem pag. 4. lin. *Christo*  
 „ ult. Altera voluntas est hypothetica & *pro om-*  
 „ conditionata . . . . . & hanc vocamus vo- *nibus*  
 „ luntatem consequentem pag. 6. lin. 31. *mortuo.*

## NOTA.

. Hæc duplex in Deo voluntas *antecedens* videlicet & *consequens* , cujus primus meminit S. Jo; Damascenus lib. 2. de Orthodoxa fide Cap. 29. novo prorsus sensu hîc accipitur , quem apud nullum , etiam ex recentioribus Theologis , reperiatis. Aliter omninò utramque hanc Dei voluntatem exposuit Doctor Angelicus 1. p. qu. 19. art. 1. ad 1. ubi , allato exemplo Judicis , qui cum velit *antecedenter* omnes cives vivere , hunc tamen homicidii reum *consequenter* atque *absolute* , ob justitiam ac bonum publicum , vult morte puniri , hæc subjungit : *Deus ANTECEDENTER* vult omnem hominem salvari , sed *CONSEQUENTER* vult aliquos damnari secun-

#### 54 PROPOSITIONES XL.

„dum exigentiam suæ justitiæ. Neque ta-  
 „men id quod *antecedenter* volumus, simpli-  
 „citer volumus, sed secundum quid, quia  
 „voluntas comparatur ad res secundum quod  
 „in se ipsis sunt in particulari: Unde sim-  
 „pliciter volumus aliquid, secundum quod  
 „volumus illud consideratis omnibus circum-  
 „stantiis particularibus, quod est *consequen-*  
 „*ter* velle. Unde potest dici quod Judex  
 „justus simpliciter vult homicidam suspendi,  
 „sed secundum quid vellet eum vivere, sci-  
 „licet in quantum est homo: unde magis  
 „potest dici *velleitas*, quàm *absoluta voluntas*.  
 Et iterum: eadem p. q. 23. a. 4. ad 3. de  
 voluntate Dei salvandi omnes sic loquitur:  
*Deus vult omnes homines salvos fieri* ANTECE-  
 „DENTER, quod non est simpliciter velle,  
 „sed secundum quid, non autem CONSEQUEN-  
 „TER, quod est simpliciter velle. Cum er-  
 „go velle *antecedenter* non sit velle simplici-  
 „ter, sed tantum secundum quid, non vo-  
 „luntas Dei *antecedens*, sed sola *consequens*  
 „est ABSOLUTA ET EFFICAX, quia solum  
 „velle consequenter est velle simpliciter.  
 Idem habet 3. p. q. 21: a. 4. Allatæ pro-  
 positioni nihil magis contrarium quàm hæc  
 doctrina Divi Thomæ, ut omnino miran-  
 dum sit, Auctorem in ipso jam libri titulo  
 profiteri, se nodum prædestinationis ex do-  
 ctrina ejusdem S. Doctoris explicaturum.

PRO-

## PROPOSITIO XII.

„Deus ferio, impensissimè, ac quan-  
 „tùm in se est, efficacissimè omnium ho-  
 „minum salutem vult pag. 2. lin. penult.

## PROPOSITIO. XIII.

„Hanc Dei voluntatem omnes salvandi,  
 „quantùm ex parte Dei est, efficacem esse  
 „dubitari non potest pag. 43. lin. 32. „Superi-  
 „ori propositione; hoc est xi, eandem volun-  
 „tatem *absolutam* vocat.

## NOTA.

Hec è diametro opponuntur Scripturis  
 sacris, quæ nobis omnipotentiam Dei com-  
 mendant. *In ditione tua cuncta sunt po-  
 sita, & non est qui possit resistere volun-  
 tati tue* Ester cap. 13. v. 9. *Consilium me-  
 um stabit & omnis voluntas mea fiet* Isaïæ  
 cap. 46. v. 10. *Deus autem noster in cæ-  
 lo, omnia quacunque voluit fecit* Psal. 113.  
 v. 11. Quæ verba Psalmistæ expendens  
 Augustinus Enchirid. cap. 93. ait, *Quod*  
 „utique non est verum, si aliqua voluit  
 „Deus, & non fecit, &, quod est indi-  
 „gnius, ideò non fecit, quoniam ne fieret  
 „quod volebat omnipotens, voluntas ho-  
 „minis impedivit. Unde ex ejusmodi asser-

„tionibus, (ut ait adhuc Augustinus eodem  
lib. cap. 96.) periclitatur ipsum nostræ fidei  
„confessionis initium, quâ nos in Deum Pa-  
„trem omnipotentem credere confitemur.  
„Neque enim veraciter ob aliud vocatur om-  
„nipotens, nisi quia quidquid vult potest, nec  
„voluntate cuiuspiam creaturæ, voluntatis  
„omnipotentis impeditur effectus.

Neque dici potest hæc verba Auctoris, *effi-  
cacem & efficacissimam esse Dei voluntatem sal-  
vandi omnes*, commodè intelligi posse, at-  
que eo planè sensu quo Apostolus absolutè  
dicit Deum velle ut omnes salvi fiant, ta-  
met si non omnes salventur. Non enim li-  
citur in rebus Theologicis verborum si-  
gnificationem immutare; & ea novo pror-  
sus sensu, contra communem & apud omnes  
receptum, intelligenda proponere; quia, ut  
ait Hieronymus, ex malè ordinatis verbis  
sæpe hæresis incurritur. Quod quidem hic  
accidit: supra enim vidimus ex S. Thoma  
p. I Qu. 19. a. 1. ad. 1. antecedentem Dei vo-  
luntatem potius dicendam *vellei tatem*, quàm  
absolutam voluntatem, cum è contrario hæc  
verba Auctoris: *Seriò, impensissimè, efficax,  
efficacissima, absoluta voluntas* in sensu obvio  
& apud omnes recepto voluntatem Dei sim-  
pliciter absolutam significant, quæ si non  
impletur, jam Deus non est omnipotens.



## PROPOSITIO XVI.

„ Manifestum est Deum non tantum se-  
 „ riò omnium salutem velle, verum etiam  
 „ ad hanc consequendam non avarè, non  
 „ parcè, sed effusissimè quantum est de se,  
 „ omnia media suppeditare, quæ non modo  
 „ sufficiant, imò abundant. pag. 128. lin. 25.

## NOTA.

Quàm hæc falsa sint, infantes ipsi, ut lo-  
 quitur Augustinus lib. 4. contra Julianum  
 cap. 8. *suâ taciturnitate convincunt*, quandò  
 quidem eos, vel in sinu matrum, vel statim  
 atque lucem aspexerunt, antequam ad bap-  
 tismum pervenerint, extinctos, omnia me-  
 dia ad salutem consequendam necessaria non  
 habuisse, res ipsa per se clamat. Quid de  
 omnibus gentibus, quas ante adventum  
 Christi, vias suas ingredi dimissit Deus? Cer-  
 tè de his Prosper in responsione ad caput  
 8. Gallorum sic habet „ Si circa universi-  
 „ tatem generis humani salvandam, & in ag-  
 „ nitionem veritatis vocandam, ista indifferens  
 „ per omnia sæcula asserenda est voluntas Dei,  
 „ ut usquequaque neminem hominum præ-  
 „ termisissè monstretur, impenetrabilis judi-  
 „ ciorum Dei altitudo pulsatur. Quare enim  
 „ in præteritis sæculis dimiserit Deus omnes  
 „ gentes ingredi vias suas, quando Jacob ele-

„git sibi Dominus..... Quare quod quæ-  
 „rebat Israël non est consecutus, electio au-  
 „tem consecuta est, cæteri verò excæcati  
 „sunt, impossibile est comprehendere, &  
 „perniciosa curiositatis est quærere.

Quid deinde de tot barbaris nationibus,  
 quas à ducentis annis in novo orbe Europæi  
 invenerunt, quasque etiamnum, in novos  
 subinde tractus penetrantes, inveniunt, in  
 quibus vix ullum veri Dei cultûs vestigium  
 occurrit; an apud illas omnibus ac singulis  
 hominibus tam adultis, quam infantibus sem-  
 per omnia ad salutem consequendam me-  
 dia effusissimè à Deo suppeditata fuisse di-  
 cemus? Certè si hæc tam incredibilia at-  
 que ipsis rerum experimentis contraria, tan-  
 quam ad defendendam Dei causam necessa-  
 ria, ita in Ecclesia proponuntur, valde ti-  
 mendum est ne hæreticis, Judæis, Maho-  
 metanis, imo & tot impiis, Libertinis at-  
 que Atheis, quibus hoc sæculum abundat,  
 occasio detur Ecclesiam & fidem Catholi-  
 cam spernendi ac subsannandi.

## PROPOSITIO XV.

„ Palam est nullum omninò hominem  
 „esse..... quem Christus nolit efficaciter,  
 „quantum est de se, salvum esse pag. 17.  
 „lin. 20. Quod si nihil Scriptura, nihil  
 „Patres, de hoc Dei omnes homines salvan-  
 di

„di proposito loquerentur ; idipsum aper-  
 „tissima ratio convinceret , cui nemo nisi  
 „expers rationis repugnare possit pag. 18.  
 „lin. 18.

## NOTA.

Quin Christus omnium salutem voluerit ,  
 proque omnibus sanguinem suum fuderit  
 nullus dubitat Catholicus. At quod *effica-*  
*citer* omnium ac singulorum hominum sa-  
 lutem voluerit , & absolutâ illâ atque effi-  
 caci voluntate , pro obtinendâ omnium o-  
 mninô hominum salute, sanguinem suum  
 Deo Patri obtulerit, negabit profectò, non  
 qui, ut ait Auctor , rationis expers fuerit,  
 sed quisquis meminerit Christum jam jam  
 iturum ad mortem dixisse Patri : *non pro*  
*mundo rogo, sed pro eis quos dedisti mihi,*  
*quia tui sunt.* Joan. 17: v. 9. Item quisquis  
 novit eum orantem ad Patrem , non po-  
 tuisse non exaudiri pro sua reverentia : Heb.  
 5. v. 7. denique quisquis ex doctrina gra-  
 tuitæ prædestinationis agnoscit, Deum solis  
 electis salutem æternam absolutâ voluntate  
 dare decrevisse, ex qua voluntate pendet se-  
 ries illa gratiarum & beneficiorum , quibus  
 certissimè liberantur quicumque liberantur ,  
 quorum utique potissimum est finalis perse-  
 verantiæ donum. Certum est enim Christum  
 Dominum paternæ voluntati sibi notæ sem-

per consentientem, hoc decretum nec pro-  
 cibis nec morte sua mutare voluisse, ac  
 proinde solis electis, absolute & efficaciter,  
 magnum illud usque in finem perseverantiæ  
 donum, ut loquitur Concilium Trid. ac  
 salutem æternam promereri voluisse, quos  
 videlicet sibi à Patre datos, neque à quo-  
 quam de manu suâ raptum iri, in Evangelio  
 declaravit.

Unde S. Thomas, S. Augustinum se-  
 quens 3. p. q. 21. a. 4. docet omnem Christi  
 voluntatem absolutam fuisse semper imple-  
 tam, atque aded quamlibet ejus orationem  
 esse exauditam. *Omnis, inquit, absoluta vo-*  
*luntas Christi, etiam humana, fuit impleta, quia*  
*Deo fuit conformis & per consequens omnis ejus*  
*oratio exaudita.* Et eodem articulo respon-  
 dens ad 2. ait dicendum, *quod Dominus non*  
*oravit pro omnibus Crucifixoribus, neque etiam*  
*pro omnibus qui erant credituri in eum, sed pro*  
*his solum qui erant prædestinati, ut per ipsum*  
*vitam consequerentur æternam.* Quapropter  
 si credamus Auctori, dicendum esset  
 S. Thomam, itemque S. Augustinum cum  
 omnibus eorum sequacibus *apertissime ra-*  
*tioni repugnare, imò & rationis expertes esse,*  
 quod an tolerandum sit, aliorum, ad quos  
 pertinet, judicium esto.



## PROPOSITIO XVI.

„Unus est Deus, unus est mediator (inquit Apostolus) . . . . . ergo qui omnium  
 „Deus & mediator est, aut opertet officio  
 „suo desit, aut omnium salutem & vitam  
 „EFFICACITER VELIT. pag. 10. lin. 1. &  
 „lin. 15.

## NOTA.

Jam supra ostensum est, periclitari ipsum confessionis nostræ initium, quâ Deum omnipotentem prædicamus, si Deus *efficaciter* aliquid velit, quod effectu careat. Unde nequaquam dicendum est Christum omnium mediatorem futurum non fuisse, nisi omnium salutem & vitam EFFICACITER voluisset. Alio quippe nomine, aliâque notione, juxta prædestinationis gratuitæ defensores, verè Mediator ac Redemptor omnium dicitur, quod videlicet sufficiens pro omnibus pretium ac superabundans, morte sua Patri obtulerit, ac reipsâ solverit, ac deinde Sacramenta instituerit, tanquam communes gratiæ fontes, ex quibus omnes salutem hauriant: id quod S. Prosper his verbis expressit, Respons. ad 1. objectionem Vincent. *Cum propter unam omnium naturam*, & propter unam omnium causam, à Domino nostro in veritate susceptam, rectè

„ omnes dicuntur redempti , & tamen non  
 „ omnes à captivitate sunt eruti , redemptionis  
 „ proprietas haud dubiè penes illos est ,  
 „ de quibus Princeps mundi missus est foras ,  
 „ & Poculum , quippe immortalitatis , quod  
 „ confectum est de infirmitate nostrâ & vir-  
 „ tute divina , habet quidem in se ut omni-  
 „ bus profit , sed si non bibitur , non mede-  
 „ tur. „ Quam doctrinam sequitur & confir-  
 „ mat Concilium Trid. Sess. 6. cap. 2. & 3.  
 „ dum ait : *Hunc (Christum) proposuit Deus*  
*propitiatorem per fidem in sanguine ipsius pro*  
*peccatis nostris , non solum autem pro nostris ,*  
*sed etiam pro totius mundi : Verum etsi ille*  
*pro omnibus mortuus est , non omnes mortis*  
*ejus beneficium recipiunt , sed ii dumtaxat ,*  
*quibus meritum passionis ejus communicatur.*  
 Videndus hac de re Cardinalis de Lauræa  
 opusc. 1. de prædestin. cap. 20. & opusc. 2.  
 de reprob. malorum cap. 11.

## PROPOSITIO XVII.

„ Cum sacræ Scripturæ toties ac tam enixis  
 „ verbis Christum pro omnibus mortuum  
 „ esse testentur , nullibi verò & nunquam  
 „ pro aliquibus tantum , planè temerarius  
 „ sit , qui id dicat . . . . si quis princeps  
 „ moriturus ultimis tabulis disponat , ut ex  
 „ regio immensoque thesauro , quem hære-  
 „ di relinquit , omnes totius regni captivi

re-

„redimantur qui triremibus & servituti ad-  
 „dicti sunt, hæres verò non *de singulis ge-*  
 „*nerum*, sed *de generibus singulorum*, hoc  
 „est non de omnibus, sed de paucis tan-  
 „tùm id intelligi vellet, quis non *infidelem*,  
 „*pravaricatorem*, *hostemque paternæ voluntatis*  
 „cum diceret? pag. 15. lin. 25.

## NOTA.

Nemo non videt hic tanquam *temerarios*,  
*infideles*, *pravaricatores ac divina voluntatis*  
*hostes* traduci quotquot hæc loca Scripturæ:  
*Deus vult omnes homines salvos fieri*, &  
*Christus pro omnibus mortuus est*, ita inter-  
 pretantur, ut vocabulum *omnes* accipiant  
 non pro *singulis generum*, sed pro *generibus*  
*singulorum*, id est, non pro quolibet indivi-  
 duo, sed pro cujuscvis sexus, ætatis, con-  
 ditionis, nationis hominibus. Qua in re  
 Auctor manifestè ostendit vel se non legisse  
 SS. Augustinum, Prosperum, Fulgentium,  
 Gregorium Magnum, Remigium Lug-  
 dunensem, S. Thomam aliosque Patres,  
 qui inter alias locorum istorum explicatio-  
 nes hanc ipsam afferunt & imprimis com-  
 mendant; vel si eos loca illa ita intellexisse  
 nonverat, vix ipse temeritatis atque in SS.  
 Patres irreverentiæ notam effugiet, qui non  
 solum eorum interperationem non est secus-  
 tus, sed eam cum fastidio & injuria rejecit.  
 Sat-

Sat erit indicare locos ubi dicti SS. Patres hanc explicationem tradunt. S. Aug. Enchirid. cap. 103. epist. 107. lib. de correct. & grat. cap. 14. Episcopi Africani pro fide exules in Epistola synodica. S. Fulgentius lib. de incarnat. & grat. cap. 31. S. Gregorius in 1. Reg. lib. 1. S. Remigius cum tota Ecclesia Lugdunensi lib. de tribus capit. Lupus Ferrariensis de 3. quæst. qu. 2. S. Anselmus lib. de voluntate Dei in fine. S. Thom. 1. p. qu. 19. a 6. ad 1. Item in comment. super cap. 2. epist. 1. ad Timoth. v. 4. Hos sequuntur inter recentiores, Estius in dist. 46. item in suis ad hunc locum Apostoli commentariis. Sylvius 1. part. qu. 19. Fromondus in commentariis, Cardinalis de Lauræa opusc. 1. de prædestinatione cap. 20. & innumeri alii.

Rectè Thomas Lemos loquens de eadem explicatione tom. 2. tract. 2. de dilectione Dei æternâ, cap. 14. n. 138. ait, eam tanquam sanctorum explicationem venerandam esse & recipiendam. *Asserere autem, inquit, illam esse extortam & peregrinam seu minus rectam, non est solum sanctis Ecclesiæ Doctoribus contradicere, quod & gravissimum est, sed re ipsa est idem S. Augustino & S. Prospero objicere, quod antiquitus eisdem sanctis Doctoribus à Pelagianis & Semipelagianis objiciebatur.*



## PROPOSITIO XVIII.

„ Gratia orandi omnibus qui præcepto *De gra-*  
 „ tenentur, loco & tempore opportuno da- *tia quæ*  
 „ tur pag. 181. lin. 26. Deus ut omnibus & *omnibus*  
 „ quantum ex se est, efficaciter vult salu- *datur,*  
 „ tem, ita ad illam obtinendam omnibus *scu de*  
 „ copiosissima media tribuit, quorum po- *gratia*  
 „ tissimum & maximè necessarium est gra- *orandæ*  
 „ tia orandi pag. 183. lin. 36.

## NOTA.

Nova prorsus & sanctis Patribus imò & Theologorum scholis inaudita doctrina, quâ etiam infidelibus, impiis, idololâtris, quocunque tempore ac loco vixerint, gratia orationis communicatur: cui quidem doctrinæ sat erit opponere hæc verba Apostoli: *Quomodo invocabunt, in quem non crediderunt?* Rom. 10. v. 14. Quam in rem ait Augustinus: *si fides deficit, oratio perit; quis enim orat, qui non credit?* Serm. 36. de verbis Apost. cap. 2. itemque eodem Sermone loquens de Paulo Apostolo, *ut ostenderet, inquit, fidem fontem esse orationis, nec posse ire rivulum, ubi caput fontis siccaretur, adjunxit atque ait: quomodo autem invocabunt, in quem non crediderunt?* Ergo, ut oremus, credamus &c: Certè hic est communis

## 66 PROPOSITIONES XL.

munis Christianæ Doctrinæ ac pietatis sensus, *quod fides fons sit orationis*; & quod in tantum quisque orare incipiat, in quantum ad Deum per fidem accedit. Unde paradoxo vel potius monstri simile est, ei qui necdum aliquid de fide audivit, munus orandi, & quidem copiosum & quodammodo continuum tribuere.

## PROPOSITIO XIX.

„Ex sacris literis, quæ toties omnes,  
 „nulloque excepto, ad quærendum, pul-  
 „sandum, petendum, vitamque mutandam  
 „invitant, constat gratiam saltem remo-  
 „tam, hoc est orandi & petendi omnibus  
 „dari: alioquin frustra peccatores ad rem  
 „impossibilem invitarentur pag. 184. lin. 1.

## NOTA.

Hæc fuit Massiliensium ac deinde Cassia-  
 ni, Fausti, aliorumque Semipelagianorum  
 sententia, qui omnibus hominibus orandi  
 facultatem concedebant, per quam quæren-  
 do, pulsando, petendo divinam opem pro-  
 mererentur, ut videre est in Epistola Prosperi  
 ad Augustinum, & apud Cassianum lib. 12.  
 de Institut. Cænob. cap. 14. & apud Fau-  
 stum lib. 2. cap. 10. Quam sententiam re-  
 jecerat S. Augustinus, ostendens orationem  
 non esse à nobis quasi ex nobis, sed ex  
 ma-

munere divino seu speciali gratia Dei, haud secus ac alia opera pia, proficisci. *Attendant*, inquit de Massiliensibus, *quomodo saluntur, qui putant esse à nobis, non dari nobis ut petamus, quæramus, pulsemus; & hoc esse dicunt, quod gratia præceditur merito nostro, ut sequatur illa, cum accipimus petentes, & invenimus quærentes, aperiturque pulsantibus; nec volunt intelligere etiam hoc divini muneris esse ut oremus, hoc est, petamus, quæramus, atque pulsemus.* Lib. de dono persever. cap. 23. Scribens verò contra Julianum lib. 4. c. 8. sic pronuntiat: *Neceſſe eſt gratiam præcedere & eos tangere, ut beatificum bonum à Deo petatur, & ut pulsetur ad Deum.* Idem postea S. Fulgentius contra Semipelagianos his verbis expressit epist. 6. cap. 7. *Haberi non potest ipse saltem orationis affectus, nisi divinitus fuerit attributus. Ut ergo desideremus adjutorium gratiæ, hoc ipsum quoque est opus gratiæ. Ipsa namque incipit infundi ut incipiat posci: ipsa quoque amplius infunditur, cum poscentibus datur.*

## PROPOSITIO XX.

„ Gratia seu Spiritus orandi, quoad initia sua, primosque gradus, à Deo non petitur pag. 182. lin. 8.

NOTA

## NOTA.

Affertionis hujus falsitatem aperte demonstrant preces Ecclesiæ, quæ dum orat pro Infidelibus & incredulis ut credant, orat ut orare incipiant: Ex fide enim statim orandi spiritus concipitur. Cum autem Ecclesiæ preces exaudiuntur, *recenter conversi*, inquit Augustinus Epist. 107. *velle incipiunt quod volebant, & habere fidem quam non habebant, quod ut fiat in eis oratur pro eis, quamvis non oretur ab eis; Cum verò factum fuerit, quod oratur, ei qui fecit, aguntur gratiæ & pro eis & ab eis.*

## PROPOSITIO XXI.

„ Augustinus mille locis ..... de homi-  
 „ nibus quales in mundo sunt, hoc est pec-  
 „ cato originali multisque actualibus obstri-  
 „ ctis, constantissimè docet, non peccaturos  
 „ violatis divinis præceptis, nisi potestatem  
 „ haberent illa observandi, & consequenter  
 „ nisi haberent gratiam saltem inchoatam,  
 „ hoc est orandi. pag. 184. lin. 9.

## NOTA.

Aliquam gratiam saltem inchoatam, hoc est, ut Auctor interpretatur, gratiam orandi necessariam esse in quibusvis hominibus, id est, etiam induratis, obcecatis, infidelibus,  
 idolo-



idololatriſ, ad hoc ut eis peccata imputentur, cum alioquin nullam ea vitandi, ac præcepta Dei adimplendi poteſtatem haberent, opinio eſt doctrinæ Auguſtinianæ prorſus oppoſita, quam S. Doctor in omnibus pæne operibus contra Pelagianos & Semipelagianos editis refellit, ac nominatim lib. de correct. & grat. à cap. 6. uſque ad 11. ut mirum omnino ſit Auctorem aſſerere S. Auguſtinum mille locis illud ipſum docere.

Illud idem principium, tanquam ſacris Scripturis & S. Auguſtini doctrinæ imprimis adverſarium, pluribus locis evertit Angelicus Doctor, & aliud planè contrarium ſupponit. Tantum enim abeſt ut in quocunque peccatore gratiam ſaltem inchoatam vel remotam requirat, ſine qua peccatum eis non imputaretur, ut potiùs expreſſe doceat, multis deeſſe auxilium ad vitandum peccatum, *Quod quidem auxilium*, inquit 2. 2. qu. 2. a. 5. ad. 1. *quibuſcunque divinitus datur, miſericorditer datur, quibus autem non datur, ex juſtitia non datur in pœnam præcedentis peccati, & ſaltem originalis peccati, ut Auguſtinus dicit in lib. de correct. & grat. vid. item 1. 2. qu. 79. art. 1. & art. 3. nec non 1. p. qu. 23. a. 3. ad 3.*

## PROPOSITIO XXII.

„ Sine gratia orandi, in statu nature corruptæ, nulla potestas est observandæ legis  
 „ divinæ pag. 184. lin. 15.

## PROPOSITIO XXIII.

„ Nullo peccato gratia petendi amittitur,  
 „ sine qua omnem quoque libertatem tolli  
 „ necesse est. Ib. pag. 20.

## NOTA.

Novum prorsus dogma, atque hæctenus in scholis catholicis inauditum. Certè hæc gratia orandi, quæ hîc necessariò in omnibus hominibus requiritur, ut eis peccatum imputetur, & sine qua, ut Auctor existimat, omnis libertas tolleretur, non esset gratia Christi, neque ejus meritis adscribi posset. Non enim gratuita, sed homini in quocunque statu posito debita esset; quemadmodum homini sanæ mentis ipsa arbitrii libertas naturaliter debetur. Unde etiam si Christus non fuisset incarnatus, ejusmodi orandi gratia in omnibus hominibus admittenda esset; cum alioquin non essent ad peccandum liberi, ut Auctor contendit.

Sequeretur etiam, quod non posset fides per infidelitatem, apostasiam & atheismum amitti.

amitti. Indivulso enim nexu inter se coherent fides & oratio, neque dici potest, cum, qui adhuc orandi gratiam retinet, à fide omnino excidisse.

Denique quâ fieri potest ut ejusmodi orandi gratia locum olim habuerit in Stoicis, Epicureis, Judeis, Pelagianis? quandoquidem Stoici cætera bona à Diis, solam virtutem à se ipsis habere se putabant; Epicurei verò nullam in Deo rerum humanarum curam ac providentiam agnoscebant; Judæi autem ignorantes Dei justitiam & suam volentes constituere, nullo se auxilio Dei ad implendam legem indigere credebant; Pelagiani denique liberi arbitrii viribus confisi, divinæ gratiæ necessitatem tollebant. Quid de Atheis & Libertinis, qui in corde dixerant Deum non esse, an etiam illis gratia orandi semper adfuit? Quod si hi omnes orandi gratiam non habuerunt, neque de illa unquam cogitarunt, consequens est, ex mente Auctoris, etiam libertate ad peccandum necessariâ caruisse, adeoque nulla eis peccata à Deo, ad culpam imputanda fuisse. Quam consequentiam ipse Auctor expressè admittit hac eadem pag. lin. 16. ubi ait, *quod si alicui deesset hæc gratia (orandi) posset esse aliquis sanæ mentis, qui surando, occidendo, adulterando, blasphemandoque nihil peccaret.*

## PROPOSITIO XXIV.

*De gra-* „ Quod Nabuchodonosor , non Phara-  
*ria suf-* „ punientem Deum agnoverit , id , juxta  
*ficienti* „ Augustinum lib. de prædestinatione & gra-  
*& effi-* „ tia , non ad Dei præscientiam referendum  
*caci.* „ est , non ad disparem causam , non ad  
 „ conditionem & dignitatem inæqualem , non  
 „ ad defectum externę aut internę vocationis ,  
 „ sed ad solum meruinque arbitrium pag. 136.  
 „ lin. 9.

## NOTA.

Librum de prædestinatione & gratia non esse Augustini jam pridem in recensendis ejus operibus notarunt Doctores , & confirmat Bellarminus libro de Scriptoris Ecclesiasticis , ubi observat hunc librum discrepare à phrasi & à Doctrina S. Augustini , atque adeò neque à Beda , neque ab alio veteri testimonium habere. De eodem libro sic loquitur Dionysius Petavius tom. 1. dogm. Tholog. c. 14. n. 15. *Libellus iste non est Augustini , sed imperiti cujusdam , qui meritò se cum asina Balaam comparat ; ut valde mirer ab ullo , qui quidem legerit , pro Augustiniano referri.*

Certè quisquis asserit inter Nabuchodonosorem humiliatum ac pœnitentem , & Pharaonem induratum & rebellem , hoc est  
 inter



inter quoslibet bonos & malos *solum merumque discernere arbitrium*, primùm divo Paulo interroganti, *Quis te discernit?* contradicit; deinde Augustino repugnat, qui hunc errorem in omnibus suis libris adversus Pelagianos & Semipelagianos ac nominatim in lib. de prædestin. Sanctorum cap. 5. funditus evertit.

Non hîc solum, sed pluribus aliis locis, auctor sub nomine Augustini libros falsò illi adscriptos citat; ut pag. 31. & pag. 50. *Responsum Augustini ad articulos sibi falsò impositos*, qui liber non est Augustini, sed Prosperi, inter cujus opera, diverso licet titulo, reperitur. Pag. 118. *Librum de fide ad Petrum*, quem esse S. Fulgentii omnes conveniunt. Pag. 181. *Librum de dogmatibus Ecclesiasticis*, qui absque dubio est Gennadii Massiliensis, Semipelagianorum partibus addicti. Sanè qui sic in citandis S. Augustini operibus aberrat, ostendit se in ejus lectione non ita versatum esse, ut sperare potuerit se ex ejus doctrina *Nodum prædestinationis* explicaturum, quemadmodùm Auctor in ipso libri titulo se facturum spondet, si tamen hæc tituli verba ejus sunt, & non alienâ manu, dum opus typis ederetur, supposita.

## PROPOSITIO XXV.

„Eam gratiam sufficientem agnoscimus  
 „& docemus , quæ subinde impletur , sub-  
 „inde repugnante libero arbitrio non im-  
 „pletur , effectuque suo culpâ voluntatis  
 „caret , quamque S. Augustinus clarissimè  
 „& frequentissimè docuit . . . . . & quam  
 „tota Societas Jesu amplectitur , gravissi-  
 „mique alii Doctores pag. 129. lin. 7.

## NOTA.

Auctor inter gratiam sufficientem & effi-  
 cace[m] , quam *effectricem* dicere mavult ,  
 nullum discrimen agnoscit , nisi in actu 2.  
 Unde præcedenti propositione docuit , quod  
 inter Nabuchodonosorem & Pharaonem ,  
 seu inter bonos & malos non gratia , sed  
*solum merumque discernit arbitrium*. Tota ergo  
 gratiæ efficacia , juxtâ illum , unicè pendet  
 à solo arbitrio , estque in potestate hominis  
 pro nutu suo gratiam reddere efficace[m] ,  
 quæ aliàs non esset nisi sufficiens & ineffi-  
 cax ; adeò ut moraliter & in ratione bene-  
 ficii , plus nihil ex parte Dei in gratia effi-  
 caci , quàm in gratia merè sufficienti con-  
 tineatur.

Nescio quibus oculis aut conspiciillis  
 opera contra Pelegianos & Semipelagianos  
 legerat , qui tam asseveranter ait , illum  
*clarissimè ac frequentissimè* ejusmodi gratiam  
 sufficientem & ex solo nutu arbitrii huma-

ni efficacem docuiffē. Aliam omninò gratiam in legendo Augustino invenerat Clemens VIII. ſummus Pontifex, qui in celebri Scripto Congregationi de auxiliis exhibito § 5. & ſeqq. docet gratiam ab Augustino contra Pelagianos & Semipelagianos aſſertam, *efficaciam ſuam habere ab omnipotentia Dei, & à dominio quod ſumma Divina Majeſtas habet in voluntates hominum.* Eandem gratiam apud Augustinum reperit Cardinalis de Lauræa, qui opusculo 3. de gratiis actualibus cap. 3. poſt multa de ea allata, ſic concludit: *Ergò per Augustinum datur gratia efficax, imò, ut verum fatear, ſi eum capio, in omnibus ſuis ſcriptis ſerè ſemper de ea loquitur.* Denique Cardinalis Bellarminus gratiam ſufficientem, qualis hîc ab Auctore deſcribitur, lib. 1. de grat. & lib. arb. cap. 12. rejicit *tanquam à ſententia Scripturarum divinarum & Beati Augustini omninò alienam*; ac per eam cenſet everti fundamentum prædeſtinationis divinæ, *quam, inquit, S. Augustinus ex divinis Literis ſolidiſſimè comprobavit.*

Porrò non ex ſolo Cardinalis Bellarmini teſtimonio liquet, falſò hanc de gratia ſufficienti ſeu ex ſolo eventu efficaci, doctrinam toti Societati Jeſu adſcribi, ſed id adhuc clariùs oſtenditur ex Decreto Patris Claudii Aquavivæ, ejuſdem Societatis Præpoſiti, dato die 14. Decembris anni 1613.

76 PROPOSITIONES XL.

quod refert Tannierus ejusdem Societatis Theologus disput. 6. de grat. qu. 2. dub. 5. n. 86. quo expressè vetitum fuit, ne doctrina illa in scholis Societatis doceretur.

PROPOSITIO XXVI.

„Qui gratiam sufficientem statuunt, quæ  
 „nunquam effectum suum completum asse-  
 „quitur, talem mihi videntur statuere gra-  
 „tiam, quæ non est gratia pag. 129. lin. 13.  
 „Ut silentio præteream, quod illi dicunt  
 „hujusmodi sufficientes gratias potentiam  
 „agendi dare, sed nunquam actum., (Dein-  
 de post allata quædam rerum naturalium ex-  
 empla ad probandum quod hic sibi proponit,  
 statim addit) lin. 28. „Planè tam nova hæc  
 „sunt, tam inaudita ut nec dici debeant, cum  
 „careant ratione, nec credi possint, cum  
 „careant exemplo. Ib. lin. 27.

NOTA.

Communis est doctrina Thomistarum, quod gratia excitans seu inefficax, quam sufficientem vocant, operando nonnullos bonos effectus in homine, putà illuminationis & inspirationis, det etiam ei actum primum seu potentiam ad ulteriorem ac principalem effectum, verbi gratiâ, ad fidem amplectendam, ad vincendam temptationem, ad præceptum aliquod aut consilium adimplendum, tametsi ad opus illud reipsa ponendum, ultra requiratur gratia effi-



efficax, quæ det voluntati actum secundum, seu potentiam actui secundo conjunctam.

Huic Thomistarum doctrinæ subscribunt omnes gratiæ per seipsam efficacis defensores, dummodò gratia illa sufficiens dicatur tantum *sufficiens* in ordine suo, ad vitandam ambiguitatem & amphiboliam. Siquidem vocabulum *sufficiens* grammaticaliter & vulgari acceptione, significat id quod omnia ad agendum necessaria complectitur, & per se aptum est ac idoneum ad opus perficiendum, de quo videndus Cardinalis de Lauræa opusculo 3. de gratiis actualibus cap. 4.

An doctrina hæc Thomistarum, totque aliorum Theologorum de gratia sufficienti, tamquam *nova & inaudita*, & tamquam *ratione carens* & quæ nequidem proponi debeat, ab Auctore traduci atque exagitari potuerit, æqui ac prudentes lectores judicent.

PROPOSITIO XXVII.

„Ratum fixumque sit, nihil aliud, ex sententia Augustini, gratiam effectricem esse,  
 „quam cognitionem congruam, hoc est, quæ  
 „tale tamque proportionatum objectum,  
 „talique modo proponat, ut ad illud amplectendum voluntas magnetismo & sympathiâ quâdam certissimè moveatur pag.  
 „217. lin. 4.

Imò ex sententia Augustini, ratum fixumque esse debet, eos, qui asserunt gratiam nihil aliud esse quàm *cognitionem congruam*, non veram Christi gratiam, sed falsam atque à Pelagianis suppositam admittere. Hi namque apud Aug. lib. de gratia Christi sic loquuntur: *Agnoscat quàm iniquè nos negatio-*  
*ne gratiæ infamare gestierint, qui per totum*  
*penè ipsius textum operis perfectè atque in-*  
*tegrè & liberum arbitrium confitemur &*  
*gratiam, quam nos non in lege tantummo-*  
*do, sed & in Dei esse adjutorio confitemur.*  
 Quodnam verò fuerit hoc adjutorium quod admittebant sic pergunt exponere: *Adjuvat enim nos per doctrinam & revelatio-*  
*nem suam, dum cordis nostri oculos aperit,*  
*dum nobis, ne presentibus occupemur, futura*  
*demonstrat, dum Diaboli pandit insidias, dum*  
*nos multiformi & ineffabili dono gratiæ cele-*  
*stis illuminat . . . . . dum nobis suadet omne*  
*quod bonum est.* Sic Pelagiani, quos refel-  
 lens Augustinus ibid. cap. 14. Intueantur at-  
 que fateantur, inquit, non lege atque doctrinâ  
 insonante forinsecus, sed internâ atque occultâ,  
 mirabili atque ineffabili potestate operari Deum  
 in cordibus hominum non solum veras revelatio-  
 nes, sed etiam bonas voluntates. Idem Au-  
 gustinus sexcentis locis docet contra Pelagia-  
 nos, proprium esse gratiæ, non tantum intel-  
 lectum illi strare, verum etiam voluntatem vi-  
 ctri

etrici quadam suavitate ac delectatione movere. Unicum textum afferam ex lib. 2. de peccat. mer. & rem. cap. 17. *Ignorantia & infirmitas vitia sunt quæ impediunt voluntatem, ne moveamur ad faciendum opus bonum, vel ab opere malo abstineamus. Ut autem innotescat quod latebat, & suave fiat quod non delectabat, gratia Dei est, quæ hominum ADJUVAT VOLUNTATES.*

Quin & ipse Gregorius de Valentia, è Societate Jesu Theologus, doctrinam quæ hîc ab Auctore traditur, Pelagianam esse agnoscit & probat 1. 2. qu. 3. de gratia, puncto 3. ubi ait: *non modo intellectum, sed etiam voluntatem nostram tanquam imbecillam gratia adjuvandam, idque definitum esse contra Pelagium in Concilio Arausicano can. 4. & Milevitano. can. 4. & à D. Aug. lib. de dono persever. cap. 19. rectè probatum.* Non video itaque, qua ratione hæc propositio Auctoris & à gravissimo errore circa factum in citando Augustino, & ab ipsa Pelagii hæresi circa jus defendi possit.

## PROPOSITIO XXVIII.

„Planè voluntatem à nullo alio quàm à se  
 „ipsa determinari . . . . . apertissimè docet  
 „S. Thomas pag. 220. lin. 17.

## NOTA.

Tota schola Thomistarum hanc doctrinam in libris Angelici Doctoris non videt,

sed potius contrariam, de præmotione seu prædeterminatione physica ex eis hausisse se certò credit. Observandum autem hanc propositionem, *voluntas à nullo alio, quàm à se ipsa determinatur*, generaliter ab Auctore intelligi, non tantum de actionibus in ordine naturali, sed etiam in ordine supernaturali, quando videlicet voluntas per gratiam à Deo movetur, ut ex tota ejus rationatione colligitur. Atqui non solum Thomistæ sed & Patres Societatis Jesu uno ore fatentur tanquam dogma Catholicum, voluntatem ad actus supernaturales non à se ipsa, sed etiam à gratia determinari; adeo ut nullus Theologus è Societate, quod sciam, hanc generalem propositionem; *voluntas à nullo alio quàm à se ipsa determinatur*, admiserit.

## PROPOSITIO XXIX.

„Quis novit cum ea gratia, quæ Petro  
 „& Magdalenæ data est, Judam conver-  
 „sum iri, cum fortè plures ac majores gra-  
 „tias utroque acceperit? pag. 67. lin. 29.  
 „Comparet aliquis gratias ex una parte  
 „Zachæo, ex altera Judæ datas, videbitque  
 „longè plures & majores fuisse, quibus hic  
 „reprobis ad pænitentiam vocatus est pag.  
 „106. lin. 32. Negari non potest plura  
 „Judæ reprobo auxilia, quàm prædestinato  
 „Zachæo impensa esse pag. 107. lin. 4.  
 Ideo



„ Ideò plura remedia Judæ reprobo adhibi-  
 „ ta, quàm Petro electo, quia illi gravior  
 „ morbus. Ib. lin. 29. Si ergo reprobis aut  
 „ æqualis aut etiam major gratia, quàm  
 „ prædestinatis datur, non potest, &c.

## NOTA.

Hæ assertiones omniò adversantur verbis  
 Apostoli Rom. 8. v. 30. Quos *prædestina-*  
*vit, hos & vocavit, & quos vocavit, hos &*  
*justificavit: quos autem justificavit, illos &*  
*glorificavit.* Quæ quidem solis electis con-  
 venire priùs significavit his verbis: *Scimus*  
*quoniam diligentibus Deum omnia cooperantur*  
*in bonum, iis qui secundum propositum vocati*  
*sunt sancti.* Ib. v. 28. unde & ait omnia fieri  
 propter electos 2. Tim. 2. v. 10. Concilium etiam  
 Trid. sess. 6. can. 16. & can. 22. perseveran-  
 tiam finalem vacat magnum illud donum, &  
 sine speciali auxilio Dei haberi non posse declarat,  
 significans illud esse proprium electorum ne-  
 que eis ullo modo cum reprobis commune.  
 Unde negari non potest, nisi aberrando à  
 fide, plus aliquid Zachæo & Petro electis,  
 quàm Judæ reprobo, hoc est, saltem donum  
 perseverantiæ, à Deo collatum fuisse.

Certè horret animus & Christianæ aures  
 refugiunt audire, plura Judæ reprobo auxilia,  
 quàm prædestinato Zachæo impensâ esse: plu-  
 raque remedia Judæ reprobo adhibita, quàm  
 Petro electo, quasi Christus præcipuo quo-

## 82 PROPOSITIONES XL.

dam amore Petrum, non præ Judæ tantum, sed & præ cæteris Apostolis non sit profectus, ad quem specialiter dixit jam proximus morti; *Ego rogavi pro te ut non deficiat fides tua*; & quem per trinam negationem lapsum respexit, conversus ad eum non tam oculis carnis, quàm divinitatis potentia ut notat S. Ambrosius, cum intus in conclavi Pontifici adstaret, Petrus autem foris in atrio versaretur.

Observandum autem Auctorem hoc loco & pluribus aliis locis, æqualia illa aut majora gratiæ auxilia, quæ reprobis attribuit, in doctrina, exhortationibus, minis & beneficiis exterioribus ponere, quasi verò gratia Christi in his solis rebus intelligi debeat, & non potius in *subministratione spiritus*, juxta Apostolum, seu in inspiratione dilectionis, qua Deus cor tangens, operatur in nobis non solum veras revelationes, sed etiam bonas voluntates, ut loquitur Augustinus refellens Pelagium, qui ultrò ejusmodi gratiam in lege, doctrina, exhortationibus, minis & aliis rebus exterioribus positam, admittere ut supra vidimus.

## PROPOSITIO XXX.

„Deus quamvis desertus, nunquam ta-  
 „men ita hominem licet obstinatissimum  
 „deserit, ut non ei gratiam tribuat, qua &  
 „pos-

„possit pœnitere, imò & qua actu pœniteat,  
 „si velit, ut Pharaonis exemplo patuit,  
 „qui Deo flagellante, jam in Mosem exar-  
 „sit, eique mortem minatus est, jam pœni-  
 „tuit, suumque peccatum & agnovit & pa-  
 „lam confessus est. *Dominus*, inquit, *ju-*  
 „*stus est*; *ego autem & populus meus im-*  
 „*pīi*. Quem ergo peccatorem deserat Deus,  
 „si non deseruit Pharaonem? aut quis tam  
 „obduratus, qui non possit, quod Pharaon  
 „& potuit & fecit pag. 99. lin. 5.

## NOTA.

Novum prorsus, & contra communem  
 Patrum atque Interpretum sententiam, ut  
 Pharaon dicatur verè pœnitens & per gratiam  
 Dei conversus fuisse, quando dixit Exodi 9.  
 v. 27. *Peccavi etiam nunc, Dominus justus &c.*  
 Imò contraria est hæc explicatio ipsis ver-  
 bis Moysis, qui statim. v. 30. ait Pharao-  
 ni: *Novi quod & tu & servi tui necdum time-*  
*atis Dominum.* Deinde qui dicit Pharao-  
 nem licet obstinatissimum à Deo desertum  
 non fuisse, sed potius ab eo gratiam acce-  
 pisse, Paulo Apostolo contradicit, qui alla-  
 to ejusdem Pharaonis exemplo Rom. 9.  
 v. 17. continuò addit: *Ergo cujus vult mi-*  
*seretur* (Deus) *& quem vult indurat.* Quid  
 enim aliud est Deum indurare peccatores,  
 nisi [cos] deserere, non quidem malitiam in-

## 24 PROPOSITIONES XL.

spirando, sed gratiam non impertiendo, ut ait Augustinus.

Observandum hoc loco, quod supra jam notavimus, Auctorem quaelibet adminicula, quibus homines à peccatis absterrentur, ut monitiones, minas, flagella, terrores conscientiae, pro vera Dei gratia sumere, aut saltem sub generali gratiae vocabulo comprehendere.

### PROPOSITIO. XXXI.

„Quis unquam pejor, impurior, magis  
 „flagitiis assuetus, Tiberio & Nerone?....  
 „si ergo ne istis quidem defuit Deus, quin  
 „per conscientiam moneret, cui rogo de-  
 „futura est? pag. 162. lin. 28. lin. 33.  
 „Planè tam portentosa (Tiberii) flagitia, tam  
 „diuturna fuere.... ut nullus æquè deseri à  
 „Deo mereretur; & tamen tantum abfuit  
 „desertum esse, ut maximis argumentis ad  
 „Dei cognitionem & sceleris poenitentiam  
 „vocaretur. pag. 195. lin. 18. Quis suspi-  
 „cari possit Deum alicui defuisse, qui non  
 „defuit Neroni? Nemo isto pejor, nemo  
 „indignior, nec tamen desertus. Nullus  
 „ergo timendi aut desperandi locus, etiam  
 „Nerone adiuto. pag. 197. lin. 30.

### NOTA.

Notandum hæc de Tiberio, Nerone aliis-  
 que perditissimis hominibus afferri ab Au-  
 ctore.



ctore, ut probet, quod jam à principio demonstrandum suscepit, videlicet, Deum *serio, impensissimè, ac, quantum in se est, efficaciter omnium hominum salutem velle, atque ad eos abundantissimas, copiosissimas, & ex natura sua efficaces gratias tribuere, quibus ad æternam felicitatem pervenire possint.* Unde patet eum, juxta principia sæpe ab eo tradita, gratiam Dei, quam meritis Christi debemus, & quæ ad æternam beatitudinem consequendam necessaria est, reponere in rebus externis, puta in doctrina, monitionibus, exemplis, flagellis à Deo inmissis, vel etiam in stimulis ac remorsibus conscientiæ, quibus vel sceleratissimi agitantur, & sæpe, tanquam furiis quibusdam urgentibus, ut apud Gentiles & poëtas legitur, ad desperationem adiguntur. En qua ratione, quibusque præsiis vult Auctor, Deum non tantum sufficienter, sed copiosissimè & abundantissimè gratiâ suâ perditissimos quosque & profligatissimos homines, etiam inter Idolatras, ad æternam salutem consequendam adjuvare. Quæ quidem gratiæ acceptio & explicatio Pelagianum errorem sapit, & à communi SS. Patrum ac Theologorum usu omnino aliena est, proindeque in libris Catholicorum minimè videtur toleranda.

## PROPOSITIO XXXII.

*De prædestinatione & reprobatione.* „ In illa prædestinationis causa, quæ omnium maxima est, & ex qua reliqua omnia pendent, nullum omninò deseruit (Deus) nullumque ab efficaci proposito exclusit. pag. 12. lin. 31.

## NOTA.

Ut alia omittam, meridianâ luce clarius est, Deum parvulos in uteris matrum mortuos, aut statim atque nati sunt, priusquam ad baptismi gratiam pervenire possint, extinctos, quantum spectat ad causam prædestinationis deseruisse, & ab efficaci eos salvandi proposito exclusisse, quo exemplo Pelagianos & Semipelagianos in hac questione semper Augustinus confutavit.

## PROPOSITIO XXXIII.

„ Deus in illo prædestinationis negotio, quantum in se est, inter Cain & Abel, inter Paulum & Judam non distinxit, sed omnibus æqualiter salutem voluit pag. 13. lin. 18. Vult ergo Deus & Petrum & Judam, & reprobos & electos, omnesque homines salvos esse; vult omnibus media dare, non solum quæ sufficiant, sed etiam quæ abundent pag. 67. lin. 35. Si prædestinati & reprobi idèò conditi sunt à Deo, idèò redempti sunt, ut æternâ vitâ potiantur, se-

"sequitur (Deum) voluisse efficaciter ,  
 "quantumque ex se est, utrosque salvari  
 "pag. 109. lin. 25. *Deus quantum ex se*  
 "*est* , & voluntate antecedenti per certa &  
 "destinata media voluit & paravit omni-  
 "bus vitam æternam pag. 111. lin. 9.  
 "Deus reprobos æque ac prædestinatos  
 "salvari vult Ib. lin. 15.

## NOTA.

Si hæc ita se habeant ; quemadmodum  
 in his propositionibus Auctor asserit, igitur,  
 quod unus præ alio salvetur, verbi gratiâ  
 Petrus potius quàm Judas, id non ad elec-  
 tionem aut propositum Dei, sed ad libe-  
 rum arbitrium hominis, media illa per se  
 indifferentia assumentis & ad praxim redu-  
 centis, referendum est: quod est contra  
 Apostolum dicentem: *Quis te discernit? Quid*  
*labes quod non accepisti?* 1 Cor. 4. v. 7. &  
*Igitur non volentis neque currentis, sed mise-*  
*rentis est Dei.* Rom. 9. v. 16. nec non con-  
 tra hæc verba Christi ad suos discipulos :  
*non vos me elegistis, sed ego elegi vos & posui*  
*vos ut fructum afferatis & fructus vester mane-*  
*at:* Deinde si omnibus dantur media non  
 solum quæ sufficiant, sed quæ abundant,  
 quid est cur Psalmista exclamat: *Non fecit*  
*taliter omni nationi, & notus in Judæa Deus.*  
 Præterea si vera esset hæc doctrina, orandi  
 stu-

studium extingueretur, cum frustra id petas à Deo, quo jam abundes. Denique vix locus relinqueretur gratiarum actioni, quam esse continuam in Christianis præcipit Apostolus, & quæ in singulari & unico Ecclesiæ sacrificio frequentatur, cum sacerdos ait: *Gratias agamus Domino Deo nostro*, populus autem respondet: *Dignum & justum est*. Si enim redemptionis Christi fructus promiscuè & sine delectu omnibus ac singulis hominibus communicatur, non est cur tantopere in Domino gloriemur, nos ad fidem vocatos esse, ac singulari nos beneficio & gratia Dei præventos agnoscamus, quod in sinu Ecclesiæ & ex parentibus catholicis, non autem inter barbaras nationes, aut ex parentibus hæreticis vel schismaticis nasci nos Deus voluerit.

His propositionibus non tam solvitur *Notus prædestinationis*, quàm scinditur. *Tota* quippe quæstionis difficultas humanâ potius ratione, quàm *divinâ auctoritate* ita explicatur, ut vix intelligas quid sit cur Apostolus dixerit. *ô homo tu quis es qui respondeas Deo?* ac deinde exclamarit: *ô Altitudo!* Ejusmodi explicationes in hac materia jampridem rejecit Petrus Diaconus lib. de Incarnatione & gratia Christi cap. 7. ubi irridens eos qui tunc temporis docebant prædestinationem fieri ex prævisione liberi arbitrij.



bitrii volentis salvari, & reprobationem ex prævisione liberi arbitrii nolentis salvari, utrumque refellit his verbis : *Hæc si ita sunt ut jactitant, comprehensa sunt ab ipsis inscrutabilis & incomprehensibilia Dei judicia. Si enim, sicut ipsi volunt, nolentes damnat, salvat autem volentes, nihil est omnino, quod ulterius quærat... Nos autem incomprehensibilia credentes judicia Dei, ex una massa perditionis, alios salvari dicimus bonitate & gratia Dei, alios justo & occulto Dei judicio derelinqui.*

## PROPOSITIO XXXIV.

" Respondeo & quæro quid nomine *specialis beneficii* intelligas? Illud quod tibi  
 " tantum non alteri datur? At hoc fordissimi & lividissimi animi est, nolle videlicet pro speciali beneficio habere nisi  
 " alteri negatum..... Quod ergo voluerit  
 " Deus omnes salvos esse, id ad speciale  
 " Electorum beneficium spectat : quanto  
 " enim magis Deum amant, tanto magis  
 " & de numero Candidatorum gaudent, &  
 " infinitam Dei bonitatem laudibus attollunt.  
 " pag. III. lin. 20. Sive ergo beneficam  
 " Dei & antecedentem voluntatem *absolute*  
 " consideres ut electis propriam, sive *comparative* ut omnibus etiam reprobis communem, sequitur semper maximum &  
 " spe-

"specialissimum Dei donum ac beneficium  
 "esse . . . . . pag. 112. lin. 3. Quod si  
 "tamen omninò velis non aliud esse mag-  
 "num ac speciale beneficium, quàm quod  
 "aliis negatur, cogita quam multis infini-  
 "tisque creaturis negatum sibi [legendum  
 "videtur *fit*] quod tibi concessum. Pote-  
 "rat enim Deus infinitos alios homines &  
 "creare, & heredes cœli facere, nec tamen  
 "voluit. Tibi ergò tributum, quod infi-  
 "nitis aliis negatum . . . . . Ergò negari  
 "non potest etiam ex hac parte, factâque  
 "cum aliis, qui neglecti sunt comparatione,  
 "voluntatem te salvandi maximum ac spe-  
 "ciale Dei beneficium esse, quippe te in-  
 "numeris aliis prelato. Ib. lin. 15.

## NOTA.

His verbis, totâque hac ratiocinatione  
 Auctor apertè negat, voluntatem Dei circa  
 salutem electorum, esse speciale in eos bene-  
 ficium: imò in eo contendit majus ac spe-  
 cialius esse Dei beneficium, quod, quan-  
 tum est ex se, non magis in illos, quam  
 in reprobos propensus affectusque fuerit.  
 Quæ quidem doctrina tum parum firma,  
 tum etiam Catholicæ fidei contraria vide-  
 tur; cum certum sit saltem perseverantiæ  
 donum speciale & proprium esse Electorum;  
 ut videre est in Concilio Trid. Sess. 6.  
 cap. 13. & can. 16. & 22. ejusdem Sessio-  
 nis.

fionis. Deinde Auctor gratiam à natura non distinguit, eodemque modo utramque omnibus, etiam in hoc naturæ lapsæ statu communem esse supponit. Unde eâ solùm ratione gratiam tanquam speciale Dei donum habendam esse contendit, quod negata sit innumeris aliis creaturis rationalibus; quas Deus omnipotentiâ suâ creare potuisset. Qua in re observandum, naturam humanam ab Auctore semper considerari, ac si in eo statu esset, in quo primitus à Deo condita est, nullâ ratione habita peccati originalis, quo in primo Parente infecta est; quasi verò homines in præsentī statu novo & speciali gratiæ medicinalis adjutorio non indigerent ad justitiam recuperandam & æternam felicitatem obtinendam: Unde hîc, ut & alibi passim, Auctoris doctrina ad Pelagianos errores proximè accedit.

## PROPOSITIO XXXV.

"In arbitrio operantium est, ut eligantur;  
 "Deo quidem gratiam ad opus conferente,  
 "sed homine oblatam acceptante pag. 41.  
 "lin. 7. Falsissima est hominum persuasio,  
 "non esse ampliùs in eorum potestate,  
 "ut inter electos numerentur. Sicut enim  
 "cum gratia Dei, quæ nemini volenti de-  
 "est, in eorum potestate est ut benè vivant,  
 "& in bono perseverent, ita in eorum  
 po-

PROPOSITIONES XL.

„potestate est ut ad electos pertineant pag.  
„47. lin. 2.

NOTA.

Si in arbitrio operantium est, ut eligantur ;  
si in eorum potestate est ut ad electos pertineant,  
ergo electorum numerus non est ab eterno  
prædefinitus, sed augeri vel minui potest,  
quod est aperte contra Augustinum, ex cu-  
jus tamen doctrinâ Auctor se *Nodum præ-*  
*destinationis* velle dissolvere in ipso titulo  
libri ostendit. Eorum, inquit S. Doctor,  
qui prædestinati sunt in regnum Dei, ita certus  
est numerus, ut nec addatur eis quisquam, nec  
minuatur ex eis. lib. de corrept & grat. cap.  
13. Non est aliquis supra numerum, sed certus  
est numerus tract. 122. in Evangel. Joan.  
Imò id unum fuit ex iis quæ in ejus doctri-  
na potissimum reprehendebant Semipelagia-  
ni, ut patet ex epistolis Prosperi & Hilarii ;  
quæ illi occasio fuit componendi libros de  
prædestinatione Sanctorum & de dono per-  
severantiæ, ubi fusè hanc materiam tractat  
& Semipelagianorum objectionibus respon-  
det. Isti autem sunt præcipuè libri Augu-  
stini, quos Hormisdas Pontifex consulen-  
dos ait, ut cognosci possit quid de gratia &  
libero arbitrio *Romana, hoc est Catholica seque-*  
*tur & asseveret Ecclesia* : atque in iisdem ma-  
ximè proponuntur ea dogmata, quæ tutissi-  
ma & inconcussa declaravit Alexander VH.  
sum-



summus Pontifex, & quæ nuper adhuc Sanctiss. Dominus noster Innocentius XII. laudavit & commendavit in Brevis ad Facultatem Theologicam Lovaniensem.

## PROPOSITIO XXXVI.

"Sicut nullum peccatum est, non contra *De peccatis*  
 "rationem, ita nullum non contra con-  
 "scientiam, quæ nihil aliud est, quàm ra- *igno-*  
 "tio practica, dictans in particulari, quid *rantia,*  
 "non liceat, liceatque. Et quemadmodum *igno-*  
 "omne peccatum est contra conscientiam, *rantia*  
 "& tamen aliqui magnique peccatores vix *Dei,*  
 "eâ percelluntur, non quod non pulset & *Peccato*  
 "moneat, sed quia confestim animum ad a- *philoso-*  
 "lia & placentia convertunt, &c. pag. 161. *phico,*  
 "lin. 12. *Et salu-*  
*to gen-*

## NOTA.

Apertè his verbis Auctor asserit, nullum esse peccatum, nisi sit contra conscientiam, hoc est, nisi hic & nunc peccanti conscientia dicet malum esse quod agitur; quod si semel admittatur, non amplius loquendum de peccatis ignorantia, in quibus homines non solum se malè agere ignorant, sed sæpe, cæcitate mentis, legem Dei violando, rectè se agere existimant. Hæc autem fuit hæresis Pelagianorum, qui aiebant *Philosophorum,*  
*oblivionem & ignorantiam non subiacere peccato,*  
 quæ primùm damnata est in Synodo Diospolitana, ac deinde in Conciliis Africanis, &  
 à

à S. Augustino pluribus locis confutatur. Fuit etiam postea error Petri Abalardi, quem S. Bernardus epistolâ 77. ad Hugonem S. Victoris, adductis variis Scripturæ testimoniis, refellit his verbis : *Is forsitan qui asserit non posse peccari per ignorantiam, nunquam pro ignorantibus suis deprecatur, sed potius Prophetam irridet deprecantem & dicentem : delicta juventutis meæ & ignorantias meas ne memineris. Si peccatum ignorantia nullum est, non ergo peccavit Saulus qui persecutus est Ecclesiam Dei, quoniam quidem ignorans hoc fecit, manens in incredulitate . . . . Si, inquam, ignorantia nunquam peccatur, quid ergo causamur adversus occisores Apostolorum, quandoquidem non solum malum esse nescierunt interficere illos, sed insuper quoque id faciendo, arbitrati sunt obsequium se præstare Deo? sed & frustra in cruce Salvator pro suis orabat crucifisoribus, quippe nescientibus, ipso teste, quid facerent, & ita nequaquam peccantibus.*

De his ignorantia peccatis generaliter pronuntiat S. Augustinus epist. 134. *Si quis bonum putaverit esse quod malum est, hoc putando utique peccat, & ea sunt omnia peccata ignorantia, quando quisque bene fieri putat, quod male fit. Eandem materiam de peccatis ignorantia, cum quis falsam conscientiam sequitur, latè tractat. S. Thomas 1. 2. qu.*

qu. 76. art. 2. 3. & seqq. Item I. 2. qu. 19. a 5. & 6. I. 2. qu. 94. a. 6. allatæ Auctoris propositioni contrariam planè doctrinam tradens ; quibus addenda quæ habet Quodlib. 8. art. 13. ubi generaliter ait : *Illud quod agitur contra legem (æternam) semper est malum , nec excusatur per hoc quod est secundum conscientiam.*

## PROPOSITIO XXXVII.

„Demus Brasiliæ populos Deum ita  
 „(invincibiliter) ignoratle , id quoque  
 „magna beneficii & gratiæ pars fuit pag. 152.  
 „lin. 32.

## NOTA.

*Accedentem ad Deum credere oportet , quia est , & inquirentibus se remunerator sit. Sine (hac) fide impossibile est placere Deo. Heb. II. v. 6. Absit ergo ut ea ignorantia , quæ impedit ne quis Deo placere possit , dicatur magnum Dei beneficium & gratia : sed dicatur potius , quemadmodum revera est , & hætenus ab omnibus Theologis dicta fuit , peccati pæna gravissima.*

## PROPOSITIO XXXVIII.

„Cum peccatum sit essentialiter offensio  
 „& injuria Dei , sublatâ Dei cognitione ,  
 „necessariò sequitur , nec injuriam nec  
 „peccatum nec æternam pænam esse.  
 „Ib. lin. 33.

## NOTA

## NOTA.

Hæc propositio damnatum ab Alexandro VIII. summo Pontifice Philosophici peccati errorem videtur revocare, vel etiam perus aliquid Philosophismo docere. Quamvis enim primò doceat Auctor neminem, etiam inter barbaros, Deum invincibiliter & citra culpam ignorare, postea tamen haud ægrè supponit id contingere posse, ut patet ex præcedente propositione, & ex verbis in sequenti propositione mox referendis. Et certè si per *ignorantiam invincibilem ac citra culpam* illa intelligatur, quæ hic & nunc, viâ ordinariâ, ob magistrorum & cujuscunque alterius humani adjutorii defectum, removeri non potest, ut multi hodie Theologi intelligunt, vix negari potest ejusmodi ignorantiam dari in quibusdam barbaris, si non per longum vitæ tempus, saltem aliquanto tempore postquam ad usum rationis pervenerunt. Hoc autem posito, Auctor nullum omninò peccatum, in ejusmodi hominibus agnoscit, sed eos etiam furando, adulterando, occidendo, impeccabiles fore pronuntiat; quod non dicunt peccati Philosophici defensores, qui in eis saltem peccatum Philosophicum agnoscunt.

Deinde loquendo etiam in hypothesi quod ejusmodi ignorantia Dei sit impossibilis, nullus hætenus inter Doctores peccati  
Phi-



philosophici repertus est, qui hanc Dei ignorantiam, si dari posset, pro beneficio & gratia Dei habendam docuerit, atque hoc nomine Deum ejusmodi hominibus propitium fore dixerit. Patet itaque Auctorem in hac materia aliquid docere, quod ipsa peccati Philosophici doctrinâ, à summo Pontifice damnatâ deterius sit.

## PROPOSITIO XXXIX.

„Cum (barbari) hac (Dei) ignorantia  
 „impeccabiles redderentur, alioquin certissimò peccaturi si agnoscerent, sequitur  
 „hoc ipsum beneficium esse. Ib. lin. 36.  
 „Ergo si barbari agnoscant (Deum) sic que  
 „invocare illum & salutem consequi possint,  
 „sive penitus ignorent, & idè nec possint  
 „peccare, semper verum erit, ne illis  
 „quidem misericordiam deesse pag. 153.  
 „lin. 2.

## NOTA.

Absurda & erronea propositio, ut beneficii & gratiæ loco habeatur, quidquid nos quocunque modo impeccabiles redderet. Hoc si verum esset, omnes optare deberent, ut nunquam in lucem prodissent, ut semper fatui & rationis usu expertes remansissent, ut eos Deus, non homines, sed bruta, ligna aut lapides creasset. Deinde quis Christianus patienter audiat, beneficii ac misericordiæ loco habendum,

E

Deum

Deum ignoret, & vivere sinatur sicut equus & mulus quibus non est intellectus? Cum è contra summa sit miseria creaturæ rationalis ad imaginem Dei conditæ, proprium Auctorem ac summum suum bonum atque ultimum finem non cognoscere, atque adeò nec colere.

## PROPOSITIO XL.

„Justinus Martyr Socratem Philosophum  
 „non tantùm salvum, verùm etiam Mar-  
 „tyrem esse docet . . . & insigniores Phi-  
 „losophos, & quotquot de gentilibus cum  
 „ratione vixerunt, Christianos appellat  
 „pag. 155. lin. ult. Idem de Platone . . .  
 „alii dicunt pag. 155. lin. 5. Omnibus ho-  
 „minibus etiam incultissimis ac planè bar-  
 „baris auxilium gratiæ datur, quo legem  
 „naturalem observent, quâ observatâ, &  
 „nisi obicem ponant, Deus curaturus est,  
 „ut eis quoque Evangelium innotescat, ut  
 „de Sibyllis, Cornelio, Eunuchio Candacis  
 „Reginæ, & PLATONE PHILOSOPHO con-  
 „stat. pag. 160. lin. 1.

## NOTA.

Hæc auctor ex Justino refert, ea appro-  
 bando & confirmando, ut patet ex textu,  
 quibus satis sit opponere quæ de illis Philo-  
 sophis passim leguntur, & quæ de iisdem  
 communiter sancti Patres censuerunt. De  
 Socrate Tertullianus ait in Apologet. cap.

46. Socratis vox est, *si demonium permittat.*  
*Idem, & cum aliquid de veritate sapiebat,*  
*Æsculapio gallinaceum profecari jubebat.* Et  
 paulo infra. *Si de pudicitia provocemus, lego*  
*partem sententiæ Atticæ in Socratem corrup-*  
*tozem adolescentium pronuntiata, & cap. 36.*  
 de eodem Socrate & Catone notat, quod  
 uxores suas amicis communicaverint. Mul-  
 ta similia de Socrate aliisque insignioribus  
 Philosophis habent Cyprianus, Chrysosto-  
 mus, Cyrillus, Theodoretus, Augustinus  
 alique Patres: de quibus generatim Lactan-  
 tius lib. 3. cap. 29. rectè ait: *Omnis sa-*  
*pientia hominis in hoc uno est ut Deum cognoscat*  
*& colat.* Hoc est illud quod Philosophi omnes  
*totâ vitâ suâ quæsierunt, nec unquam tamen*  
*investigare, comprehendere, tenere valuerunt,*  
*quia religionem aut pravam tenuerunt, aut to-*  
*tam penitus sustulerunt.*

De Platone nescio unde constet, Evan-  
 gelium, seu promissionem Evangelii ei in-  
 notuisse, & quo titulo conjungatur Corne-  
 lio & Eunuchò Candacis Reginae, quorum  
 fides in sacris literis commendatur. Sanè  
 cum Augustinus condemnat lib. 8. de Civ.  
 Dei. cap. 12. quod idola colenda docuerit,  
 Lactantius, lib. 3. cap. 20. quod uxorum  
 communitatem in sua republica statuerit;  
 Theodoretus serm. 9. de legibus, quod infan-  
 tium cædes parentibus non solum permise-  
 rit, sed certis casibus præceperit.

## IV.

## ANIMADVERSIONES

In locos tum

SCRIPTURÆ SACRÆ,

Tum

SANCTORUM PATRUM ;

Citatos in Libro, cui titulus :

*NODUS PRÆDESTINATIONIS &c.*

## P R Æ F A T I O.

**I**N Theologica magni momenti disputatione, qualis est ea, de qua in hoc opere agitur, illud in primis requiritur, ut quæ ex Scripturis Sacris & Sanctorum Patrum libris citantur, summâ diligentia & fidelitate, totidem planè verbis, & juxta germanum ac proprium Auctorum sensum adducantur. Quod cum minimè in præsentì opere factum sit, haud abs re erit, quid quantumque ea in re peccatum, sit breviter exponere: sic enim, sine proluxiori disquisitione, statim patebit, quid de hocce libro judicandum sit. Ea certè fuit Auctoris religio ac-



pietas, ut nemo malam ejus fidem, in laudandis Scripturæ aut Sanctorum Patrum verbis, suspicari debeat: unde satius est existimare, eum Auctores ipsos non in eorum libris, sed tantum in collectionibus, aut quorundam recentiorum Scriptis legitse, vel subministratos ab aliis locos adhibuisse, quos postea, nonnullis editionem libri urgentibus, jam infirmus ac morti proximus, denuò videre & emendare non potuit. Quocunque id pacto acciderit, clarum est exiguam admodum esse fidem atque auctoritatem Libri, in quo tot tantæque, in proferendis Scripturæ aliorumque Auctorum testimoniis, errata occurrunt.

## ARTICULUS PRIMUS.

### *De Locis Scripturæ male citatis.*

**Q**UO major est divini verbi in rebus Theologicis auctoritas, eo cautior ac religiosior in eo citando quisque esse debet, ut nonnisi ipsamet Scripturæ verba, prout jacent, proferat; & quidem juxta editionem vulgatam, si latinè citetur; cum hæc a tempore Concilii Tridentini, inter omnes alias editiones latinas autentica habeatur, ac pene sola apud catholicos remanserit. Id autem præstare facillimum est; unde vix intelligi potest, quid factum sit, ut in laudandis

dis etiam pervulgatissimis Scripturæ locis, toties Auctor *Nodi* aberravit.

Hic observandum est, locos omnes tum Scripturæ, tum Sanctorum Patrum, de quibus postea nobis agendum est, Italico caractere in hoc opere editos esse, ut quilibet legendo non alia quam ipsamet Auctorum verba proferri credat.

Ut autem quid omissum, quid mutatum, quidve additum sit statim appareat, eundem locum primum ex *Nodo*, caractere Italico, deinde ex ipsomet fonte, hoc est, ex laudato Auctore caractere Romano proferam præfigendo cuique lineæ duplex hoc comma,,: ubi hoc observabitur, ut in citatione ex ipso *Nodo* descripta, ea quæ Auctor addidit aut mutavit, caractere distinguantur romano. In citatione verò, quam est ipsismet Auctoribus subjungam, quæ ab Auctore *Nodi* omissa vel mutata sunt, Italico caractere discernantur.

pag. 6.  
lin. 20.

# I.

Ut probet Auctor Deum habere voluntatem efficacem salvandi omnes, atque adeo omnib., quantum est ex se, efficaces & copiosissimas gratias offerre, citat hæc verba ex S. Paulo: *Tanta est voluntas Dei salvandi omnes, ut etiam proprio filio non pepercerit, sed pro omnibus tradiderit illum, & cum illo omnia nobis donaverit.* Eadem Apostoli verba repetit pag. 15. lin. 16. *Qui proprio filio suo non pepercit, sed pro omnibus tradidit illum.* Rom. 8. v. 32.

## ANIMADVERSIO.

Utroque supprimit vocabulum *Nobis*, quod ad rem maximè facit, cum ibi alloquatur Apostolus fideles Romanos, eos exhortans ad spem & fiduciam in Deo repouendam: quos etiam, pro more suo, tanquam si essent omnes electi, & secundum propositum vocati, compellat, ut legenti pater. Unde verba Apostoli probant tantum singularem ac summum Dei amorem erga eos, qui per fidem & baptismum Christo conjuncti sunt. Quod cum Auctori non sufficeret, vocabulum *Nobis* suppressit, ut ex auctoritate Pauli Deum efficaciter omnium ac singulorum hominum salutem vellet, eisque redemptionis fructum, hoc est, gratias copiosissimas conferre adstrueret. Ultima quoque verba, quantum ad constructionem, non parum immutavit. En ipsa Apostoli verba: „ Quid ergo dicemus „ ad hæc? si Deus pro nobis, quis contra „ nos? Qui etiam proprio filio suo non pepercit, sed pro nobis omnibus tradidit illum: Quomodo non etiam cum illo omnia „ nobis donavit? Rom. 8. v. 31. 32.

## I I.

*Si unus pro omnibus mortuus est Christus*  
 p. 13. 15. *ut qui vivunt, non sibi vivant, sed illi qui pro*  
 lin. 17. *omnibus mortuus est.* 2. Cor. 5. v. 14.

ANI-

## ANIMADVERSIO.

Fædissimè truncatus est hic locus , qui sic habet apud Paulum : „ Si unus pro omnibus mortuus est , *ergo omnes mortui sunt* , & pro omnibus mortuus est Christus , „ ut & qui vivunt , *jam non sibi vivant* , sed „ ei qui pro *ipsis* mortuus est & resurrexit . 2. Cor. 5. v. 14. 15.

## III.

Sperate in Deo vivo , qui præstat nobis omnia abunde ad fruendum , Tim. 6. v. 17.

## ANIMADVERSIO.

Mutila & corrupta oratio , ut inde probetur gratia Christi abundè , & copiosissime in omnes homines etiam barbaros & infideles effusa ; cum Paulus tantùm hoc loco Timotheum doceat quid speciatim divitibus præcipere debeat. Unde hæc ejus verba : „ Qui præstat nobis omnia abunde ad fruendum „ non tam de gratia Salvatoris , quam de communi Dei providentia & beneficiis Creatoris accipienda sunt ; de quo aliàs differens in Arcopago ait , quod „ Ipse „ det omnibus vitam & inspirationem & omnia. Act. 17. v. 25. id quod ipse Auditor etiam hic notavit. „ Divitibus , inquit . „ Apostolus , *hujus sæculi præcipe non sublimè sapere , neque sperare in incerto divitia-*



rum, sed in Deo vivo, qui præstat nobis  
omnia abunde ad fruendum.

## I V.

pag. Tum cepit exprobrare civitatibus, in quibus  
130. factæ sunt quamplurimæ virtutes, quod non  
hinc. 15. egissent penitentiam: vae tibi Betsaida, vae tibi  
Cæsarea, quia si in Tyro & Sidone factæ fuisset  
quæ factæ sunt in vobis, olim in cilicio &  
cinere egissent penitentiam: veruntamen dico  
vobis, Tyro & Sidoni remissius erit in die judi-  
cii, quam vobis. Et tu Capharnaum usque in  
infernum descendes, quia si in Sodomis factæ  
fuissent virtutes, quæ factæ sunt in te, forte  
mansissent usque in hanc diem: veruntamen dico  
vobis, quia terra Sodomorum remissius erit in  
die judicii, quam tibi. Matth. II. v. 20, 21, 22.

## ANIMADVERSIO.

Multa hinc a vulgata editione discrepant:  
sed præcipuè notanda hæc verba: „ Si in  
„ Tyro & Sidone factæ fuissent quæ factæ  
„ sunt in vobis: pro quibus in Evangelio le-  
gitur: „ si in Tyro & Sidone factæ essent virtu-  
„ tes, quæ factæ sunt in vobis: „ quo significantur  
externa Christi opera & miracula ab eo patrata.  
Auctor autem mutando verba, dictum Chri-  
sti de gratia interiore & auxilio Dei, nos ad  
fidem & pia opera moventis interpretatur.  
En ipsa Evangelii verba: „ Tunc cepit ex-  
„ probare civitatibus in quibus factæ sunt  
„ plurimæ virtutes ejus, quia non egissent  
peni-

„pœnitentiam! vœ tibi *Corosaim*, vœ tibi  
 „*Bethsaida*, quia si in Tyro & Sidone factæ  
 „essent virtutes, quæ factæ sunt in vobis, o-  
 „lim in cilicio & cinere pœnitentiam egissent.  
 „Veruntamen dico vobis: Tyro & Sidoni  
 „remissius erit in die iudicii, quam vobis.  
 „Et tu Capharnaum nunquid usque in Cæ-  
 „lum exaltaberis? Usque in infernum de-  
 „scendes; quia si in Sodomis factæ fuissent  
 „virtutes, quæ factæ sunt in te, forte man-  
 „sissent usque in hanc diem. Veruntamen  
 „dico vobis, quia terræ Sodomorum remis-  
 „sius erit in die iudicii, quam tibi.

## V.

Obsecro primum omnium fieri obsecrationes pro  
 omnibus, ut in omni pietate & honestate vitam pag. 9.  
 geramus; hoc enim bonum & acceptum est coram lin. 19.  
 Salvatore nostro Deo, qui omnes homines vult  
 salvos fieri & ad cognitionem veritatis venire.  
 Unus enim Deus, unus & Mediator Dei &  
 hominum Christus Iesus dans semetipsum re-  
 demptionem pro omnibus 1. Tim. 2. v. 1.

## AMIMADVERSIO.

Conferantur hæc cum sequentibus vulga-  
 tæ editionis verbis, & quam deformata sint  
 statim apparebit. „Obsecro igitur primum  
 „omnium fieri obsecrationes, orationes, po-  
 „stulationes gratiarum actiones pro omnibus  
 „hominibus: Pro regibus & omnibus qui in su-  
 blimi-

## 108 ANIMADVERSION. IN LOCOS

„blimitate sunt, ut quietam & tranquillam  
 „vitam agamus in omni pietate & castitate :  
 „Hoc enim bonum est & acceptum coram  
 „Salvatore nostro Deo, qui omnes homi-  
 „nes vult salvos fieri, & ad agnitionem verita-  
 „tis venire. Unus enim Deus, unus &  
 „mediator Dei & hominum homo Christus  
 „Jesús, qui dedit redemptionem semetipsum  
 „pro omnibus.

### V I.

pag. 2. Osee 13. v. 9. Perditio tua ex te Israel, ex  
 lin. 34. me tantum auxilium tuum.

## ANIMADVERSIO.

Sic habet Scriptura apud vulgatum Inter-  
 pretem : „ Perditio tua, Israel : tantum-  
 „modo in me auxilium tuum.

### V. I I.

pag. 169. Heb. II. Accedentem ad Deum oportet cre-  
 dere, quia est, & quia remunerator est.  
 lin. 29.

## ANIMADVERSIO.

Sic legitur Heb. II. v. 6. „ Credere enim  
 „oportet accedentem ad Deum, quia est, &  
 „inquirentibus se remunerator sit : „ ubi no-  
 tanda est particula enim quæ verba ista pro-  
 ximè præcedentibus conjungit, his videli-  
 cet : „ Sine fide autem impossibile est pla-  
 „cere Deo „ Porro hanc fidem Apostolus  
 Paulus

Paulò ante definierat „ Sperandarum substan-  
 „ tiam rerum , argumentum non apparen-  
 „ tium „ ejusque exempla ex Abel , Enoch ,  
 aliisque Patriarchis protulerat , quos certum  
 est explicitam in Christum venturum fidem  
 habuisse ; unde omnino est contra mentem  
 Apostoli , dicta verba afferre ad probandum  
 quam plurimos , ante Evangelium , sine ex-  
 plicita in Christum fide , salvatos esse.

## VIII.

*Juxta illud Sap. 4. Raptus est ne malitia  
 mutaret intellectum ejus.*

pag.

120.

lin. 2.

## ANIMADVERSIO.

Hoc Sapiens dixit de Enoch , qui „ pla-  
 „ cuit Deo & translatus est in paradysum „  
 ut habetur Eccl. 44. v. 16. & de quo Gen.  
 5. v. n. 4. dicitur : „ Ambulavit cum Deo ,  
 „ & non apparuit , quia tulit eum Deus. „  
 Unde verba illa Sapientis rectè in eos qua-  
 drant , qui bonis & piis moribus , in adole-  
 scentia aut juventute è vivis excedunt , vel  
 etiam qui post acceptam baptismi gratiam ,  
 adhuc infantes extinguuntur. Sed novum  
 prorsus atque hætenus apud catholicos in-  
 auditum , ut ad infantes sine baptismo de-  
 cedentes , ac præsertim si sint infidelium fi-  
 lii , ut loquitur Auctor , transferantur. Ne-  
 que responderi potest eum hunc Scripturæ.



locum quadam solum accommodatione ad confirmandam sententiam suam afferre. Id enim, sanctorum Patrum exemplo, licet in re aliunde certa, & catholicæ doctrinæ principiis omnino consentanea. At ubi quis novum aliquod dogma profert, quale est illud de infantibus sine baptismo decedentibus, quorum status cælesti beatorum gloriæ quodam saltem modo præfertur; verba Scripturæ ad id confirmandum contra obvium eorum sensum, aptari non possunt, nisi statutam a Concilio Tridentino legem violando, qua prohibetur, ne quis in rebus fidei & morum, ad ædificationem doctrinæ christianæ pertinentium, sacram Scripturam ad suos sensus contorqueat, & contra cum sensum quem tenuit & tenet sancta Mater Ecclesia, aut etiam contra unanimem consensum Patrum, interpretari audeat.

Mitto hanc Auctoris ratiocinationem parum firmam minusque cohærentem videri. Cum enim omnibus ac singulis hominibus efficacissimas & copiosissimas ad consequendam salutem gratias largiatur, quæ fieri potest, ut summi beneficii loco habeatur præmatura mors infantis sine baptismo decedentis, qui superstes, & gratiam baptismi consequi, si ex parentibus christianis ortus sit; vel si parentes infideles habeat, accedente ætate, copiosissimis illis gratiis adju-

tus

tus fidem amplecti , & ad eternam felicitatem pervenire potuisset ? Certè qui ejusmodi infantes singulari & maximo Dei beneficio raptos asserit , ne innocentiae personalis , ut eam vocat Auctor , jacturam facerent , neve peccatorum actualium periculo subjacerent , videtur ignorare quid sit peccatum originale , & gratiam regenerationis , ac justificationem ex fide Christi partam , ipsamque caelestis regni æternam felicitatem pronihilo habere.

Denique cum Vincentius Victor ex Donatistarum secta ad Ecclesiam Catholicam conversus , inter alios suos errores Pelagiano dogmati affines , hunc ipsum Sapientiae locum de pueris sine baptismo decedentibus intelligeret , sic cum S. Augustinus lib. 3. de anima & ejus origine Cap. 10. redarguit :

„ Noli credere nec dicere nec docere de  
 „ infantibus , qui priusquam renascantur in  
 „ Christo , præveniuntur occiduo , scriptum  
 „ esse : Raptus est ne malitia mutet illius in-  
 „ tellectum , aut ne fictio decipiat animam  
 „ ejus . . . . . *si vis esse catholicus*. Hoc e-  
 „ nim ad illos omnino non pertinet , sed ad  
 „ eos potius , qui baptizati & piè viventes diu  
 „ non permittuntur hîc vivere , non annis  
 „ sed sapientiae gratiâ consummati. Ille verò  
 „ error quo putatur hoc de parvulis , ante-  
 „ quam baptizentur morientibus , esse di-  
 „ ctum ,

„Etum, ipsi sacrosancto lavacro intolerabilem facit injuriam.

Idem repetit lib. 4. cap. 24. ubi inter undecim capita, quæ tanquam doctrinæ Catholicæ contraria in Victore notaverat, illud ipsum refert. „Illa, *inquit*, præcipue undecim cave, de quibus te in libro superiori commonui: ne animam sic dicas . . . . . aut de his qui prius quam baptizentur expirant, dictum esse quod scriptum est. Raptus est ne malitia mutaret illius intellectum: quæ quidem etiam confirmantur lib. 2. ejusdem operis cap. 9.

Hos ad specimen locos è scriptura attulimus: complures enim supersunt aliter citati quam in vulgata editione habentur, vel etiam additis, mutatis, aut suppressis pluribus verbis; quod qui comprobare velit, consalat locos hic adscriptos: Matth. 23. v. 31. pag. 22. Sap. 11. v. 25. & 27. pag. 25. Joan. 2. v. 12. pag. 26. 2 Tim. 2. v. 19. pag. 36. Matth. 26. v. 28. pag. 52. Rom. 5. v. 19. pag. 52. Job 24. v. 13. pag. 60. & pag. 93. Rom. 9. v. 11. & seqq. pag. 68. 2 Pet. 3. v. 15. pag. 20. Ezechiel. 18. v. 23. pag. 71. 1 Cor. 3. v. 22. pag. 72. Isai. 5. v. 4. pag. 73. Rom. 10. v. 21. pag. 75. Luc. 10. v. 21. pag. 83. Isai 6. v. 10. pag.

93. Matth. 13. v. 14. & 15. pag. 93.  
 Ador. 28. v. 25. 26. pag. 93. Joan. 3.  
 v. 5. pag. 114. Jacob. 1. v. 5. pag. 1.  
 2. 4. Ephes. 2. v. 4. & 5. pag. 125.  
 Deut. 30. v. 10. & 11. pag. 125.  
 Matth. 11. v. 29. pag. 126. Sap. 13.  
 v. 5. pag. 149. 1 Cor. 10. v. 13. pag.  
 161. Job 15. v. 21. pag. 162. Sap.  
 11. v. 17. pag. 162. 2 Paral. 36. v. 15.  
 pag. 168. Jerem. 51. v. 9. pag. 170.  
 4 Reg. 21. v. 1. & seqq. Item 2 Paral.  
 33. v. 12. pag. 176. Jacob. 1. v. 6. &  
 7. pag. 225. Prov. 1. v. 24. & seqq. pag.  
 226.

## ARTICULUS SECUNDUS.

### *De præcipuis locis S. Augustini in Nodum allatis.*

**M**Ajora adhuc & crassiora sunt | *Nodi* er-  
 rata in citandis SS. Patribus, & maxi-  
 mè S. Augustino, ex cujus tamen doctrina  
 Auctor in ipso jam titulo, se difficillimam  
 de prædestinatione quæstionem explicaturum  
 pollicetur. Nam pleraque ab eo allata, aut  
 non extant apud Augustinum, aut aliter ali-  
 isque verbis: aut variis ex locis hinc inde  
 sumptis confarcinata sunt, nonnullis etiam  
 verbis vel suppressis vel mutatis, nullâ tan-  
 tæ



tæ varietatis appositâ notâ, aut ex libris ab Augustino ante Episcopatum compositis petuntur, quæ ipsemet postea contra Pelagianos scribens revocavit, aut denique ex aliorum, etiam Semipelagianorum, opusculis falsò illi adscriptis, sumpta esse deprehenduntur. Quædam etiam tum ex Augustino, tum ex aliis Patribus, iisdem quidem auctorum verbis, sed alio plane sensu afferuntur, quod facile legentes agnoscerent, si ea quæ apud ipsos Auctores vel præcedunt vel sequuntur, in *Nodo* omissa non fuissent. Singulorum exempla, prout occurrent, ut supra dictum est, verbis omissis vel mutatis alio charactere expressis, proponemus.

## I.

pag. 72. Ex I. lib. Augustini ad Simplicianum  
lin. qu. 2. Et primò intentionem Apostoli, quæ  
24. per totam epistolam viget, tenebo, quam consu-  
lam: hac autem est, ut de operarum merito ne-  
mo gloriatur, de quibus audebant Israëlita glo-  
riari, quod datæ sibi Legi servissent, & ex hoc  
Evangelicam gratiam tanquam debitam meritis  
percepissent: unde nolebant eandem gratiam dari  
gentilibus, tanquam indignis, nisi judaica sa-  
cramenta perciperent; non enim intelligebant  
quia hoc ipso quod gratia est, operibus non de-  
betur, alioquin gratia jam non est gratia. Et  
ideo multis locis gratia præponitur operibus, non  
ut

*ut opera extinguat, sed ut ostendat, non esse opera præcedentia gratiam, sed consequentia: ut scilicet non se quis arbitretur percepisse gratiam quia bene operatus est, sed bene operari non posse nisi per gratiam. Nec enim ut ferueat, calefacit ignis, sed quia fervet: nec ideo bene currit rota, ut rotunda sit, sed quia est rotunda: sic etiam nemo bene operatur, ut accipiat gratiam, sed quia accepit.*

## ANIMADVERSIO.

En integrum & sincerum Augustini locum. „ Et primo intentionem Apostoli, „ quæ per totam epistolam viget, tenebo, „ quam consulam. Hæc est autem, ut de o- „ perum meritis nemo gloriatur, de quibus „ audebant Israëlitæ gloriari, quod datæ sibi „ Legi servissent, & ex hoc Evangelicam „ gratiam, tanquam debitam meritis suis per- „ cepissent, quia legi serviebant; Unde nole- „ bant eandem gratiam dari gentilibus, nisi „ judaica Sacramenta susciperent: Quæ orta „ quæstio in Apostolorum actibus solvitur. Non „ enim intelligebant, quia eo ipso quo gratia „ est Evangelica, operibus non debetur; ali- „ oquin gratia jam non est gratia. Et mul- „ tis locis hoc sæpe testatur, fidei gratiam præpo- „ nens operibus, non ut opera extinguat, „ sed ut ostendat non esse opera præcedentia „ gratiam, sed consequentia, ut scilicet non se

„se quisque arbitretur *ideò* percepisse gratiam,  
 „quia bene operatus est, sed bene operari  
 „non posse, nisi per *fidem* *perceperit* gra-  
 „tiam. *Incipit autem homo percipere gratiam*  
 „*ex quo incipit Deo credere, vel interna vel ex-*  
 „*terna admonitione motus ad fidem.* „Hucus-  
 „que Augustinus, qui deinde numero se-  
 „quenti, post quinquaginta ferme lineas,  
 „quas *Nodus*, nullo signo expresso, omittit,  
 „hæc habet „*Vocantis est ergo gratia, percipieu-*  
 „*tis verò gratiam consequenter sunt opera bona,*  
 „*non quæ gratiam pariant, sed quæ gratiâ pa-*  
 „*riantur.* Non enim ut ferveat calefacit  
 „ignis, sed quia fervet. Nec ideo bene  
 „currit rota, ut rotunda sit, sed quia rotunda  
 „est. Sic nemo *propterea* bene operatur, ut  
 „accipiat gratiam, sed quia accipit.

Facile mihi persuadeo Auctorem *Nodi*  
 nunquam verba Augustini in fonte legisse,  
 sed ex turbidis quorundam recentiorum ri-  
 vulis hausisse. Certè quisquis primus hunc  
 locum, prout hîc refertur, construxit, non  
 sine fraude ea subtraxit, quæ ostendunt  
 Augustinum omninò alienum esse ab eorum  
 sententia, qui gratias abundantes, & copio-  
 sas omnibus infidelibus largiuntur. Ibi e-  
 nim totus est, ut demonstret ex mente A-  
 postoli, fidem præponendam esse bonis o-  
 peribus, adeòque nulla opera fidem ante-  
 cedentia, etiam in Judæis legi servientibus,

ex gratia fieri, aut talia esse quæ fidem seu gratiam Evangelicam promereantur; quod & alibi sæpius inculcat, sed præcipuè secunda enarratione in Ps. 31. ubi inter alia n. 4. ait. „ Quod nulla opera debemus præponere „ fidei, ita ut ante fidem quisque dicatur „ bene operatus: Ac deinde addit! Nemo „ ergo computet bona opera sua ante fidem: „ ubi fides non erat, bonum opus non erat. Hæc autem cum doctrinæ Nodi *gratias abundantissimas, copiosissimas & ex natura sua efficaces* „ omnibus etiam infidelibus largientis, è diametro opponantur, detractis & mutatis pluribus verbis ita compingendus fuit hic locus, ut verus Augustini sensus occultaretur.

## II.

Audi Augustinum lib. de perfect. justitiæ ante medium, *Non est grave quod diligendo fit: nam perfecta charitas facit præcepti sarcinum levem, nec solum non prementem onere ponderum, verum etiam sublevantem vice pennarum. Anima ergo quæ illa gravia sentit, ore gemitu voluntatis, ut impetret donum facilitatis.*

pag.

128.

lin. 13.

## ANIMADVERSIO.

En ipsa verba Augustini: „ Quis autem „ nesciat, cum præceptum sit generale caritas (quia finis præcepti est caritas, & plenitudo legis est caritas) non esse grave „ quod diligendo fit, *non timendo? laborant*

„ au-



„autem in Dei præceptis qui ea timendo conan-  
 „tur implere, sed perfecta caritas foras mittit  
 „timorem & facit præcepti sarcinam non sò-  
 „lum non prementem onere ponderum,  
 „verum etiam sublevantem vice pennarum.  
 „Quæ tamen caritas ut habeatur etiam tanta,  
 „quanta in corpore mortis hujus haberi potest,  
 „parum est voluntatis nostræ arbitrium, nisi  
 „adjuvet gratia Dei per Jesum Christum Do-  
 „minum nostrum. Diffunditur quippe in cor-  
 „dibus nostris, quod sæpe dicendum est, non per  
 „nos ipsos, sed per Spiritum sanctum qui datus  
 „est nobis. Nec aliam ob causam Scriptura  
 „commemorat non esse gravia divina præcepta,  
 „nisi ut anima, quæ illa gravia sentit, intel-  
 „ligat se nondum accepisse vires quibus talia sint  
 „præcepta Dei, qualia commendantur, levia sci-  
 „licet atque suavia, & oret gemitu volunta-  
 „tis, ut impetret donum facilitatis.

Qui hunc locum Auctori Nodi suppeditavit, sic illum, suppressis pluribus verbis & quibusdam adjunctis, composuit, ut contra apertum Augustini sensum, gratias quas nonnulli sufficientes, ipse verò, ex natura sua efficaces, appellat, omnibus ad operandum, vel saltem ad orandum præsto esse comprobaret.

## III.

Et (Augustinus) lib. 1. ad Simplic. qu. 2. <sup>pag. 73.</sup>  
*non igitur odit Deus Esau peccatorem . . . . odit* <sup>lin. 13.</sup>  
*enim Deus in homine impietatem & in aliis eam*  
*punit per damnationem, in aliis adimit per ju-*  
*stificationem, quemadmodum ipse judicat esse*  
*faciendum judiciis illis inscrutabilibus. Et*  
*quod ex numero impiorum, quos non justificat,*  
*facit vasa in contumeliam, non in eis odit quod*  
*facit, quippe inquantum impii, sunt execrabi-*  
*les; inquantum autem vasa sunt, ad aliquem*  
*usum faciunt, ut per eorum ordinatas penas*  
*vasa, quæ fiunt in honorem, proficiant. Non*  
*itaque odit Deus, nec in quantum homines*  
*sunt, nec inquantum vasa sunt, id est, non*  
*quod in eis facit creando, nec quod in eis facit*  
*ordinando . . . . sicut enim judex in homine*  
*odit furtum, sed non odit quod datur ad me-*  
*tallum; illud enim fur, hoc judex facit: Ita*  
*Deus.*

## ANIMADVERSIO.

Hoc loco Auctor, additis punctorum  
 notis, nonnulla omisit, quod illi planè li-  
 cuit, tametsi non inutiliter illa ipsa quæ o-  
 misit, ad pleniorē dictorum intelligen-  
 tiam attulisset. Certè post ultima hæc ver-  
 ba: *Ita Deus*, non debuit ea quæ de con-  
 spersione seu massa impiorum sequuntur,  
 omittere, orationem mancā relinquendo;  
 sed

sed cur id omiserit, non est difficile conjicere : vidit quippe hæc neutiquam coherere cum gratiis illis, quantum est ex se efficacibus & copiosissimis, quas omnibus hominibus etiam obcæcatis & induratis conferri asseverat. Aliqua etiam verba de suo addidit aut mutavit, quod ex sequentibus patebit.

„Non igitur odit Deus Esau hominem,  
 ” sed odit Deus Esau peccatorem ; sicut dicitur de Domino : in sua propria venit &  
 ” sui eum non receperunt . . . . . nam & Christus pro impiis mortuus est, non tamen ut  
 ” impii permanerent, sed ut justificati ab  
 ” impietate converterentur, credentes in  
 ” eum qui justificat impium. *Odit enim Deus*  
 ” *impietatem.* Itaque in aliis eam punit per  
 ” damnationem in aliis adimit per justificationem, quemadmodum ipse judicat esse  
 ” faciendum judiciis illis inscrutabilibus. Et  
 ” quod ex numero impiorum, quos non justificat, facit vasa in contumeliam non in  
 ” eis odit quod facit, quippe in quantum  
 ” impii *sunt*, execrabiles sunt : in quantum  
 ” autem *vasa fiunt*, ad aliquem usum *fiunt*,  
 ” ut per eorum ordinatas pœnas, vasa quæ  
 ” fiunt in honorem, proficiant. Non itaque odit Deus, nec in quantum homines  
 ” sunt, nec in quantum vasa sunt, id est  
 ” non quod in eis facit creando, nec quod

„in eis facit ordinando. Nihil enim eorum  
„odit quæ fecit : sed tamen quod vasa eos  
„facit perditionis , ad usum correctionis ali-  
„orum facit. Odit enim in eis impietatem  
„quam ipse non fecit : sicut enim Judex in  
„homine odit furtum , sed non odit quod  
„datur ad metallum : illud enim fur , hoc  
„Judex facit : Ita Deus quod ex conspersione  
*impiorum facit vasa perditionis , non odit quod  
facit , id est opus ordinationis suæ in pœna debi-  
ta pereuntium , in qua occasionem salutis illi ,  
quorum miseretur , inveniant.*

## IV.

„Cum Pelagiani objicerent Augustino,  
„docere illum , non esse Dei voluntatem  
„ut omnes salventur , sanctus Doctor  
„ex instituto & professo hanc calum-  
„niam refutans hæc scribit art. 2. *ad  
articulos sibi impositos : Cum veritas dicat : si  
vos cum sitis mali , nostis bona data dare filiis vestris ,  
quomodo fieri potest , ut Deus nolit aliquos  
salvari qui etiam salvari volunt , nisi aliquæ  
causæ existant , de quibus quamvis sint nobis in-  
cognoscibiles , ita tamen judicat , de quo dici  
non potest , aliter eum quidquam facere debuisse ,  
quam fecerit. Remotâ ergo hac discretionem , quan-  
divina scientia intra secretum justitiæ suæ con-  
tinet , sincerissimè credendum est atque profiten-  
dum , Deum velle omnes salvos fieri. Siqui-  
dem Apostolus , cujus ista sententia est , soli-*



*cite præcipit, ut Deo pro omnibus hominibus supplicetur. Ex quibus, quod multi pereant, pereuntium est meritum: quod multi salventur salvantis est donum. Quod enim reus damnetur, inculpabilis est Dei justitia, ut autem reus justificetur, ineffabilis Dei gratia est.*

## ANIMADVERSIO.

Responsio Augustini ad articulos sibi impositos, ut inscribitur in nonnullis editionibus antiquis, „*ipse est omnino liber Pro-* „*speri refellentis objectiones Vincentianas,*” inquit P. P. Benedictini in Append. tom. 10. p. 2. quod qui nescit, in legendo Augustino rudis & peregrinus sit, necesse est. Unde valdè mirandum Auctorem *Nodi*, tum hîc, tum pag. 31. & pag. 50. hunc librum sub Augustini nomine citare; tametsi alibi, sibi parum constans, cum vero Auctori, hoc est, Prospero tribuat, ut pag. 16. lin. 10. Eò autem graviùs nunc in citando illo peccat, quod contendat hoc loco Augustinum *ex instituto & professo* quæstionem de voluntate Dei circa salutem omnium, tractare, ac de ea mentem suam nusquam melius explicare, quàm in hoc Tractatu, ubi inquit, id „*ex instituto agit,* „*& impositas sibi ab Adversariis calumnias* „*unicè & ex professo refellit*” pag. 38. lin. 6. ad quem proinde Tractatum cætera ejus scripta, in quibus aliud docere videtur, ex-  
pen-

pendi & explicari oporteat ; quod quàm sit vanum ac futile , aliis expendendum relin-  
quimus. Postremò locum tanti apud eum  
momenti malè adhuc exscripsit , sic enim  
legi debet.

„Cum veritas dicat : si vos cum sitis ma-  
„li , nostis bona data dare filiis vestris , quò  
„fieri potest , ut Deus qui etiam illos salvat  
„de quibus dici non potest quod salvari velint ,  
„nisi aliquæ causæ existant , de quibus ,  
„quamvis sint nobis incognoscibiles , ille ta-  
„men bene judicat , de quo dici non potest  
„aliter eum quidquam facere debuisse ,  
„quam fecerit ? Remotâ ergo hac discre-  
„tione . . . . . [ut in *Nodo*] Siquidem A-  
„postolus , cujus ista sententia est , sollicitè  
„præcipit , quod in omnibus Ecclesiis piissimè  
„custoditur , ut Deo pro omnibus homini-  
„bus supplicetur. Ex quibus quod multi  
„pereunt pereuntium est meritum : quod  
„multi salvantur , salvantis est donum. Ut  
„enim reus damnetur , inculpabilis Dei justi-  
„tia est , ut autem reus justificetur , ineffa-  
„bilis Dei gratia est.

## V.

Lib de spir. & lit. cap. 34. *Consentire* pag.  
*vocationi divina , vel ab ea dissentire , propria* 113.  
*voluntatis est , quæ res non solum non infirmat* lin. 10.  
*quod dictum est , quid habes quod non accepisti ?*  
*Verum etiam confirmat : accipere enim & habere*

*anima non potest, nisi consentiendo, ac per hoc quod habet & accipit, Dei est, accipere autem & habere utique accipientis & habentis est.*

## ANIMADVERSION.

Non debuisset Auctor verba, quæ proximè antecedunt omittere, quibus mens Augustini sensui *Nodo* prorsus contraria ostenditur; sed quod pejus est, in paucis his lineis quædam suppressit, quædam etiam mutavit quæ sensum Augustini vel invertunt, vel obscurant. Sic quippe locus apud Augustinum se habet: „ *Profec̃to & ipsum velle*  
*credere Deus operatur in homine, & in omni-*  
*bus misericordia ejus prævenit nos: Consen-*  
*tire autem vocationi Dei, vel ab ea dissen-*  
*tire, sicut dixi, propriæ voluntatis est:*  
*Quæ res non solum non infirmat quod*  
*dictum est, quid enim habes quod non ac-*  
*cepisti? verum etiã confirmat. Accipe-*  
*re quippe & habere anima non potest*  
*dona de quibus hoc audit, nisi consentiendo:*  
*& per hoc quid habeat & quid accipiat, Dei*  
*est, accipere autem & habere utique acci-*  
*pientis & habentis est.*

## VI.

Lib. de corrept & gratia cap. II. *Quid*  
*ergo, Adam non habuit Dei gratiam? Imo ve-*  
*ro habuit magnam, sed disparem; ille in bonis*  
*erat,*

XX XX

XX XX

erat, quæ bonitate sui Creatoris acceperat, & in quibus nullum prorsus patiebatur malum; nullâque tali rixâ à se ipso adversus se ipsum tentatus atque turbatus, in illo beatitudinis loco, suâ secum pace fruebatur.

## ANIMADVERSIO.

Hæc malè exscripta sunt: sic enim leguntur apud Augustinum: " Quid ergo? Adam non habuit Dei gratiam? Imò verò habuit magnam, sed disparem. Ille in bonis erat, quæ de bonitate sui Conditoris acceperat: neque enim ea bona & ille suis meritis comparaverat, in quibus prorsus nullum patiebatur malum. *Sancti verò in hac vita, ad quos pertinet liberationis hæc gratia, in malis sunt, ex quibus clamant ad Deum: Libera nos a malo* [& reliqua in *Nodo* omiſſa, quæ quindecim lineas implent, quibus subjungitur] Ille verò nullâ tali rixâ de seipſo adversus se ipsum tentatus atque turbatus, in illo beatitudinis loco suâ secum pace fruebatur. *Proinde etsi non interim latiore nunc, veruntamen potentiore gratia indigent isti &c.* [quæ ultima verba idcirco omiſſa sunt, quia sententiam Auctoris de gratia, quantum est ex se efficaci, in omnes effusa penitus evertunt.]



## VII.

pag. Arguens enim superbiam Apostolus, non  
 113. ait, non habes, sed ait, quid enim habes quod  
 lin 30. non accepisti? non arguit quia ex te esse vole-  
 bas, quod habebas. Imò & habere te agno-  
 sce, & ex te nihil habere, ut nec superbus sis  
 nec ingratus. Ex S. Augustino in Ps. 85.

## ANIMADVERSIO.

Hæc Auctor, nullâ appositâ notâ, aliis ex  
 Tractatu in Ps. 58. sumptis affuit, mutatis  
 etiam pluribus verbis, & aliis, tum in prin-  
 cipio tum in fine omiſſis, quæ Augustini sen-  
 sum doctrinæ Nodi planè contrarium osten-  
 debant. En integrum Augustini locum :

"Dicat & unusquisque fidelium, sanctus sum. Non  
 "est ista superbia elati, sed confessio non ingrati,  
 "si enim dixeris te ex te esse sanctum, superbus  
 "es. Arguens enim superbiam Apostolus,  
 "non ait non habes, sed ait, Quid enim  
 "habes quod non accepisti? non arguebaris  
 "quia dicebas te habere quod non habes, sed  
 "quia ex te tibi volebas esse quod habes. Imò  
 "& habere te agnosce; & ex te nihil habe-  
 "re, ut nec superbus sis, nec ingratus. Dic  
 "Deo tuo, sanctus sum, quia sanctificasti me;  
 "quia accepi, non quia habui; quia tu dedisti,  
 "non quia ego merui.

## VIII.

## VIII.

„Imo inquit Augustinus lib. 1. de Civ. Dei <sup>128.</sup>  
 cap. 28. „Optandum tibi potius est, ut sal- <sup>III.</sup>  
 „vandorum *amplior sit numerus, quam ut in-* <sup>lin. 28.</sup>  
 „ter paucos *emineas.*

## ANIMADVERSIO.

Locus hic omninò corruptus est, & Augustino suppositus, siue verba siue sensum spectes. Eo capitulo tractat S. Doctor de fœminis Christianis, quæ per vim à barbaris militibus post urbem captam violatæ fuissent, de quibus ait, quod etiam illæ, quæ de servata continentia nunquam superbiisse sibi ipsis consciæ essent, non idè tamen Dei providentiam accusare deberent, quod eas à barbarorum violentia & libidine non liberaasset. En ejus verba.

„Quarum verò corda interrogata res-  
 „pondent, nunquam se de bono virginita-  
 „tis, vel viduitatis, vel conjugalis pudici-  
 „tiæ superbiisse, sed humilibus consentien-  
 „do, de dono Dei cum tremore exultasse,  
 „nec invidisse cuiquam paris excellentiam  
 „sanctitatis & castitatis, sed humanâ laude  
 „postpositâ, quæ tantò major deferri solet  
 „quantò est bonum rarius, quod exigit lau-  
 „dem, *optasse potius, ut earum amplior numerus*  
 „*esset, quam ut ipsa paucitate amplius eminerent.*

F 4.

„Nec

"Nec istæ quæ tales sunt, si earum quoque  
 "aliquam barbarica libido compressit, permis-  
 "sum hoc esse causerentur, nec ideo credant  
 "Deum ista negligere.

## IX.

pag. 32. Augustinus in Ps. 101. *Sanabit te Christus,*  
 lin. 36. *sed opus est, ut sanari velis. Sanat omnino*  
*ille quidem, sed non sanat invitum. Quid enim*  
*in te beatius, quam ut tanquam in manu tua*  
*vitam, sic in voluntate tua habeas sanitatem.*

## ANIMADVERSIO.

Hæc neque illo loco, neque iis verbis,  
 nec eo sensu quo citantur, habet Augustinus, sed  
 in Psalmum 102. n. 6. sic leguntur: „Sa-  
 „nabit te; opus est ut sanari velis. Sanat  
 „omnino ille *quemlibet languidum*, sed non  
 „sanat invitum. *Quid autem in te beatius,*  
 „*quam ut tanquam in manu tua, sic habeas*  
 „*in voluntate sanitatem tuam?* „ nihil verò  
 aliud ibi significat Augustinus, quam quod  
 statim subjungit his verbis: „Si velles esse  
 „in aliquo sublimi honore in hac terra,  
 „Ducatum, Proconsulatum, Præfecturam si  
 „concupisceres, nunquid continuò posses  
 „ut velles? nunquid voluntatem tuam po-  
 „testas sequeretur? „ & adhuc paulò inferius:  
 „Hanc salutem [inquit] si volueris, obti-  
 „nebis, Honores & divitias cum requisie-  
 ris,

„ris , non continuò , si volueris , hebebis.  
 Quod & pluribus aliis locis inculcat. Hoc  
 autem nihil omnino facit ad probandam  
 Auctoris sententiam , Deum videlicet effi-  
 caciter omnium salutem velle , & singulis  
 gratias , quantum est ex se efficaces , commu-  
 nicare.

## X.

„ Idem Aug. lib. 1. de nat. & grat. cap. 17. *pag. 59.*  
 „ cum ei Pelagius objecisset : *Deus potest omnia lin. 1.*  
 „ sanare , respondet ; *Deus utique hoc agit , ut*  
 „ sanet omnia ; *sed agit judicio suo , nec or-*  
 „ dinem curandi accipit ab agroto. Non  
 „ ergo negat Aug. Deum velle omnibus sa-  
 „ lutem , imo quoad hoc cum Pelagio con-  
 „ sentit , sed tantum negat , modum sanan-  
 „ di ex hominis voluntate pendere. Vult  
 „ sanare omnes , sed non eodem modo , nec  
 „ hominis arbitrio , sed suo.

## XI.

„ Totam hanc doctrinam ipse Aug. pau- *Item*  
 „ cis quidem sed clarissimis verbis insinuat *pag. 68.*  
 „ lib. 1. de nat. & grat. cap. 17. *Hoc utique lin. 6.*  
 „ agit Deus ut sanet omnia , *sed agit judicio suo ,*  
 „ nec ordinem accipit ab agroto. Ecce con-  
 „ cedit Aug. velle Deum omnes salvos esse ;  
 „ sed non eodem ordine.



## ANIMADVERSIO.

Agnoscamus verba Augustini, non ex capite 17. sed 27. libri de natura & gratia excerpta; quanquam ea non sine aliqua mutatione, Auctor referat. Priori enim loco pro *sanandi*, ut habet Augustinus, *curandi*, ponit: posteriori verò utrumque vocabulum *sanandi* vel *curandi* supprimit. Sed longè adhuc graviùs peccat, hæc verba alieno prorsus sensu explicans, quasi Augustinus hîc doceat, Deum velle omnes homines salvos esse, eisque gratias ex natura sua efficaces & abundantissimas conferre. Nam eo loco Augustinus nequaquam cum Pelagio de voluntate Dei circa salutem omnium hominum tractat; sed de modo, quo in unoquoque fidei ac iusto peccata sanat, hominesque jam iustificatos ad perfectam sanitatem, hoc est, ad perfectam vitam, iustitiamque perducit, ut ipse ibidem loquitur cap. 26. Cujus curationis exemplum proferit in Apostolo Paulo, quem cum vellet Deus firmissimum efficere, ei tamen dixit, *virtus in infirmitate perficitur*: Neque ei toties oranti aufert nescio quem stimulum carnis, quem sibi dicit datum, ne magnitudine revelationum extolleretur. Itaque malè omnino Auctor peccatis seu vitiis hominum, ipsos homines substituit, & cum

Augu-

Augustinus dicat, hoc agere Deum ut sanet omnia, id est vulnera animæ seu peccata, ipse supponit eum docere, quod Deus velit omnes sanare, omnes salvos esse.

## XII.

Augustini in Psal. 63. verba profert, ad probandum Deum ita salutem omnium ac singulorum velle, ut eis gratias ex natura sua efficaces abundantissimè conferat, aquæ pluvie quodammodo similes, quæ cum sit ex se dulcis, pro qualitate agri, in quem influit, vel frumentum vel spinas gignit. *Quod pluit, inquit, in agrum uberem, dulce est, & quod pluit in agrum spinosum . . . . .* Profers frumentum? horreum spera. Profers spinas? ignem time. Sed nondum venit aut tempus horrei, aut tempus ignis. Nunquid consilii corrigendi & mutandæ vitæ malæ in bonam non est tempus. . . . .

## ANIMADVERSIO.

Primò post hæc verba: *aut tempus ignis*, hæc quæ sequuntur, nullo omissionis apposito signo, suppressit: *Modò ergo paretur, & non timebitur: In nomine Christi, & qui loquimur, vivimus, & quibus loquimur, vivitis.* Secundò ex iis quæ præcedunt, & quæ sequuntur apud Augustinum, totâque orationis serie liquet, eum non loqui de gratia.

sive actuali, sive habituali & sanctificante, ut supponit *Nodus*, sed de verbo Dei, quod per Prædicatores & Ecclesiæ Pastores omnibus promiscuè annuntiatur.

## XIII.

pag. 14. „Idemque Augustinus in expositione qua-  
lin. 7. „rundam propositionum ex epistola ad Ro-  
„manos Cap. 60. scribit. *Quid ergo elegit*  
*Deus? si enim nullo merito, non est electio:*  
*æquales enim sunt omnes ante meritum, nec po-*  
*test in rebus omnibus æqualibus electio nomi-*  
*nari.*

## ANIMADVERSIO.

Hic ipse est locus quem Massilienses ob-  
jiciebant Augustino, ut patet ex epistola Hi-  
larii ad eundem Augustinum n. 3. Quibus  
respondet Augustinus lib. de prædestin. San-  
ctorum Cap. 3. se revera tunc cum exposi-  
tionem illam quarundam propositionum ex  
Epistola ad Romanos scripsit, in eo errore  
fuisse ut crederet initium fidei esse à nobis:  
„Quem meum errorem [ inquit ] nonnulla  
„mea opuscula satis indicant ante Episco-  
„patum meum scripta, in quibus est illud  
„quod commemorastis in literis vestris, ubi  
„est expositio quarundam propositionum ex  
„epistola quæ est ad Romanos. „ Deinde  
refert quid ad retractandum hunc ipsum lo-  
cura

cum dixerit lib. 1. retractat cap. 23. n. 3. En quo delectu Auctor noster locos Augustini afferat, ad solvendum ex ejus auctoritate prædestinationis *nodum*, eos videlicet quos ipsemet Augustinus revocavit, & retractavit. Hic etiam pro *omnibus*, legendum, *omnino*.

## XIV.

S. Aug. lib. 1. ad Simplicianum. Unde pag. 14. igitur ista electio, vel qualis electio, si non- lin. II. dum natis, nondumque aliquid operatis, nulla q. 2. sunt momenta meritorum? & infra: nemo eligitur nisi jam distans ab illo, qui rejicitur, unde quod dictum est: elegit nos Deus ante mundi constitutionem: non video quomodo sit dictum, nisi ex præscientia. S. Aug.

## ANIMADVERSIO.

Hæc Augustinus scripsit dubitando potius & disceptando, quàm definiendo, cum nondum ex prædicto errore circa initium fidei emerisset. Id enim demùm contigit cum hos ad Simplicianum libros jam Episcopus elaboraret, ut ipse testatur lib. 2. retractat. cap. 1. ubi loquens de secunda quæstione, quæ in priori libro agitur, sic habet: „ In  
”cujus quæstionis solutione laboratum est  
”quidem pro libero arbitrio voluntatis hu-  
”manæ, sed vicit Dei gratia, nec nisi ad



“ illud potuit perveniri, ut liquidissimâ veri-  
 “ tate dixisse intelligatur Apostolus. Quis  
 “ enim discernit? „ En iterum allata Au-  
 gustini verba, tanquam in hoc argumento  
 decretoria, quæ ad illud tempus spectant,  
 cum adhuc se in explicando electionis seu  
 prædestinationis divinæ mysterio, errasse a-  
 gnoscit.

## XV.

pag. 58. „ Aug. de spirit. & lit. cap. 13. ita loqui-  
 lin. 26. tur: *Vult quidem Deus omnes homines salvos  
 fieri, & in agnitionem veritatis venire, non ta-  
 men eis adimendo liberum arbitrium, quo bene  
 vel malè utentes justissimè judicentur; quod cum  
 fit, infideles contra voluntatem Dei faciunt,  
 cum ejus evangelio non credunt.*

## ANIMADVERSIO.

En verba Augustini loco citato n. 58.  
 “ Vult autem Deus omnes homines salvos  
 “ fieri, & in agnitionem veritatis venire,  
 “ non sic tamen, ut eis *adimat* liberum ar-  
 “ bitrium, quo benè vel malè utentes justissi-  
 “ mè judicentur. Quod cum fit, infideles  
 “ quidem contra voluntatem Dei faciunt,  
 “ cum ejus evangelio non credant, nec ideo  
 “ tamen eam viuunt &c.

Idem locus cum aliqua mutatione, ac  
 suppressis his verbis; *& in agnitionem veri-  
 tatis venire*, refertur pag. 17. lin. 6.

Obser-

Observandum autem his verbis Augustini, non tam solvi quæstionem ibidem ab eo propositam, quam disceptari. Hæc autem quæstio erat: si voluntas, qua credimus, etiam ipsa Dei donum sit, quare hæc non omnibus detur, cum omnes homines Deus velit salvos fieri, & in agnitionem veritatis venire? Quam quæstionem agitare sic incipit n. 58. „ Prius igitur illud dicamus & videamus, utrum huic sufficiat quæstioni, quod liberum arbitrium naturaliter adtributum a Creatore animæ rationali, illa media vis est &c. „ quibus postmodum subdit: „ Vult autem Deus omnes homines salvos fieri, & in agnitionem veritatis venire, non sic tamen, ut eis adimat &c. „ Sicque pergit disputando usque ad num. 60. ubi ait. „ Hæc disputatio si quæstioni illi solvendæ sufficit, sufficiat „ ac deinde alio modo quæstionem solvit. Itaque Auctor *Nodi* objectionem ipsam, seu potius objectionis disputationem, pro ipsa quæstionis solutione, ac vera Augustini sententiâ lectoribus obtrudit.

## XVI.

„ Sed audiamus disertissimum de hac re Augustini testimonium: sic enim Tract. 53. pag. 94.  
lin. 22.  
„ in Joannem ratiocinatur. *Excavavit oculos eorum*

eorum & induravit cor eorum. Hic dicitur nobis; si non potuerunt credere, quod peccatum est hominis non facientis quod non potest facere? . . . . . Audistis, fratres mei, propositam quaestionem, nempe quam profunda sit cernitis, sed respondemus, ut possumus. Quare non poterant credere, si à me quaratur, citò respondeo quia volebant, malam quippe eorum voluntatem praevidit Deus, & per Prophetam prænuntiavit ille, cui abscondi futura non possunt. Sed aliam causam, inquis, dicit Propheta, quia induravit cor eorum. Etiam hoc eorum voluntatem meruisse respondeo: sic enim excecat, sic obdurat Deus, deserendo, & non adjuvando, quod occulto iudicio facere potest, iniquo non potest. Quid ergo dicemus! Nunquid iniquitas est apud Deum? absit: si ergo absit, sive quando adjuvat, misericorditer facit, sive quando non adjuvat iuste facit, quia omnia non temeritate sed iudicio facit. Porro si iudicia sanctorum iusta sunt; quanto magis sanctificantis, & justificantis Dei? Iusta ergo sunt, sed occulta. Ideò cum quaestiones huiusmodi &c. [aliqua hic omitto quia fideliter extracta sunt] Altius est hoc incrementis meis & fortius viribus meis, puto quia & vestris. Ipse enim Dominus Iesus suis illis magnis & praecipue electis discipulis dicebat, multa habeo vobis dicere, sed non potestis portare modo. Ambulandum est, proficiendum est, crescendum est &c. [rursum aliqua omitto, quæ

quæ fideliter referuntur] Rursus ne quisquam  
 neget voluntatis arbitrium, & audeat excusare  
 peccatum. In utroque ergo illius beneficia cog-  
 noscamus: nam agenda sunt gratia, quia data  
 est potestas, ut filii Dei fiamus, & orandum  
 ne succumbat infirmitas: Sic ergo dictum est,  
 non poterant credere, ubi intelligendum est,  
 quod volebant, quemadmodum dictum est de Do-  
 mino Deo nostro, negare se ipsum non potest. Si-  
 cut ergo quod Dominus negare se ipsum non potest,  
 laus est voluntatis divinæ, ita quod illi non po-  
 terant credere, culpa est voluntatis humanæ. Hinc  
 & illi non poterant credere, non quia mutari  
 in melius non possunt, sed quandiu talia sapiunt, non  
 possunt credere: Hinc excacantur & induran-  
 tur, quia negando divinum adiutorium, non  
 adjuvantur. An forte & hoc de superna me-  
 dicinæ misericordia factum intelligendum est,  
 ut quoniam superba & perversæ voluntatis e-  
 rant & suam justitiam constituere volebant,  
 ad hoc defererentur, ut excacarentur; ad  
 hoc excacarentur, ut impleretur facies eo-  
 rum ignominia, atque ita humiliati quærerent  
 gloriam Domini & non suam.

## ANIMADVERSIO.

Sic locus ille apud Augustinum legitur:  
 „Excacavit oculos eorum &c. [ut supra in  
 Nodo, usque ad hæc verba respondemus



ut possumus , post quæ sic pergit Augustinus] *non poterant credere , quia hoc Isaias*  
*Propheta prædixit , quia Deus hoc futurum præ-*  
*dixit. Quare autem non poterant , si à me*  
*quæretur , citò respondeo , quia nolebant.*  
*Malam quippe eorum voluntatem prævi-*  
*dit Deus , & per Prophetam prænuntiavit*  
*ille , cui abscondi futura non possunt. Sed*  
*aliam causam , inquis , dicit Propheta ,*  
*non voluntatis eorum. Quam causam dicit*  
*Propheta ? Quia dedit illis Deus spiritum com-*  
*punctionis , oculos ut non videant , & aures*  
*ut non audiant , & excæcavit oculos eorum &*  
*induravit cor eorum. Etiam hoc volun-*  
*tatem eorum meruisse respondeo : sic enim*  
*excæcat , sic obdurat Deus , deferendo &*  
*non adjuvando , quod occulto iudicio fa-*  
*cere potest , iniquo non potest. Hoc om-*  
*nino pietas religiosorum inconcussum debet , in-*  
*violatumque servare , sicut Apostolus , cum*  
*eandem ipsam tractaret difficillimam questionem ,*  
*Quid ergo dicemus ? nunquid iniquitas est*  
*apud Deum ? absit : si ergo absit ut sit*  
*iniquitas apud Deum , sive quando adjuvat ,*  
*misericorditer facit , sive quando non ad-*  
*juvat , iuste facit , quia omnia non temeri-*  
*tate sed iudicio facit &c. [ut supra in*  
*Nodo usque ad hæc verba , puto quis &*  
*vestris , quibus subjungit Augustinus] simul*  
*ergo audiamus ad monentem Scripturam ? [plu-*

res è scriptura locos proferens, ac postea  
 sic prosequens] "*non enim ipse Dominus Je-*  
*sus Christus* suis illis magnis & præcipue  
 "electis discipulis *invidebat, quando dicebat,*  
 "multa habeo vobis dicere, sed non potes-  
 "tis portare modò &c. [ut in Nodo usque  
 ad hæc verba ; *excusare peccatum,*  
 post quæ sequitur apud Augustinum] *sed*  
 "audiamus Dominum & præcipientem & opitu-  
 "lantem & jubentem quid facere debeamus, &  
 "adjuvantem ut implere possimus &c. [quæ fa-  
 cile duodecim lineas implent, quibus sub-  
 jungit:] *Audiamus & Evangelistam dicen-*  
 "tem, *dedit eis potestatem filios Dei fieri, ne om-*  
 "nino existimemus in nostra potestate non esse

"quod credimus : veruntamen in utroque il-  
 "lius beneficia cognoscamus. Nam & a-  
 "gendæ sunt gratiæ quia data est potestas,  
 "& orandum ne succumbat infirmitas" [& re-  
 liqua in Nodo omissa, quæ in Augustino  
 decem circiter lineas implent, quibus ad-  
 dit] "*sic autem dictum est non poterant &c.*  
 [ut supra in Nodo usque ad hæc verba :  
*culpa est voluntatis humanæ,* & reliqua  
 omissa in Nodo quæ apud Augustinum quin-  
 decim lineis constant : quibus deinde adjun-  
 git:] "*Hinc & illi non poterant credere*  
 &c." [ut in Nodo usque ad hæc verba :  
*non adjuvantur,* quibus multa alia in  
 Nodo omissa, quindecim circiter lineis subji-  
 cir

cit Augustinus , ac deinde prosequitur ]

" An forte & hoc de supernæ medicinæ misericordia factum intelligendum est , ut quoniam suam superbæ & perversæ voluntatis erant ; & suam justitiam constituere volebant , ad hoc defererentur , ut excæcarentur , & ad hoc excæcarentur ut *offenderent in lapides* *des offensionis* , & impleretur facties eorum ignominiâ , atque ita humiliati quærerent nomen , Domini , & non suam quâ inflatur superbus , sed justitiam Dei , qua justificatur impius.

Operæ pretium existimavi hunc locum etsi paulò longiorem referre , ut pateat , quid quantumque sibi in truncandis & mutandis Augustini verbis , licere putaverit Auctor *Nodi* , vel ejus Amanuensis , nullâ prorsus notâ lectores de ejusmodi omissionibus ac mutationibus admonendo. Quamvis autem ex his aliqua librarii vel typographi errata esse possint , pleraque tamen ac longè præcipua ipsimet Auctori , sine ullò dubio , adscribenda sunt ; quod & de aliis locis jam relatis & infra referendis , dictum velim.

## XVII.

pag. 97. Auctor prolixum locum exscribit ex Augustini sermone 88. de tempore , vel " potius , [ in lin. 3. " quit ] ut notant in ultima Augustini editione " Patres Benedictini Parisienses , ex Coesario

"rio Arelatenſi" ubi obiter obſervandum, ei hanc celeberrimam & accuratiſſimam Patrum Benediſtinorum editionem minimè ignotam fuiſſe. Hunc autem locum, qui integram paginam cum dimidia implet, non aliter quam proximè relatum ex Tract. 53. in Joannem, omiſſis paſſim pluribus lineis, multiſque verbis mutatis, nullâ appoſitâ notâ, pro ſuo libitu, concinnavit, quod quilibet, factâ collatione, ſtatim agnoſcet: quem quidem locum, brevitatſ cauſa, hîc de ſcribendunt non putavi.

## XVIII.

Multa etiam hîc ab Auctore *Nodi* citantur ex ſermone 22. de verbis Apoſt. quæ non ibi ſed ſermone 20. de verbis Apoſt. editionis antiquæ, in editione autem Patrum Benediſtinorum ſermone 22. habentur; ſed planè alio modo, aliisſque verbis quàm hîc citantur. Siquidem quinque locis, nullâ appoſitâ notâ, Auctoꝝ *Nodi* integros paragraphos aut plures lineas omiſit, multa autem verba paſſim vel addidit vel mutavit.

## XIX.

Idem dicendum de duobus prolixis locis, quos pag. 208. ex Tract. 26. in Joannem, & ex ſerm. 17. de verbis Apoſt. cap. 3. exſcribit, in quibus nullo appoſito ſigno, multa paſſim omittuntur, nonnulla etiam mutantur aut adduntur, ut legenti, & confe-  
pag. 208.  
lin. 5.  
§ 28.



## ARTICULUS TERTIUS.

*De aliis locis ex Augustino  
malè aut parum fideliter  
citatis.*

## XXI.

pag. 57. **S.** August. de nat. & grat. cap. 67. *Quiescens ingrati & adversus Deum murmurare desistant. Rectè enim fortasse quererentur, si erroris & libidinis hominum nemo victor existeret. Cum verò ubique sit præsens &c.*

## ANIMADVERSIO.

Vocabulum *ingrati* Auctor de suo addidit, & quidem perperam & præter mentem ac sensum Augustini. Si quidem hæc verba ipse Augustinus repetit lib. 3. de lib. arb. cap. 19. ut respondeat Pelagio, qui alia quædam verba, ex eodem libro sumpta, obiiciebat. Unde statim initio hujus capituli 67. ait: "Agnosco, verba mea sunt: sed etiam ipse [Pelagius] dignetur agnosce-  
"re superius cuncta quæ dicta sunt: " id est in eodem libro de lib. arb. cap. 19. & 18. ac deinde addit: "Hinc jam hominibus,  
"de ipsius ignorantie, difficultatisque in pro-  
"lem

lem primi hominis trajectis vitiis, atque  
 transfusis, velut justam querelam deponen-  
 tibus, ita responsum est [scilicet lib. 3. de  
 lib. arb. cap. 19.] Quibus breviter in-  
 quam, respondetur, ut quiescant, & ad-  
 versus Deum murmurare desistant &c.  
 Hinc pater non rectè citari hæc verba ex li-  
 bro de natura & gratia, & malè eis addi-  
 tum vocabulum *ingrati*, cum lib. 3. de lib.  
 arb., unde propriè sumpta sunt, non agat  
 Augustinus contra Pelagianos, sed contra  
 Manichæos, qui homines fato quodam, &  
 necessitate naturali ad malum impelli doce-  
 bant.

## XXII.

„Aug. lib. de grat. & lib. arb. cap. 6. *Bona pag. 78.*  
*sua coronat Deus, non merita tua, nam si me- lin. 26.*  
*rita tua sunt, mala sunt. Quæ verò mala sunt,*  
*non coronat Deus. Quod si bona sunt, Dei dona*  
*sunt.*

## A M I M A D V E R S I O.

Aliter omnino hæc leguntur loco citato,  
 his nimirum verbis, n. 15. „Prorsus talia  
 „cogitanti verissimè dicitur, *Dona sua co-*  
 „*ronat Deus, non merita tua, si tibi à te*  
 „*ipso, non ab illo sunt merita tua.* Hæc e-  
 „nim *si talia sunt, mala sunt, quæ non co-*  
 „*ronat Deus; si autem bona sunt, Dei*  
 „*dona sunt.*

## XXIII.

## XXIII.

pag. 61. Lib. de Spir. & lit. c. 34. *Cui ista non  
lin. 22. sufficiunt quærat alium me doctiorem, sed ca-  
veat ne inveniat præsumptiorem.*

## ANIMADVERSION.

Sic autem illo loco habet Augustinus :  
„Cui responsio ista displicet, quærat doctio-  
„res, sed caveat ne inveniat præsumptores.

## XXIV.

pag. 108. S. August. lib. de perseverant. cap. 2.  
lin. 16. & cap. 22. *De ipso cursu vestro bono rectoque  
condiscite, vos ad prædestinationem divinæ gra-  
tiæ pertinere. Vos ipsam obediendi perseveran-  
tiam a Patre Luminum, a quo omne datum op-  
timum, & omne donum perfectum, semper  
debetis & quotidianis orationibus pascere, at-  
que hæc faciendo confidere, non vos esse a præ-  
destinatione populi ejus alienos, qui etiam hoc  
ut faciatis ipse largitur.*

## ANIMADVERSION.

Hæc verba : „De ipso cursu vestro bono  
„rectoque condiscite vos ad prædestinatio-  
„nem divinæ gratiæ pertinere, neque capite 2.  
neque c. 22. libri, non de perseverantia; sed  
de dono perseverantiæ reperiuntur. Quæ  
autem sequuntur sic se habent cap. 22. num.

62. „ Vos itaque etiam ipsam obediendi per-  
 „ severantiam a Patre Luminum , a quo o-  
 „ mne datum optimum & omne donum  
 „ perfectum , sperare debetis , & quotidianis  
 „ orationibus poscere , atque hoc faciendo  
 „ confidere non vos esse a prædestinatione  
 „ populi ejus alienos , quia etiam hoc ut fa-  
 „ ciatis ipse largitur.

## XXV.

Multa verba exscribit ex libro de præde-  
 stinatione & gratia, quem tribuit Augustino, 136.  
 tametsi constet alium habere Auctorem , & lin.  
 quidem de Pelagianismo suspectum. „ Au- 17.  
 „ gustinus, inquit, lib. de prædest. & gratia cap.  
 15. quærens . . . . . verba Augustini sunt,  
*An forte si piè de Deo . . . . . respondetur*  
*Dei præscientiam non cogere hominem ut talis*  
*sit , qualem præscivit Deus , sed præscire ta-*  
*lem futurum , qualis futurus est , quamvis eum*  
*non sic fecerit Deus. Existere nihilominus for-*  
*asse aliquem reor . . . . Unde Nabuchodonosor*  
*ergo penitentiam meruit fructuosam. . . .*

## ANIMADVERSIO.

Primò locum illum citat ex cap. 15.  
 quamvis versus finem capitis decimi quarti  
 incipiat. Deinde post hæc verba : *sic fecerit*  
*Deus*, supprimit sequentia: „ Quem si co-  
 „ geret esse , hoc utique cogeret quod non  
 G est.



est. Porro si hoc præscierat futurum esse  
 quod non est, præscientia non est: quod  
 de Deo quam impiè dicatur, advertit quis-  
 que qui peccatis suis inde blanditur, quod  
 Deus cum peccatorem futurum esse præ-  
 scierit. „ Postremò post hæc verba: unde  
*Nabuchodonosor*, addit particulam *ergo*, quæ  
 ibidem non extat.

## XXVI.

pág. 16. *Judicabit orbem terræ in æquitate & populos*  
 lin. 32. *in veritate sua. Quæ est æquitas & veritas?*  
*Congregabit secum electos ad judicium; cæteros*  
*autem separabit ab invicem. Positurus enim est*  
*alios ad dexteram, alios ad sinistram. Non er-*  
*go partem judicabit, quia non partem emit:*  
*totum judicare habet, quia pro toto sanguinem*  
*dedit.*

## ANIMADVERSIO.

Hæc inverso ordine, additis etiam ac mu-  
 tatis quibusdam verbis, Auctor retulit. Nam  
 apud Augustinum hæc verba: *Judicabit or-*  
*bem terrarum in æquitate, non partem, quia non*  
*partem emit: Totum judicare habet, quia pro*  
*toto pretium dedit*, initio numeri 15. ha-  
 bentur, quibus deinde post interjectas quin-  
 decim lineas hæc subjunguntur. „ *Judica-*  
 „ *bit orbem terrarum in æquitate & populos*  
 „ *in veritate sua. Quæ est æquitas & veri-*  
 tas?

„tas? Congregabit secum electos suos ad  
 „judicandum, ceteros autem separabit ad  
 „invicem: positurus est enim alios ad dex-  
 „teram, alios ad sinistram. Quid autem  
 „aequius, quid verius quam ut non expe-  
 ctent misericordiam &c.

## XXVII.

Aug. Serm. 4. de S. Stephano ita loqui- pag. 50.  
 tur: *Jubet Deus & dicit, diligite inimicos ve-* lin. 4.  
*stros, orate pro persequentibus & calumnianti-*  
*bus vos. Attendite ipsum Dominum qui hoc ius-*  
*sit, quod fecit. Nonne pendens in cruce ait:*  
*pater ignosce illis? quando ergo in cruce pen-*  
*dens orabat, videbat & praevidebat omnes inimi-*  
*cos, sed multos ex illis futuros amicos: ideo o-*  
*mnibus veniam postulabat. Illi sciebant, ille*  
*orabat, illi dicebant Pilato, crucifige; ille vero*  
*clamabat Patri, ignosce: pendebat & tamen pe-*  
*tebat.*

## ANIMADVERSIO.

Multa hinc omissa aut mutata sunt. Sic  
 enim leguntur in isto sermone, quem Pa-  
 tres Benedictini in Appendice inter dubios  
 reposuerunt. „Jubet enim nobis [Domi-  
 „nus] & dicit, diligite inimicos vestros, bene  
 „facite his qui oderunt vos, & orate pro per-  
 „sequentibus & calumniantibus vos. Au-  
 „disti opus, expecta mercedem: ut sitis,

„inquit , filii Patris vestri qui in Cælis est ,  
 „qui solem suum facit oriri &c. Attende  
 „ipsum Dominum qui hoc iussit quod fece-  
 „rit. Nonne post tanta quæ in ipsum com-  
 „miserunt impii iudei , qui retribuebant ei  
 „mala pro bonis , pendens in cruce ait , Pater  
 „ignosce illis , quia nesciunt quid faciunt.  
 „Oravit in homine qui exaudivit cum Patre  
 [ & sequentia quæ omisit Auctor Nodi ]  
 „quando ergo pendens in cruce orabat , vi-  
 „debat & prævidebat omnes inimicos , sed  
 „multos ex illis futuros amicos *prævidebat* ;  
 „& ideo omnibus veniam postulabat. Illi  
 „seryiebant & ille orabat. Illi dicebant Pi-  
 „lato crucifige , ille clamabat *Pater ignosce.*  
 „*In asperis clavis pendebat , sed lenitatem*  
 „*non mittebat.* Illis jam petebat veniam ,  
 „a quibus tantam accipiebat injuriam.

## XXVIII.

pag. 31. „August. de peccator. mer. Cap. 17. *Ut*  
 lin. 31. *autem innotescat quod latebat , & suave fiat*  
*quod non delectabat gratiâ Dei est , qua ut homi-*  
*nes non adjuventur , in ipsis causa est , non*  
*in Deo.*

## ANIMADVERSIO.

Omisit verba sequentia quæ sententiam  
 complent , quod ipsius doctrinæ non parum  
 adversentur : „ Sive damnandi prædestinati  
 sint

„fuit propter iniquitatem superbiam, sive con-  
 „tra ipsam suam superbiam iudicandi &  
 „erudiendi, si filii sint misericordiam.

## XXIX.

Lib. 1. de prædest. Sanctorum. *Sed in- pag.*  
*certa est mihi, inquis, de me ipso voluntas Dei.* 236.  
*Quid ergo? tuane tibi voluntas de te ipso certa* lin. 7.  
*est, nec times? Cum igitur utraque incerta*  
*sit &c.*

## ANIMADVERSIO.

Post hæc verba, *nec times*, omissa sunt ista:  
 „Qui videtur stare, videat ne cadat.

## XXX.

*Si enim aliqui duo æqualiter affecti animo & pag.*  
*corpore, videant unius corporis pulchritudinem,* 135.  
*quâ visâ unus eorum ad illicitè perfruendum mo-* lin. 31.  
*veatur, alter in voluntate pudicâ stabilis perse-*  
*veret, quid putamus esse causæ ut in illo fiat,*  
*in illo non fiat voluntas mala. Neque enim*  
*pulchritudo illa corporis &c.*

## ANIMADVERSIO.

Post verba, *voluntas mala*, omissa sunt se-  
 quentia: „Quæ illam rem fecit in quo fa-  
 cta est?



ARTICULUS QUARTUS.

*Loci ex S. Prospero aliisque SS.  
Patribus malè citati.*

XXXI.

pag. 16. *Qui ergo dicit quod Deus non vult omnes*  
liv. 13. *homines salvos fieri, sed certum numerum præ-*  
*destinatorum, is durius loquitur, quàm loquen-*  
*dum est de altitudine inscrutabilis gratiæ Dei,*  
*qui omnes homines vult salvos fieri, atque ad*  
*agnitionem veritatis venire S. Prosper in respons.*  
*ad object. Gallorum sent. 8.*

ANIMADVERSIO,

Hæc verba ex S. Prospero, quem Auctor  
Regiensem Episcopum appellat, tametsi om-  
nes hodie eruditi eum nunquam Episcopum  
fuisse conveniant, parum fideliter referuntur.  
Nam præter alias mutationes, cum sequentia  
in Prospero verba, quæ ad explicandum e-  
jus sensum non parum conducebant, sup-  
primere vellet, quod doctrinæ suæ contraria  
essent, omisit particulam & in his verbis,  
"qui & omnes vult," ponendo solum,  
qui omnes. Sic autem habet locus apud  
Prosperum: " Qui dicit, quod non omnes  
homines velit Deus salvos fieri, sed certum  
numerum prædestinatorum; durius loquitur  
quàm

"quàm loquendum est de altitudine inscru-  
 "tabilis gratiæ Dei, qui & omnes vult sal-  
 "vos fieri, atque in agnitionem venire veri-  
 "tatis [ & voluntatis suæ propositum in eis  
 "implet, quos præscitos prædestinavit, præ-  
 "destinatos vocavit, vocatos justificavit, ju-  
 "stificatos glorificavit, nihil amittens de  
 "plenitudine gentium & de omni semine  
 "Israël, cui præparatum est in Christo reg-  
 "num æternum ante constitutionem mun-  
 "di.]

## XXXII.

*Exierunt ex nobis, sed non fuerunt ex nô-*  
*bis: si enim fuissent ex nobis, mansissent utique* pag. 24.  
*nobiscum, inquit, Voluntate exierunt, voluntate* lin. 2.  
*cecidērunt, & quia præsciti sunt casuri, non*  
*sunt prædestinati: essent autem prædestinati,*  
*si essent reversuri & in sanctitate ac veritate*  
*mansuri. S. Prosper, in. Responsi. 12. ad ob-*  
*jectiones Vincentianas.*

## ANIMADVERSIO.

Hunc locum, omiſſis quæ præcedunt &  
 quæ sequuntur, decurtatum profert, ut ex  
 eo consequentiam à doctrina & sensu S. Prof-  
 peri omnino alienam inferat, Deum vide-  
 licet omnibus ad salutem promptum esse,  
 & gratiam ad opus offerre, sed peccatores  
 salutem recusare, & mortem ante vitam e-

ligere. Sic autem habet S. Prosper. "Præ-  
 "destinatio Dei etsi apud nos dum in præ-  
 "sentis vitæ periculis versamur, incerta sit,  
 "apud illum tamen qui fecit quæ futura  
 "sunt, incommutabilis permanet, nec quæ  
 "illuminavit, obcæcat, nec quæ edificavit  
 "destruit, nec quæ plantavit, evellit : sine  
 "pœnitentia enim sunt dona Dei . . . . .  
 "nullo igitur modo prædestinatio Dei facit,  
 "ut aliqui ex filiis Dei filii sint Diaboli . . . .  
 "[id objiciebat Vincentius] sed potius præ-  
 "destinatio facit, ut ex filiis Diaboli fiant  
 "filii Dei . . . . . quia ipse alligat fortem  
 "& vasa ejus rapit . . . . . Hi autem de  
 "quibus dicitur : exierunt ex nobis &c. [ut  
 "in *Nodo*] Ac per hoc prædestinatio Dei  
 "multis est causa standi, nemini est causa  
 "labendi.

## XXXIII.

pag. 41. *Frustra dicitur quod ratio operandi non ha-*  
 lin. 6. *bet in electis, cum ad hoc operentur, ut electi*  
*sint. S. Prosper. lib. 2. de vocat, gent.*  
*cap. 35.*

## ANIMADVERSIO.

Pro *non habet in electis*, ponendum *non sit*  
*electis*, vel *non sit in electis* ut legitur in va-  
 riis ejus libri editionibus. Hæc autem ver-  
 ba : *cum ad hoc operentur, ut electi sint*,

extant quidem in multis editionibus: at non debuit Auctor ignorare, in editione operum S. Leonis a clarissimo viro Paschasio Quesnellio adornata, sic correctum esse hunc locum: *cum etiam ad hoc ut operentur electi sint*, quam esse veram lectionem & disputationis series, & tota libri doctrina persuadet. Eam autem exhibet Codex M. S. Thuan. optimæ notæ a Quesnellio laudatus, & confirmant tres Codices Mss. Vaticani.

## XXXIV.

S. Prosper. lib. 2. de vocat. gent. cap. 19. pag.  
& 29. *In extremis mundi partibus sunt aliqua* 153.  
*nationes, quibus nondum gratia Salvatoris illu-* lin. 19.  
*xit, quibus tamen illa mensura generalis auxilii,*  
*quæ desuper omnibus semper hominibus est præ-*  
*bita, non negatur . . . . ut neque ulli pereun-*  
*tium excusatio suppetat de abnegato lumine ve-*  
*ritatis.*

## ANIMADVERSIO.

Malè omnino, omissis pluribus verbis, hic locus affertur, ut probetur dari omnibus gratias quantum est ex se efficaces, quæ sint infidelibus ac barbaris communes, quis enim duos de vocatione gentium libros legerit, statim advertet, generale auxilium, de quo in illis agitur, esse quodammodo ordinis naturalis, nec pertinere pro-



154 ANIMADVERSION. IN LOCOS  
priè ad gratiam Redemptoris, de qua hic  
quæstio est, & sine qua Auctor librorum de  
vocatione Gentium fatetur auxilium illud ge-  
nerale, ob vulnus humano generi per pec-  
catum originale inflictum, suo effectu fru-  
strari, ut hoc ipso loco notatur, quod studio-  
se suppressit Auctor *Nodi*. En locus inte-  
ger antiqui & elegantis scriptoris, quem non  
esse Prosperum multa suadent.

”Quod si forte, quemadmodum quasdam  
”gentes non olim in consortium filiorum Dei  
”novimus adoptatas, ita etiam nunc in ex-  
”tremis mundi partibus sunt aliquæ natio-  
”nes, quibus nondum gratia Salvatoris illu-  
”xit, *non ambigimus etiam circa illas, occulto*  
”*judicio Dei, tempus vocationis esse dispositum,*  
”*quo Evangelium, quod non audierunt audient*  
”*atque suscipient.* Quibus tamen mensura  
”illa generalis auxilii, quæ desuper omni-  
”bus semper hominibus est præbita, non ne-  
”gatur: *quavis tam acerbo natura huma-*  
”*na vulnere sauciata sit, ut ad cognitionem*  
”*Dei neminem contemplatio spontanea ple-*  
”*nè valeat erudire, nisi obumbrationem*  
”*cordis vera lux discusserit.* lib. 2. de vocat.  
”gent. cap. 17.,

Ultima autem verba: *ut neque ulli Ec, in*  
*Noda* allata, ex capite 29. avulsa, supra citatis  
ex cap. 17. adjunguntur: quæ quidem ab iis

quæ

precedunt & quæ sequuntur, seperari non debebant. Sic enim eo loco leguntur :  
 „ Universitati quippe hominum, quod abunde probavimus, ita multiplex atque ineffabilis bonitas Dei consuluit semper & consulit, ut neque ulli pereuntium excusatio suppetat de abnegato sibi lumine veritatis ;  
 „ neque cuiquam sit liberum de sua justitia gloriari, cum & illos propria nequitia demergat ad pœnam, & istos Dei gratia perducatur ad gloriam.

## XXXV.

Paulus Orosius in Apologetico pag. 453. pag.  
*Mea semper est hæc fidelis & indubitata sententia . . . . . sed speciatim quotidie per tempora, per dies, per momenta, per atomos, & cunctis & singulis ministrare. Ex quo evidentissime declaratum est, nemini hominum deesse adjutorium Dei, præsertim cum & seductor afflat, & insit infirmitas.* 154. lin....

## ANIMADVERSIO.

Post hæc verba, & cunctis & singulis ministrare, Auctor nullâ notâ admonendo lectorem, omittit quasi integram paginam, ubi Orosius duplex Dei adjutorium distinguit, alterum generale & omnibus cujuscumque generis hominibus commune, quod præcipue in beneficiis naturalis ordinis positum

## 156 ANIMADVERSIONI IN LOCOS

est, de quibus ait Dominus, *qui facit solem oriri super bonos & malos &c.* alterum verò speciale, & quod Ecclesiæ, & Corpori Christi, seu Fidelibus peculiare appellat; hoc est donum fidei aliasque gratias ordinis supernaturalis. His autem omisiss, consequentia quæ deinde his verbis affertur: "Ex quo evidentissimè declaratum est &c. videtur esse captiosa & fraudulenta. Pro *seductor assistat* legitur, apud Orosium, *seductor infistat.*

### XXXVI.

pag. 12. S. Leo serm. II. de passione. Pro om-  
liv. 26. nibus impiis mortuo Domino, etiam Judas in eo potuisset consequi remedium, si non festinasset ad laqueum.

### ANIMADVERSIO.

Sic habet S. Leo: "nam mortuo pro  
"omnibus impiis Domino, potuisset etiam  
"forte hic (Judas) consequi remedium, si  
"non festinasset ad laqueum.

### XXXVII.

Imò S. Hieronimus tradit neminem eorum, qui dilavio absorpti sunt, damnatum esse, probatque ex literâ hebraicâ:  
pag. 188. "Exponens enim ea verba; non permanebit  
liv. 12. *Spiritus meus, sic loquitur: In hebræo scriptum est*

*est, non judicabit spiritus meus homines istos in æternum, quoniam caro sunt; hoc est quia fragilis est in homine conditio, non eos ad æternos servabo cruciatus, sed illis restituam, quod merentur. Ergo non severitatem, ut in nostris codicibus legitur, sed indulgentiam Dei sonat, dum peccator hic pro suo scelere visitatur.*

#### ANIMADVERSIO.

Nequaquam his verbis docet Hieronymus neminem eorum qui diluvio absorpti sunt, damnatum esse, sed solum ad clementiam Dei pertinere quod peccatores interdum in hac vita temporalibus poenis afficiantur, neque æternis cruciatibus, sine ulla misericordia plectendi, reserventur. Tantum autem abest, ut omnes qui diluvio perierunt, ab æterna damnatione eximat, ut potius eodem loco significet, eos, quia penitentiam agere contempserunt, citius, quam denuntiatum fuerat, aquis diluvii submersos fuisse. Integrum Hieronymi locum ex Quæstionibus & Traditionibus hebraicis in Genesim referam, in quo etiam aliqua verba ab Auctore omissa vel mutata sunt.

” Et dixit Dominus Deus : non permanebit spiritus meus in hominibus &c. in  
 ” Hebræo scriptum est : non judicabit spiritus meus homines istos in *sempiternum*,



" quoniam caro sunt, hoc est quia fragilis  
 " est in homine conditio, non eos ad æter-  
 " nos servabo cruciatus, sed *hic* illis resti-  
 " tuam quod merentur. Ergo non severi-  
 " tatem, ut in nostris codicibus legitur, sed  
 " *clementiam* Dei sonat, dum peccator hic  
 " pro suo scelere visitatur: Unde & iratus  
 " Deus loquitur ad quosdam: non visitabo  
 " filias eorum, cum fornicatæ fuerint . . . .  
 " & in alio loco: visitabo in virga iniquitates eo-  
 " rum & in flagellis peccata eorum . . . .  
 " Porro ne videretur in eo esse crudelis,  
 " quod peccantibus locum pœnitentiæ non  
 " dedisset, adjecit; sed erunt dies eo-  
 " rum centum viginti anni, hoc est habe-  
 " bunt 120. annos ad agendam pœniten-  
 " tiam. Non igitur hominum vita, ut  
 " multi errant, in 120. annos contracta  
 " est . . . . Quia vero pœnitentiam agere  
 " contempserunt, noluit Deus tempus ex-  
 " pectare decretum, sed viginti annorum  
 " spaciis computatis, induxit diluvium an-  
 " no centesimo agendæ pœnitentiæ desti-  
 " nato.

## ARTICULUS QUINTUS.

*De locis ex S. Thoma allatis.*

## XXXVIII

Angelicus Doctor lib. 3. contra gentes <sup>pag. 43.</sup>  
 cap. 259. Considerandum est quod licet ali- <sup>lin. 8.</sup>  
 quis per motum libri arbitrii divinam gratiam  
 nec promereri nec advocare possit, potest tamen  
 se ipsum impedire, ne illam recipiat. Dicitur  
 enim de quibusdam Job 21. Recede à nobis  
 scientiam viarum tuarum nolumus, & Job 24.  
 ipsi rebelles fuerunt lumini. Et cum hoc sit in  
 potestate liberi arbitrii, impedire receptionem  
 gratiæ non immerito ei imputatur, qui impedi-  
 mentum ponit. Deus enim quantum ex se est,  
 paratus est omnibus gratiam dare: vult enim om-  
 nes salvos fieri: sed illi soli gratiâ privantur,  
 qui in se ipsis impedimentum gratiæ posuerunt:  
 sicut sole mundum illuminante, in culpam im-  
 putaretur ei qui oculos clauderet, licet videre  
 non posset nisi lumine solis præventus.

## ANIMADVERSIO.

Liber 3. S. Thomæ contra Gentiles habet  
 solum capita 163. unde librarii vel typo-  
 graphi errore caput 259. pro capite 159.  
 positum putamus. At ipsa Angelici Docto-  
 ris verba passim mutata esse, non solum li-  
 brarii.

„pedimentum gratiæ præstare. „ Quæ quidem verba verum Angelici Doctoris sensum explicant, videlicet in potestate esse liberi arbitrii impedimentum receptioni gratiæ non ponere, si consideretur absolutè, abstrahendo ab omni anteriori culpa, vel in statu naturæ integræ seu innocentis, prout Adamo a Deo collatum fuit; non autem si consideretur post admissa jam peccata, & in statu naturæ lapsæ, prout viribus attenuatum, est ad malum inclinatum.

## XXXIX.

S. Thom. epist. ad Hebræos cap. 12. lect. pag. 154.  
*g. Deus vult omnes homines salvos fieri & ideo gratia nulli deest, sed omnibus, quantum in se lin. 22. est, se communicat.*

## ANIMADVERSIO.

Ut verborum istorum sensus intelligeretur, addendum erat S. Thomam ibidem statim sibi objicere, quod si gratia detur iis omnibus qui non ponunt obstaculum, sequeretur ex solo libero arbitrio dependere ut quis habeat gratiam, non verò ex electione Dei, quod est, inquit, error Pelagii: cui objectioni respondens „ Dicendum est, „ inquit, quod hoc ipsum quod aliquis non „ ponit obstaculum, ex gratia procedit. Ac „ deinde sic concludit. Quod ergo à quibusdam

„dam removetur illud obstaculum, hoc est  
 „ex misericordia Dei; quod autem non re-  
 „movetur, hoc est, ex justitia ejus.

## XL.

pag. In cap. 6. Joannis *Cor humanum ex se ad*  
 154. *inferiora tendens, non potest sursum elevari,*  
 lin. 29. *nisi tractum. Si vero non elevatur, non est*  
*defectus ex parte trahentis, qui quantum est in*  
*se, nulli deficit, sed est propter impedimentum*  
*ejus qui non trahitur. Deus enim omnibus ad*  
*trahendum manum porrigit, quantum in se est;*  
*& quod plus est, non solum attrahit manum re-*  
*cipientis, sed etiam aversos ad se convertit. Ex*  
*quo ergo Deus paratus est dare omnibus gratiam*  
*& ad se attrahere, non imputatur ei, si ali-*  
*quis non accipiat, sed ei qui non accipit.*

## ANIMADVERSIO.

Hic multa omittuntur, quæ ad intelli-  
 gendum Angelici Doctoris sensum, a doctri-  
 na *Nodi* omnino alienum necessaria erant;  
 & quidem nullâ omissionis notâ appositâ,  
 immo additis aut mutatis particulis, ne lo-  
 cus mutilatus appareat. Id patet ex integro  
 loco hîc adjuncto.

„Sicut grave per naturam non potest per  
 „se sursum ferri, nisi trahatur ab alio, ita  
 „cor humanum ex se ad inferiora tendens,  
 „non potest sursum elevari, nisi tractum.

Si



„ Si verò non elevatur, non erit defectus  
 „ ex parte trahentis, qui quantum in se est,  
 „ nulli deficit, sed est propter impedimen-  
 „ tum ejus qui non trahitur. *Aliter autem,*  
 „ quantum ad hæc pertinet, possumus loqui de  
 „ hominibus in statu naturæ integræ, & aliter  
 „ in statu naturæ corruptæ. Nam in natura  
 „ integræ non erat aliquod impedimentum prohi-  
 „ bens ab hac tractione: Unde tunc omnes ho-  
 „ mines hujus tractionis poterant esse participes.  
 „ Sed in natura corrupta, omnes per impedimen-  
 „ tum peccati æqualiter prohibentur ab hac trac-  
 „ tione, & ideo omnes indigent trahi. Deus  
 „ autem omnibus ad trahendum manum por-  
 „ rigit, quantum in se est, & quod plus  
 „ est, non solum attrahit manum recipientis,  
 „ sed etiam averfos à se convertit, secundum  
 „ illud *Thren. converte nos Domine & conver-*  
 „ temur. . . . Ex quo ergo Deus paratus  
 „ est dare omnibus gratiam, & ad se trahere,  
 „ non imputatur ei si aliquis non accipiat,  
 „ sed ei qui non accipit. *Quare autem non*  
 „ omnes averfos trahit, sed aliquos, licet sint  
 „ omnes æqualiter averfi, ratio quidem in  
 „ generali potest assignari, ut scilicet in illis  
 „ qui non trahuntur appareat & refulgeat  
 „ ordo divinæ justitiæ: in illis autem qui  
 „ trahuntur, immensitas Divinæ misericor-  
 „ diæ. Quare autem in speciali trahat hunc  
 „ & illum non trahat, non est ratio aliqua  
 nisi

” nisi beneplacitum voluntatis divinæ. Un-  
 ” de dicit Aug. Quem trahat, & quem  
 ” non trahat, quare illum trahat, & illum  
 ” non trahat, noli velle judicare si non  
 ” vis errare.

Observandum autem partem hujusce loci  
 adhuc afferri in *Nodo* pag. 43. lin. 20. o-  
 missis pariter quæ ad sensum Divi Thomæ  
 intelligendum necessaria erant, & cum addi-  
 tione vocabulorum *per gratiam*, hoc modo :  
 „ Sicut grave per naturam non potest fur-  
 „ sum ferri, nisi trahatur ab alio, ita cor  
 „ humanum ex se ad inferiora tendens, non  
 „ potest sursum elevari, nisi tractum *per gra-*  
 „ *tiam.*

## XLI.

pag. Qu. 14. de veritate art. 11. ad 1. Si ali-  
 154. quis nutritus in sylvis, vel inter bruta animalis,  
 lin. ductum rationis sequeretur in appetitu boni &  
 pen. fuga mali, certissime est tenendum, quod ei  
 Deus, vel per internam inspirationem revelaret  
 ea quæ sunt ad credendum necessaria, vel ali-  
 quem fidei prædicatorem ad eum dirigeret,  
 sicut misit Petrum ad Cornelium.

## ANIMADVERSIO.

Mancus est locus iste; cum ea quæ præcedunt, omittantur, ubi sanctus Doctor ait, ad divinam providentiam pertinere, ut cuilibet provideat de necessariis ad salutem; *dummodò ex parte ejus non impediatur*. Impeditur autem semper ab iis qui peccato originali obnoxii à Deo averfi sunt, & ad malum inclinati, ut modò ex eodem S. Thoma vidimus. Unde ille in sylvis vel inter bruta animalia nutritus, de quo hic sermo, non sine speciali Dei auxilio juxta eundem S. Doctorem, ductum naturalis rationis sequeretur in appetitu boni, & fuga mali: quo posito, certissimè tenendum ait, quod Deus vel per internam inspirationem vel per aliquem fidei prædicatorem ea illi revelaret, quæ post publicationem Evangelii explicite credenda sunt, ad salutem obtinendam, qua de re in hoc Articulo XI tractat, cujus titulus est: *utrum sit necessarium aliquid explicite credere*. En integrum locum Doctoris Angelici.

” Ad primum ergo dicendum quod non  
 ” sequitur inconveniens, posito quod quili-  
 ” libet teneatur aliquid explicite credere, si  
 ” in sylvis vel inter bruta animalia nutri-  
 ” tur. Hoc enim ad divinam providentiam  
 ” pertinet ut cuilibet provideat de necessa-

riis ad salutem, dummodò ex parte ejus non impeditur. Si enim aliquis taliter nutritus ductum naturalis rationis sequeretur in appetitu boni, & fuga mali, certissimè est tenendum, quod ei Deus vel per internam inspirationem revelaret ea quæ sunt ad credendum necessaria, vel aliquem fidei prædicatorem ad eum dirigeret, sicut misit Petrum ad Cornelium.

## XLII.

pag. 137. 17. Hanc quoque æqualitatem auxiliorum agnovit S. Thomas in cap. 8. ad Rom. Lec. 3. ubi sic habet: *Hæc vocatio est efficax in prædestinatis quia ejusmodi vocationi assentiunt.* Disparitas ergo non semper ex gratia, sed ex voluntate est.

## ANIMADVERSIO

Hæc quidem apud S. Thomam, non lectione 3. sed 6. in cap. 8. Epistolæ ad Rom. habentur, verum alio prorsus sensu, quam hic referuntur. Paulo ante in hæc verba Apostoli: *nam quos præscivit & prædestinavit*, docet sanctus Doctor prædestinationem electorum non fieri ex prævisione meritorum, Quia [inquit] sub prædestinatione cadit omne beneficium salutare, quod est homini ab eterno divinitus præparatum; unde



unde eadem ratione omnia beneficia quæ nobis confert ex tempore, præparavit nobis ab æterno. Unde ponere quod aliud meritum, ex parte nostra præsupponatur, cujus præscientia sit ratio prædestinationis, nihil est aliud quam gratiam ponere dari ex meritis nostris, & quod principium bonorum operum est ex nobis, & consummatio est ex Deo.

Deinde verò in hæc verba Pauli: *quos autem prædestinavit, hos & vocavit*, pergit explicare quo ordine prædestinatio, quæ suo effectu privari non potest, in electis impleatur. Primùm (inquit) in quo incipit prædestinatio impleri, est vocatio hominis, quæ quidem est duplex, una exterior quæ fit ore prædicatoris . . . . . alia verò vocatio est interior, quæ nihil aliud est quam quidam mentis instinctus, quo cor hominis movetur à Deo ad assentiendum his quæ sunt fidei & virtutis . . . . . Et hæc vocatio necessaria est, quia cor nostrum non se ad Deum converteret, nisi ipse Deus nos ad se traheret. Joan. 6. Nemo potest venire ad me, nisi Pater qui misit me traxerit eum. Thren. 5. Convertite nos Domine ad te, & convertemur. Et etiam hæc vocatio est efficax in prædestinationis, quia hujusmodi vocationi assentiunt; Joan. 6. Omnis qui audivit à Patre meo &

*ioni assentiunt*, vocationis efficaciam seu certissimum ejus effectum indicat, ac si clariùs diceret: *quia nunquam contingit, ut hujusmodi vocationi voluntas hominis non assentiat.*

Hactenus locos ex Augustino aliisque SS. Patribus in *Nodo* malè citatos exhibuimus, quibus non dubitamus alios adjici posse, si quis omnes in eo allatos sigillatim examinare vellet. Nos certè aliquos, quod levius in eis, ac forte solâ librarii vel typographi culpâ erratum sit, consultò omisimus.

## ARTICULUS SEXTUS.

### *De aliis vitiis quæ in Nodo occurrunt.*

**A**UCTOR 2. Parte §. primo, cujus titulus est: „Probatur ex sacris literis sanctisque Patribus noluisse Deum mysterium prædestinationis ab hominibus explorari; „primo loco citat testimonium ex libro 4. Esdræ, addens infra ad extremam partem marginis hanc notam: „Quamvis non constet Esdræ librum quartum esse canonicum, citatur tamen ab Ambrosio tanquam canonicus lib. de bono mortis & lib. 7. in Lucam, & epist. 71. ad Horontianum: „& Genebrardus pro canonico habet in Chronologia. c. 90. „ An post decretum

H Con-

Concilii Tridentini de scripturis canonicis  
Sess. 4. Auctori licuerit sic quartum librum  
Esdrae citare, aliis judicandum relinqui-  
mus.

Multos libros Auctor, siue negligentia,  
siue critices inopia, sub alienis nominibus  
laudat, prout in quibusdam editionibus an-  
tiquis, ac pene jam obsoletis reperie-  
bantur.

Jam supra vidimus ab eo pag. 31. lin.  
12. pag. 37. lin. 3. & pag. 50. lin. 17.  
citari sub nomine Augustini Responsum  
ad articulos sibi falsò impositos, qui liber  
est Prosperi, inter ejus opera inscriptus,  
*Responsio ad objectiones Vincentianas.*

Pag. 136. lin. 9. tribuit Augustino li-  
brum de prædestinatione & gratia, quem  
jamdudum Doctores Lovanienses in re-  
censendis ejus operibus ab eo abjudicave-  
runt, & quem Bellarminus, Petavius alii-  
que suspecti esse Auctoris affirmant.

Pag. 118. lin. pen. eidem Augustino tri-  
buit librum de fide ad Petrum, quem con-  
stat esse S. Fulgentii.

Pag. 110. lin. ult. citat sub nomine Au-  
gustini librum de Ecclesiasticis Dogmatibus,  
quem omnes norunt esse Auctoris Semi-  
pelagiani, nempe Gennadii Massiliensis  
Presbiteri.

Pag. 35. lin. 5. verba ex lib. 6. Hy-  
pog-

pognosticon profert sub nomine Augustini, & quamvis agnoscat ab eruditis dubitari an libri illi sint Augustini, eos tamen illi asserere conatur, certè eorum doctrinam tanquam Augustinianæ consentaneam commendat. At ex editione Patrum Benedictinorum scire potuit, jam ab octingentis annis libros illos tanquam Augustino indignos a Remigio Lugdunensi Archiepiscopo, libro de tribus capitulis cap. 35. & Prudentio Episcopo Tricassino lib. de prædestin. cap. 14. rejectos fuisse. Imò idem Remigius libro de tenenda scripturæ veritate cap. 9. ad auctoritatem libri hypomnestici, seu hypognostici respondens, sic habet, "Manifestissimè prædicti Doctoris [Augustini] sensibus, imò catholicæ sinceritati probatur adversus, nec ipso stylo ullatenus cum ejus eloquio consonat.

Pag. 92. lin. 16. librum 84. quæstionum citat, cum nemo qui Augustini opera vel à limine salutarit, ignoret hunc librum vocari & esse 83. quæstionum.

Pag. 15. lin. 12. & pag. 58. lin. 3. citat librum primum S. Augustini de prædestin. Sanctorum; quasi inter ejus opera plures libri de prædestin. Sanctorum haberentur. Olim quidem, ut observant PP. Benedictini, uterque liber, quo sanctus Doctor epistolis Prosperi & Hilarii respondit, de prædestina-



*sione sanctorum* inscribebatur, sed jamdiu est cum in omnibus editionibus secundus non de *prædestinatione SS. sed de dono perseverantiae* titulum habet.

Pag. 57. lin. 5. & alibi librum Augustini  
*de dono perseverantia* non sine aliqua affe-  
ctatione vocat librum *de bono perseveran-*  
*tia*. Quamvis enim, ut notant iidem PP.  
Benedictini, in antiquis codicibus, & in  
libris Remigii Lugdunensis, & aliorum  
Scriptorum noni sæculi cum hac inscrip-  
tione citetur; tamen jamdudum usus ob-  
tinuit, ut in omnibus libris editis titulum  
habeat: *de dono perseverantia*.

V.

## RESPONSIO

Pro Doctrina

S. AUGUSTINI

Ad Librum sub nomine

EMINENTISSIMI D. CARDINALIS

SFONDRATI

Editum, cui titulus:

*Nodus Prædestinationis ex Sa-  
cris literis, doctrinaque**S. S. Augustini & Thomæ,**quantum homini li-  
cet, dissolutus.*

## P R Æ F A T I O.

**E**A est quorundam vana gloria, ut sicut Augustinum Julianus, ita viros illustres impugnare ambiant, magis desiderantes de certamine nominari, quam superari formidantes: quibus pugnasse, palma est, nec pro veritatis, sed pro vanitatis

suę certant victoriâ. Hoc tam insanum propositum a me abesse confido, dum libro Eminentissimi Viri Cardinalis Sfondrati purpurâ & famâ illustri respondere compellit veritatis patrocinium: nam multò amplius equidem malle *Nodum* illum *dissolutum* a decem Casuistis fuisse editum, quam ab uno Cardinali Sfondrato; quin etiam malle Scriptum illud nunquam prodiisse, quam urgeri ad respondendum, quod mihi non magis jucundum est, quam textori intricata fila, & male nentium nodos dissolvere.

Solicite tamen monet Aug. tract. 43. in Joan. II. 15. „ Arrogantia non ita caveatur, ut veritas relinquatur: „ quod hic maximè locum necesse est habeat, ubi tum ex *Nodo* prædestinationis non rectè *dissolutum*, tum ex discipulorum S. Augustini silentio prorsus timenda sunt discrimina, quę Prosper Augustino epis. 225. n. 7. exponit verbis sequentibus: „ Ad authoritatem talia sentientium non sumus pares, quia multum nos & vitę meritis antecellunt, & aliqui eorum adepto nuper summo sacerdotii honore supereminent: nec facile quisquam præter paucos perfectę gratię intrepidus amatores, tantò superiorum disputationibus ausus est contraire. Ex quo non solum his qui eos audiunt, verum etiam

„tiam ipsis qui audiuntur cum dignitatibus  
 „crevit periculum, dum & multos reve-  
 „rentia eorum aut inutili cohibet silentio.  
 „aut incurioso ducit assensu, & saluberri-  
 „mum ipsis videtur, quod penè nullius con-  
 „tradictione reprehenditur.

Itaque, præterquam quod Christiano ni-  
 hil carius esse debeat divinâ gratiâ, qua  
 Christi populus sumus, quæ Christo tanti  
 fuit, ut eam suo sanguine emerit, qua nos  
 redemit, cujus sana doctrina, fidei, spei,  
 & charitatis, humilitatis & Religionis, to-  
 tiusque vitæ Christianæ fundamentum est,  
 tres aliæ insuper rationes prædicto libro re-  
 spondere compellunt. Ac primò quia cla-  
 mant Calvinistæ Ecclesiam Romanam Pe-  
 lagianam, & Semipelagianam esse: atque  
 ideo imprimis se meritò ex ea egressos cla-  
 mat *Jurieu* in libro: *L'esprit de Mr. Ar-*  
*naud. Malgré les Jansenistes l'Eglise Romaine*  
*s'est déclarée Pelagienne.* *Frendentibus*, inquit,  
*Jansenistis Ecclesia Romana, se declaravit Pe-*  
*lagianam.* Clamat recentissimè de Ecclesia  
 Romana *Leydekkerus*, in sua *Jansenismi Hi-*  
*storia* in præfat. ad lectorem: „Dei ju-  
 „dicio ruit, ruetque in pejus consilio do-  
 „minantium Jesuitarum, qui Pelagianismi  
 „errores audaci animo renovarunt, nec e-  
 „nim aliàs Romana Religio adversus Pro-  
 „testantes defendi poterat. Et infra lib. I.



c. 11. „Sic ostensa palam Romanæ Eccle-  
 „siæ lethalis corruptio, ac Pelagianismus nu-  
 „tritus & toleratus est in ejus sinu. Recla-  
 mant S. Augustini discipuli, & Romanam  
 Ecclesiam a Pelagianismi & Semipelagia-  
 nismi calumniis vindicant; & ecce prodit  
 interea cum magnis elogiis & approbationi-  
 bus liber S. Romanæ Ecclesiæ Cardinalis  
 Sfondrati, palam edicens pag. 27. „Fixum  
 „ergo ratumque sit nihil aliud ex sententia  
 „Augustini gratiam effectricem esse, quam  
 „cognitionem congruam: Additque plura  
 similia, ut mox exhibebitur. Quid poterat  
 Ecclesiæ Romanæ Hostibus accidere oppor-  
 tunius & magis acceptum? quid tristius  
 Romanæ Ecclesiæ defensoribus? Atque  
 ideo filialis in matrem amor silere vetat.

Secunda non tacendi ratio est, quod  
 A catholicis invidiosè admodum Pontifici &  
 Ecclesiæ Romanæ adscribant laxas in Mo-  
 ralibus multorum Casuistarum opiniones;  
 ita ut propter has nuper sanctissimum Ponti-  
 ficem depinxerint infamitabulâ, quæ Romæ  
 nota fuit, tanquam dæmonum fœcibus fues-  
 pascentem, in libro cui titulus *Laeste Duyvels  
 drek.* hoc est, *Postremæ dæmonum fœces.*  
 Quis autem non miretur & doleat etiam  
 Cardinalem Sfondratum ex opinionibus illis  
 tradere sequentem pag. 161. „Sicut ergo  
 „nullum peccatum est non contra rationem,

ita

„ita nullum non contra conscientiam, quæ  
 „nihil aliud est quam ratio practica, dictans  
 „in particulari, quid non liceat, liceatque.  
 Hoc est quod in appendice ad Triplicem hæ-  
 resim denuntiaturum fuit in hac propositione:  
 „Nec malè quis agere potest eo ipso, quo  
 „agit ex conscientiæ suæ dictamine: „arque  
 ita Eminentis Sfondratus renovat princi-  
 pium illud: „Nemo peccat sine advertentia  
 „malitiæ, „ex quo sequitur evidenter, non  
 dari peccata ignorantiae, quod in Cælestio,  
 & Abailardo damnatum fuit. Ex eodem  
 principio sequi necessario Philosophismum,  
 & hunc sine illo principio sincerè abnegari  
 non posse, & principium illud de requisita ad  
 peccandum advertentiâ malitiæ, sequi ex gra-  
 tia Molinistice sufficienti, clarissimè demon-  
 stravit celebris Doctor Antonius Arnauldus in  
 quinque suis Philosophisimi denuntiationi-  
 bus.

Tertia & postrema respondendi ratio est,  
 quod Sanctissimus Pontifex Innocentius duo-  
 decimus, quem Deus Ecclesie suæ diu ser-  
 vet incolumem, nupero suo Brevis ad Fa-  
 cultatem Lovaniensem, hortetur eam more  
 majorum, ut profiteatur doctrinam præcla-  
 rissimorum Doctorum Augustini & Thomæ:  
 „Quorum ille, *inquit*, tantâ scientiâ fuit,  
 „ut inter magistros optimos etiam à nostris  
 „prædecessoribus haberetur, & cujus doctri-

„nam, secundum eorundem Prædecessorum  
 „Statuta, Romana sequitur ac servat Eccle-  
 „sia &c. Cardinalis autem Sfondratus non  
 solum docet contraria manifestè, ut osten-  
 detur, Augustino, verum etiam inclementi  
 censurâ sæpius cum perstringit, ut patet ex  
 capite quarto inferius.

Propter has ac plures alias rationes nemo,  
 ut opinor, vel Sfondrati amantissimus suc-  
 censere jure poterit, si *Nodum* ejus eâ re-  
 verentiâ & libertate excipimus, qua doctri-  
 nam S. Cypriani Augustinus lib. 2. contra  
 Cresconium cap. 32. „ Literas Cypriani,  
 „ *inquit*, non ut canonicas habeo, sed eas.  
 „ ex canonicis considero, & quod in eis di-  
 „ vinarum scripturarum authoritati congruit,  
 „ cum laude ejus accipio, quod autem non  
 „ congruit, cum pace ejus respuo . . . eâ li-  
 „ bertate ad quam nos vocavit Dominus,  
 „ ejus Viri, cujus laudem assequi non  
 „ valeo, cujus multis literis mea scripta  
 „ non comparo, cujus ingenium diligo,  
 „ cujus ore delector, cujus charitatem mi-  
 „ ror, cujus Martyrium veneror, hoc quod  
 „ aliter sapuit, non accipio . . . Qua propter  
 „ ita hoc Cypriani non accipio, quamvis  
 „ inferior incomparabiliter Cypriano, sicut  
 „ illud Ap. Petri, quod gentes Judaizare  
 „ cogebat, nec accipio, nec facio, quamvis  
 „ inferior incomparabiliter Petro.

Dem-

Denique ut magis pateat , quam non sinistro in Authorem affectu , sed sincero in Veritatem amore ad hanc responsionem aggrediar , visum est opiniones ejus , & titubationes ut mitissimè loquar , verbis authoris exscribere & paucis argumentis refellere.



## CAPUT I.

Variae Propositiones ex libro cui  
titulus, *Nodus Prædestinationis*,  
*dissolutus*, cum responsio-  
nibus ad easdem.

De peccato Originali & Causa  
Parvulorum.

## I.

” **A**Damo infeliciter peccante, tota quo-  
” que posteritas, quippe ex patre rebel-  
” li nata, omni jure ad cæleste regnum spo-  
” liata est *quod peccatum originale vocamus*. pag.  
” 48. lin. 8.

## RESPONSIO.

Spoliari vel indignum esse jure ad cæleste  
regnum, non est peccatum originale sed il-  
lius poena; quia, uti ait Bellarminus lib. 5.  
de amissione gratiæ cap. 19.: „indignitas non  
” est mors animæ nec iniquitas, nec mali-  
” tia nec foeditas, sed relatio consequens  
” ista omnia. At peccatum originis juxta  
” Scripturas & Concilia mors est animæ, ini-  
” quitas, malitia, foeditas: & ideo necesse  
” ha-

"habent homines propter hoc peccatum re-  
 "nasci, justificari, purgari &c.

Augustinus peccatum originale clarè distinxit à spoliatione juris ad cœleste regnum lib. 1. de peccatorum meritis cap. 3. "Numquam explicant isti, quâ justitiâ nullum  
 "peccatum habens imago Dei, separetur à  
 "regno Dei . . . . unde imago Dei non  
 "intrat in regnum Dei, nisi impedimento  
 "prohibente peccati.

Ergo præfata propositio repugnat tum Scripturis ad Rom. 5. v. 12. & 19. quæ propriè peccatum esse censent originale, quod omnes verè peccatores constituat: tum Tridentino Sess. 5: quod dicit anathema illi, qui dixerit "Adamum mortem &  
 "pœnas corporis (idem est de spoliatione juris ad cœleste regnum) "tantum in omne  
 "ne genus humanum transfudisse, non autem & peccatum quod mors est animæ: tum denique Arausicano 2. can. 2. "Si quis  
 "soli Adæ prævaricationem suam, non &  
 "ejus propagini asserit nocuisse, aut certè  
 "mortem tantum corporis (quæ pœna peccati est) non autem & peccatum quod  
 "mors est animæ, per anum hominem in  
 "omne genus humanum transiisse testatur,  
 "injustitiam Deo dabit, contradicens Apostolo dicenti: „ *Per unum hominem*  
*peccatum intrat in mundum & per pecca-*

*tum mors & ita in omnes homines mors  
pertransiit in quo omnes peccaverunt.*

## II.

” Aliud est perire, aliud beatum non ef-  
” se : parvuli qui sine baptismo decedunt,  
” beati quidem non sunt, nec tamen pere-  
” unt. pag. 114. lin. 18.

## R E S P O N S I O.

Dixit Christus Luc. 19. v. 10. ” Venit e-  
” nim filius hominis querere & salvum fa-  
” cere quod perierat : „ atqui venit quæsi-  
” tum & salvatum parvulos ; ergo perierant.  
” Qui dixit (ait Aug. ser. 174.) infantilem  
” ætatem non habere quod salvet Jesus ,  
” omnibus fidelibus infantibus Christum ne-  
” gat esse Jesum . . . . quare cum illo cur-  
” ris ad medicum , si non habet vitium ? non  
” times ne dicat tibi , aufer hinc eum , quem  
” putas esse sanum ? Filius hominis  
” non venit nisi querere & salvare , quod  
” perierat , quare illum ad me affers , si non  
” perierat ? quare novis disputationibus anti-  
” quam fidei regulam frangere conaris ?  
” Siquidem juxta Trid. Sess. 5. & 6.  
cap. 1. Parvuli secundum animam  
mortui erant , facti immundi & ut Apost.  
ait *naturæ filii iræ* , servi erant peccati , &  
sub potestate Diaboli ac mortis : ergo pe-  
rierant.

Nam

„Nam ovis centesima, inquit Bellar-  
 „minus lib. 4. de amissione gratiæ cap. 7.  
 „quæ aberravit à grege; & dragma perdi-  
 „ta Luc. 15. omnium consensu naturam  
 „humanam universam significabant.

Ibidem insuper cap. 2. „Convenit Zwin-  
 „glius cum Lutheranis, dissidet à Catho-  
 „licis: nos enim, ut paulò post docebimus,  
 „præter concupiscentiam agnoscimus in ho-  
 „mine, ex Adami semine propagato, justitiæ  
 „privationem, & habitualement quandam ab  
 „ipso Deo aversionem. nec non reatum  
 „quemdam & maculam, quæ ipsum homi-  
 „nem verè ac propriè peccatorem efficiunt,  
 „& exitio sempiterno addicunt, nisi Chri-  
 „sti sanguine redimatur.

„Sequeretur deinde, (addit ibidem lib. 6.  
 „cap. 2.) parvulos debere baptizari ut ad-  
 „optionem divinam adepti admittantur ad  
 „regnum cœlorum, non autem, quia pe-  
 „riculum sit ne damnentur & pereant, nihil  
 „enim eis adest mali præter carentiam visi-  
 „onis Dei, & nihil eisdem boni deest nisi  
 „visio Dei, hoc est possessio regni cœlestis.  
 „Atqui hæc est ipsa hæresis pelagiana. Nam  
 „ut S. Aug. testatur lib. 1. de origine animæ  
 „cap. 9. non timebant Pelagiani parvulis  
 „damnationem, si non baptizarentur, sed  
 „à regno exclusionem. Ubi per damnati-  
 „onem non intelligit Aug. exclusionem à  
 „reg-



"regno, sed aliquid aliud : nam si exclusio  
 "esset damnatio, qui exclusionem timebant  
 "non baptizatis, damnationem quoque eis-  
 "dem paritet timuissent. Quare idem Aug.  
 "lib. de hæres. cap. 88. scribit parvulos se-  
 "cundum hæresim Pelagii (& hæc ipsa est  
 "doctrina *Nodi dissoluti*) baptismo indige-  
 "re ut regeneratione adoptati admittantur  
 "ad regnum Dei, & non ut percant, sed  
 "ut de bono transferantur ad melius.

Hinc quoque Auctor lib. 1. de vocatione  
 gentium cap. 32. : „ Non autem puto istos  
 (alii justos) „ voluntatum patronos simplici-  
 „ citate illorum tam impudenter usuros, ut  
 „ aut fortuito ista dicant accidere, aut non  
 „ renatos asserant non perire.

## III.

„ Deus parvulos cœlo exclusit ob pecca-  
 „ tum non proprium, sed paternum pag. 118.  
 „ lin. penult.

## IV.

„ Licet culpâ propriâ careant, non tamen  
 „ carent alienâ & paternâ pag. 118. lin. 20.

## R E S P O N S I O

Sciñ. si juxta primam propositionem peccatum  
 originale in Adæ posteris nihil est aliud, quam  
 pro peccato parentum, jure ad cœleste reg-  
 num spoliari, sequitur parvulos non habere

pec-

## AD NODUM DISSOLUTUM. 185

peccatum proprium. Sed id repugnat tum Apostolo ad Rom. 5. in quo omnes peccaverant : „ tum Tridentino, quod Sess. 5. de peccato originali definit : „ Inest unicuique proprium, quod mors *est* animæ.

### V.

„ Quamvis enim damnari nemo possit pater, ternâ culpâ (scilicet originali) pag. 114. lin. 21.

### R E S P O N S I O.

Contra fulminat S. Gelasius Papa in epistola ad Episcopos per Picenum, contra Senecam delirum senem Pelagianum : „ De „ parvulis autem quod asserit sine baptismo „ te pro solo originali peccato non posse „ damnari, satis impia, satis profana propositio est.

Nempe repugnat Apostolo ad Rom. 5. „ Judicium quidem ex uno in condemnationem . . . sicut per unius delictum in „ omnes homines in condemnationem, sic „ & per unius justitiam in omnes homines „ in justificationem vitæ.

Repugnat Catechismo Romano in 2. Articulum Symboli, num 3. „ in illa damnatione humani generis quæ statim peccatum „ consecuta est &c.

„ Repugnat Augustino de correptione & gratia

gratia cap. 7. „ Non sunt ab illa conspersio-  
 „ ne discreti, quam constat esse damnatam,  
 „ euntibus omnibus ex uno in condemnatio-  
 „ nem . . . . quicumque ergo ab illa ori-  
 „ ginali damnatione istâ divinæ gratiæ largi-  
 „ tate discreti sunt &c. „ & lib. 13. de civi-  
 „ tate Dei cap. 14. „ Sponte depravatus ju-  
 „ stèque damnatus, depravatos damnatosque  
 „ generavit. „ & ibidem lib. 22. cap. 22,  
 „ Quod ad primam originem pertinet, om-  
 „ nem mortalium progeniem fuisse damna-  
 „ tam, hæc ipsa vita, si vita dicenda est,  
 „ tot & tantis malis plena testatur.

Propterea Bellar. lib. 6: de amissione gra-  
 tiæ cap. 2. „ Fide Catholicâ tenendum est,  
 „ parvulos sine baptismo decedentes, abso-  
 „ lutè esse damnatos & non solâ cœlesti sed  
 „ etiam naturali beatitudine perpetuò cari-  
 „ tuos.

## VI.

„ Rationibus addi etiam illa potest, videli-  
 „ cet peccatum originale nullam reprehensi-  
 „ onem mereri pag. 118. lin. 1.

## VII.

„ Quis ergo tam absurdè sentiat, ut dicat  
 „ posse torqueri parvulos, qui non possunt re-  
 „ prehendi. ibid. lin. 16.

## R E S P O N S I O.

Jam ostensum est juxta Apostolum, Catechismum Romanum & Augustinum, parvulos ob solum peccatum originale condemnari: ergo multò magis ob illud possunt reprehendi; cum reprehendi, argui & accusari minus sit, quam condemnari, „ Intelligamus Apostolum (ait Aug. lib. 1. de peccatorum meritis cap. 124.) & videamus inde dictum judicium ex uno delicto in condemnationem, quia sufficeret ad condemnationem, etiamsi non esset in hominibus nisi originale peccatum. „ Idem de correptione & gratiâ cap. 6. docet de hac pravitate peccati originalis: „ corripitur & in singulis quod est omnium.

## VIII.

„ Si non fecit beatos, quia perduellium parentum filios, & culpâ originali aspersos, „ at nec fecit miseros. pag. 112. lin.

## R E S P O N S I O.

Imo tam miseros fecit, ut meritò testetur Cardinalis Norisius in Vindiciis Augustinianis cap. 3. §. 3. „ Inter cætera argumenta celeberrimum invenit magnus Doctor, „ quo peccatum originis persuaderet, deducens nempe illud ab infinitis humanæ vitæ



"tæ miseriis : ita appellans illam Ecclesiasti-  
 "ci sententiam cap. 40. initio : „ *Jugum gra-*  
*ve super filios Adam à die exitus de ventre*  
*matris eorum.* „ arguebat ad salvandam  
 "Dei justitiam aliquod in nascentibus cri-  
 "men asserendum esse, ne tot miseriis pu-  
 "niri innoxii crederentur. Hoc argumen-  
 "tum ubique in Augustini non dicam libris  
 "sed librorum paginis occurrit. Sic lib. 6.  
 "operis imperfecti contra Julianum cap. 27.  
 "Ubi est, inquit, justitia Dei? quam si co-  
 "gitares, numquam crederes sine ullo meri-  
 "to peccati originalis tam miseros esse na-  
 "scentes." Harum verò miseriarum cumu-  
 "lum exhibet lib. 22. de civitate Dei cap. 22.  
 Nimirum juxta definitionem Tridentini Sess.  
 5. & 6. cap. 1. nascuntur parvuli cum pec-  
 cato quod est mors animæ, immundi, na-  
 turæ filii iræ, servi peccati, Diaboli & mor-  
 tis. Er post hæc, quæ fieri potest, ut ali-  
 quis neget eos esse miseros. Merito igitur  
 fatetur Bellarminus de amissione gratiæ lib.  
 4. c. 2. „ Catholici Theologi non do-  
 "cent peccatum originis non distingui ab  
 "actuali, neque dicunt esse actionem sce-  
 "leratam propriâ voluntate commissam, &  
 "tamen sentiunt esse verè, proprièque pec-  
 "catum, quod hominem non solum miserum  
 "sed etiam peccatorem & reum damnatio-  
 "nis efficiat.

## IX.

Ut taceam illum, qui solo originali tenetur, dici non posse Deum deferere. pag. 98. lin. 29.

## RESPONSIO.

Qui solo originali tenetur, juxta Apostolum ad Rom. 5. in Deum peccavit peccato quod est mors animæ, quo Dei inimicus & Diaboli factus est servus, adeoque juxta fidem Catholicam Deum deseruit. Accedit, quod, uti supra ad propositionem 1. dictum est ex Bellarmino, Catholici agnoscunt in homine, ex Adami semine propagato, justitiæ privationem & habitualement quamdam ab ipso Deo aversionem.

## X.

„Quantum ergo ex parte Dei est, non est barbarus, non est Scythia, non est reprobus, non est damnatus, sed omnes filii, omnes dilecti, omnes chari, solâ culpâ (actuali, sicut declarat pag. 68.) inter malos bonosque, inter electos rejectosque distinguente. pag. 3. lin. 21.

RES-

" nec regeneratis vitam æternam esse tribu-  
 " endam, aut naturalem beatitudinem, uti  
 " multis rectè probat Bellarminus lib. 6. de  
 " amissione gratiæ.

## XIV.

" Constat sensibilis poenæ immunes fore;  
 " id enim ratio omniumque Theologorum  
 " autoritas convincit. pag. 719. lin. 11.

## R E S P O N S I O.

Reclamat sæpènumero Augustinus ut  
 Ser. 294. editionis PP. Benedictinorum:  
 " qui non in dextra, procul dubio in fini-  
 " stra: ergo qui non in regno procul dubio  
 " in igne æterno.

Similiter ex Augustino Fulgentius lib. de  
 fide ad Petrum cap. 27. „Firmissimè tene,  
 " & nullatenus dubites, non solum homines  
 " jam ratione utentes, verùm etiam par-  
 " vulos, qui sive in uteris matrum vivere in-  
 " cipiunt & ibi moriuntur, sive cum de ma-  
 " tribus nati sine Sacramento sancti baptis-  
 " matis, quod datur in nomine Patris &  
 " Filii & spiritus sancti, de hoc sæculo trans-  
 " eunt, ignis æterni sempiterno supplicio pu-  
 " niendos; quia etsi propriæ actionis pecca-  
 " tum nullum habuerunt, originalis tamen  
 " peccati damnationem carnali conceptione  
 " & nativitate traxerunt.

Hæc

„Hæc itaque [ait Cardinalis Norisius in  
 „Vindiciis Augustinianis] antiquæ Ecclesiæ  
 „ac sanctis Patribus de infantium pænis  
 „sententia stetit, donec post ducentesimum  
 „supra millesimum annum Christianæ epo-  
 „chæ, novæ opiniones à scholasticis procusæ  
 „sunt. Interim pro sententia antiqua non  
 „solum cumulum Patrum, sed etiam scho-  
 „lasticorum ibidem allegat. Ex quo patet,  
 „quam immeritò *Nodus dissolutus* suam opi-  
 „nionem omnibus Theologis adscribat, &  
 „sententiam antiquam hac censurâ perstringat  
 „primâ p. pag. 118. „Quis ergo tam absurdè  
 „sentiat, ut dicat posse torqueri parvu-  
 „los &c.

## XV.

„Vides sententiam mediam ab Augustino  
 „parvulis non baptizatis inter supplicium  
 „meritumque constitui, neque hanc sen-  
 „tentiam umquam Augustinus retractavit.  
 „pag. 115. lin. 1.

## XVI.

„Parvulos quod attinet qui sine baptismo  
 „decedunt, cælesti quidem regno, quippe  
 „paternæ culpæ reos nec expiatis exclusit,  
 „non tamen naturalibus bonis pag. 48. lin. 17.

## RESPONSIO.

Sic nodus dissolutus asserere nititur lo-  
 cum medium, quem parvulis sine baptismo



# 134 RESPONSIO PRO S. AUGUST.

„regno, sed aliquid aliud : nam si exclusio  
 „esset damnatio, qui exclusionem timebant  
 „non baptizatis, damnationem quoque eis-  
 „dem paritet timuissent. Quare idem Aug.  
 „lib. de hæres. cap. 88. scribit parvulos fe-  
 „cundum hæresim Pelagii (& hæc ipsa est  
 „doctrina *Nodi dissoluti*) baptismo indige-  
 „re ut regeneratione adoptati admittantur  
 „ad regnum Dei, & non ut pereant, sed  
 „ut de bono transferantur ad melius.

Hinc quoque Auctor lib. 1. de vocatione  
 gentium cap. 32. : „ Non autem puto istos  
 (alii justos) „ voluntatum patronos simplici-  
 „ citate illorum tam impudenter usuros, ut  
 „ aut fortuito ista dicant accidere, aut non  
 „ renatos asserant non perire.

## III.

„Deus parvulos cœlo exclusit ob pecca-  
 „tum non proprium, sed paternum pag. 118.  
 „lin. penult.

## IV.

„Licet culpâ propriâ careant, non tamen  
 „carent alienâ & paternâ pag. 118. lin. 20.

## RESPONSIO

Sciſi. si juxta primam propositionem peccatum  
 originale in Adæ posteris nihil est aliud, quam  
 pro peccato parentum, jure ad cœleste reg-  
 num spoliari, sequitur parvulos non habere  
 pec-

## AD NODUM DISSOLUTUM. 185

peccatum proprium. Sed id repugnat tum Apostolo ad Rom. 5. in quo omnes peccaverant : „ tum Tridentino, quod Sess. 5. de peccato originali definit : „ Inest unicuique proprium, quod mors est animæ.

### V.

„ Quamvis enim damnari nemo possit pæternâ culpâ (scilicet originali) pag. 114. lin. 21.

### R E S P O N S I O.

Contra fulminat S. Gelasius Pâpa in epistola ad Episcopos per Picenum, contra Senecam delirum senem Pelagianum: „ De parvulis autem quod asserit sine baptismo te pro solo originali peccato non posse damnari, satis impia, satis profana propositio est.

Nempe repugnat Apostolo ad Rom. 5. „ Judicium quidem ex uno in condemnationem . . . sicut per unius delictum in omnes homines in condemnationem, sic & per unius justitiam in omnes homines in justificationem vitæ.

Repugnat Catechismo Romano in 2. Articulum Symboli, num 3. „ in illa damnatione humani generis quæ statim peccatum consecuta est &c.

„ Repugnat Augustino de correptione & gra-

gratia cap. 7. „ Non sunt ab illa conspersio-  
 ne discreti, quam constat esse damnatam,  
 euntibus omnibus ex uno in condemnatio-  
 nem . . . . . quicumque ergo ab illa ori-  
 ginali damnatione istâ divinæ gratiæ largi-  
 tate discreti sunt &c., & lib. 13. de civi-  
 tate Dei cap. 14. „ Sponte depravatus ju-  
 stèque damnatus, depravatos damnatosque  
 generavit. „ & ibidem lib. 22. cap. 22,  
 Quod ad primam originem pertinet, om-  
 nem mortalium progeniem fuisse damna-  
 tam, hæc ipsa vita, si vita dicenda est,  
 tot & tantis malis plena testatur.

Propterea Bellar. lib. 6: de amissione gra-  
 tiæ cap. 2. „ Fide Catholicâ tenendum est,  
 parvulos sine baptismo decedentes, abso-  
 lutè esse damnatos & non solâ cœlesti sed  
 etiam naturali beatitudine perpetuò cari-  
 tuos.

## VI.

„ Rationibus addi etiam illa potest, videli-  
 cet peccatum originale nullam reprehensi-  
 onem mereri pag. 118. lin. 1.

## VII.

„ Quis ergo tam absurdè sentiat, ut dicat  
 posse torqueri parvulos, qui non possunt re-  
 prehendi. ibid. lin. 16.

## RESPONSIO.

Jam ostensum est juxta Apostolum, Catechismum Romanum & Augustinum, parvulos ob solum peccatum originale condemnari: ergo multò magis ob illud possunt reprehendi; cum reprehendi, argui & accusari minus sit, quam condemnari, „ Intelligamus Apostolum (ait Aug. lib. 1. de peccatorum meritis cap. 124.) & videamus inde dictum judicium ex uno delicto in condemnationem, quia sufficeret ad condemnationem, etiamsi non esset in hominibus nisi originale peccatum. „ Idem de correptione & gratiâ cap. 6. docet de hac pravitate peccati originalis: „ corripiatur & in singulis quod est omnium.

## VIII.

„ Si non fecit beatos, quia perduellium parentum filios, & culpâ originali aspersos, „ at nec fecit miseros. pag. 112. lin.

## RESPONSIO.

Imo tam miseros fecit, ut meritò testetur Cardinalis Norisius in Vindiciis Augustinianis cap. 3. §. 3. „ Inter cætera argumenta celeberrimum invenit magnus Doctor, „ quo peccatum originis persuaderet, deducens nempe illud ab infinitis humanæ vitæ



"tæ miseriis : ita appellans illam Ecclesiasti-  
 "ci sententiam cap. 40. initio : „ *Jugum gra-*  
*ve super filios Adam à die exitus de ventre*  
*matris eorum.* „ arguebat ad salvandam  
 "Dei justitiam aliquod in nascentibus cri-  
 "men asserendum esse, ne tot miseriis pu-  
 "niri innoxii crederentur. Hoc argumen-  
 "tum ubique in Augustini non dicam libris  
 "sed librorum paginis occurrit. Sic lib. 6.  
 "operis imperfecti contra Julianum cap. 27.  
 "Ubi est, inquit, justitia Dei? quam si co-  
 "gitares, numquam crederes sine ullo meri-  
 "to peccati originalis tam miseros esse na-  
 "scentes." Harum verò miseriarum cumu-  
 "lum exhibet lib. 22. de civitate Dei cap. 22.  
 Nimirum juxta definitionem Tridentini Sess.  
 5. & 6. cap. 1. nascuntur parvuli cum pec-  
 cato quod est mors animæ, immundi, na-  
 turâ filii iræ, servi peccati, Diaboli & mor-  
 tis. Er post hæc, quâ fieri potest, ut ali-  
 quis neget eos esse miseros. Meritò igitur  
 fatetur Bellarminus de amissione gratiæ lib.  
 4. c. 2. „ Catholici Theologi non do-  
 "cent peccatum originis non distingui ab  
 "actuali, neque dicunt esse actionem sce-  
 "leratam propriâ voluntate commissam, &  
 "tamen sentiunt esse verè, proprièque pec-  
 "catum, quod hominem non solum miserum  
 "sed etiam peccatorem & reum damnatio-  
 "nis efficiat.

## IX.

Ut taceam illum, qui solo originali tenetur, dici non posse Deum deserere. pag. 98. lin. 29.

## RESPONSIO.

Qui solo originali tenetur, juxta Apostolum ad Rom. 5. in Deum peccavit peccato quod est mors animæ, quo Dei inimicus & Diaboli factus est servus, adeoque juxta fidem Catholicam Deum deseruit. Accedit, quod, uti supra ad propositionem 1. dictum est ex Bellarmino, Catholici agnoscunt in homine, ex Adami semine propagato, justitiæ privationem & habitualement quamdam ab ipso Deo aversionem.

## X.

„Quantum ergo ex parte Dei est, non est barbarus, non est Scythia, non est reprobus, non est damnatus, sed omnes filii, omnes dilecti, omnes chari, solâ culpâ (actuali, sicut declarat pag. 68.) inter malos bonosque, inter electos rejectosque distinguente. pag. 3. lin. 21.

RES-

R E S P O N S I O.

Cum Auctor ille non aliud originale peccatum esse putet, quam spoliationem juris ad regnum coeleste, doceatque hanc spoliationem factam, non ob peccatum eorum proprium, sed paternum, nemo miretur secundum ejus principia parvulos non baptizatos ante omnem culpam actualem, omnes esse Deo dilectos, omnes charos; sed manifestè contra Apostolum ad Ephesios 2. *Eramus naturâ filii iræ*: contra Tridentinum definiens eos nasci cum peccato „*quod est mors animæ*“, quo Deo redduntur, *exco-*  
*municati & inimici.*

XI

„Fatendum tamen quia numquam parvulis ante baptismum sublatis Deus æternam vitam voluit, istos ad alium finem, classemque providentiæ pertinere pag. 48. lin. 25.

R E S P O N S I O.

Hoc est quod de Semipelagianis scribit Hilarius Augustino num 8. „Parvulorum, autem causam ad exemplum majorum non patiuntur adferri, cum tamen omnes reprobi, tam parvuli quam adulti ad eandem pertineant classem providentiæ divinæ, quæ reos culpæ justissimè damnat.

XII.

## XII.

„Non damnantur. „Ait de parvulis morientibus aute baptismum pag. 164. lin. 6.

## XIII.

„In eum statum bonorum naturalium „transferuntur &c. ibid. lin. 7.

## RESPONSIO.

Parvulos ob solum peccatum originale justè damnari supra ad propositionem 5. ex Apostolo & Catechismo Romano & Augustino ostensum est. Præterea Cardinalis Bellarminus lib. 6. de amissione gratiæ cap. 2. de sententia hac *Nodi* dissoluti, quam 2. loco numeraverat asserit: „Ex  
 „enumeratis sententiis prima & secunda non  
 „solum falsæ, sed etiam hæreticæ æstiman-  
 „dæ sunt, & contra fidem Catholicam tenen-  
 „dum est, parvulos sine baptismo deceden-  
 „tes absolutè esse damnatos; & non solum  
 „cælesti, sed etiam naturali beatitudine per-  
 „petuò carituros. Hæc repetit & confirmat  
 Thomas Lemos de peccato originali tract.  
 1. cap. 23. & Walemburgici tom. 2.  
 in compendio controversiarum cap. 51.  
 „Convenit inter Catholicos & Protestantes,  
 „hominem per culpam peccati originalis in  
 „hac vita non remissam, damnationi sub-  
 „jectum esse, neque infantibus non baptizatis  
 nec



" nec regeneratis vitam æternam esse tribu-  
 " endam, aut naturalem beatitudinem, uti  
 " multis rectè probat Bellarminus lib. 6. de  
 " amissione gratiæ.

## XIV.

" Constat sensibilis pœnæ immunes fore;  
 " id enim ratio omniumque Theologorum  
 " authoritas convincit. pag. 719. lin. 11.

## R E S P O N S I O.

Reclamat sæpènumero Augustinus ut  
 Ser. 294. editionis PP. Benedictinorum:  
 " qui non in dextra, procul dubio in fini-  
 " stra: ergo qui non in regno procul dubio  
 " in igne æterno.

Similiter ex Augustino Fulgentius lib. de  
 fide ad Petrum cap. 27. „Firmissimè tene,  
 " & nullatenus dubites, non solum homines  
 " jam ratione utentes, verùm etiam par-  
 " vulos, qui sive in uteris matrum vivere in-  
 " cipiunt & ibi moriuntur, sive cum de ma-  
 " tribus nati sine Sacramento sancti baptis-  
 " matis, quod datur in nomine Patris &  
 " Filii & spiritus sancti, de hoc sæculo trans-  
 " eunt, ignis æterni sempiterno supplicio pu-  
 " niendos; quia etsi propriæ actionis pecca-  
 " tum nullum habuerunt, originalis tamen  
 " peccati damnationem carnali conceptione  
 " & nativitate traxerunt.

Hæc

„Hæc itaque [ait Cardinalis Norisius in  
 „Vindiciis Augustinianis] antiquæ Ecclesiæ  
 „ac sanctis Patribus de infantium panis  
 „sententia stetit, donec post ducentesium  
 „supra millesimum annum Christianæ epo-  
 „chæ, novæ opiniones à scholasticis procusæ  
 „sunt. Interim pro sententia antiqua non  
 solum cumulum Patrum, sed etiam scho-  
 lasticorum ibidem allegat. Ex quo patet,  
 quam immeritò *Nodus dissolutus* suam opi-  
 nionem omnibus Theologis adscribat, &  
 sententiam antiquam hac censurâ perstringat  
 primâ p. pag. 118. „Quis ergo tam absurdè  
 „sentiat, ut dicat posse torqueri parvu-  
 „los &c.

## XV.

„Vides sententiam mediam ab Augustino  
 „parvulis non baptizatis inter supplicium  
 „meritumque constitui, neque hanc sen-  
 „tentiam umquam Augustinus retractavit.  
 pag. 115. lin. 1.

## XVI.

„Parvulos quod attinet qui sine baptismo  
 „decedunt, cælesti quidem regno, quippe  
 „paternæ culpæ reos nec expiatos exclusit,  
 „non tamen naturalibus bonis pag. 48. lin. 17.

## RESPONSIO.

Sic nodus dissolutus asserere nititur lo-  
 cum medium, quem parvulis sine baptismo

morientibus assignat in statu bonorum naturalium sine miseriâ , sed extra regnum cælorum. Verùm Augustinus in epistola 166. ad Hieronimum de tertio suo libro de libero arbitrio quem *Nodus* pro se adducit , ait :  
 „ De baptismo parvulorum in eodem libro  
 „ non quidem sufficienter , sed quantum illi  
 „ operi satis esse videbatur , utcumque respon-  
 „ di . . . . non tamen de damnatione illo-  
 „ rum parvulorum , qui sine illo baptismo  
 „ ex hac vita emigrant , tunc aliquid dicen-  
 „ dum putavi , quia non quod nunc agitur ,  
 „ agebatur . , Præterea lib. 1. de anima & ejus  
 origine cap. 9. asserit : „ Non baptizatis par-  
 „ vulis nemo promittat inter damnationem  
 „ regnumque cælorum , quietis felicitatisve  
 „ cujuslibet atque ubilibet quasi medium  
 „ locum ; hoc enim eis hæresis Pelagiana  
 „ promisit. Damnavit locum illum medium  
 Pelagianorum , Synodus Carthaginensis anni  
 418. Damnavit eundem S. Gelasius Papa in  
 Epistola ad Episcopos per Picenum :  
 „ Nihil , *inquit* , est ergo , quod dicant quod  
 „ non renati infantes tantummodò in re-  
 „ gnum cælorum ire non valeant , non au-  
 „ tem perpetuâ damnatione puniantur . . . .  
 „ tollant ergo de medio nescio quem ipsi  
 „ tertium , quem decipiendis parvulis fa-  
 „ ciunt , locum . , Damnavit locum illum  
 medium tamquam hæreticum Cardinalis

## AD NODUM DISSOLUTUM. 195

Bellarminus lib. 6. de amissione gr̃atiæ cap. 1. & 2. quem uti assertum a Pelagianis describit hoc modo : „Parvulos non baptizatos excludabant à regno cœlorum, & vitâ beatâ sanctis promissâ: tamen eis dabant vitam æternam & naturalem beatitudinem sine ulla molestia aut dolore extra regnum Beatorum, & procul a carcere damnatorum, hoc est, loco medio inter gehennam & cœlum, qualis locus vix potest fingi alius quam terræ convexum. Ita sensisse olim Pelagianos docet S. Augustinus in libro de hæresibus cap. 88.

### XVII.

„In hac p̃rvulorum causa considerandum est, licet Deus ad cœlestem gloriam non eos admiserit, alio tamen multòque majori beneficio affecisse pag. 120. lin. 5.

### RESPONSIO.

Inaudita hæctenus & aliena ab omni veri specie doctrina utriusque propositionis. An potest bonum aliquid esse majus aut pretiosius summo bono, quod per cœleste regnum obtinetur? si, uti *Nodus* contendit, idèò parvuli sine baptismo morientes majus regno cœlesti bonum accipiunt, quia à peccato personali præservantur, & votum omnium esse debeat potius carere cœlo quàm



Peccato involvi, sequitur parvulos illos beneficium accipere majus etiam sanctitate & beatitudine Deiparæ & Christi, quod blasphemum est, siquidem votum omnium esse debet potius carere beatitudine Deiparæ & Christi, quam peccato involvi. Ratio sophisfinatis inde oritur, quod pro nullo vel summo bono obtinendo liceat Deum offendere, sed ex eo non sequitur esse majus beneficium præservationem ab offensa Dei summo bono seu beatitudine. Sanè si dogma Pelagianorum concedentium parvulis sine baptismo morientibus beneficium minus regno cœlesti, damnatum sit ab Ecclesia Catholica tamquam hæreticum, evidens est, quid mereatur dogma novum concedens iisdem parvulis beneficium regno cœlesti majus pretiosiusque.

## XVIII.

“Cum sola præservatio à peccato pluris valeat, majorisque meriti sit quam regnum ipsum cœleste pag. 48. lin. 21.

## RESPONSIO.

Multiplex sophisma sub illa propositione latet. Mirum in modum abutitur æquivocatione vocum ejusmodi, à peccato præservari, carere peccato &c. verè Deus peccandi periculo excipit justos, quos rapit ne malitia mutet intellectum illorum: quia ipse illos

illos primùm creat in justitia & sanctitate veritatis, ac postmodum ne ex illa excidant, non solùm eosdem subducit cadendi periculo, dæmonis artibus, conversationis mundanæ contagio, per mortem opportunam: sed per continuatam miserationem, munit & munit, ut loquitur Ecclesia, & operatione non interruptâ eosdem creat in justitia & in operibus bonis. At parvulos ante baptismum morientes, quibus justitiæ donum non impertiit, quique illâ reapse privantur, quando permittit ut immatura mors rapiat, tantùm abest ut eosdem à peccato servare dici possit, ut potius in peccato eosdem servare dicendus sit & à justitia adipiscenda arcere, occulto quidem, sed justo & adorando judicio. Stultum porro est & aliquo modo impium, adorandæ ejusmodi justitiæ effectus, sub fictitiæ alicujus misericordiæ velo abscondere velle, contra sapientissima eternæ providentiæ consilia, quæ utrosque effectus, utramque perfectionem, geminam inquam justitiæ & veritatis viam, pariter vult nobis admirationi esse: *Universa enim via Domini misericordia & veritas.*

Exemplo rem illustro ex humanis rebus assumpto. Supponamus principem aliquem virum à potentissimo Rege magnis ac sublimibus muneribus jam jam ornandum, & etiam pro genero vel filio adoptandum, in

morbum incidere. Medicus qui illum à morbi periculo liberet, accitur. At is à principis illius viri competitore, pretio & promissis corruptus, non solum principem à morbo non curat, sed ab eo finit opprimi. Cum autem idem Princeps, qui ad supremum honorum apicem adsciscendus à rege fuerat, si supervixisset, in ejus odium & indignationem potuisset incurrere: quis adeò ridiculus fuerit, ut beneficii loco ducat quod à medico morti sit traditus, eo nimirum prætextu, quod ipsum ab incurrendo principis odio liberasset? Quis potius hominis scelus non horreat ac detestetur, qui & principem vitam exuit, & eadem operâ impedivit ne ad summa quæque, Regis liberalitate ac benevolentia ascenderet? quis adulanti & sceleratè crimen dissimulanti, sub beneficii nomine, meritò non irascatur? Discrimen quidem summum inter Deum & Medicum statim occurrit. Ille quidem iustissimo etsi occulto judicio, immaturæ morti peccatorem tradidit; hic per horrendum nefas virum innocentem morbo opprimi permisit. Judicium illud adorandum; scelus istud horrore habendum: sed utrobique par & equalis præservatio ut ita dicam, ab offensa & odio seu Dei seu Regis. Neutra vel à Deo vel à Medico intenta, neutra ullius meriti aut utilitatis, utraque chimææ simillima. Nam ut ait Augustinus, de prædest. cap. 14. „Hæc est tota causa, cur dictum est,

*Raptus est ne malitia mutaret intellectum ejus.* „Dictum est enim secundum periculum vitæ hujus, non secundum præscientiam „Dei: qui hoc præcivit quod futurum erat, „non quod futurum non erat &c.

Et si ergo præservatio à peccato & offensâ nominari posset illa immaturæ mortis largitio in parvulo sine baptisinate decedente, non tamen beneficii loco haberi potest, quia non est ex intentione seu operis seu operantis, sed ex accidenti. Alterum igitur est sophisma quod *fallaciam ex accidenti* appellant, illi simillimum, quo crudelitas tyrannorum bona ac meritoria probaretur, quia inde sanctis martyribus & ingens meritum & æterna gloria provenit, & multitudo innumera Sanctorum in Cælum translata, Dei gloriam mirum in modum promovet. Immatura igitur parvulorum non baptizatorum mors, imaginarium est beneficium, verus autem justissimi judicii Dei effectus, qui specioso beneficii titulo perperam ac falsò adornatur. Illa enim prætenfa præservatio à peccato, & offensæ carentia talis non est in parvulis non regeneratis, qualis in justis eo consilio raptis ne malitia mutet illorum intellectum. Non enim omnis peccati carentia beneficii aut meriti loco habenda est, alioquin & in bruto animante & in lapide talis esset: Uterque enim peccato caret. Tunc tantum-



modò æstimanda venit carentia peccati, quando ex amore justitiæ nascitur, quemadmodum & in justis viatoribus & in Beatis in cœlo ex eo nascitur. In damnatis verò seu dæmonibus abstinendi a quibusdam peccatis necessitas, seu carentia quorundam scelerum quibus obnoxii erant peccatores dum inter mortales vivebant, nihili facienda est, quia nec ex propria electione, nec ex justitiæ amore profuit, sed ex status sui necessitate, ac circumstantiis. Ita carentia actualium peccatorum in parvulis cum originali noxâ mortuis, tantum abest ut haberi possit pro *bino quod cœlesti regno majus sit*, ut ne possit quidem inter inferioris ordinis bona numerari: quia ex necessitate sui status eam habent, non ex amore justitiæ, qui in iis nullus est: cum potius intus gerant cor justitiæ inimicum & a Deo qui summa justitia est, aversum. Ecquî enim verò carere peccato illi dici possint, in quibus regnat peccatum & omnis peccati radix concupiscentia, quæ etiam post mortem vivit, dominaturque ac in æternum dominabitur. Cum igitur nulla possit agnosci vera præservatio, quâ Deus per aliquam operationem positivam ac salutarem parvulos in amore justitiæ constituat ac conservet, non vera illa præservatio putanda est: Ac tertiâ fallaciâ, *qua dicitur non cause ut cause*.

## AD NODUM DISSOLUTUM. 201

*causæ* laborat *Nodi* ratiocinatio & argumentum; cum non præservatio, sed necessitas status inducat illam qualemlibet carentiam peccati. Inde patet quid de proposit. 19. & 20. dicendum, in quibus illa peccati carentia amoris, gratiæ ac Christi meritis deputatur.

### XIX.

„Certum est etiam in parvulos (morientes sine baptismo) maximam Dei misericordiam elucere, quamvis enim Dei visione æternæque gloriæ priventur, at præservantur ne peccent, hoc est ne Deum ipsi offendant, ne jacturam innocentiae faciant, ne perpetuis ignibus crucientur, quæ omnia & maxima beneficia esse, & cælesti gloriæ certâ ratione præferri, & consequenter ad Christi merita & redemptionem pertinere jam supra ostendimus. pag. 164. lin. 9.

### XX.

„Quæ planè magna portio amoris & gratiæ est, ait de conditione parvulorum morientium sine baptismo pag. 48. lin. 20.

### RESPONSIO.

Adeò conditio parvulorum sine baptismo morientium ad Christi merita & redemptionem & gratiam non pertinet, ut Augustinus:

epist. 217. ad Vitalem inter duodecim sententias, quas dicit se scire ad fidem Catholicam pertinere statuat hanc quarto loco : „ Scimus (gratiam Dei) non omnibus hominibus dari, & quibus datur non solum, secundum merita operum non dari, sed, nec secundum merita voluntatis eorum, quibus datur : quod maximè apparet in parvulis. Deinde inferius : „ Quomodo dicitur omnes homines eam fuisse accepturos, si non illi, quibus non donatur, eam sua voluntate respuerunt, quoniam Deus vult omnes homines salvos fieri, cum multis non detur parvulis & sine illa plerique moriantur, qui non habent contrariam voluntatem, & aliquando cupientibus festinantibusque parentibus, ministris quoque volentibus ac paratis, Deo volente non detur, cum repente, antequam detur, expirat ; pro quo ut acciperet, currebatur ? „ Haëtenus inauditum est Christum sanguinem fudisse & mortuum fuisse ut mereretur parvulis hoc beneficium quo morerentur sine baptismo : & hoc beneficium magnam esse portionem amoris & gratiæ Christi, imò majorem regno cælesti ubi tamen cum Augustino universa Ecclesia hujusmodi parvulos pro exemplo assignavit eorum, qui mortis Christi non recipiunt beneficium. Atque præ cæteris Expositio Fidei per Episcopum Con-

Condomensem laudata ab Innocentio XI.  
 & pluribus Cardinalibus tradit sequentia de  
 baptismo: „Cum parvuli nequeant supplere  
 „defectum baptismi per actus Fidei, Spei &  
 „Charitatis, nec per votum suscipiendi Sa-  
 „cramenti, credimus quod nisi revera illud  
 „suscipiant, nequaquam participes gratiæ  
 „redemptionis fiant, quodque ita in Adamo  
 „morientes nullam cum Jesu Christo par-  
 „tem habeant.

## XXI.

„Quod si Deus id egit (in parvulis sine  
 „baptismo morientibus) quod & ipsi & ne-  
 „mo alius non optaret, ergo nulla dolendi,  
 „nulla conquerendi sed magna laudandi  
 „gratesque agendi causa est pag. 120.  
 lin. 20.

## RESPONSIO.

Sic communem parentum Catholicorum  
 & Ecclesiæ luctum de parvulis sine baptismo  
 mortuis corrigere studet *Nodus dissolutus*: sic  
 audet aliquid ultra dogma Pelagianum:  
 nempe pro parvulis illis nulla dolendi,  
 nulla conquerendi, sed magna laudandi,  
 gratesque agendi causa est. Sed sanos om-  
 nes plus movebunt Ecclesiæ matris lacrymæ,  
 quam *Nodi* vana solatia. Patet interim quam  
 periculosa sit ejusmodi doctrina, quæ pro  
 baptizandis parvulis sollicitudinem nata est



aut tollere aut minuere , & efficere ut plurimi sine baptismo moriantur. Patet insuper quam affinis sit doctrina illa errori Vincentii Victoris de parvulis sine baptismo morientibus , de quo refert Aug. lib. 1. de anima & ejus origine cap. 9. „ Videns ergo „ in quam se profunditatem naufragosi „ gurgitis jecerit, sanè, (inquit) pro eis oblationes continuas & offerenda sanctorum jugiter censeo sacrificia sacerdotum : Ecce „ aliud unde numquam exiturus est , nisi „ eum dixisse pœniteat.

### *De Prædestinatione & Re- probatione.*

#### XXII.

„ Quatuor ergo in hoc argumento demonstranda suscipiam : primò Deum seriò , „ impensissimè ac quantum in se est , efficaciter omnium hominum salutem velle. pag. 2. lin penultim.

#### XXIII.

„ Hæc inquam voluntas , quantum ex „ parte Dei , efficax & absoluta est pag. 5. In 9.

#### XXIV.

„ Hæc ipsa & efficacissima omnes salvandi „ voluntas magis magisque demonstrabitur pag. 22. lin. 20.

RES-

## RESPONSIO.

Scriptura sacra quamdam Dei voluntatem docet semper impleri, juxta illud Psalmi 113. *Omnia quaecumque voluit fecit*: atqui si ulla talis sit, necesse est talem esse voluntatem Dei absolutam, impensissimam & efficacissimam: ergo Deus non habet voluntatem salvandi omnes absolutam, impensissimam & efficacissimam, quia constat voluntatem Dei salvandi omnes non impleri. Hinc Augustinus Ench. cap. 95. ait: „Tunc „in clarissima sapientiæ luce videbitur, „quod nunc piorum fides habet antequam „manifestâ cognitione videatur, quam certa, immutabilis, efficacissima sit voluntas „Dei: quam multa possit & non velit, nihil „autem velit quod non possit: quamque sit „verum quod in Psalmo canitur: „*Deus „autem noster in cælo sursum, in cælo & „in terra, omnia quaecumque voluit, fecit.* „Quod utique non est verum si aliqua voluit & non fecit, & quod est indignius, „ideo non fecit, quoniam ne fieret quod „volebat omnipotens, voluntas hominis „impedivit. „Et Epif. 217. ad Vitalem: „Manifestum est eos, qui huic resistunt tam „perspicuæ veritati, non intelligere omnino „qua locutione sit dictum, quod omnes „homines vult Deus salvos fieri, cum tam

„multi salvi non fiant, non quia ipse sed quia  
 „Deus non vult, quod sine ulla caligine mani-  
 „festatur in parvulis „ Imo a *Nodo ipso*  
 „agnoscitur pag. 48. „ Fatendum tamen ait,  
 „quia nunquam parvulis ante baptismum  
 „sublatis Deus æternam vitam voluit.

## XXV.

„Cum Deus sit omnium Dominus, om-  
 „nium Mediator, non potest non omnibus,  
 „quantum ex se est, æternam vitam & fe-  
 „licitatem velle. Pag. 10. lin. 8. . . .

## XXVI.

„Alioquin partibus suis deesset, sicut de-  
 „esset medicus, qui cum decem ægrotorum  
 „curam suscepisset, non omnibus, sed tri-  
 „bus tantum sanitatem efficaciter cuperet.  
 Pag. 10. lin. 10.

## XXVII.

„Ergo qui omnium Deus & Mediator est,  
 „aut oportet officio suo desit, aut om-  
 „nium salutem & vitam efficaciter velit.  
 2 Ibid lin. 15.

## RESPONSIO.

„Igitur juxta doctrinam illam Deus, non  
 „solum omnium salutem efficaci & absolutâ  
 „voluntate vult, sed nec potest non velle,  
 „alioquin partibus suis & officio deesset:  
 „ergo tenetur, & debet omnium salutem  
 „effi-

efficaci & absolutâ voluntate velle : ergo voluntas divina salvandi homines non ad gratuitam Dei amorem , sed ad naturam officiumque ejus spectat : juxta illud Augustini Sermone 293. num 8. edit. Benedict. „ Si debitum est , gratis non est : si gratis „ non est , gratia non est. „ Ergo cum fateatur Autor pag. 48. quod „ Nunquam par- „ vulis ante baptismum sublati Deus æter- „ nam vitam voluit „ sequitur circa illos Deum suis partibus & officio deesse , quod vel cogitare nefas est.

## XXVIII.

„ Quod si nihil Scriptura , nihil Patres de „ hoc Dei omnes homines salvandi propo- „ sito loquerentur , id ipsum apertissima ra- „ tio convinceret , & cui nemo nisi ex „ pers rationis repugnare possit. Pag. 18. „ lin. 18.

## XXIX.

„ Planè qui aliter sentiunt , nescio an ex „ Deo vero Deum mimicum & scenicum „ faciant pag. 11. lin. 1.

## XXX.

„ Si quis Princeps moriturus ultimis ta- „ bulis , disponat ut ex regio immensoque „ thesauro , quem heredi relinquit , omnes to- „ tius regni captivi redimantur , qui triremi- „ bus



"bus & servituti addicti sunt, hæres vero  
 "non de singulis generum, sed de generi-  
 "bus singulorum, hoc est non de omni-  
 "bus, sed de paucis tantum id intelligi  
 "vellet, quis non infidelem, prævaricato-  
 "rem, hostemque paternæ voluntatis dice-  
 "ret? pag. 15. lin. 29.

## R E S P O N S I O.

Ita non satis erat à nullo hætenus Theo-  
 logo assertam asserere doctrinam, Deum  
 impensissimâ, efficacissimâ, & absolutâ volun-  
 tate omnium hominum salutem ex debito &  
 officio suo velle, nisi contra sentientes  
 passim omnes Theologi tam iniquâ censurâ  
 percellerentur, ut rationis expertes & ex  
 Deo vero Deum inimicum & scenicum fa-  
 cere censeantur. Nec Augustino, Fulgen-  
 tio, Prospero, Gregorio Magno, Divo  
 Thomæ, aliisque antiquis & recentioribus  
 Theologis parcitur, qui similia loca Scripturæ,  
*Deus vult omnes homines salvos fieri*, de gene-  
 ribus singulorum rectè explicari tradiderunt,  
 ac ideò tamquam infideles, prævaricato-  
 res, tamquam divinæ voluntatis hostes tra-  
 ducuntur.

## XXXI.

„Urſi, Leones, Tigrides in ferrum &  
 „mortem ruunt, ut catulos servant. Amant  
 „etiam dracones & basilifci, quæ genne-  
 runt

„runt . . . eum solum (Deum) & dracones  
 „& Basiliscis amore superabunt? „ (Scilicet  
 nisi, omnes velit efficaciter & absolutè sal-  
 vari) pag. 25. lin. 10.

## XXXII.

„ Ille qui amorem filiorum omnium ho-  
 „ minum, imo omnium leonum tigri-  
 „ dumque animis impressit, ille inquam;  
 „ filios suos non amavit? aut si amavit;  
 „ non serio non officiosè, non efficaciter;  
 „ sed vel simulatè, vel perfuactoriè tantùm?  
 „ sicque in illo amoris affectu, quo nullus in-  
 „ nocentior, nullus iustior, vinci se ab ho-  
 „ minibus, imo a brutis & serpentibus feret?  
 „ planè tam hæc sunt Deo indigna, ut ne  
 „ cogitari de illo quidem sine scelere possint.  
 Pag. 144. lin. 15.

## RESPONSIO.

Ergo Urfis, Leone & Tigride, Draconi-  
 bus Basiliscis & serpentibus ferocior Deus  
 erit, nisi absolutè & efficaciter velit omnes  
 salvari? & tamen testatur ipse *Nodi* Autor,  
*Fatendum tamen quia nunquam parvulis ante*  
*baptismum sublati Deus æternam vitam voluit.*  
 Ergo juxta hæc jam Deus (quod horrent  
 aures Christianæ) reus actus est plus quam  
 ferinæ feritatis. An divinâ bonitate magis  
 indignum est, quod hominem adultum,  
 reum

reum peccati originalis simul & blasphemiarum & homicidii, & nefandarum libidinum non efficaciter & absolutè velit salvari, quam quod non ita velit salvari unius diei infantem? „Atque ita, (ait Aug. lib. 4. contra „Jul. cap. 8. n. 43.) te intolerabilior sequetur absurditas. Illo enim modo bene- „volentiozem facis Deum omnibus impiissimis & sceleratissimis hominibus, quam innocentissimis & purissimis ab omni labe „peccati: quandoquidem illos, quia vult „eos omnes salvos fieri, vult etiam intrare „in regnum suum: hoc est enim illis con- „quens si salvi fuerint: sed qui nolunt, „ipsi sibi obsunt. Immensum verò numerum „parvulorum, qui sine baptismo moriuntur suo regno adjici non vult, quos ne- „que ulla peccata, sicut putatis impediunt, „& quod nullus ambigit, ejus resistere voluntati contrariâ voluntate non possunt.

An hæc Doctrina quæ Augustini & Thomæ & communis Theologorum est, meretur atrocem censuram illam: „Planè tam hæc sunt Deo indigna ut ne cogitari de illo quidem sine scelere possint? „

## XXXIII.

„Quantum ex parte Dei est, omnes dilecti, omnes ad vitam æternam, aut aliquid, „quod ipsâ vitâ æternâ melius sit, (ut de infan-

" infantibus baptismo non tinctis postea di-  
 " cemus) destinati. pag. 14. lin. 21.

## XXXIV.

" Si ergo neminem deserit, cujus Domi-  
 " nus & Creator est, sequitur ne illâ quideni  
 " prædestinationis causâ, quæ omnium ma-  
 " xima est, & ex qua reliqua pendent, ul-  
 " lum omnino deseruisse, nullumque ab effi-  
 " caci salvandi proposito exclusisse. pag. 12.  
 " lin. 30.

## XXXV.

" Si reprobi filii regni sunt, ergo aliquan-  
 " do ad regnum destinati. pag. 108. lin.  
 " 36.

## RESPONSIO.

Quis Theologorum umquam vel asse-  
 ruit vel audivit omnes homines etiam re-  
 probos à Deo ad regnum cœleste esse præ-  
 destinatos? reclamante ubique Scripturâ ac  
 præsertim ad Rom. 8. " Quos autem præ-  
 " destinavit, hos & vocavit, & quos voca-  
 " vit, hos & justificavit: quos autem ju-  
 " stificavit, illos & glorificavit. " Recla-  
 mante Augustino per communem prædesti-  
 nationis definitionem de dono perseveran-  
 tiæ cap. 14. " Hæc est prædestinatio sancto-  
 " rum, nihil aliud: præscientia scilicet &  
 " præ-



præparatio beneficiorum Dei quibus certissime liberantur, quicumque liberantur.

## XXXVI.

Eodem modo 1. ad Ephes. S. Paulus omnes Christianos Ephesios & consequenter etiam reprobos, qui inter illos versabantur, prædestinatos & electos vocat pag. 109. lin. 7.

## RESPONSIO.

Sicut in propositione præcedenti Christum, ita in hac Apostolum quoque sui erroris complicem reddere conatur. „ Nulla tamen (ait Augustinus de simili difficultate Quæst. III. in Genesim) est facilius solutio quæstionis hujus, quam ut per synecdochen dictum accipiatur. Ubi enim pars major est aut potior, solet ejus nomine etiam illud comprehendere, quod ad ipsum nomen non pertinet . . . . eo modo locutionis puto & illud à Domino dictum, *Nonne ego vos duodecim elegi, & unus ex vobis Diabolus est*, ut non ad electionem etiam ipse pertinere videatur. Non enim facile invenitur electorum nomen in malo, nisi quando mali eliguntur à malis . . . . ac per hoc illud quod dictum est, *ego vos duodecim elegi*, per synecdochen dictum est, ut nomine majoris me-

"meliorisque partis etiam illud complecte-  
 "retur quod ad ipsum nomen non perti-  
 "net.

## XXXVII.

"Si verum est, quod dicit Apostolus;  
 "nullam apud Deum (quantum videlicet ad  
 "salvandi propositum) distinctionem esse  
 "Judæi & Græci, Barbari & Scythæ quia est  
 "Dominus omnium. pag. 13. lin. 8.

## XXXVIII.

"Nec in illo prædestinationis negotio,  
 "quantum in se est, inter Cain & Abel;  
 "inter Paulum & Judam distinxit Deus, sed  
 "omnibus æqualiter salutem voluit. pag. 3.  
 liu. 13.

## RESPONSIO.

Multum inter electos & reprobos, quan-  
 tum ad salvandi propositum, in Deo esse  
 discrimen, tamquam dogma Ecclesiæ adver-  
 sus Pelagianos docuit ex Apostolo Augusti-  
 nus. Præsertim lib. 5. contra Jul. cap. 4.

"Omnia cooperantur in bonum, sed his  
 "qui secundum propositum vocati sunt.

"Non enim omnes qui vocati sunt, secun-  
 "dum propositum sunt vocati. Multi enim

"vocati, pauci verò electi, qui ergo electi,  
 "hi secundum propositum vocati . . . .

"cum dixisset, *omnia cooperantur in bo-*

*nus*

num his qui secundum propositum vocati sunt, continuo subdit quoniam quos ante praeceperit & praeordinavit conformes fieri imagini Filii ejus, ut sit primogenitus in multis fratribus quos autem praeordinavit, illos & vocavit, & quos vocavit, ipsos & justificavit, quos autem justificavit, ipsos & glorificavit, " si sunt secundum propositum vocati. " Similia repetit lib. de correp. & gratia cap. 7. lib. de praedest. Sanctorum cap. 18. Propositum illud, uti nunc *Nodus*, ita olim impugnabant Semipelagiani, quorum professio erat teste Prospero in Epist. ad Aug. " Hoc autem propositum vocationis Dei, quo vel ante mundi initium, vel in ipsa conditione generis humani, eligendorum & rejiciendorum dicitur facta discretio, ut secundum quod placuit Creatori, alii vasa honoris, alii vasa contumeliae sint creati, & lapsis curam resurgendi adimere, & sanctis occasionem teporis adferre.

Sanè si inter Paulum & Judam nihil in praeordinationis negotio distinxit Deus: si utrique aequaliter salutem voluit, ergo non Deus sed Paulus se a Juda discrevit, ergo non plus gratiarum Deo debet Paulus quam Judas; quae omnia Scripturis & veritati & Sanctorum sensui manifestè adversantur.

## XXXIX.

" Quâ veritate posset Christus Math. 8. 12.  
 " ubi de regno cœlesti agit, vocare repro-  
 " bos filios regni, si ab æterno exclusit: si  
 " numquam filii, numquam hæredes, num-  
 " quam jus ad regnum habuere? pag. 108.  
 lin. 27.

## XL.

" Sicut enim apud homines non potest  
 " filius citra culpam (actualem intelligit) &  
 " in ultimis tabulis a Patre omitti, aut si o-  
 " mittatur, querelam Testamenti inofficiosi fi-  
 " lius opponet, ita, multòque fortius apud  
 " Deum pag. 13. lin. 27.

## RESPONSIO.

Parvuli sine baptismo mortui, & adulti  
 qui numquam fuere justificati, quandonam  
 fuerunt Dei filii aut hæredes? quandonam  
 jus ad regnum habuere? quot verba, tot  
 errores. Quomodò predestinatio Sanctorum  
 erit gratuita, sicut est, si omnes etiam re-  
 probi jus ad regnum habuere? Si Deo que-  
 relam Testamenti inofficiosi potuerint oppo-  
 nere quicumque citra actualem culpam ex  
 ultimis tabulis fuerint omissi? Aliter profe-  
 ctò Augustinus epist. 186. ad Paulinum  
 num. 18. „ Hæc massa (inquit de homi-  
 nibus



„nibus citra actualem culpam spectatis) si  
 „effecit ita media, ut quemadmodum nihil  
 „boni ita nec mali aliquid mereretur, non  
 „frustra videretur iniquitas, ut ex eâ fierent  
 „vasa in contumeliam. Cum verò per li-  
 „berum arbitrium primi hominis in con-  
 „demnationem universa defluerit, procul  
 „dubio quod ex ea fiunt vasa in honorem,  
 „non ipsius justitiæ, quæ gratiam nulla præ-  
 „cessit, sed Dei misericordiæ: quod verò  
 „in contumeliam, non iniquitati Dei, quæ  
 „absit ut sit apud Deum, sed justitiæ de-  
 „putandum est. Hoc quisquis cum Eccle-  
 „sia Catholica sapit, non contra gratiam  
 „pro meritis disputat, sed misericordiam &  
 „judicium causat.

## XLI.

„Sicut ergo in arbitrio tuo est, ut non  
 „turpis sed formosus in speculo appareas,  
 „si videlicet maculam tergas, ita in arbi-  
 „trio tuo est, ut non reprobis sed electus  
 „apud Deum sis. pag. 36. lin. 19.

## XLII.

„Sicut ergo in arbitrio tuo est oblatam  
 „a Deo gratiam recipere (quæ ut postea pro-  
 „babitur, nemini deest] sicque a peccatis  
 „mundari, ita quoque in arbitrio tuo est  
 „vas

" vas gloriæ aut contumeliæ, hoc est electum  
 " aut reprobum esse. pag. 36. lin. 36.

## XLIII.

" Vides in arbitrio operantium esse, ut e-  
 " ligantur. pag. 41. lin. 7.

## RESPONSIO.

Reclamat Augustinus Tractatu 86. in E-  
 vangelium Joannis num. 2. „ Hic certè  
 " vacat vana illorum ratiocinatio, qui  
 " præscientiam Dei defendunt contra gra-  
 " tiam Dei, & idè dicunt nos electos ante  
 " mundi constitutionem, quia præscivit nos  
 " Deus futuros bonos, non seipsum nos fa-  
 " cturum bonos. Non hoc dicit qui dicit,  
 " *Non vos me elegistis.* Quoniam si prop-  
 " terea nos elegisset, quia bonos futuros es-  
 " se nos præsciverat, simul etiam præscisset,  
 " quod eum nos fuisset prius electuri,  
 " non enim aliter esse possemus boni. Nisi  
 " fortè dicendus est bonus, qui non elegit  
 " bonum. Quid ergo elegit in non bonis?  
 " non enim electi sunt quia boni fuerunt,  
 " qui boni non essent nisi electi essent...  
 " audi ingrate, ingrate audi: *Non vos me e-*  
 " *legistis, sed ego elegi vos.*

Idem de patientia cap. 20. " Si propterea  
 " sunt electi, quia jam justi erant, ipsi pri-  
 " ores jam Dominum elegerant. Quis e-

„nim potest esse justus, nisi eligendo justitiam?

## XLIV.

„Secunda erroris causa est, quod homines sibi persuadeant, non esse amplius in eorum potestate ut inter electos numerentur, quæ persuasio planè falsissima est pag. 46. lin. ult.

## XLV.

„Cum prædestinatio & reprobatio ex sola Dei voluntate pendeat, credunt nihil amplius homini superesse, quo fatalem & insuperabilem hanc voluntatem mutare in aliam magisque propitiam possint. Sed hoc iterum a veritate alienissimum est. pag. 47. lin. 10.

## RESPONSIO.

Eandem doctrinam inter Semipelagianorum errores numeravit S. Prosper in Epist. ad Aug. quæ refert juxta Semipelagianos, Augustini prædestinationem „lapsis curam resurgendi adimere & sanctis occasionem teporis adferre : eo quod in utraque parte superfluous labor sit, si neque rejectus ullâ industriâ possit intrare, neque electus ullâ negligentia possit excidere, quoque enim modo se egerint, non posse aliud erga eos, quam Deus definivit, accidere . . . . .

nec

"nec acquiescunt prædestinatum electorum  
 "numerus nec augeri posse nec minui?

Sed eos variis locis refellit S. Augustinus:

"Hæc de his loquor (ait cap. 13. de correp.  
 "& gratia) qui prædestinati sunt in regnum  
 "Dei, quorum ita certus est numerus ut nec  
 "addatur eis quisquam nec minuatur ex eis.  
 "Quia omne [inquit, de prædestinatione  
 "sanctorum cap. 16.] quod dedit ei Pater,  
 "non perdet ex eo quidquam. Quisquis er-  
 "go inde est, omnino non perit: nec erat  
 "inde qui perit: " nimirum juxta promissâ  
 "Christi Joan. cap. 10. v. 28. " *Ego vitam*  
 " *æternam do eis, & non peribunt in æter-*  
 " *num, & non rapiet eas quisquam de ma-*  
 " *nu mea.*

## XLVI.

"Hæc ipsa Augustini sententia fuit, cu-  
 "jus perpetua fere & constans doctrina est,  
 "non dari electionem unius præ alio, ubi  
 "non sit distantia meritorum pag. 13.  
 lin. 31.

## XLVII.

"Ideo enim Paulus præ Juda electus,  
 "quia Paulus vocationi consensurus, Judas  
 "dissensurus prævidetur, sicque unus præ-  
 "mio, alter supplicio dignus. pag. 14. lin.  
 26.



## R E S P O N S I O.

Scribit Augustino Prosper, Semipelagianorum definitionem ac professionem esse :  
 " Qui autem credituri sunt, quive in ea fi-  
 " de, quæ deinceps per gratiam fit iuvanda,  
 " mansuri sunt, præcisse ante mundi consti-  
 " tutionem Deum, & eos prædestinasse in  
 " regnum suum, quos gratis vocatos dignos  
 " futuros electione, & de hac vita bono fi-  
 " ne excessuros esse prævidit." Sed eos di-  
 " fertè refellit de prædestinatione Sanctorum  
 cap. 18. „ Intelligamus ergo vocationem,  
 " qua fiunt electi, non qui eliguntur, quia  
 " crediderunt, sed qui eliguntur ut credant.  
 " Hanc enim & Dominus ipse satis aperit  
 " ubi dicit, *Non vos me elegistis sed ego*  
 " *elegi vos.* „ Nam si propterea electi e-  
 " rant quia crediderant : ipsi eum prius u-  
 " tique elegerant credendo in eum, ut eli-  
 " gi mererentur . . . . . hæc est immo-  
 " bilis veritas prædestinationis & gratiæ.  
 Et de dono perseverantiæ cap. 9. „ Hoc  
 " scio, neminem contra istam prædestinati-  
 " onem, quam secundum Scripturas San-  
 " ctas defendimus, nisi errando disputare  
 " potuisse.

Addit Cardinalis Norisius in Vindiciis  
 Augustin. cap. 3. §. 7. *Sententiam illam*  
*de gratuita prædestinatione ad gloriam ante præ-*

*visa merita docuere S. Prosper , S. Fulgentius , Patres Africani in Epistola Synodica , aliique tanta certitudine , ut hac dixerit S. Fulgentius , imo cum Fulgentio Patres Synodi Sardinensis in fine libri de Incarnatione & Gratia :*

”Deus enim qui hominem condidit , ipse  
 ”prædestinatione sua , & donum illumina-  
 ”tionis ad credendum , & donum perseve-  
 ”rantiae ad proficiendum , atque permanen-  
 ”dum , & donum glorificationis ad regnan-  
 ”dum quibus dare voluit , præparavit. Qui-  
 ”que non aliter perficit ex opere , quam in  
 ”sua sempiterna atque incommutabili habet  
 ”voluntate dispositum : cujus prædestinationis  
 ”veritatem , quâ nos ante mundi constitu-  
 ”tionem prædestinatos in Christo testatur  
 ”Apostolus , si quis detrectat cordis credu-  
 ”litate recipere , vel oris confessione pro-  
 ”ferre , si ante ultimum diem vitæ præsentis ,  
 ”impietatis suæ contumaciam , qua Deo  
 ”vivo & vero rebellis obsistit , non abjece-  
 ”rit , manifestum est eum non pertinere  
 ”ad eorum numerum , quos Deus in Christo  
 ”ante mundi constitutionem gratis elegit &  
 ”prædestinavit ad regnum.

Addit ex Cardinali Baronio ad annum  
 490. „ Cum igitur Fausti sententiæ ubique  
 ”ab Ecclesia fuerit contradictum , videant  
 ”quanto periculo quidam ex recentioribus ,  
 ”dum in novatores insurgunt , ut eos con-  
 K 3 futent ,

"futant, a Sancti Augustini de prædestina-  
 "tione sententia recedunt, cum alioqui  
 "arma non desint, quibus adversarii pro-  
 "fligantur.

Præterea ex Claudio Aquaviva Societatis  
 Generali de Opinionum delectu: „ Item  
 "definitum est prædestinationis nec ratio-  
 "nem nec conditionem esse ex parte nostra.  
 "Id ad pietatem parum pertinere dicet ali-  
 "quis. At hanc Augustini doctrinam non  
 "modò communiter Theologorum schola  
 "jam recepit, sed & Ecclesiæ Patres per  
 "mille & ducentos circiter annos, qui id  
 "contendunt probare ex Scripturis & respon-  
 "sis Pontificum Romanorum, nempe Zosi-  
 "mi, Sixti, Cælestini, Leonis, Gelasii: apud  
 "quos Massilienses, Cassianus, Faustus, alii-  
 "que hujus prædestinationis oppugnatores  
 "malè semper audierunt.

Accedit quod Card. Bellarminus lib. 2.  
 de gratia & libero arbitrio cap. 11. de eo-  
 dem dogmate Augustini testetur: „ Neque  
 "solum Sancti Patres hoc affirmant, sed  
 "antiquiores & doctiores ex ipsis, quos  
 "cæteri postea secuti sunt, ad fidem Ca-  
 "tholicam hanc sententiam pertinere tra-  
 "dunt & contrariam ad Pelagianos  
 "rejeciunt.

## XLVIII.

„ Quæ igitur Paulus de gentium vocatione  
 „ prosequitur , vera quidem sunt , sed diffi-  
 „ cilia intellectu & idèò obscura , non ergo  
 „ probationi obnoxia. Pag. 70. lin. 18. agit  
 de cap. 9. ad Rom. v. 12. *non ex operibus*  
*sed ex vocante &c.*

## RESPONSIO.

Scribit Augustinus Sixto Epif. 194. num 7.  
 „ De cujus [gratiæ] commendatione maxi-  
 „ mè ad Romanos Apostolica Epistola lo-  
 „ quitur , ut inde se prædicatio ejus velut a  
 „ Capite orbis toto orbe diffunderet ,  
 Quid ergo Apostolo , & veritati Fidei,  
 & Ecclesiæ Romanæ potest esse injuri-  
 riosum magis , quam asserere , ea quæ  
 Paulus ad Romanos , ad Caput orbis de voca-  
 tione gentium locutus est, ut inde hæc præ-  
 dicatio toto orbe diffunderetur , esse obscura  
 & probationi non idonea.

Quin eadem tamquam probationi maxi-  
 mè idonea , præcipuè adhibet Augustinus :  
 nec obscura sed aperta esse testatur in præ-  
 dicta ad Sixtum Epif. num. 35. „ Mirum  
 „ est autem [inquit] cum his coartantur  
 „ angustiis, in quanta se abrepta præcipitent  
 „ metuentes retia veritatis: ideo, inquiunt, non-  
 „ dum natorum alium oderat, alium dili-  
 K 4 gebat,



"gebat, quia eorum futura opera prævide-  
 "bat. Quis istum acutissimum sensum de-  
 "fuisse Apostolo non miretur? hoc quippe  
 "ille non vidit, quando sibi, velut adver-  
 "santis objectâ quæstione, non id potius  
 "tam breve, tam apertum, tam (sicut isti pu-  
 "tant) verum absolutumque respondit: cum  
 "enim rem stupendam proposuisset, quo-  
 "modo de nondum natis, nec aliquid agen-  
 "tibus boni aut mali, rectè dici potuerit,  
 "quod unum Deus dilexerit, alium odio  
 "habuerit, ipsâ sibi objectâ quæstione mo-  
 "tum exprimens auditoris, *Quid ergo di-*  
 "*cemus inquit? numquid iniquitas apud*  
 "*Deum, absit.* Hic ergo erat locus ut di-  
 "ceret quod isti sentiunt, futura enim Deus  
 "opera prævidebat, quando minori majorem  
 "servitutum esse dicebat. Non autem hoc  
 "Apostolus dicit, sed potius, ne quisquam  
 "de suorum operum audeat meritis gloriari,  
 "ad Dei gratiam & gloriam commendan-  
 "dum voluit valere quod dixit. Cum enim  
 "dixisset, *absit* ut sit iniquitas apud Deum,  
 "tamquam ei diceremus, unde hoc osten-  
 "dis, cum asseras *non ex operibus sed ex vo-*  
 "*cante dictum esse, major serviet minori: Moysi*  
 "*enim dicit* (inquit) *miserebor cujus misertus*  
 "*ero* &c. Nonne apertam protulit Aposto-  
 "lus de gratiæ hoc est veræ gratiæ com-  
 "mendatione sententiam? Nonne stultam  
 "fecit Deus hæreticorum sapientiam?

## XLIX.

"Non ergo hic (ad Rom. 9. v. 11. & se-  
 "quentibus) disputat Apostolus cur uni ma-  
 "jor, minorve gratia tribuatur? cur unus  
 "ad fidem non alius perveniat? cur unus  
 "ad electos, alter ad reprobos pertineat?  
 "nihil inquam istorum propositum Aposto-  
 "lo fuit, sed tantum cur Deus voluerit po-  
 "tius per fidem in Christum, quam per  
 "opera legis, in quibus Judæi tantopere  
 "gloriabantur justificari? pag. 79. lin.  
 "penult.

## RESPONSIO.

Vetat Tridentinum Sess. 4. ne quis con-  
 tra unanimem consensum Patrum ipsam  
 Scripturam sacram interpretari audeat: at-  
 qui prædicta interpretatio nova est & hac-  
 tenus inaudita & contra consensum unani-  
 men Augustini, Prosperi, aliorumque Patrum  
 qui Ecclesiæ fideique causam contra Pela-  
 gianos & Sempelagianos vindicarunt. Vi-  
 deri potest Augustinus lib. de prædestinatione  
 sanctorum & Ench. cap. 98. & Epist. 194.  
 ad Sixtum, & Epist. 186. ad Paulinum, ubi  
 ait: "Quid Apostolo responsuri sunt, qui  
 "cum & hos geminos ad documentum gra-  
 "tuitæ gratiæ commemorandos videret,  
 "*nondum enim natis* inquit &c." Deinde  
 inferius: "Quod quidem in ætatibus majo-  
 K 5 ribus

22 ribus adversus contentiosos, non tam evi-  
 22 denter apparet, ubi pro meritis hominum,  
 22 qualicumque velut protecti obscuritate, con-  
 22 fugiunt. Sed ideo contra eorum conten-  
 22 tionem illos invehit Apostolus, in quibus  
 22 nondum natis, neque agentibus aliquid  
 22 boni aut mali, non ex operibus sed ex vo-  
 22 cante dictum est, major serviet minori.

Præfata *Nodi dissoluti* interpretatio repu-  
 gnat quoque Scripturis ipsis, totique con-  
 textui capitis 9. Quid enim sola verba inspi-  
 cienti manifestius esse potest, quam ibidem  
 agi de largitione & negatione gratiæ, de  
 electione & reprobatione ubi dicitur:  
 22 Cum enim nondum nati fuissent aut ali-  
 22 quid boni egissent aut mali (ut secundum  
 22 electionem propositum Dei maneret) non  
 22 ex operibus sed ex vocante dictum est, quia  
 22 major serviet minori, sicut scriptum est, Ja-  
 22 cob dilexi, Esau autem odio habui. Quid  
 22 ergo dicemus, numquid iniquitas apud  
 22 Deum? absit, Moyse enim dicit miserebor  
 22 ejus misereor, &c. ergo ejus vult miseretur,  
 22 & quem vult indurat. Dicis itaque mihi,  
 22 quid adhuc queritur? voluntati enim ejus  
 22 quis resistit? O homo tu quis es qui respon-  
 22 deas Deo? numquid dicit figmentum ei  
 22 qui se finxit, quid me finxisti? An non ha-  
 22 bet potestatem figulus luti ex eadem massa  
 22 facere aliud quidem vas in honorem, aliud  
 22 verò in contumeliam? &c. His omnibus,

fi *Nodo* credimus, non agitur de largitione aut negatione gratiæ, de electione aut reprobatione, sed solùm, cur Deus voluerit potius per fidem in Christum, quàm per opera legis hominem justificari.

### *De Gratiâ.*

#### L.

” Fixum ergo ratumque sit, nihil aliud ex  
 ” sententia S. Augustini gratiam effectricem  
 ” esse, quam cognitionem congruam. pag.  
 217. lin. 4.

#### LI.

” Unicornem quamvis indomitum, viâ  
 ” virgine mansuescere & in genua procum-  
 ” bere, elephantem naturâ mitem, aspectu  
 ” purpuræ in rabiem agi, vertique in fugam  
 ” certissimum est, quid ergo mirum aliquid  
 ” esse quod etiam voluntatem, si ostendatur,  
 ” certissimè in aliam mutet? ostendere verò  
 ” ad gratiam pertinet. pag. 213. lin. 12.

#### LII.

„ Si ergo in mollienda flectendaque vo-  
 ” luntate tanta vis cantûs, quantò major vis  
 ” gratiæ? & si ad eam superandam tantum  
 ” valet proportio soni, quantò magis vale-



"bit proportio & cognitio boni, quod pro-  
 "prium illius objectum est. pag. 214. lin.  
 32.

## R E S P O N S I O.

Quatuor sunt in materia gratiæ, quæ contra inimicos ejus singulari curâ defendit Ecclesia & tutor gratiæ Augustinus : nempe 1. natura & essentia gratiæ. 2. ejus efficacia. 3. quod non detur omnibus. 4. quod non detur secundum merita. Quæ omnia Auctor *Nodi dissoluti* eo studio impetit, quo propugnare debuerat : ac quidem quod ad 1. ad naturam gratiæ attinet, in cognitione boni eam constituit, sicut manifestum est, tum ex tribus propositionibus præfatis : tum ex objectionibus & responsione pag. 217. ubi contra suam doctrinam objicit : „ Dices vo-  
 "luntas hominis est intrinsecè ac physicè  
 "impotens ad actum supernaturalem, v. g. a-  
 "moris, veræque contritionis, at per solam  
 "propositionem objecti, sanctasque inspira-  
 "tiones & illustrationes (quæ tantum mora-  
 "liter movent) non potest physicè fieri po-  
 "tens, debet ergo fieri talis non solum per  
 "objecti propositionem, hætenus a nobis  
 "explicatam, sed per aliquam qualitatem or-  
 "dinis supernaturalis &c. Rursus, bonitas  
 "objecti quamvis infiniti, quamvis clarissi-  
 "mè & vivacissimè propositi, extra visionem

" beatificam, voluntatem relinquit indiffe-  
 " rentem & indeterminatam ad amandum &  
 " non amandum, debet ergo præter cog-  
 " nitionem objecti aliud principium effecti-  
 " vum admitti, a quo determinetur &c.  
 " Resp. nec nobis [inquit] nec aliis  
 " quibuscumque, rem bene citraque affectum  
 " ac privatum explicandi studium conside-  
 " rantibus, hanc explicandi gratiæ efficacis  
 " rationem probari posse.

Hinc etiam admonitiones, & res exter-  
 nas, doctrinam, exempla, divina supplicia,  
 stimulos & remorsus conscientię quibus per-  
 ditissimi agitantur in furias rabiemque, pro-  
 gratiis Christi computat. Atque inde ope-  
 rose probat, gratiam nec Pharaoni, nec He-  
 rodi, nec Neroni aut Tiberio, aut scelera-  
 tissimo cuiquam defuisse. Quid inter gra-  
 tias Christi numeret, clarè ostendit pag. 106.

„ Comparet enim aliquis (ait) gratias ex una  
 „ parte Zachæo, ex aliâ Judæ datas, vide-  
 „ bitque longè majores fuisse quibus hic re-  
 „ probus ad pænitentiam vocatus est. Za-  
 „ chæum enim semel tantum Christus invi-  
 „ sit, cum eoque pransus est, & tamen so-  
 „ lo aspectu & colloquio in alium mutavit,  
 „ at Judam & amicum, & Apostolum, & Thau-  
 „ maturgum, & convivam, & testem omnium  
 „ miraculorum actionumque suarum habuit,  
 „ quarum vel una durissimis cordibus in a-

„morem rapiendis sufficere poterat. Illum  
 „beneficiis, illum minis, illum osculis, il-  
 „lum tot annorum convictu, velut perpetuâ  
 „obsidione pulsavit, nec tamen vicit. Ne-  
 „gari ergo non potest, plura huic reprobo  
 „auxilia quam prædestinato Zachæo impen-  
 „sa fuisse.

Ecce *Nodi Dissoluti* gratiâ, Christi aspe-  
 ctus, colloquium, accubitus, exhibitio mi-  
 raculorum & actionum, minæ, convictus;  
 quæ omnia ad solam boni cognitionem per-  
 tinent, quam Augustinus tamquam Pelagi-  
 anis charam meritò rejecit, tum alibi sæpius,  
 tum lib. de spiritu. & litera cap. 19. „Ne-  
 „mo ergo Christianorum aberret ab hac fi-  
 „de quæ sola Christiana est, neque quis-  
 „quam cum verecundatus fuerit dicere, per  
 „nos ipsos fieri nos justos, non hoc in no-  
 „bis operante gratiâ Dei, quia videt hoc a  
 „fidelibus & piis ferri non posse cum di-  
 „citur, ad hoc se convertat ut dicat (scili-  
 „cet cum Pelagianis) idèò sine operatione  
 „gratiæ Dei nos justos esse non posse, quia  
 „legem dedit, quia doctrinam instituit, quia  
 „bona præcepta mandavit. Illa enim sine  
 „adjuvante spiritu procul dubio est litera  
 „occidens: cum verò adest vivificans spi-  
 „ritus, hoc ipsum intus conscriptum, facit  
 „diligi quod foris scriptum lex faciebat ti-  
 „meri. „ Inde & S. Prosper Carmine de  
 in-

ingratis hanc pelagianam gratiam explodit.

„Vincente obstantes animos pietate subegit :

„Non hoc consilio tantum, hortatuque benigno

„Suadens atque docens, quasi normam legis haberet

„Gratia : sed mutans intus mentem atque reformans . . . . .

„Dumque aliud non est vobiscum gratia quam lex

„Quamque Propheta monens & quam doctrina ministri . . . . .

„Quid prodest verbis commentum pelagian.

„Respuere & solâ damnatos plectere voce,

„Cum paucis squalidâ sublati de cute nervis,

„Intima viperei foveantur viscera sensus?

#### LIII.

„Voluntas enim non appetit nisi aliquod

„bonum, neque fugit & averfatur nisi ali-

„quod malum : si ergo impadico propona-

„tur castitas, non solum ut bonum sed e-

„tiam ut magnum bonum, magnisque præ-

„miis donandum, nec cum Dei auxilio dif-

„ficile (ut revera non est) impuritas verò

„non solum ut res vana brevique cessatura,

„verum etiam ut maximum malum, & gra-

„vissimis pænis cum æternis tum tempora-

„libus obnoxium, voluntas hanc averfabitur,

„quia propositam instar maximi mali, il-

„lam



„Iam verò amplectetur, quia propositam in-  
 „star maximi boni, pag. 211. lin. 13.

## L.I.V.

„Hoc enim est voluntati bonum & ma-  
 „lum, quod lanci majus minusque pondus,  
 „sicut ergo majus pondus lancem ad se  
 „trahit, ita majus bonum voluntatem. ibi-  
 „dem lin. 21,

## LV.

„Sicut ergo parva scintilla magis urit,  
 „quam magnum incendium, non quia ma-  
 „jor, sed quia vicinior, ita aliquod bonum  
 „sæpe voluntatem plus movet, non quia  
 „majus sed quia notius. ibid. lin. 29.

## R E S P O N S I O.

Ita Auctor prosequitur systema suum, quo  
 gratiam Christi in congruâ boni cognitione  
 constituit, quasi ad amplectendam v. g. casti-  
 tatem, sufficeret bonum & pretium ejus no-  
 visse, nec requireretur insuper, quod requi-  
 rit doctrina Fidei & Ecclesiæ, ut gratia cor &  
 affectum ad eam inclinaret & flecteret.

## LVI.

„Idem de gratia dicendum, numquam  
 „videlicet gratiam & vocationem exter-  
 „nam sine interna esse pag. 131. lin. 36.

Quod

## LVII.

„ Quod tantò certius est, si & ordinem  
 „ naturæ & officium Angeli tutelaris atten-  
 „ das : ordinem quidem naturæ, quia cum  
 „ objecta externa sensum, sensus phantasi-  
 „ am, phantasia intellectum, intellectus vo-  
 „ luntatem quodam nexu ac serie causandi  
 „ naturaliter moveant, fieri non potest, ut  
 „ ex iis quæ foris audiuntur, & spectantur,  
 „ non proportionatæ paresque illis externis  
 „ in intellectu & voluntate ipsaque conscientia  
 „ cogitationes, cognitiones, trepidationes, a-  
 „ liique motus & affectus animi existant. i-  
 bid. lin. penult.

## R E S P O N S I O.

En totum novi systematis mysterium, spi-  
 ritum, seriem: nempe phantasia movet in-  
 tellectum, & intellectus naturaliter volun-  
 tatem; ergo fieri non potest ut non existant  
 in animo proportionati rebus spectatis cog-  
 nitisque affectus, ergo fixum ratumque sit  
 oportet, gratiam Christi nihil aliud esse  
 quam cognitionem congruam. Ergo gra-  
 tia & vocatio externa numquam est sine in-  
 terna, cum tamen veritas ipsa testetur Mari-  
 ci 4. v. II. *Vobis datum est nosse mysterium*  
*regni Dei: illis autem qui foris sunt, in para-*  
*bolis omnia fiunt, ut videntes videant & non vi-*  
*deant*

*deant, & audientes audiant & non intelligant, nequando convertantur & dimittantur eis peccata. Quod apud Matth. cap. 13. ita exprimitur Vobis datum est nosse mysteria regni calorum, illis autem non est datum &c.*

## LVIII.

"Zachæum enim semel tantum Christus  
"invisit, cum eoque pransus est & tamen  
"solo aspectu & colloquio in alium mu-  
"tavit. pag. 106. lin. 35.

## RESPONSIO.

Sunt quidem illa fatis conformia novo systemati, sed non satis consona doctrinæ Scripturarum & Ecclesiæ, juxta quam non solo aspectu & colloquio Zachæus conversus est, sed per gratiam interiorem intellectus & voluntatis, quæ abstulit ei cor lapideum, deditque cor carneum.

## LIX.

"Ita omninò sentiendum est, nullum in  
"Europa, nullum in Asia, nullum in Africa  
"Americaue hominem esse, qui viso  
"pulcherrimo hoc mundi opere, non quodam  
"naturali instinctu ad Opificem cognoscendum,  
"amandum, colendumque moveatur? aut si fingas contra quam in  
"brutis

„brutis experimur, tantum hominis natu-  
 „ram & rationem non posse &c. pag. 148.  
 lin. 12.

## RESPONSIO.

Aliter profecto Augustinus lib. de gra-  
 tia & libero arbitrio num. 37. Unde est  
 „in hominibus charitas Dei & proximi, ni-  
 „si ex ipso Deo? nam si non ex Deo,  
 „sed ex hominibus, vicerunt Pelagiani: si  
 „autem ex Deo, vicimus Pelagianos.

## LX.

„Sciendum enim hanc esse libertatis  
 „creatae naturam, ut quamcumque etiam  
 „efficacissimam gratiam possit eludere  
 „cassamque reddere, quod si potest, quid  
 „mirum est, si aliquando agat pag. 9.  
 „lin. 7.

## RESPONSIO.

Imo tam mirum, ut omnium scholarum,  
 etiam Molinianæ, lingua ac sententia con-  
 stanter neget, a libertate creata efficacissimam  
 gratiam aliquando eludi cassamque reddi,  
 quamquam fateantur omnes voluntatem posse  
 gratiæ dissentire si velit, sed dum est effica-  
 cissima, nunquam dissentire volet. „Hoc  
 „nisi credamus (ait Aug. Ench. cap. 96.)  
 „periclitatur ipsum nostræ Confessionis ini-  
 „tium, quæ nos in Deum Patrem omni-  
 po-



„potentem credere confitemur, neque enim  
 „ob aliud veraciter vocatur omnipotens,  
 „nisi quoniam quidquid vult potest, nec  
 „voluntate cuiuspiam creaturæ voluntatis  
 „omnipotentis impeditur effectus.

Exhibitam propositionem refellit quoque  
 Augustinus in Vitali Carthaginensi Episc. 217.  
 ad eundem: „Quid est ergo inquit quod  
 „ait Apostolis: *Deus in vobis operatur &*  
 „*velle & perficere*? Respondes per legem  
 „suam, per Scripturas suas Deum operari ut  
 „velimus, quas vel legimus vel audimus: sed  
 „iis consentire vel non consentire ita nostrum  
 „est, ut si velimus fiat, si autem nolimus,  
 „nihil in nobis operationem Dei valere fa-  
 „ciamus. Operatur quippe ille, dicis, quan-  
 „tùm in ipso est, ut velimus cum nobis  
 „nota fiunt ejus eloquia: sed si eis acquiescere  
 „nolumus, nos ut operatio ejus nihil in  
 „nobis profit, efficimus. Quæ si dicis, pro-  
 „fectò nostris orationibus contradicis, „Addit  
 „num. Hanc „esse illam Pelagianorum malam  
 „malè diffamatam, meritòque reprobata  
 „sententiam.

## XLI.

Pag. 121. pro §. 4. titulum statuit: „Sæpe  
 „reprobis & renuentibus æquales aut etiam  
 „majores gratias dari quam electis & con-  
 „sistentibus, neque tantùm externas, verum  
 „etiam, multòque magis internas.

## LXII.

## LXII.

„Comparet enim aliquis gratias , ex una  
 „parte Zachæo , ex altera Judæ datas , vide-  
 „bitque longè plures & majores fuisse qui-  
 „bus hic reprobis ad pœnitentiam vocatus  
 „est . . . negari ergo non potest plura huic  
 „reprobo auxilia, quam prædestinato Zachæo  
 „impenſa eſſe. Pag. 106. lin. 33.

## LXIII.

„Plura remedia Judæ reprobo adhibita,  
 „quam Petro electo pag. 107. lin. 29.

## RESPONSIO.

Addit Auctor conformem propositionibus  
 probationem , dignum patellâ operculum :  
 „Zachæum enim , (inquit , ) ſemel tantum  
 „Chriſtus inviſit , cum eoque prænſus eſt ,  
 „& tamen ſolo aſpectu & colloquio in ali-  
 „um mutavit , at Judam & amicum , &  
 „Apoſtolum , & Thaumaturgum , & convi-  
 „vam , & teſtem omnium miraculorum  
 „actionumque ſuarum habuit , quarum vel  
 „una , etiam duriffimis cordibus in amorem  
 „rapiendis ſufficere poterat. Illum beneficiis ,  
 „illum minis , illum oſculis , illum tot anno-  
 „rum convictu , velut perpetuâ obſidione  
 „pulfavit , nec tamen vicit : negari ergo non  
 „potest , ait , plura huic reprobo auxilia  
 „quam prædeſtinato Zachæo impenſa eſſe. „  
 Sci-

Scilicet si prandia, aspectus Christi, colloquium, convictus, miracula, minæ, oscula juxta novellum systema pro Christi gratiis computentur.

Sed omninò negandum est reprobum plus veræ Christi gratiæ, quam prædestinatum accipere, *Quoniam diligentibus Deum*, ait Apost. ad Rom. 8. *omnia cooperantur in bonum, iis qui secundum propositum vocati sunt Sancti.* Et hæc sola gratia longè omnibus reproborum gratiis præponderat. Omnes insuper electi accipiunt, quod reproborum nemo, magnum illud perseverantiæ donum, pignus & introitum æternæ beatitudinis, quod rursus temporales reproborum gratias immensum superat.

Profectò si reprobis & renuens æquales vel majores gratias accipiat, quam electus & consentiens, ergo electum a reprobo non discernit gratia, sed liberum arbitrium: ergo electus non potius quam reprobis accepit a Deo donum perseverantiæ, quandoquidem uterque supponatur accepisse æquè multum: ergo electus non tenetur plus gratiarum referre Deo, quam reprobis, quæ omnia Scripturis, & Fidei, & Sanctorum sensui clarè adversantur.

## LXIV.

" Augustinus lib de prædestinatione & gra-  
 " tia cap. 15. quærens quid causæ fuerit ut  
 " Nabuchodonosor non Pharaon rex punien-  
 " tem Deum agnosceret, respondet: id non  
 " ad Dei præscientiam referendum esse, non  
 " ad disparem causam, non ad conditio-  
 " nem & dignitatem inæqualem, non ad  
 " defectum externæ aut internæ vocatio-  
 " ni, sed ad solum merumque arbitrium  
 pag. 136. lin. 9.

## RESPONSIO.

Tripliciter hic erratur 1. quia Augustino  
 tribuitur libellus de prædestinatione & gra-  
 tia, quem post Lovanienses PP. Benedictini  
 in appendice inter subditi opuscula reji-  
 ciunt, præmonentes: " Præterire non licet,  
 " quod observatu dignum Bellarminus,  
 " Possèvinus, alique existimarunt, nimirum  
 " in eo libro quædam reperiri doctrinæ Au-  
 " gustini contraria, quæ Cassiani sensus re-  
 " dolere videantur. " Citatus libellus  
 disparem Nabuchonoforis agnitionem non  
 mero arbitrio, sed divino tribuit subsidio,  
 quod illi affuit, defuitque Pharaoni: nam  
 post verba in *Nodo* pag. 137. relata,, Pugnavit  
 ,, arbitrio, mox, sequitur: Hic quicumque res-  
 ,, pondet, illi ut mutaretur, affuisse divinum,  
 huic



"huic ut induraretur, defuisse præsidium, &  
 "hoc contendit injustum, propter quod re-  
 "rum ipsarum fines in Dei voluntate con-  
 "stituens dixit Apostolus, *cujus vult mise-*  
 "*retur & quem vult indurat* dicente Domi-  
 "no *sine me nihil potestis facere*, in-  
 "telligat illa omnia vel adjuvante Domino  
 "perfici (scilicet agnitionem Nabuchodono-  
 "foris) vel deferente permitti (videlicet in-  
 "durationem Pharaonis.)

3. Etsi suspectum opusculum de præde-  
 stinatione & gratia traderet, quod ei falsò ad-  
 scribitur, referendum esse ad solum merum-  
 que arbitrium, quod Nabuchodonosor non  
 Pharaon Rex punientem Deum agnosceret,  
 nequaquam a *Nodo Dissoluto* probandum sed  
 improbandum erat, cum directè adversetur  
 Scripturis: *Quis te discernit? sine me nihil po-*  
*testis facere.* Nec his contraria docet Au-  
 gustinus five lib. 12. de Civitate Dei, five a-  
 libi, sed id solum, quod de prædestinatione  
 Sanctorum cap. 6. tradit " Multi audi-  
 "unt verbum veritatis, sed alii credunt alii  
 "contradicunt. Volunt ergo isti credere, no-  
 "lunt tamen illi. Quis hoc ignoret, quis  
 "hoc neget? sed cum aliis præparetur, aliis  
 "non præparetur voluntas a Domino, di-  
 "scernendum est utique, quid veniat de mi-  
 "sericordia ejus, quid de judicio.

## LXV.

" Nemo paria ab iis exigit quibus paria  
 " non dedit. pag. 134. lin. 2.

## LXVI.

" Ut verò quis arguatur comparative ad  
 " alium, necessaria est paritas virium, com-  
 " paratio enim est æqualium, non inæquali-  
 " um. ibid. lin. 16.

## RESPONSIO.

Sæpius in Scripturis aliqui comparative  
 arguuntur quamvis nullo, significetur indicio  
 paritas virium & gratiarum in comparatis :  
 Sic Christus Lucæ 7. arguit Phariseum com-  
 paratum peccatrici mulieri : Sic Paulus ad  
 Rom. 2. arguit perfidos Judæos cum fide-  
 libus gentilibus comparatos : *judicabit, ait,*  
*id quod ex natura est præputium legem consum-*  
*mans, te qui per literam & circumcisionem prævari-*  
*cator legis es.* Sic latro impius pendenti in  
 cruce Christo maledicens, præ latrone bono  
 arguitur. Imo Ecclesia, Christi nomine in  
 Officio feriæ 6. in Parasceve arguit Judæos  
 comparative ad Christum, & tamen hærcsis  
 foret iis tantas, quantas Christo gratias tri-  
 buere : *Popule meus, ait, quid feci tibi? aut*  
*in quo contristavi te? responde mihi. Ego te*  
*exaltavi magnâ virtute, & tu me suspendisti*

*in patibulo crucis.* Postremò per illustrem admodum comparisonem malos a sinistris, bonos a dextris constituendos fore prædicit Christus Matth. 25. & illos præ his arguendos & damnandos his verbis : *Discedite a me maledicti in ignem æternum : esurivienim, & non dedistis mihi manducare &c.* Cum tamen ab omni veri specie alienum sit fore, ut omnes reprobi æquales gratias habuerint ac omnes electi, v. g. ac Diva virgo & Apostoli. Itaque ut alter præ altero justè arguatur, fatis est quòd uterque bonum facere debuerit, potueritque, & alter fecerit, alter voluntariè ac liberè omiserit. At nequaquam requiritur virium aut gratiarum paritas.

## LXVII.

“ Non posset Judæis impænitentia præ Si-  
 “ doniis exprobrari, si utrisque equaliter  
 “ quidem Christus prædicaret, æqualiter mi-  
 “ racula ederet, sed non utrisque gratiam  
 “ internam æqualiter daret. pag. 131. lin.  
 penult.

## LXVIII.

“ Aut ergo injusta exprobratio Judæorum  
 “ præ Sidoniis fuit : aut si justa, non minus  
 “ per internam vocationem Judæi quam Si-  
 “ donii ad exeundum & pœnitendum adjuti.  
 pag. 133. lin. 12.

## LXIX.

## LXIX.

„Dicunt alii ideò Judæos præ Sidoniis  
 „objurgatos esse, quia pares Sidoniis quoad  
 „gratiam sufficientem erant, quâ poterant  
 „pænitere, licet impares essent quoad gra-  
 „tiam efficacem & ad actum prædetermi-  
 „nantem, quæ solis Sidoniis destinabatur.  
 „Sed planè si affectus vel præventio absit,  
 „nemo non videt quàm parum hæc res-  
 „ponso ad rem præsentem faciat. ibidem  
 lin, 25.

## RESPONSIO.

Jam ostensum est, a Scripturis alterum  
 præ altero argui, etsi minori gratiâ interiori  
 præventum, ergo justè Judæis sua fuit impæ-  
 nitentia exprobrata, etsi Sidonii non nisi per  
 majorem gratiam eam erant evitaturi.

## LXX.

„Aut ergo ex mente Augustini nemini  
 „hæc gratia (orandi) deest, aut si alicui de-  
 „est, erit aliquis sanæ mentis, qui furando,  
 „occidendo, adulterando, blasphemandoque  
 „nihil peccabit. pag. 184. lin. 16.

## RESPONSIO.

Faterur Auctor absurdissimum esse conse-  
 quens, sed tamen rectè se qui ex illo an-



tecedente , *Deest alicui orandi gratia* , quod  
 proinde æquè absurdum judicat , cum tamen  
 infidelibus gratiam orandi deesse doceat . A-  
 postolus ad Rom. 10. *Quomodo ergo invoca-*  
*bunt in quem non crediderunt ? aut quomodo*  
*credent ei quem non audierunt ? quomodo autem*  
*audient sine prædicante ?* Quomodo gratiam  
 orandi habebant , qui certissimum tenebant ,  
 virtutem non a Deo , sed a seipso peten-  
 dam , de quibus Cicero lib. 3. de Nat. De-  
 orum , Cottæ nomine : „ Jovemque opti-  
 „ mum Maximum ob eas res appellant , non  
 „ quod justos , temperatos , sapientes effi-  
 „ ciat , sed quod salvos [incolumes] opulen-  
 „ tos , copiosos . . . . . iudicium hoc om-  
 „ nium mortalium est , fortunam a Deo pe-  
 „ tendam , a seipso sumendam sapientiam .  
 Sic quoque Seneca Epis. 41. „ Quid votis  
 „ opus est ? fac te ipse felicem . Facis rem  
 „ optimam & tibi salutarem , si , ut scribis , per-  
 „ severas ire ad bonam mentem , quam  
 „ stultum est optare cum possis a te im-  
 „ petrare . „ Communem generis humani  
 præsumptionem canit Horatius lib. 1.  
 Epist. 18.

„ Hæc satis est orare Jovem , quæ donat &  
 aufert

„ Det vitam det opes , æquum mihi animum  
 ipse parabo.

## LXXI.

„Nullo peccato omnis gratia fufficiens  
 „& remota, hoc est gratia petendi, amittitur.  
 pag. 184. lin. 21.

## LXXII.

„Sine qua in ftatu naturæ corruptæ nulla  
 „potestas est observandæ legis divinæ. ibi-  
 dem lin. 15.

## RESPONSIO.

Ergo juxta hoc systema, nequidem eo pec-  
 cato gratia fufficiens amittitur, quo impius  
 aliquis in odium Dei omnem gratiam sper-  
 nit, nullamque vult accipere. Ergo etiam  
 invito cogitur Deus suas gratias infundere.  
 Ergo mortuus est Christus, ut redderet ho-  
 mini liberum arbitrium, quandoquidem ad-  
 dat Autor, sine gratia fufficiente tolli liber-  
 tatem & potestatem observandæ legis divinæ.  
 Ergo juxta hunc Auctorem, mortales omnes,  
 qui sine gratia Christi non poterant actuali-  
 ter peccare, nec damnari, nec esse miseri,  
 nec innocentiam personalem amittere, quod  
 cælesti regno putat anteponendum, facti sunt  
 per mortem & sanguinem Christi peccato-  
 res, damnati, miseri & rei infelicitis æterni-  
 tatis, pusillo grege excepto.

Aliter sanè Augustinus Epif. 194. ad Six-  
 tum, simili excusationi, quæ ex defectu

gratiæ fingitur, respondet : „ Sed excusabunt  
 „ se [inquit] homines, qui nolunt rectè &  
 „ fideliter vivere dicentes, quid nos fecimus  
 „ qui malè vivimus, quandoquidem gra-  
 „ tiam unde benè viveremus non accepimus?  
 „ non possunt veraciter dicere nihil mali se  
 „ fecisse, qui malè vivunt: si enim nihil  
 „ mali faciunt, benè vivunt: si autem malè  
 „ vivunt, de suo malè vivunt, vel quod ori-  
 „ ginaliter traxerunt, vel quod insuper addi-  
 „ derunt.

## LXXIII.

„ Quibus ergo credendus est Deus gratiam  
 „ & misericordiam negare, quam non An-  
 „ tichristo, non Pharaoni, non perfidissimis  
 „ Judæis negat? pag. 177. lin. 22.

## LXXIV.

„ Tertiò (observetur) Deum quamvis de-  
 „ sertum, numquam tamen ita hominem li-  
 „ cet obstinatissimum deferere, ut non ei  
 „ gratiam tribuat, qua & possit poenitere,  
 „ imo & qua actu poeniteat si velit: ut Pha-  
 „ raonis exemplo patuit, qui Deo flagellante  
 „ jam in Moysen exarsit, eique mortem  
 „ minatus est, jam poenituit, suumque pec-  
 „ catum & agnovit & palam confessus est.  
 pag. 99. lin. 5.

## RESPONSIO.

Non potuisset Autor quamvis datâ operâ evidentius contradicere Apostolo, quàm statuendo pro exemplo misericordiæ divinæ, & negandæ nemini gratiæ Pharaonem, quem pro exemplo obdurationis & negatæ misericordiæ statuit orbi universo Deus & Apostolus ad Rom. 9. *Dicit enim Scriptura Pharaoni, quia in hoc ipsum excitavi te, ut ostendam in te virtutem meam & ut annuntietur nomen meum in universa terra: ergo cuius vult miseretur & quem vult indurat.*

## LXXV.

„Planè tam portentosa illius (Tiberii) flagitia, tam diuturna fuere, præsertim ubi in  
 „Capreas insulas toto septennio se abdidit,  
 „ut nullus æquè deferri a Deo mereretur,  
 „& tamen tantùm abfuit desertum esse, ut  
 „maximis argumentis ad Dei cognitionem & scelerum poenitentiam vocaretur.  
 pag. 95. lin. 18.

## LXXVI.

„Postquam vidimus Deum etiam Tiberio ac Neroni pessimis omnium tam propitium fuisse, nihil opus est alios Imperatores adicere, quis enim suspicari possit Deum alicui defuisse, qui non defuit Neroni?  
 L. 4                      roni?



„roni? nemo isto peior, nemo indignior,  
 „nec tamen desertus pag. 197. lin. 29.

## RESPONSIO.

Quosdam in pœnam peccatorum a Deo  
 deferi docet manifestè Apostolus ad Heb.  
 6. v. 7. *Terra enim saepe venientem super se  
 bibens imbrem, & generans herbam opportunam illis  
 a quibus colitur, accipit benedictionem a Deo.  
 Proferens autem spinas ac tribulos reproba est &  
 maledicto proxima, cujus consummatio in com-  
 bustionem.* Et ad Rom. cap. 1. refert Deum  
 in punitionem superbiæ tradidisse quosdam  
 in desideria cordis eorum, in immunditiam, in  
 passiones ignominiae, in reprobum sensum.  
 Hi non censendi sunt fuisse a Deo deserti?  
 Dum definit Tridentinum Sess. 6. cap. 11.  
*Deus namque suâ gratiâ semel justificatos non  
 deserit, nisi ab eis prius deseratur, quid aliud  
 docet, quam aliquos a Deo deferi, si prius  
 eum deseruerint?*

## LXXVII.

„Omnes omninò ad pœnitentiam invitat,  
 „ergo dat etiam auxilium quo possint pœ-  
 „nitere, alioquin ad impossibile invitaret,  
 „hoc est ad volandum, non datis alis, ad  
 „transfretandum, non datâ navi pag. 178.  
 lin. 3.

## LXXVIII.

## LXXVIII.

„Omnia supponunt hæc fieri posse, &  
 „consequentè gratiam saltem remotam, hoc  
 „est orandi & petendi, omnibus dari, alio-  
 „quin frustra peccatores ad rem impossibi-  
 „lem invitarentur pag. 184. lin. 3.

## RESPONSIO.

Respondet cum S. Augustino D. Thomas  
 2. 2. q. 2. art. 5. ad. 1. „Si in potestate  
 „hominis esse dicatur aliquid excluso auxilio  
 „gratiæ, sic ad multa tenetur homo, ad quæ  
 „non potest sine gratia reparante, sicut ad  
 „diligendum Deum, & proximum, & si-  
 „militer ad credendum articulos Fidei. Sed  
 „tamen hoc potest cum auxilio gratiæ,  
 „quod quidem auxilium quibuscumque di-  
 „vinitus datur, misericorditer datur: qui-  
 „bus autem non datur, ex iustitia non da-  
 „tur, in pœnam præcedentis aut saltem ori-  
 „ginalis peccati. Ut Augustinus dicit lib.  
 „de correptione & gratia.

Cæterùm etiam orandi gratiam quibus-  
 dam, ac præsertim infidelibus, deesse, supra  
 ad propositionem 71. ostensum est, nec ta-  
 men idèò eis est impossibilis pœnitentia, si-  
 cut est impossibile volare non datis alis, &  
 transfretare non datâ navi, cum inter hæc  
 sit immensa disparitas: „Non enim (ait

„ Aug. lib. 3. de lib. arbitrio num. 7.) pos-  
 „ ses aliud sentire esse in potestate nostra,  
 „ nisi quod dum volumus facimus. Qua-  
 „ propter nihil tam in nostra potestate quam  
 „ ipsa voluntas est. „ Atqui desitutus gratiâ  
 „ pœnitentiam agit quando vult, & satis vult,  
 „ sed desitutus alis non volat, quando vult,  
 „ etsi ardentissimè velit.

## LXXIX.

„ Quæ omnia eò spectant, ut ostendam  
 „ omnibus qui ad legem Evangelicam invi-  
 „ tantur, reprobis videlicet electisque, gratiam  
 „ non qualemcumque sed talem offerri, quæ  
 „ lex Evangelica suavis, facilisque observa-  
 „ tu fiat, quod nisi esset, gratia vix dici  
 „ posset, cum difficultas diuturna opus cui  
 „ annexa est, moraliter impossibile reddat.  
 pag. 128. lin. 18.

## LXXX.

„ Eas gratias & auxilia omnibus promit-  
 „ tunt (Moyſes & Apostolus) quibus non  
 „ utcumque, sed tam faciliè commodèque  
 „ legem observarent, quàm faciliè ea vide-  
 „ mus & tangimus, quæ nobis vicina & an-  
 „ te oculos posita sunt. pag. 116. lin. 4.

## RESPONSIO.

" Vis audire (ait Hieronymus lib. 2. adver-  
 " sus Pelagianos cap. 5.) facilitatem præ-  
 " ceptorum Dei? ausculta quod dicitur :  
 " *Quam arcta via & angusta est qua ducit ad*  
 " *vitam, & pauci sunt qui inveniunt eam.*  
 " Non dixit qui gradiuntur per eam, hoc  
 " enim difficillimum est, sed qui inveniunt  
 " eam : pauci enim inveniunt, multò pau-  
 " ciores ingrediuntur per eam. „ Quam  
 procul hæc distant ab illa facilitate, qua ea  
 videmus & tangimus, quæ nobis vicina &  
 ante oculos posita sunt. Utraque insuper  
 propositio clarè repugnat Evangelio Mat.  
 II. v. 12. *Regnum celorum vim patitur & vi-*  
*olenti rapiunt illud.* Et Luc. 13. v. 24. *Con-*  
*tendite intrare per angustam portam, quia mul-*  
*ti, dico vobis, quarent intrare & non poterunt.*

## LXXXI.

" Quis ergo, nisi planè desipiat, suspi-  
 " cari posset in omnes creaturas tam copio-  
 " sum, tam splendidum, in solos homines,  
 " tam parvum modicumque fuisse, ut eis  
 " quæ ad animæ salutem necessaria sunt,  
 " aut subtrahat, aut tam inclementer avare-  
 " que suppeditet, ut difficilimè agerimèque  
 " consequi eam possint . . . . . pag. 141.  
 lin. 20.



## LXXXII.

"Quæ si tam absurda sunt, ut in nullum  
 "hominem cadant, quantò minùs cadent  
 "in Deum? aut ergo Deus talis non est,  
 "qualem nobis Scripturæ & ratio depingunt,  
 "aut si talis est, non minùs in homines  
 "quam in alia benignus, quæ homini servi-  
 "unt. pag. 142. lin. 8.

## R E S P O N S I O.

Talia inurit stigmata doctrinæ quæ censet  
 non dari omnibus sufficientes gratias. Judi-  
 cet Ecclesia an tam acerbis inclementesque  
 censuras mereantur dogmata Augustini:  
 "Quæ (inquit Epif. 217. ad Vitalem) ad fi-  
 "dem veram & Catholicam pertinere fir-  
 "missimè scimus. Scimus (gratiam Dei)  
 "non omnibus hominibus dari, & quibus da-  
 "tur, non solùm secundùm merita ope-  
 "rum non dari, sed nec secundùm merita  
 "voluntatis eorum quibus datur, quod maxi-  
 "mè apparet in parvulis. Scimus eis qui-  
 "bus datur, misericordiâ Dei gratuitâ dari.  
 "Scimus eis quibus non datur, iusto iudicio  
 "Dei non dari." Tantas censuras merentur  
 tutissima & inconcussa dogmata?

## LXXXIII.

"Id verò quod Augustinus ex professo  
 con-

" contra Pelagium defendit, non aliud fuit  
 " quam gratiam non ex præcedente merito,  
 " sed ex solo Dei proposito, meroque bene-  
 " placito conferri. pag. 56. lin. 30.

## LXXXIV.

" Reliqua, quæ velut incidenter & hanc  
 " causam comitari poterant, Augustinus aut  
 " omisit tamquam occulta, aut incerta, aut  
 " se ignorare professus est, aut disputando,  
 " aut inquirendo potius, quam decidendo  
 " scripsit. ibid. lin. 34.

## RESPONSIO.

Id quidem optarent illi, qui multa do-  
 cent opposita manifestè iis, quæ Augustinus  
 cum plausu Ecclesiæ contra Pelagium defen-  
 dit. Verùm contra eundem se alia plura  
 defendisse, tamquam indubitata, testatur ipse  
 Augustinus Epif. 217. ad Vitalem, cui duo-  
 decim de gratia articulos tradit, „ Quos  
 " ad fidem veram & Catholicam pertinere,  
 " [inquit] firmissimè scimus. " Et inter eos  
 quidem sequentes quoque statuit uti jam di-  
 ctum est: „ Scimus majoribus ad singulos  
 " actus dari. Scimus non omnibus homini-  
 " bus dari. Scimus eis quibus non datur,  
 " justo iudicio Dei non dari.

Præterea de gratiæ natura, & efficacia lib.  
 de gratiâ Christi cap. 10. defendit contra

Pelagium sequentia : „ Nos eam gratiam  
 volumus iste aliquando fateatur, quâ futu-  
 ræ gloriæ magnitudo non solum promitti-  
 tur, verum etiam creditur & speratur; nec  
 solum revelatur sapientia, verum etiam ama-  
 tur. Nec solum suadetur omne quod bo-  
 num est, verum & persuadetur . . . hanc  
 debet Pelagius (quidni & Autor *Nodi dissolu-  
 ti*) gratiam confiteri, si vult non solum vo-  
 cari, verum etiam esse Christianus.

Deinde inferius cap. 47. „ Quapropter  
 quantum attinet ad istam de Divina gratia,  
 & adjutorio quæstionem, tria illa quæ aper-  
 tissimè distinxit, attendite, *posse, velle,*  
*esse*: id est *possibilitatem, voluntatem actio-*  
*nem*. Si ergo consenserit nobis non so-  
 lam possibilitatem in homine, etiamsi nec  
 velit nec agat benè, sed ipsam quoque volunta-  
 tem & actionem, id est ut benè velimus &  
 benè agamus, quæ non sunt in homine ni-  
 si quando benè vult & benè agit: si ut dixi  
 consenserit etiam voluntatem & actionem  
 divinitus adjuvari, & sic adjuvari ut sine il-  
 lo adjutorio nihil benè velimus & agamus,  
 eamque esse gratiam Dei per Jesum Chri-  
 stum Dominum nostrum, in qua nos suâ,  
 non nostrâ justitiâ justos facit, ut sit vera  
 nostra justitia, quæ nobis ab illo est, nihil  
 de adjutorio gratiæ Dei, quantum arbitror,  
 inter nos controversiæ relinquitur. „ Ergo  
 plu-

## AD NODUM DISSOLUTUM. 255

plura alia tamquam certa & indubitata Fidei dogmata de gratia contra Pelagium defendit Augustinus præter illud, gratiam non ex precedente merito dari.

### LXXXV.

"Planè ipsa divinæ bonitatis ratio exigit, ut  
 "in dandis majoribus aut minoribus gratiis,  
 "major minorve necessitas & infirmitas peccatoris  
 "attenderetur, ideo enim plura remedia  
 "Judæ reprobo adhibita quam Petro electo,  
 "quia illi gravior morbus, & ideò pluribus  
 "remediis curandus pag. 107. lin. 26.

### R E S P O N S I O.

Nunc videndum, quantum Autor impingat in articulum, de quo ipse pag. 56. tradit sequentia: "In iis ergo quæ Augustinus contra Pelagianos aut Scinipelagianos de gratia disputavit, certum est neminem illo pulchrius, fortius, eloquentius, ac verius scripsisse, adeo ut quidquid Ecclesiæ de gratia credendum proposuit, id totum non ex sententia tantum, sed etiam ex verbis Augustini definiverit. Id verò quod Augustinus ex professo contra Pelagium defendit non aliud fuit (falsum id quidem sed nobis modò non inopportunum) quam gratiam non ex præcedente merito, sed ex solo Dei proposito meroque beneplacito conferri; hic cardo, hic scopus  
 om.



omnium Augustini de gratia disputatio-  
num." Et hunc quidem articulum Au-  
gustinus quoque inter duodecim numerat in  
Epist. 217. ad Vitalem, quos dicit se firmissi-  
mè scire ad fidem Catholicam pertinere.

Verùm in hunc cardinem multipliciter  
& durè impingit Autor *Nodi dissoluti*, si  
Augustino, qui de hoc articulo tam glo-  
riosè scripsit, credimus, fatenti lib. 1. ad Sim-  
plic, n. 22. „ Non enim habeo quod intuear  
in eligendis hominibus ad gratiam saluta-  
rem, si ad examen hujus electionis aliqua  
cogitatione permittor; nisi vel majus in-  
genium, vel minora peccata, vel utrum-  
que; addamus etiam si placet, honestas,  
utilesque doctrinas. Quisquis ergo fuerit  
quam minimis peccatis irretitus atque ma-  
culatus (nam nullis quis potest) & acer  
ingenio, & liberalibus artibus expolitus,  
eligendus videtur ad gratiam. Sed cum  
hoc statuerò, ita me ridebit ille, qui in-  
firma mundi elegit ut confundat fortia &c.  
Sed aliud reperit *Nodus Dissolutus*, quod  
Deum urgeat dare majores gratias: nimi-  
rum non minora, sed majora peccata, quæ  
majorem inferunt necessitatem. Propter illa  
censet divinæ bonitatis rationem planè exi-  
gere, ut conferat majoribus peccatoribus  
majores gratias. Imò, quod stupendum est,  
summam deliberatissimamque Judæ impie-  
tatem,

tatem, perfidiam, venditionem Christi & Deicidium cenſet cauſam fuiſſe, ut divinæ bonitatis ratio exigeret plures conferri gratias illi reprobo quam Petro electo. Sed quomodo gratis, quomodo non ſecundum meritum conferentur, ſi eas conferri exigat divinæ ratio bonitatis? hæcenus putatum fuerat, quod Scripturæ ſæpius inculcant, maiora peccata cauſam eſſe ut Deus ſuas gratias neget aut ſubſtrahat; at juxta novum ſyſtema, efficiunt ut ratio divinæ bonitatis exigat majores gratias conferri etiam Judam imitantibus, aut ſuperantibus.

## LXXXVI.

„Sine qua (orandi gratiâ) omnem quodque libertatem tolli neceſſe eſt. pag. 184. lin. 22.

## RESPONSIO.

Addit idem Autor, ſine illa gratia nullam eſſe poteſtatem obſervandæ legis, imo præceptum poenitentiaſ eſſe impoſſibile, uti ſupra fuit exhibitum. Verum quantum hæc doctrina repugnet Fidei aſſerenti gratiam non ſecundum merita dari, iterum Auguſtinus docet Epif. 194. ad Sixtum num. 29. „Ac per hoc univerſi qui ſe in nequitiaſ & iniquitatibus excuſatos volunt, ideò juſtiſſimè puniuntur, quoniam qui liberantur, non niſi gratiâ liberantur: nam ſi

ex:

## 258 RESPONSIO PRO S. AUGUST.

„excusatio illic iusta esset; non inde jam  
 „gratia sed iustitia liberaret. Cum verò non  
 „liberat nisi gratia, nihil iustum invenit in  
 „eo, quem liberat, non voluntatem, non  
 „operationem, non saltem ipsam excusa-  
 „tionem: nam si hæc iusta est, quisquis eâ  
 „utitur, merito, non gratiâ liberatur.

Accedit quod divina providentia, sicut de-  
 bet homini libertatem, ita & gratiam illam,  
 sine qua omnem quoque libertatem tolli ne-  
 cesse est. Atque hinc iterum non gratis,  
 sed secundum meritum dabitur.

### LXXXVII.

„Si enim Deus quantum ex se est, vult  
 „omnes efficaciter, impensèque salvare,  
 „sequitur non minus efficaciter impensèque  
 „media & gratias homini dari, quibus hunc  
 „finem obtinere possit pag. 122. lin. 21.

### LXXXVIII.

„Prolixè ostensum est Deum, ut omni-  
 „bus & quantum ex se est, efficaciter vult  
 „salutem, ita ad illam obtinendam omni-  
 „bus copiosissima media tribuere. pag. 183.  
 lin. 6.

## RESPONSIO.

Junge illa superius exhibitis propositio-  
 nibus 26. & 27. quod Deus suis partibus &  
 officio deesset, nisi absolutè & efficaciter  
 salu-

salutem omnium vellet, quodque aliàs filius querelam testamenti inofficiosi posset opponere, & clarum evadet doceri a *Nodo Dissoluto* gratiam secundùm merita dari; quandoquidem nisi eam Deus dederit, partibus suis & officio desit, sicut deesset, „medicus, inquit, pag. 10. qui cum decem ægrotorum „curam suscepisset, non omnibus sed tribus tantùm sanitatem efficaciter cuperet: „& advocatus, cui cum ex officico octo „clientum causæ & quidem capitales commissæ essent, duos tantùm tueretur, reliquis aut neglectis, aut non seriò obiterque „defensis.

## LXXXIX.

„Magis plantis providebit quam filiis? „planè id nihil aliud foret quam nobilissimam Dei perfectionem, quæ amor est, penitus deformare, & inordinatissimam reddere, quippe qui minimis rebus maximam „curam, maximis vero minimam impendat, sicque contra leges justæ charitatis „vilissima impensè diligat, pretiosissima „verò, qualia animæ sunt, aut omniò negligat, aut cordi non habeat: puerorum videlicet amores imitatus, qui rerum ignari „pomum præ auro, vitrum præ margaritis „eligunt, chariusque habent pag. 141. lin. 27.



auro anteponentium. Quin & facit inconsultissime, sicut si opulentissimus Princeps domum, familiam, aulam splendide instrueret, filio argenti interim, seminudo & esurienti. Quis consequenter non videat Deum, quem nil hujusmodi vitiorum potest attingere, debere gratias sufficientes homini; ac proinde has non gratis, sed secundum merita dari.

## XCI.

"Quoad initia sua primosque gradus (gratia orandi) a Deo non petitur pag. 182. lin. 9.

## RESPONSIO.

Nempè juxta Auctorem hunc, nullo peccato gratia illa amittitur, sine qua tollitur omnis libertas & observandæ legis potestas; quæ proinde si tollitur, ab homine etiam tollitur peccandi periculum. Ergo a Deo hujusmodi gratia, quæ tam salutare privilegium tollit, non petitur. Sed refellit cum Augustinus ex precibus Ecclesiæ Epif. 117. ad Vitalem: „Numquid & orare prohibe-  
 "bis Ecclesiam pro infidelibus ut sint fideles;  
 "pro iis qui nolunt credere ut velint crede-  
 "re . . . . loquimur autem nunc *de ipsi-*  
 "*initis*, cum homines qui erant averfi, & ad-  
 "verfi, convertuntur ad Deum & velle in-  
 "cipiunt quod nolebant, & habere fidem quam  
 non

non habebant, quod ut fiat in eis, oratur  
 pro eis, quamvis non oretur ab eis. Ipsi  
 enim quomodo invocabunt in quem non  
 crediderunt.

## XCII.

„Sola externa (gratia) beneficium dici  
 non potest, cum juxta S. Doctorem ad  
 literam occidentem pertineat. pag. 139.  
 lin. 17.

## RESPONSIO.

Gratia externa Autori huic, aliisque est  
 v. g. prædicatio veritatis, instructio per le-  
 gem & Evangelium. Quæ omnia magnum  
 esse beneficium, etiam secundum se sine gra-  
 tia interiori spectata, Scripturæ testantur.  
 Nam Deut. 4. v. 8. Moyses ait : *Quæ  
 est enim alia gens sic incluta ut habeat ceremo-  
 nias justaque judicia & universam legem. & A-  
 postolus Rom. 3. v. 1. Quid ergo amplius  
 Judæo est, aut quæ utilitas circumcisionis? mul-  
 tum per omnem modum. Primum quidem quia  
 credita sunt eis eloquia Dei. Deinde cap. 7.  
 studio præfatam propositionem refellit,  
 Quid ergo dicemus [inquit] lex peccatum est? ab-  
 sit, sed peccatum non cognovi nisi per legem ....  
 Itaque lex quidem sancta & mandatum sanctum,  
 & justum & bonum (adcoque & beneficium)  
 quod ergo bonum est, mihi factum est mors?*  
 absit

*absit, sed peccatum ut appareat peccatum per bonum operatum est mihi mortem.* Scilicet litera

legis & sola gratia externa occidit, non suo vitio sed occasione concupiscentiæ. „Vide

(inquit Aug. lib. 15. contra Faustum cap. 8.)

non reprehendi legem, cum dicitur *litera*

*occidit, spiritus autem vivificat* sicut non

reprehenditur scientia, cum dicitur *scientia*

*inflat, charitas vero adificat* . . . . . ergo

lex semper est bona, sive obsit inanibus gra-

tia, sive profit plenis gratia, semper est bo-

na, sicut Sol semper est bonus. (Imo & be-

neficium) quia omnis creatura Dei bona est,

sive dolentibus oculis noceat, sive sanos

mulceat. „ Igitur refutata propositio non

parum errorem Fausti manichæi redolet ne-

gantis legem veterem esse Dei benefi-

cium.

## *De Fide, Peccato Philosophico, & Moralibus.*

### XCIII.

„Sive ergo id (Deum existere) naturæ, sive

gratiæ instinctu homines agnoscant, semper

agnoscunt. pag. 155. lin. 20.

### XCIV.

„Quam superstitiosam insaniam (idolola-

triæ) adjuvabant & dæmonum artes per si-

mu-

„ mulacra loquentium, ac futura vaticinantium,  
 „ & magorum ludibria (nam ista cum idolola-  
 „ tria capere) & Sacerdotum avaritia, qui  
 „ quæstum & authoritatem ex religione capta-  
 „ bant, & Principum exempla, imo iussa, po-  
 „ pulos Deorum metu coercentium, ac deni-  
 „ que & præsertim corruptissimi hominum  
 „ mores, qui cum nihil amplius quam cor-  
 „ poreæ & mortalia cogitarent, amarentque,  
 „ nullos quoque alios Deos agnoscere pote-  
 „ rant, quam corporeos & cupiditatibus ac  
 „ sceleribus suis simillimos. pag. 189. lin. 4.

## RESPONSIO.

Posterior propositio refellit priorem,  
 sed tamen utraque falsa est, & Scripturis  
 contraria, tum illa quæ asserit omnes sem-  
 per agnoscere Dei existentiam: tum poste-  
 rior asserens aliquos eam agnoscere non po-  
 tuisse; nempe plurimi Deum non agnoverunt,  
 sed omnes potuere agnoscere. „ Vani au-  
 „ tem sunt omnes homines (inquit Sapiens cap.  
 „ 13. v. 1.) In quibus non subest scientia Dei,  
 „ & de his quæ videntur bona, non potuerunt  
 „ intelligere eum qui est, neque operibus at-  
 „ tendentes, agnoverunt quis esset artifex, sed  
 „ aut ignem, aut spiritum aut citatum aerem,  
 „ aut gyrum stellarum, aut niniam aquam, aut  
 „ solem & Lunam, rectores orbis terrarum  
 „ Deos putaverunt, & ad Rom. 1. v. 20. Invi-  
 „ sibi-



## AD NODUM DISSOLUTUM. 265

„fibilia enim ipsius, a creatura mundi per ea  
 „quæ facta sunt, intellecta conspiciuntur:  
 „sempiterna quoque ejus virtus & divinitas,  
 „ita ut sint inexcusabiles.

### XCv.

„S. Justinus Martyr cap. 28. Apologiæ,  
 „Socratem Philosophum non tantum sal-  
 „vum, verum etiam Martyrem esse docet.  
 Pag. 155. lin. ult.

### XCvi.

„Insigniores Philosophos, & quotquot de  
 „gentilibus cum ratione vixerunt, Christia-  
 „nos appellat: idem de Platone, Seneca,  
 „Trismegisto alii dicunt, pag. 156. lin. 3.  
 Hæc approbando dicit, ut probet omnibus dari  
 gratiam sufficientem.

### RESPONSIO.

Quo sensu Justinus Martyr quædam in  
 Philosophorum favorem dixerit, non opus est  
 inquirere. Satis est, quod juxta communem  
 Patrum interpretationem, Apostolus ad Ro-  
 manos i. v. 18. de sanctis illis (si superis placet)  
 Philosophis testetur: *Revelatur enim ira Dei de  
 cælo super omnem impietatem & injustitiam  
 hominum eorum, qui veritatem Dei in injustitia  
 detinent.* „Hæc de græcorum Philosophis  
 „dicit, (ait ibidem Estius) quorum etsi qui-  
 „dam, uti mox dicetur, ad unius Dei noti-  
 „tiam Philosophando pervenerint, ut Py-  
 M thagoras

„thagoras, Socrates, Plato, Aristoteles & alii,  
 „quibus adde Hermetem Trismegistum, Sa-  
 „cerdotem & Philosophum Ægyptium, Sene-  
 „cam Philosophum & Senatorem Romanum,  
 „nemo tamen omnium Deum cognitum aut  
 „coluit ut debuit, aut colendum prædicavit.  
 Præterea de Philosophis ethnicis generatim  
 Augustinus lib. de vera Religione cap. 5.  
 „Eadem sacra suscipiebant cum populis, &  
 „de suorum Deorum natura ac summo bo-  
 „no, diversas contrariasque sententias in  
 „scholis suis, eâdem teste multitudine per-  
 „sonabant. „ De iisdem Lactantius lib. 3.  
 cap. 21. affirmat quod generaliter omnes Dei  
 cognitionem & cultum assequi non valuerint,  
 „quia religionem (inquit) aut pravam tenuerunt,  
 „aut totam penitus fustulerunt.

Quod ad Socratem speciatim attinet, Minutius in Octavio vocat eum „Scurram atticum,  
 „nihil se scire confessum, testimonio  
 „licet fallacissimi dæmonis gloriosum. „ Et  
 Lactantius lib. 3. cap. 20. de falsa sapientia:  
 „Quis jam superstitiones Ægyptiorum aude-  
 „at reprehendere, quas Socrates Athenis  
 „authoritate confirmavit suâ? illud verò  
 „nonne summæ vanitatis, quod ante mor-  
 „tem familiares suos rogavit, ut Æsculapio  
 „gallum, quem voverat, pro se sacrarent?  
 „... cum verò hoc sanus fecerit, EST IPSE  
 „INSANUS QUI EUM PUTET ESSE SAPIEN-  
 „TEM.

Quod

Quod Gallum Jovi Æsculapio Socrates proximus morti litari jusserit, testatur quoque ejus discipulus Plato in Apologia; additque in Theages, quod a prima pueritia dæmonium familiare habuerit. Adjungit Aristoteles lib. 2. polit. cap. 4. „ de paucis admodum determinavit Socrates, ut de mulierum & natorum communitate. „ Quis tali Sancto dicat ORA PRO NOBIS?

Ipse Plato Dæmoniis & Diis plurimis sacra facienda esse censuit in libris de legibus & repub. idem testatur quoque Augustinus lib. 8. de civitate Dei cap. 12. statuit etiam pro sua repub. uxorum communitatem. Insuper a Philosophis optimis, Socrate ac Platone, approbatos fuisse nefandos masculorum amores, refert Plutarchus de educatione liberorum.

De Seneca testatur Augustinus lib. 6. de civitate Dei cap. 10. „ Colebat quod reprehendebat, agebat quod arguebat, quod culpabat adorabat . . . eo damnabilius, „ quo illa quæ mendaciter agebat, sic ageret „ ut eum populus veraciter agere existimaret. „ ret.

Generalem causam deficientis in Philosophis ethnicis justitiæ hanc ex eorum presumptione assignat Augustinus Epist. 155. ad Macedonium: „ Apud eos vera pietas, id est, est verax veri Dei cultus (unde omnia re-

„ Etè vivendi duci oportet officia) non invenitur, non ob aliud quantum intelligo, nisi  
 „ quia beatam vitam ipsi sibi quodammodo  
 „ fabricare voluerunt, potiusque patranda  
 „ quam impetranda putaverunt, cum e-  
 „ jus dator non sit nisi Deus.

## XCVII.

„ Sicut ergo nullum peccatum est non  
 „ contra rationem, ita nullum non contra  
 „ conscientiam, quæ nihil est aliud quam  
 „ ratio practica dictans in particulari quid  
 „ non liceat liceatque pag. 161. lin. 12.

## XCVIII.

„ Omne peccatum est contra conscien-  
 „ tiam: ibidem lin. 15.

## RESPONSIO.

En errorem Pelagianorum, quo negantur peccata ignorantiae; quem apud Hieronymum lib. 1. adversus Pelagianos, his verbis Pelagianus exprimit: „ Rogo quæ est  
 „ ista iustitia, ut in peccato tenear erroris,  
 „ cujus reatum non habet conscientia? „ Cui respondet Hieronymus: „ Stulta imo impia sciscitatio tua in perpetuum conticescat.  
 Eundem errorem damnavit Synodus Palæstina, & variis locis Augustinus, qui lib. 4. contra Jul. cap. 8. refert hunc errorem a Juliano fuisse etiam Manichæis adscriptum:  
 Mani-



## AD NODUM DISSOLUTUM. 269

" Manichæos dicere affirmas, si quis homi-  
 " cidium conscientia formidante commise-  
 " rit, reus est quia timuit. Si autem ali-  
 " quod facinus exultante perpetraverit auda-  
 " cia, velut credens se ex fide (hoc est ex  
 " conscientia) facere quod malè facit, evasit  
 " culpam.

Is quoque unus erat ex erroribus Abac-  
 lar- di de quibus Gulielmus Abbas Gaufri-  
 dum Carnotensem Episcopum, & S. Ber-  
 nardum seriò monuit: „ Dico vobis pe-  
 " riculosè filetis, tam vobis quam Ecclesiæ  
 " Dei. „ Eumque errorem Bernardus E-  
 pist. ad Hugonem de Sancto Victore stre-  
 nuè ex Scripturis refellit: „ Verendum,  
 " [ait] ne si vel breviter non respondeatur  
 " stulto juxta stultitiam suam, putans forte  
 " sapientiam, securius spargat seminarium  
 " vecordio in auribus insipientium . . . .  
 " Si inquam ignorantia nunquam peccatur,  
 " quid ergo causamur adversus occisores  
 " Apostolorum, quoniam quidem non so-  
 " lum malum esse nescierunt interficere il-  
 " los, sed insuper quoque id faciendo  
 " arbitrati sunt obsequium se præstare  
 " Deo?

## XCIX.

"Demus ita ignorasse (Deum invincibili-  
 "ter Brasiliæ incolas) id quoque magna be-  
 "neficii & gratiæ pars fuit. pag. 152. lin.  
 32.

## C.

"Ergo cum hac ignorantia impeccabiles  
 "redderentur, alioquin certissime peccaturi,  
 "si agnoscerent, sequitur hoc ipsum benefi-  
 "cium esse: ibidem lin. 36.

## CI.

"Ergo sive Barbari agnoscant (Deum)  
 "sicque invocare illum, & salutem conse-  
 "qui possint: sive penitus ignorent, & ideo  
 "nec possint peccare, semper verum erit, ne  
 "illis quidem misericordiam deesse. pag.  
 153. lin. 2.

## RESPONSIO.

Quæsiuisse videtur Auctor singulares, pin-  
 gues, & inauditos errores: quid enim po-  
 test cogitari enormius, quam Dei ignoran-  
 tiam, hominibus esse magnam beneficii, &  
 gratiæ divinæ partem, quæ eos impeccabiles  
 reddat. Imo si sua principia rectè sequitur,  
 agnoscat necesse est, hanc ignorantiam in  
 iis, qui cum ea creverunt & mortui sunt,  
 tam pretiosum esse beneficium, ut ipsi regno

cœlesti anteponendum sit. Nam huic beneficio convenit quoque, quod de parvulorum sine baptismo morientium beneficio tradit pag. 120. Nempe hujusmodi ignorantia  
 "innocentiæ suæ personalis securos reddidit, &  
 "quamplurimis peccatis cum venialibus,  
 "tum mortalibus, ac præsentissimis infinitisq.  
 "peccandi periculis subduxit, quibus proce-  
 "dentibus annis certissimè implicandi erant,  
 "addicendique perpetuis gehennæ incen-  
 "diis . . . . . Hoc verò innocentiae per-  
 "sonalis donum, & immunitatis a peccato,  
 "tantum est, ut ipsi millies cœlo carere  
 "malint, quam vel uno peccato involvi,  
 "nullusque Christianorum est, cujus non  
 "idem votum esse debeat. Quid ergo con-  
 "queri de Deo possunt, aut quid ipsis mali  
 "fecit, si non quidem cœlo, sed alio bene-  
 "ficio donavit, quod multò præstantius cœ-  
 "lo est, quodque & ipsi & omnes sapientes,  
 "si potestas eligendi daretur, longè cœlo  
 "præferrent? quod si Deus id egit, quod  
 "& ipsi & nemo alius non optaret, ergo  
 "nulla dolendi, nulla conquerendi, sed  
 "magna laudandi gratesque agendi causa  
 "est." Sic quidem ratiocinari oportet Au-  
 "torem, si sui systematis amussim sequa-  
 "tur.

Sed aliter sensus communis, & sana do-

ctrina sentit: atque in tribus præfatis propositionibus tres enormes errores arguit. 1. Quod ignorantia illa Dei, beneficium Dei sit. 2. Quod sit magna pars gratiæ divinæ. 3. Quod hominem impeccabilem reddat.

Siquidem Ecclesia universa cum Augustino lib. 22. de civitate Dei cap. 22. ignorantiam illam agnoscit gravissimam esse peccati originalis pœnam, qua nimirum ignorat homo a quo creatus sit, ad quem finem destinatus, quâ viâ ad summum bonum eundum, & fugiendum ab infinita miseria infelicitis æternitatis.

Quomodo ignorantia Dei magna pars esse potest divinæ gratiæ, cum hæc ex natura sua cognitionem Dei amoremque inspiret, cumque dici nequeat, quod alias dicendum foret, Christum esse mortuum, ut suo sanguine promeretur hominibus ignorantiam Dei?

Quomodo fieri potest, ut Dei ignorantia reddat hominem impeccabilem, quæ juxta Scripturas gravissimum peccatum est, etsi ab Authore *Nodi Dissoluti* vocetur (sed absque fundamento) invincibilis, qualis juxta ejus principia propositionum 98. & 99. semper erit dum non est contra conscientiam.

Mira profecto principia, juxta quæ sola  
cx-



externa gratia v. g. prædicatio Evangelii, & existentie divinæ beneficium Dei dici non potest, quod ad literam occidentem pertineat, sed ignorantia Dei magna beneficii, & gratiæ divinæ pars est, quæ hominem etiam impeccabilem reddat. Mira quidem & multum a Fide Christiana aliena, sed valde conformia propositioni 99. *Omne peccatum est contra conscientiam.*

## CII.

”Cum enim peccatum sit essentialiter off-  
 ”fensio, & injuria Dei; sublatâ Dei cog-  
 ”nitione, necessario sequitur, nec injuri-  
 ”am, nec peccatum, nec æternam poenam  
 ”esse. pag. 152. lin. 33.

## RESPONSIO.

¶ Hoc deerat damnato ab Alexandro VIII. peccato philosophico, ut ei talis Autor coronidem imponeret, asserendo ipsum philosophisimum, vel pejus aliquid. Docet enim peccatum esse essentialiter offensionem, & injuriam Dei: docet insuper omne peccatum esse contra conscientiam, ac proinde non posse esse offensionem; & injuriam Dei in eo, qui nullam habet Dei conscientiam: nec interest sive vincibiliter sive invincibiliter id contingat. Ergo *sublatâ Dei cognitione* (inquit) *necessario sequitur, nec*

*injuriā, nec peccatum, nec aternā pœnam esse.*

Atque his principiis tria Philosophismo pejora continentur. 1. Quod in rationis compote, qui Dei conscientiam non habet, nec adulterium, nec homicidium, nec ulla legis naturalis, aut divinæ, aut humanæ transgressio sit ullum peccatum, cum Philosophistæ interim admitterent esse peccatum Philosophicum, contra rationem,

2. Cum talem transgressionem dicat nullum esse peccatum, fateri consequenter debet nullā esse pœnā dignum, cum philosophistæ interim temporali pœnā eam mulctarent.

3. Est quod ignorantia Dei magna sit beneficii, & gratiæ divinæ pars, quod nullus umquam Philosophista ausus fuit asserere.

Itaque *Nodo Dissoluto*, si cum philosophismo, & probabilismo aliisque erroribus conferatur, dicere liceat. *Iustificasti errores tuos. Ezech. 16. v. 51.*

## CAPUT II.

*Quam infelicitè citentur Autho-  
res, in NODO PRÆDESTI-  
NATIONIS DISSOLUTO.*

**A**D judicandum de libri hujus pretio sufficere possent innumeræ citationes, quibus parum accuratè, & valde infelicitè passim citantur Authores, ac præsertim Augustinus: quamquam nec sacris Scripturis parcitur uti ex multis pauca specimina manifestum facient.

I. Pag. 2. citatur Osee 13. v. 9. *Perditio tua ex te Israël, ex me tantum auxilium tuum.* Habet autem Scriptura, *perditio tua Israël, tantummodo in me auxilium tuum.*

II. Pag. 9. habet „Apos. 1. ad Timot. 2. „ita loquitur: „*Obsecro primum omnium fieri obsecrationes pro omnibus, ut in omni pietate & honestate vitam geramus &c.* Habet autem locus ille: *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus, pro Regibus, & omnibus, qui in sublimitate sunt, ut quietam & tranquillam vitam agamus in omni pietate & castitate &c.*

III. Pag. 15. citatur 2. ad Corint. 5. Si

*unus pro omnibus mortuus est Christus, ut qui vivunt non sibi vivant, sed illi qui pro omnibus mortuus est: Habet autem locus; Si unus pro omnibus mortuus est, ergo omnes mortui sunt; Et pro omnibus mortuus est Christus, ut Et qui vivunt, jam non sibi vivant, sed ei, qui pro ipsis mortuus est Et resurrexit.*

IV. Pag. 125. ut Apostolum trahat in suam sententiam de gratia sufficiente in omnes abundè profusâ; citat 1. ad Timot. 6. *Sperate in Deo vivo qui præstat nobis omnia abundè ad fruendum.* Cum locus habeat: *Divitibus hujus sæculi præcipe non sublimè sapere, neque sperare in incerto divitiarum, sed in Deo vivo, qui præstat nobis omnia abundè ad fruendum.*

V. Pag. 130. ut facilius probet Christum Matth. 11. v. 2. loqui non de sola gratia externa, sed & interna, citat: *Væ tibi Bethsaida, væ tibi Corozaim, quia si in Tyro & Sidone facta fuissent, quæ facta sunt in vobis &c.* Habet autem locus: *Si in Tyro & Sidone factæ essent virtutes (hoc est signa & miracula) quæ factæ sunt in vobis, &c.*

VI. Crassiora sunt quæ passim in citatis Augustini locis occurrunt. Nam pleraque aut talia citat, quæ in Augustino non exstant, aut alio sensu, aut verbis quam habet Augustinus; aut ex opusculis quæ non sunt Augustini, sed ipsorum Semipelagianorum, ut rursus ostendunt specimina sequentia.

VII.



VII. Pag. 32. citat ex Augustino in Pf. 101. hæc verba : "Sanabit te Christus, sed  
 "opus est ut sanari velis. Sanat omnino  
 "ille quidem, sed non sanat invitum, quid  
 "enim in te beatius, quam ut tamquam in  
 "manu tuâ vitam, sic in voluntate tuâ ha-  
 "beas sanitatem." Verùm nec illo loco,  
 nec his verbis, nec quo sensu applicat, id  
 habet Augustinus, sed in Pf. 102. n. 6. edit :  
 Benedictinorum sic habet : "Sanabit te,  
 "opus est ut sanari velis. Sauat omnino  
 "ille quemlibet languidum, sed non sanat  
 "invitum. Quid autem te beatius, quam  
 "ut tamquam in manu tua, sic habeas in  
 "voluntate sanitatem tuam?" Sed non  
 aliud ibid significat Augustinus, quam quod  
 mox subjungit : "Hanc salutem si volueris,  
 "obtinebis; honores & divitias cum requi-  
 "sieris, non continuò, si volueris, habebis.  
 Quæ procul distant ab intento authoris,  
 quo probare nititur, quod Deus efficaciter  
 velit omnium salutem, & quod omnes ha-  
 beant gratiam molinisticè sufficientem ad  
 conversionem.

VIII. Pag. 58. citat locum ex Aug. de spi-  
 ritu & litera c. 13. quem eundem locum  
 pag. 30. citaverat ex Aug. de spiritu &  
 litt. c. 3. & tamen nec uno, nec altero  
 loco citato habetur, sed c. 33. habetur ali-  
 ter quam citatur.

IX. Pag. 61. citat ex Aug. de Spiritu & lit. c. 34. "Cui ista non sufficiunt, quærat  
 "alium me doctiorem, sed caveat ne in-  
 "veniat præsumptiosorem: " Habet autem  
 Augustinus: " Cui responsio ista displicet,  
 "quærat doctiores, sed caveat ne inveniat  
 "præsumptores.

X. Pag. 92. citat Augustinum in libro, inquit, 84. quæstionum, cum omnibus, qui Augustini opera eminus viderunt, notum sit, hunc librum vocari & esse 83. quæstionem.

XI. Pag. 64. citat quædam ex Sermone 22. Augustini de verbis Apost. quæ non ibi, sed Sermone 20. editionis antiquæ aliter habentur quam citantur. Est autem hic Sermo in edit. Patrum Benedictinorum 27. Similiter quæ pagina 78. citat ex Augustino lib. de gratia & lib. arbitrio cap. 6. planè ibid. aliter habentur quam citentur. Quamvis autem hac levia sint, si comparentur subsequenter, clarè tamen demonstrant authorem aut nequaquam, aut saltem non suis oculis legisse Augustinum.

XII. Pag. 72. citat ex Aug. lib. 1. ad Simplicianum Quæst. 2. sequentia: " Ut scilicet non se quis arbitretur percepisse gratiam, quia benè operatus est, sed benè operari non posse, nisi per gratiam, nec enim ut ferveat calefacit ignis &c." Habet

bet autem ibid Augustinus : " Ut scilicet  
 " non se quisque arbitretur idèd percepisse  
 " gratiam quia benè operatus est , sed benè  
 " operari non posse nisi per fidem perceperit  
 " gratiam ; incipit autem homo percipere  
 " gratiam ex quo incipit Deo credere &c. "  
 Hæc tam corruptio quam mutilatio Augu-  
 stini gravissima est , ubi tam clarè refellit  
 authorem largientem omnibus infidelibus  
 copiosissimè gratias Molinisticè sufficientes  
 ad benè operandum.

XIII. Pag. 111. citat ex Aug. libro 1. de  
 Civit Dei cap. 28. " Optandum tibi potius  
 " est , ut salvandorum amplior sit numerus ,  
 " quam ut inter paucos emineas. „ Sed nihil  
 simile ibidem habet Augustinus , sed se-  
 quentia : " Quarum vero corda interrogata  
 " respondent , numquam se de bono virgini-  
 " tatis vel viduitatis , vel conjugalis pud-  
 " citiæ superbisse . . . optasse potius ut earum  
 " amplior numerus esset , quam ut ipsæ in  
 " paucitate amplius emerent.

XIV. Pag. 128. citat ex Aug. lib. de  
 de perfectione justitiæ : " Anima ergo , quæ  
 " illa gravia sentit , oret gemitu voluntatis ,  
 " ut impetret donum facilitatis : " Habet au-  
 tem ibid. Augustinus cap. 10. : " Nec aliam  
 " ob causam Scriptura commemorat non  
 " esse gravia divina præcepta , nisi ut anima ,  
 " quæ illa gravia sentit , intelligat se non-  
 dum

"dum accepisse vires quibus talia sint præ-  
 "cepta Domini, qualia commendantur, le-  
 "via scilicet atque suavia, & oret gemitu  
 "voluntatis, ut impetret donum facilitatis.  
 En rursus manifestam & gravem Augustini  
 corruptionem, ut eo contradiente defendatur  
 gratia Molinisticè sufficiens, quam in  
 omnes author profundit.

XV. Tamquam basim doctrinæ suæ,  
 qua in perditissimos quosque gratias Moli-  
 nisticè sufficientes profundit, citat pag. 104.  
 ex Aug. libro 1. (ait) de Sermonibus Do-  
 mini (vult dicere de Sermone Domini in  
 monte) cap. 15. „Nulla est anima, quam-  
 „vis perversa, in cujus conscientia non lo-  
 „quatur Deus.„ Hunc locum pro sua sen-  
 tentia putavit tam convincentem, ut sæ-  
 pissimè eum repetat: nam pag. 153. rursus  
 eundem citat, non ex libro 1. ut ante, sed  
 ex libro 2. de Sermonibus Domini cap. 15. & denuò  
 illum citat pag. 162. & 176. At neutro loco  
 quem citat habetur, sed libro 2. de Sermo-  
 ne Domini in monte cap. 9. n. 32. hæc ha-  
 bentur: „Quando illi valent intelligere  
 „nullam esse animam, quamvis perversam,  
 „quæ tamen ullo modo ratiocinari potest, in  
 „cujus conscientia non loquatur Deus? Quis  
 „enim scripsit in cordibus hominum natu-  
 „ralem legem, nisi Deus?“ Ita manifestum  
 est, tum ex loco, tum ex verbis, & sensu,  
 qui



quibus citat, sententiam Augustini, nunquam eam in Augustino legisse. Ecce gratiam Eminentissimi Domini Sfondrati, legem naturalem: nempe planè conformiter ad alia sua principia, quibus gratiam docet nihil aliud esse præter cognitionem congruam, & Tiberium, Neronem, Pharaonem, Judam, docet habuisse gratias sufficientes, hoc ipso quo monitionem aliquam habuerunt aut conscientiae remorsum, quo in desperationem acti sunt.

XVI. Quis satis mirari poterit quod pag. 37. dicat: "Cum Pelagiani objicerent Augustino docere illum, non esse Dei voluntatem ut omnes salventur, S. Doctor ex instituto & professio hanc calumniam refutans hæc scribit art. 2. ad articulos sibi oppositos: "*Cum veritas dicat* &c. & infra. "Hic apertissimè ostendit Augustinus ex iis quos Deus vult salvos esse, multos perire, sicque illam Pauli sententiam de voluntate omnes salvandi, non solos prædestinatos, verum etiam reprobos complecti, nullumque a Deo excipi: si enim aliqui exciperentur, ii reprobii essent. Cur ergo alibi Augustinus docet de solis prædestinatis dictum esse? Quia id ex instituto non agebat Augustinus, ut hic agit, quando calumnias sibi ab adversariis impositas unicè & ex professio refellit. " Ecce quomodo.

modò urgeat quod in hoc Tractatu, quem rursus citat pag. 50. Augustinus ex instituto & professio tractet locum Apostoli: ecce quomodo Theologis omnibus regulam promulget, quod ex hoc Tractatu mens Augustini sit colligenda & ad hunc Tractatum cætera omnia ejus scripta sint explicanda. Verum, cum venia, fallitur Cardinalis Sfondratus: nam Tractatus ille quem citat, non est Augustini, sed, sicut nemo dubitat, sicut novit quivis tyro Theologus, sicut titulus præfert, est Prosperi Aquitanici ad capitula objectionum Vincentianarum.

XVII. Insuper citat locum illum Prosperi planè aliter quam habet: „ Quomodo  
 ” fieri potest ut Deus nolit aliquos salvari,  
 ” qui etiam salvari volunt, nisi aliquæ cau-  
 ” sæ existant &c. ” Habet autem Prosper  
 ibid. ad objectionem secundam: ” Quî fie-  
 ” ri potest, ut Deus, qui etiam illos salvat  
 ” de quibus dici non potest, quod salvari  
 ” velint, nisi aliquæ causæ existant &c.

XVIII. Citat quoque iteratò pag. 35.  
 & 73. Augustinum libro Hypognosticon:  
 sed, ut supra dictum est, jam ab 800. cir-  
 citer annis Remigius Archiepiscopus Lug-  
 dunensis demonstravit authorem illius Tra-  
 ctatus non esse Augustinum: ” Addens quod  
 ” manifestissimè prædicti Doctoris sentibus  
 ” imo

"imo Catholicæ sinceritati probatur adver-  
"sus." Et tamen cum hujusmodi doctrina  
suam probat convenire Cardinalis Sfondratus.

XIX. Pag. 136. & 137. Fusè citat  
Augustinum de prædestinatione, & gratia,  
sed rursus infelicitè: nam Tractatus ille non  
est Augustini, sed suspecti Authoris, ut de-  
clatant Patres Benedictini in admonitione  
ante hunc Tractatum in appendice Tomi  
10. ubi adjungunt: "Præterire non licet, quod  
"observatu dignum Bellarminus, Possevinus,  
"aliique existimarunt, nimirum in eo libro  
"quædam reperiri doctrinæ Augusti contra-  
"ria: quæ Cassiani sensus redolere videantur.  
"Nam ubi Author explicare studet, quid ad  
"bona opera gratia Dei conducatur, quid verò  
"pro sua parte conferat liberum hominis  
"arbitrium in cap. 9. Sic totum inter Deum  
"& hominem partitur, ut Deo primum tri-  
"buat vocare & illuminare (scilicet per cog-  
"nitionem congruam) homini deinde libe-  
"roque ipsius arbitrio, eligere vias mandato-  
"rum Dei, tum Deo rursus in fine obe-  
"dientiam coronare." Ergo *Nodus Dissol-*  
*utus* tam meritò contendit se convenire  
cum hoc Authore, quam immeritò cupit  
convenire cum Augustino.

XX. Pag. 41: Laudat pro se locum lib.  
2. de vocatione omnium gentium cap. 35.  
*Cum ad hoc operentur ut electi sint*, cum ta-  
men

men scire debuisset locum istum jam ante viginti annos restitutum esse suæ integritati in editione postrema operum S. Leonis, quibus libellus ille aureus insertus est. Nam unius voculæ transpositione sententia illa ex Moliniana facta est Augustiniana hoc modo : *Cum ad hoc, ut operentur, electi sint.* Hæc emendatio unius Thuanæi codicis autoritate tunc vindicata est : duo vaticani codices illi postmodum accessere indicati tomo 1. Traditionis Ecclesiæ Romanæ de gratia & prædestinat. pag. 334. & 1637. Duos insuper alios vaticanos codices adjecit Josephus Anthelmus qui anno 1689. dissertationes criticas emisit in lucem Parisiis de veris operibus SS. Patrum Leonis & Prosperi. pag. 144.

XXI. Scatet libellus etiam in citationibus aliorum Authorum erroribus hujusmodi, sed pauca specimina sufficiunt ad judicandum de reliquis.

XXII. Interea videat quilibet æquus rerum æstimator, an hoc sit sequi, & docere sententiam Augustini, cujus *Doctrinam* ut ait Innocentius XII. ad Facultatem Lovanensem, *secundum Prædecessorum statuta Romana sequitur ac servat Ecclesia.* Videat an sic tractari debeat præcipua Fidei Christianæ Mysteria de gratia & prædestinatione : an hujusmodi Tractatus nati sint Calvinistas alios-



liosque hæreticos excitare ad conversionem,  
ad æstimationem, venerationemque Romanæ  
Ecclesiæ, vel potius ad ejusdem vilipendium  
& irrisiõnem.

## CAPUT. III.

Exhibentur variæ contradicções  
NODI PREDESTINATIONIS  
DISSOLUTI.

**N**odus ille multo me in respondendo labore levat, dum ubique sibi contradicit ac ita seipsum refellit, prout ostendunt specimina sequentia.

I. Pag. 241. Parti 2. præfigit hunc titulum:  
*Nodus prædestinationis triplici icu solutus*, &  
in eadem parte pag. 246. mox subjungit:  
"Ut olim literas Augustus, ita nunc Deus  
"grande prædestinationis chirographum  
"sphyngæ notavit, voluitque ænigma esse  
"mortalibus insolubile . . . . . Quoties  
"ergo prædestinationem audis, toties cogi-  
"ta ænigma esse hominibus inaccessum, so-  
"lique Deo notum, ac ideò nec humano  
"ingenio tentandum." Quæ porro magis  
contraria esse possunt, quam *Nodus Præ-*  
*destinationis solutus*, & *prædestinationis ænigma*  
*mortalibus insolubile, inaccessum, solique Deo*  
*notum?* II.

„ natura gratiæ , scire aliquid melius velle  
 „ quam sciverit Augustinus , aut velle quæ-  
 „ rere quod tanto studio , tanto ingenio ,  
 „ tantâque oratione nunquam Augustinus  
 „ invenit ?

Et tamen pag. 164. ait : „ Quamvis enim  
 „ nemo melius de gratia , & contra Pela-  
 „ gium Augustino scripserit , non scripsit ta-  
 „ men omnia , quippe haud necessaria Cal-  
 „ vino necdum exorto , & hominis arbi-  
 „ trium , Deique bonitatem impugnante ,  
 „ aliis nunc armis opus est , alio hoste , bello-  
 „ que instantibus : „ Manifestè significans se  
 alia argumenta de gratia , aliaque arma con-  
 tra Calvinistas tradere , quæ tanto studio ,  
 tanto ingenio , tantâque oratione nunquam  
 Augustinus invenit : v. g. quod Deus ab-  
 solutè & efficaciter velit omnium salutem ,  
 etiam reproborum ; quod etiam reprobi sint  
 prædestinati ; quod reprobi aliquando ha-  
 buerint jus ad regnum cæleste , quod gratia  
 Christi non aliud sit quam cognitio congrua ;  
 quod gratia detur omnibus etiam obduratis ,  
 & infidelibus , & quibuscumque perditissi-  
 mis.

I V. Pag. 2. ait : „ Quatuor ergo in hoc ar-  
 „ gumento demonstranda suscipiam. Pri-  
 „ mò , Deum seriò , impentissimè ac quan-  
 „ tum in se est , efficaciter omnium homi-  
 „ num salutem velle. Et pag. 32. „ Hic  
 docet

„docet Aug. primò , velle Deum omnes  
 „etiam reprobos salvos fieri.„ Et pag. 9.  
 „Cum ergo Apostolus de omnibus loqua-  
 „tur, nullumque excludat, cur tu excipias  
 „quos ille non excipit: excludas, quos ille  
 „non excludit? . . . . . Cum Deus sit om-  
 „nium Dominus, omnium Mediator, non  
 „potest non, omnibus, quantum in se est vi-  
 „tam & felicitatem velle, alioquin partibus  
 „suis deesset . . . . ergo qui omnium Deus  
 „& Mediator est, aut oportet officio suo  
 „desit, aut omnium salutem & vitam effica-  
 „citer velit. Altera Apostoli ratio est, quia  
 „Christus est omnium Redemptor.„ Addit  
 pag. 25. aliam rationem, quia omnes ho-  
 mines sunt Dei imagines, quodque ursi, leo-  
 nes, tigrides, dracones & basilisci in amando  
 proles Deum superarent, nisi vellet absolute  
 & efficaciter omnes homines salvos fieri.

Verùm his manifestè contradicit pag. 48.  
 his verbis: „Nunquam parvulis ante bap-  
 „tismum sublati Deus æternam vitam vo-  
 „luit, & tamen & horum idem & Deus,  
 „& Dominus, & Mediator, & Redemptor  
 „est, & hi imagines Dei sunt.„ Sic nunc  
 argumentis prædictis seipsum refellit: „Cur  
 „tu excipias quos ille non excipit &c.„  
 Ergo juxta Sfondratum Deus officio suo deest;  
 & a draconibus, & basiliscis in amando pro-  
 les superatur. Sic semper verissimum ma-  
 net,

net, quod contra hujusmodi doctrinas dixit  
 Aug. Epif. 194. ad Sixtum n. 31. „ Verum  
 „ isti qui personarum acceptorem Deum fieri  
 „ existimant, si in una eademque causa super  
 „ alios veniat misericordia ejus, super alios  
 „ verò maneat ira ejus, nempe totas vires  
 „ argumentationis humanæ in parvulis per-  
 „ dunt.

Quintò pag. 11. „ Neque dicat (ait) Deum  
 „ voluntate antecedente motuque proprio  
 „ tam multos regno excludere, ut justitiam  
 „ suam ostendat; nam ad hoc quoque respon-  
 „ det Ecclesiasticus : *Non sunt Deo necessarii*  
 „ *homines impii*, non sunt necessarii Justi-  
 „ tiæ, non sunt necessarii potentiæ; perin-  
 „ de ac si Deo non millia alia justitiæ suæ  
 „ declarandæ argumenta supersint, citra tot  
 „ animarum strages, ac æterna supplicia :  
 „ penire enim necesse est, si nolit salvare.

Verum pag. 102. hæc prioribus contraria  
 tradit : opponentibus enim Judæis & cau-  
 sam flagitantibus cur Deus gentiles in suum  
 populum elegisset, respondet nullum quæ-  
 stioni, nullum querelæ locum esse : „ Tam  
 „ enim Judæos, quam gentiles peccatores ...  
 „ Et utrumque populum sine omnibus ope-  
 „ ribus bonis, & cum multis operibus malis  
 „ fuisse &c. Id enim (inquit) tam injustum  
 „ non esse, quam injustum non est,  
 „ si cum duo tibi centum talenta debeant,  
 „ alteri debitum remittas, ab alio exigas :

N

„ Nam



"Nam quod exigas iustitia est, quod re-  
 "mittas gratia, quam rationem perpetuò  
 "urget Augustinus.

Sextò, pag. 9, "Paulus dicit *omnes* (sci-  
 "licet vult salvos fieri) tu dicis *paucos*, cui  
 "magis credam? Apostolo, an tibi? „ In-  
 "fra verò pag. 261. " Si ergo a me quæras  
 "cur Deus hanc imaginem nigram aliam  
 "candidam pinxit? hunc felicem, illum in-  
 "felicem, hunc vas in honorem, illum vas  
 "in contumeliam? Judam desperantem,  
 "Petrum pœnitentem? paucos salvare, mul-  
 "tos damnari voluit, imo non voluit, sed  
 "tantum permisit? quid aliud, inquam,  
 "respondebo, quam nox est, faces extinctæ  
 "sunt, non video, &c.

Et pag. 48. " Nunquam parvulis ante  
 "baptismum sublati Deus æternam vitam  
 "voluit.

Septimò pag. 187. pro titulo ponit : *Dei  
 gratiam etiam obstinatissimis peccatoribus non de-  
 esse longâ serie multisque exemplis ostenditur.*

Mox pag. 189. Ad id probandum exem-  
 pla idololatriæ adducit, quibus idem clarè  
 refellit : Superstitiosam insaniam, *inquit*,  
 "adjuvabant, & dæmonum artes per simu-  
 "lacrâ loquentium, ac futura vaticinantium,  
 "& magorum ludibria (nam ista cum idolo-  
 "latria capere) & Sacerdotum avaritia, qui  
 "quæstum & auctoritatem ex Religione cap-

"tabant, & Principum exempla, imò iussa  
 "populos Deorum metu coercerentium, &  
 "denique ac præsertim corruptissimi homi-  
 "num mores, qui cum nihil amplius quam  
 "corporea & mortalia cogitarent, amarent-  
 "que, nullos quoque alios Deos agnoscere  
 "poterant quam corporeos, & cupiditati-  
 "bus ac sceleribus suis simillimos. Quid  
 "enim avaro, & impudico gratius esset,  
 "quam Deos habere non tantum non vin-  
 "dices, verum etiam impudiciæ, & ava-  
 "ritiæ suæ authores, fautoresque? quan-  
 "tumque non solatii tantum, verum etiam  
 "gloriæ, in adulteriis Jovem imitari? . . .  
 "Furor ergo erat, quam religionem voca-  
 "bant, & furor tam publicus, latèque spar-  
 "sus, ut ultra bis mille annos, hoc est, a di-  
 "luvio, usque ad Christi nativitatem to-  
 "tum fere Orbem pervaserit. " Illinè gra-  
 "tias copiosissimè sufficientes habebant, qui  
 "nullos Deos agnoscere poterant, quam sce-  
 "leribus suis faventes? qui sua scelera Diis  
 "pro cultu & religione offerebant?

Alia insuper in prædictis manifesta con-  
 tradictio est: Nam clarum est ejusmodi i-  
 dololatrias non contra conscientiam, sed se-  
 cundum conscientiam egisse, qui impudi-  
 citiæ, aliorumque scelerum suorum puta-  
 bant se habere authores, fautoresque Deos:  
 quibus multum non solum solatii, sed &

glorię erat , adulteriis imitari Jovem , qui furorem suum religionem vocabant : & tamen pag. 161. tradit Cardinalis Sfondratus :  
 " Sicut ergo nullum peccatum est non contra rationem ; ita nullum non contra conscientiam , quę nihil aliud est quam ratio  
 " practica dictans in particulari , quid non liceat , liceatque .

Adeoque ethnici illi , juxta hoc principium , cum non peccaverint contra conscientiam , nullo modo peccarunt .

Quibus rursus contradicit pag. 184. his verbis . " Aut ergo ex mente Augustini nemi-  
 " ni hęc gratia deest , aut si alicui deest , erit aliquis sanę mentis , qui furando , occidendo , adulterando , blasphemandoque  
 " nihil peccabit , quod absurdissimum est : „ quod tamen manifestę sequitur ex ejus principio , nullum videlicet esse peccatum , quod non sit contra conscientiam .

Plures alia contradictiones hujusmodi exhiberi possent , nisi specimina ista sufficerent .

## CAPUT. IV.

Exhibentur variæ censuræ , qui-  
bus NODUS DISSOLUTUS

Augustinum , & adver-  
sam sibi doctrinam

immeritò per-  
stringit.

**A**pprobatio libelli per D. Joannem Ma-  
riam Gabriellium , Ordinis Cisterci-  
ensis S. Bernardi Monachum de Authore testa-  
tur , *quod sit nulli adstrictus parti.* Verùm  
Author ipse cui parti fuerit adstrictus, satis  
fatetur pag, 129. ubi declarat se illam gra-  
tiam amplecti, *quam* , inquit, *tota Societas*  
*Jesu amplectitur.*

Approbatio per P. Joannem Damasce-  
num Ordinis Minorum Conventualium, de  
Authore ait : „ Nequeo tamen præterire  
„ modestiam , qua taliter in scribendo uti-  
„ tur , ut dum suam nititur probare senten-  
„ tiam , alienam nullatenus fugillet, aut  
„ carpat. (Et inferiùs) Totum Augustinum  
„ longis , iteratisque vigiliis, ut patet, ita  
„ hauserat , ut ipsius ore loqui videretur  
„ Augustinus. „ Hęc quam fundata sint ,  
liquet ex cap. 2. & ex sequentibus, ubi Author



*Nodi dissoluti* partem Societatis Jesu, quam se declarat amplecti, non solum in doctrinis, verum etiam in censuris sequitur, contra Innocentii XI. & XII. frequentes, & justissimas prohibitiones.

Pag. 57. Palam edicit : „ Sanè quam  
 „ difficilis intellectu sit Augustinus, quanto-  
 „ que periculo ab iis legatur &c. . . . .  
 „ Taceo Calvinistarum ac Lutheranorum ex  
 „ Aug. ruinas.

Verum hujusmodi in Augustinum cen-  
 suras Molinistarum, ante 20. annos strenuè in  
 suis Vindiciis c. 1. refutavit Eminentissimus  
 Card. Noris, ubi ad similem Jesuitæ Adami  
 censuram ait : „ Quid arrogantius, quid  
 „ absurdius, quid indecentius contra Augu-  
 „ stinum dici possit non video. At quo  
 „ consilio illa eructarit, satis est manifestum,  
 „ nempe ut Augustini deferendi impositam  
 „ sibi necessitatem ostenderet.

Pag. 114. „ Audi Augustinum. Is enim  
 „ licet ardore disputandi contra Pelagianos  
 „ severius aliquando de parvulis senserit,  
 „ alibi tamen mitius pronuntiat.

Pag. 119. „ In hac quæstione (ait) evenit  
 „ Augustino, quod venatoribus solet, ut  
 „ videlicet odore & desiderio prædæ quam  
 „ insequuntur, nec capiunt, toties mutant  
 „ locum, quoties spem inveniendi.

Pag. 11. de iis qui negant Deum absolu-  
 tè

tè & efficaciter velle omnium salutem, ait:  
 "Planè qui aliter sentiunt, nescio an ex  
 "Deo vero Deum mimicum & scenicum  
 "faciant.

Pag. 28. De eadem sententia discipulo-  
 rum SS. Augustini & Thomæ ait: " Sacri-  
 "legum foret in operibus gratiæ tantò illis  
 "superioribus tantique momenti, de Deo  
 "hunc ludum & larvam suspicari.

Pag. 141. De sententia totius Scholæ Au-  
 gustinianæ & Thomisticæ, quæ constanter  
 docent non omnibus dari gratias Molinisticè  
 sufficientes, ait: " Quis ergo nisi planè de-  
 "sipiat, suspicari possit, in omnes creaturas  
 "tam copiosum, tam splendidum Deum,  
 "in solos homines tam parcum modicum-  
 "que fuisse, ut eis quæ ad animæ salutem  
 "necessaria sunt, aut subtrahat, aut tam  
 "inclementer, avarèque suppeditet . . . . .  
 "Planè id nihil aliud foret, quam nobilissi-  
 "mam Dei perfectionem, quæ amor est,  
 "penitus deformare, & inordinatissimam  
 "reddere . . . quæ si tam absurda sunt ut in  
 "nullum hominem cadant, quantò minus  
 "cadunt in Deum?

Pag. 25. Docet, quod Deus, nisi abso-  
 lutè & efficaciter velit omnes salvari, id  
 quod constanter negat Schola Augustiniana  
 & Thomistica, a draconibus & basiliscis in-  
 amando proles superabitur, & pag. 144.

hæc habet: " Sicque in illo amoris affectus  
 " quo nullus innocentior, nullus justior, vin-  
 " ci se ab hominibus, imo a brutis, & ser-  
 " pentibus feret? Planè tam hæc sunt Deo  
 " indigna, ut ne cogitari de illo quidem  
 " sine scelere possint.

Non potuit *Nodi dissoluti* Author adversas  
 sibi sententias Scholæ Augustinianæ & Tho-  
 misticæ sugillare acerbius; non potuit ad  
 turbendam pacem a sede Apostolica tam  
 expetitam, accendere flammam aptio-  
 rem.

## CAPUT. V.

Undenam Card. Sfondratus  
 suam Doctrinam hauserit.

**M**Ultùm miranti quî fieri possit, ut post  
 tot utrimque scripta in hac materia,  
 Card. Sfondratus tam procul recesserit a  
 doctrina S. Augustini quæ Romana est,  
 occurrit viros magnos aliquando deceptos  
 fuisse per scripta Fausti Episcopi Reiensis  
 & Semipelagianorum Principis. Deceptus  
 per ea fuit Tapperus sicut refert Estius.  
 Deceptus per eadem fuit P. Lessius, qui  
 Faustum illum in Theologia sua manu-  
 scripta, quæ exstat Lovanii, iteratò citat  
 pro doctrina sua de prædestinatione & gra-  
 tia, non alium sanè ob finem, quam,  
 prout

prout fieri solet, ut suam cum illius sen-  
 tentia probet convenire: per scripta Fausti  
 deceptus vel potius voluntariè in eorum  
 amorem admirationemque raptus est Sir-  
 mondus, quando Historiæ prædestinationæ  
 Capite 8. ait: „Admonet hoc loco stu-  
 „dium veritatis amorque iuocentia, ut  
 „Fausti Reienfis vicem doleamus? sancto-  
 „que & clari nominis Antistiti reverentiam  
 „quâ fas est, deprecemur. Quis enim  
 „agrè non ferat, Faustum illum, qui in  
 „admiratione omnibus ætate sua fuit & ho-  
 „nore, quem doctrine salutaris singularis-  
 „que virum Sidonius, Doctorem eximium,  
 „Pastorem egregium Ruricius appellabat  
 „&c. . . . Vexari passim a multis traduci-  
 „que tamquam hæreticum? . . . Maxentii  
 „porrò in Faustum objectiones fallaces ac  
 „minimè sinceras multorum iudicio habitas  
 „esse quis nescit? Nec causæ quicquam esse,  
 „cur illum de Fausto potius audiamus,  
 „quam Gennadium vel Possessorem, quo-  
 „rum alter opus egregium, alter Catholi-  
 „cos libros istos pronunciavit? Quin & hac  
 „ætate nostra non desunt, & proximo ante  
 „sæculo non defuerunt Viri doctissimi  
 „exactique iudicii, qui in illorum irent sen-  
 „tentiam.

An etiam ex illorum numero fuerit Card.  
 Sfondratus meum non est temerè iudicare:

N. s.

post-



postquam tamen perlegeram *Nodum Dissolutum*, legi etiam opera Fausti, & quosdam articulos collegi, quos visum est, cum doctrina *Nodi Dissoluti* exhibere, ut quantum hæc ab illis differat, & unde hausta sit, ii ad quos spectat, ferant iudicium, quod mihi non arrego.

Doctrina Fausti      Doctrina Nodi  
Rejensis      de      Prædestinatio-  
gratia, & libero      nis Dissoluti.  
arbitrio.

I.

I.

**D**Eus hominem non solum salvari optat, sed pro ejus purgatione multo labore desudat. Porro pro ratione Justitiæ per se effectum medentis cura non peragit, quia voluntatem ejus, qui est purgandus expectat.  
L. I. cap. 19.

**O**bserva efficacissimam, & enixissimam esse hanc de nulla ove perdenda boni Pastoris voluntatem. Si enim non efficaciter vellet, cur peregre proficiscitur? cur ubique terrarum querit? cur laborat? cur sudat? pag. 12. & pag. 81. Paratus est ergo Deus misereri & inserere modum velint.

## II.

## II.

Si autem eorum perditionem vero, ut manifestum est, mærore perdoluit, non voluntatem suam homini, sed consensum hominis voluntati suæ defuisse monstravit. ibidem

Quis non dicat donare serio, & efficaciter velle, qui tota die, imò qui triginta tres annos nihil aliud egit, quam ut manum ad dandum paratam, & porrectam haberet, rogaretque ut vellent accipere? si ergo non acceperunt, nulla culpa fuit volentis dare, sed nolentis datum accipere pag. 81.

## III.

## III.

Si Legatus aliquis vel Sacerdos intercessurus pro civitate captiva, largius pretium deferat, & universum captivitatis populum de manu ejus recipiat, qui belli jura retinebat, & omnis omnino relaxetur lex, ac necessitas servitutis, & inter hæc si forte illic aliquos de

Statuit Rex aliquis adolescentem sanguine sibi junctum, sed ærumnis confectum, & in exilio procul degentem in filium Regnique hæredem adoptare. Missis ergo Legatis ad palatium vocat, utque iter facilius nulloque labore absolvat, jubet servos comites, e-

cap.

N 6

quos

captivis, vel oblectatio consuetudinis, vel malè blandus prædofollicitet, & gratuitum beneficium unusquisque voluntatis suæ servus recuset, nunquid minoravit gratiam pretii contemptus ingrati? nunquid aliquam benèvolentia Redemptoris intulit diminutionem, qui respuit libertatem? ibid. l. c. 16.

quos, currus, aut si malit aqua vectari, navim instructissimam adornari, ac multam pecuniam offerri, darique electionem, curru, equo, an navigio iter aggregandi malit & ad thronum capeffendum venire. At ignavus adolefcens, & otio diffuens, molestiam itineris causatus, domi hærec ac oblatam purpuram recusare . . . . . Quis non meritò irrideret, ac non injustas tantum, sed insanissimas querelas crederet? at id ipsum faciunt, & dicunt peccatores &c. pag. 67.

## IV.

Ad conferendum remedium promptissima est bonitas medici, sed intemperantia contradicit infirmi. ibid. lib. 2. cap.

S.

## IV.

Vides in arbitrio operantium esse, ut eligantur, Deo quidem gratiam ad opus offerente, sed homine oblatam acceptante, eo ferè modo

modo quo in arbitrio ægrotantis est, ut sanctur & vivat. pag. 41.

## V.

Vivo ego dicit Dominus, nolo mortem impii, sed ut revertatur impius a via sua & vivat. Reditum se in potestate habere cognoscat, qui a Domino provocatur ut redeat: Vivo ego dicit Dominus: ne de indulgentia reus dubitet, Judex clementiam suam, etiam quadam Sacramenti interpositione confirmat. lib. 2. cap. 19.

## V.

Ita in Deo res se habet; si enim ejus salvandi omnes voluntatem consideres, tam illa impensa, & eximia est, ut jurejurando protestetur se nolle mortem peccatoris, sed ut convertatur & vivat. pag. 6.

## VI.

*Quoties volui congregare filios tuos sicut gallina congregat pullos suos sub alas suas, & noluisti.* Duas res hinc agit sermo divinus: nam dum dicit, quoties

VO.

## VI.

Nullum ergo ut a miseria, sic a misericordia excludit. Cujus ergo non misereatur Deus, si misereatur etiam Judæ; hoc est omnium perfidissimæ, durissimique? &

N. 7

de



volui, & noluisti, in denique Christus ipse,  
Deo propositi bonitas, *Quoties volui congregare*  
in homine arbitrii est *filios tuos, sicut gal-*  
expressa libertas. Di- *lina congregat pullos*  
cendo autem, Jerusa- *suos sub alas, & no-*  
lem quæ occidis Pro- *luistis.* Matth. 23.  
phetas, & lapidas eos Quibus verbis non  
qui ad te missi sunt, quemcumque amo-  
salvare se eos voluisse rem, & providenti-  
pronuntiat, cum evi- am Dei erga Judæos,  
denter proferat cau- sed maximam & præ-  
sas, per quas salutem cipuam ostendit. pag.  
eis negare debuerit. 81.  
ibid.

## VII.

## VII.

Prosper in Ep. ad Rationes modò  
Aug. n. 4. de Fau- audiamus, quibus  
sto & sociis ait: De- hæc ipsa & effica-  
finiunt quod . . . . . cissima omnes homi-  
„ Bonitas in eo appa- nes salvandi voluntas  
„ reat, si neminem re- magis, magisque de-  
„ pellat a vitâ, sed in- monstrabitur. Nam  
„ differenter universos primò Deus ex sua  
„ velit salvos fieri, & natura est infinita bo-  
„ in agnitionem verita- nitas, infinitus amor;  
„ tis venire . . . . . nec ergo quantum ex se  
„ vacillare illud, quod est omnibus bene  
„ Deus omnes homi- vult, omnesque a-  
„ nes velit salvos fieri, mat, & consequen-  
„ . . . . . ter nullum perire  
„ . . . . . & vult. pag. 22. & pag.  
„ . . . . . 9. Re: igitur sic ex-  
„ . . . . . pli-

& in agnitionem veritatis venire. &c.

plicatâ a Sacris Literis ducamus initium.

1. Igitur Beatus Ap.

1. ad Tim. 2. ita lo-

quitur : *Obsecro &c.*

*omnes homines vult sal-*

*vos fieri & ad agnitio-*

*tionem veritatis venire:*

*unus enim Deus unus*

*& mediator Dei , &*

*hominum G. J, dans*

*semet ipsum redemptio-*

*nem pro omnibus : vi-*

*des in hac sententia*

*non semel tantum*

*sed sæpius ac repeti-*

*tis vicibus Deum om-*

*nium salutem velle*

*&c.*

## VIII.

## VIII.

Apostolus ait : *Quos præscivit & prædestina-*  
*vit conformes fieri ima-*  
*ginis filii sui.* Aliud  
 est præscire , aliud  
 prædestinare ; præsci-  
 entia itaque gerenda  
 prænoscit , postmo-  
 dum prædestinatio re-  
 tribuenda describit :  
 illa prævidet merita ,  
 hæc præordinat præ-  
 mia.

Cum videat aliquos  
 benè usuros (mediis  
 ad salutem) istos con-  
 sequente etiam ac ex-  
 ecutrice voluntate ,  
 salvare proponit , &  
 hi solum ac propriè  
 prædestinati appellan-  
 tur . . . . Deus sta-  
 tuit Petro vitam eter-  
 nam conferre , quia  
 prævidet præscriptis a  
 se

mia . . . . ac sic se mediis benè usu-  
nisi præscientia ex- rum.

ploraverit, præde-  
stinatio nihil decernit;  
oculi autem vicem,  
præscientiæ virtus  
exercet, & quod se  
aspectui obtulerit, hoc  
videbit. Nunquid fe-  
cisse creditur, quod  
deprehendisse cogno-  
scitur? Faustus lib. 2.  
cap. 3.

Reprobatio verò  
nihil aliud est quam  
voluntas Dei conse-  
quens hominem eternā  
pœnā plectendi, quia  
prævidet usque ad  
mortem peccatis in-  
hæsurum, & gratias  
adeo copiosissimè da-  
tas, & cum quibus  
salvari facillimè po-  
terat, recusaturum.  
pag. 49.

## IX.

An non habet po-  
testatem figulus luti  
„ ex eadem massa fa-  
„ cere aliud vas in ho-  
„ norem, aliud verò  
„ in contumeliam. In-  
„ ter hæc cum dicit *ex*  
*eadem massa*, quicum-  
que duas humani ge-  
neris massas arbitra-  
baris, unam sacrā ex  
lectione cognosce, du-  
as autem facit pravi-  
tas studiorum & di-

## IX.

Quantum est ex  
parte Dei, omnes di-  
lecti, omnes ad vitam  
æternam aut aliquid  
quod ipsā vitā æternā  
melius sit . . . . de-  
stinati, si verò volun-  
tatem Dei consequen-  
tem & executricem  
attendas, hoc est il-  
lam, quæ præscien-  
tiam meriti, aut de-  
meriti consequitur,  
jam incipit in com-  
muni illā, parique  
massa, distinctio Pau-  
li

ver-

veritas voluntatum.  
lib. 1. cap. 13.

li & Judæ esse. Ideo enim Paulus præ Judæ electus, quia Paulus vocationi consensurus, Judas dissensurus prævidetur, sicque unus præmio, alter supplicio dignus. pag. 14.

X.

X.

Inter hæc, quicumque a potentissimo ac justissimo Conditore, ita factum hominem dicit, ut unus in sinistram sine proprio crimine, impulsu tantum præscientiæ deputetur: alter in dexteram indiscussis meritis attrahatur, hoc aperte asserere deprehenditur, inordinatas vel iniquas esse dispositiones & Factoris & Judicis. lib. 2. c. 10.

Ego cum observassem in hac precipua & decretoria salutis & animarum causa, nimis parum divinæ bonitati tribui, & culpam pereuntium non tam reis imponi, quam in ipsum Judicem derivari, quasi partibus addictum & aliquibus tantum, non omnibus propitium . . . statui justissimi simul, & clementissimi Judicis causam suscipere. pag. 2.

XI.

XI.

Quod autem dicant, ab ineunte ætate præfi-

Observa tantum ex sententia Augustini a Deo



finitum, in melius non  
posse mutari deterio-  
rem hominis statum,  
hoc illic futurum cre-  
ditur post vitæ hujus  
excessum, ubi jam  
nec emendatio, nec  
mutatio erit apud in-  
feros: cæterum usque  
in finem & ad justi-  
tiam transire pessimi,  
& periculum possunt  
timere perfecti. lib. 1.  
c. 12. Et c. 4. Quod si  
curam impendendam  
æstimat rationi, in-  
dubitanter intelligat,  
ea quæ imminet,  
posse mutari.

Deo abesse, ut ali-  
quem voluntate an-  
tecedente ac sponte  
sua salvum nolit, ut  
potius paratus sit eos,  
in quos sententiam  
damnationis tulit, in  
gratiam, ac nume-  
rum prædestinatorum  
recipere, si vitam  
mutent & peccatis  
abstinent.... sicut er-  
go non speculum sed  
facies mutatur, ita  
cum Deus jam vult,  
jam non vult pecca-  
torem damnare, non  
Dei sed peccatoris  
mutatio est: sicut er-  
go in arbitrio tuo est,  
ut non turpis, sed  
formosus in speculo  
appareas, si videlicet  
maculam tergas; ita  
in arbitrio tuo est, ut  
non reprobus sed ele-  
ctus apud Deum sis,  
si oblatam gratiam  
accipias, ac peccatum  
deponas. pag. 36.

## XII.

Recedat hinc ori-  
gi-

## XII.

Cum prædestinatio  
&

ginalis definitio vel & reprobatio ex sola  
 tatalis. lib. 1. c. 12. Dei voluntate pen-  
 deat, credunt nihil  
 amplius homini su-  
 peresse, quo fata-  
 lem & insuperabilem  
 hanc voluntatem mu-  
 tare in aliam magis-  
 que propitiam possint:  
 sed hoc iterum a ve-  
 ritate alienissimum  
 est. pag. 47.

## XIII.

## XIII.

Audi Apostolum, Hæc ipsa S. Pauli  
 quomodo dealbari sententia fuit 2. ad  
 posse pronuntiat ma- Tim. Cum enim de  
 culas conscientiae, ut prædestinatione lo-  
 de vase iniquitatis quens dixisset: "Fun-  
 vas sanctificationis damentum Dei stat,  
 appareat: "In domo, "Cognovit Dominus  
 "(inquit) magna non "qui sunt ejus: in  
 "solum sunt vasa au- "magna autem do-  
 "rea & argentea, sed "mo non solum sunt  
 "& lignea & fictilia. "vasa aurea, & ar-  
 Quid enim alia sunt "gentea, sed & lignea.  
 vasa in honorem, alia " & fictilia, & quædam  
 verò in contumeliam? "quidem in honorem  
 Attolle cor liberum "quædam in contu-  
 ab immutabili necessi- "meliam, mox ad-  
 tate humana condi- jungit: „siquis ergo  
 tio, & agnosce circa "se emundaverit ab  
 salutem hominis Do- "istis, erit vas in ho-  
 mini nozem.

mini tui ineffabilem  
bonitatem, cum di-  
xisset, alia quidem in  
honorem, alia verò  
in contumeliam, ma-  
num spei fidelibus  
aperuit ac dilatavit,  
ita dicens: "Quod si-  
"quis ex his se ex-  
"purgaverit, erit vas  
"in honorem sancti-  
"ficatum. lib. I. c.  
12.

norem sanctifica-  
tum. Sicut ergo  
in arbitrio tuo est ob-  
latam a Deo gratiam  
recipere (quæ ut po-  
stea probabitur nemi-  
ni deest) sicque a pec-  
catis mundari; ita  
quoque in arbitrio  
tuo est, vas gloriæ aut  
contumeliæ, hoc est  
electum aut repro-  
bum esse, Deo quan-  
tùm in se est, omnes  
ad gloriam, nullum  
ad contumeliam pa-  
rante pag. 36.

## XIV.

"Vigilate (inquit)  
"quia adversarius ve-  
"ster diabolus tan-  
"quam leo rugiens  
"circuit quærens  
"quem devoret." Si  
huic adversario jam  
certos quosque im-  
positos, quomodo  
asseris, originis ne-  
cessitas deputasset,  
non quæreretur, quos  
deciperet, nec depu-  
tatis vigilare pro-  
des-

## XIV.

Sanè si hujus di-  
lemmatis (vel sum  
prædestinatus, vel  
non) aliqua vis esset,  
nemo eam melius  
ipso dæmone intelli-  
geret; & tamen iste,  
ac si nulla prædesti-  
natio esset, sed om-  
nia ex creaturarum  
industria penderent,  
tentando, insidiando,  
persuadendo, objecta  
& occasiones offe-  
rendo,

desset. Sed non ita est.  
lib. I. c. 10.

rendo, noctu diu-  
que mille nocendi  
artes moliendo, nihil  
non agit, ut homi-  
nem seducat, trahat-  
que in suas partes.  
pag. 46.

## XV.

## XV.

Quid enim ultra spe-  
ret, quem jam gra-  
tia suam fecit? in quo  
è contrario non des-  
peret, quem præfinitio  
violenta damna-  
vit? In hoc culpa, in  
illo gratia locum non  
habet. Periclitabitur  
in utroque iustitia, re-  
munerabitur sine fidei  
merito assumptus;  
damnabitur sine pro-  
prio crimine dereli-  
ctus. lib. I. c. 4.

Si Deus quantum  
ex se est, nulloque  
ad culpas hominum  
respectu, non vult  
omnes salvos, sed  
quam plurimos cæli,  
ac redemptionis suæ  
expertes esse; ergo  
non constat Deum  
mihi cælum parasse,  
mihi quoque redimen-  
do passum ac mor-  
tuum esse; imo su-  
spicari possum, me  
de illorum esse nu-  
mero, quos voto ac  
sponte suâ cælo inter  
tâ multos excludit.  
Quod si ita est, ca-  
dunt totius vitæ Chri-  
stianæ præcipua fun-  
damenta, Spes vide-  
licet & Amor. pag.  
29.

## XVI.

## XVI.



probè de legis operibus intumescabant, non in origine Ismaelis, vel Elau decretum fatale . . . . .

Legis opera destruntur, & quod gentibus obedientia viam aperuit ad misericordiam &c. lib. 2. c. 6.

electos, salter ad reprobos pertineat? Nihil, inquam, istorum propositum Apostolo fuit, sed tantum cur Deus voluerit potius per fidem in Christum, quam per opera legis, in quibus Judæi tantopere gloriabantur, justificari. pag. 79.

## XVIII.

Si dicis: si prædestinatio est, cur in parvulis alii baptizantur, alii sine baptismi sanctificatione rapiuntur: serpentinae fraudis est, ad tenebrosas cavernas, relictâ luce, transfugere. Cum per omnia volumina Sacrae Litteræ evidenter liberum loquantur arbitrium, quid rationis est, ut interrogare velis occulta, cum solitudini tuæ plenissimè videas respondere manifesta? Quid

ti-

## XVIII.

Tres ergo sunt in hoc aliisque similibus de prædestinatione paralogismi hallucinandi causæ: prima quod ex iis quæ occulta sunt, ad ea neganda movearis, quæ manifesta sunt: quod planè absurdissimum est philosophandi genus. Oportet enim ex certis ad incerta, ex claris ad obscura, & non ex incertis ad certa, ex obscuris ad clara pervenire. Quid enim aliud esset certa ex incertis, & clara

ex

utilitatis est , certa  
omittere , & incerta  
consultare. lib. 1. cap.

14.

ex obscuris velle dis-  
cere , quam velle ce-  
cum de coloribus in-  
terrogare , aut no-  
tuam de sole? pag.

46.

## XIX.

Hilarius ad Aug.  
n. 8. de Fausto , &  
fociis ait , parvulo-  
rum autem causam  
ad exemplum mayo-  
rum non patiuntur  
adferri . . . .

## XIX.

Fatendum tamen,  
quia nunquam parvu-  
lis ante baptismum  
sublatis Deus æter-  
nam vitam voluit ,  
istos ad alium finem,  
classẽque providen-  
tiæ pertinere. pag.

48.

## XX.

Quam (causam  
parvulorum) & tuam  
Sanctitatem dicunt  
eatenus attigisse , ut  
incertam esse volue-  
ris , ac potius de co-  
rum poenis malueris  
dubitari. Hilarius ibid.

## XX.

Aliquando eternis  
ignibus cruciari dixit,  
libro de Fide ad Pe-  
trum c. 27. Aliquando  
poenâ omnium mitif-  
simâ , Ench. 93. Ali-  
quando se prorsus a-  
nimi pendere osten-  
dit , & quid statueret  
planẽ ignari. pag.

118.

## XX.

## XXI.

„Quod in libro ter-  
tio de lib. arbitrio  
(cap. 23. notatur ad  
marg.) ita positum  
meministi, ut hanc  
eis occasionem potu-  
erit exhibere. Hila-  
rius ibid.

## XXI.

Aliquando : Deum  
in æterna vita, in-  
que secreto iudicio-  
rum suorum, aliquid  
bonæ compensatio-  
nis parvulis reserva-  
re, quoniam quam-  
quam nihil boni fe-  
cerint, tamen nec  
peccaverint aliquid.  
lib. 3. de lib. arb. ibid.  
Ita pro se citat caput  
23. indicatum ab Hi-  
lario.

## XXII.

Nunc veniendum  
est ad illos, qui dum  
gratiam aliis dari, a-  
liis negari asserunt,  
munus gratiæ cum  
Pelagio perdiderunt.  
Faustus lib. 1. c. 3.  
& c. 17. Ille verè  
impius est, qui eam  
non omnibus ingeri,  
non omnibus testa-  
tur impendi.

## XXII.

Manifestum est  
Deum non tantum  
seriò omnium salu-  
tem velle, verum e-  
tiam ad hanc conse-  
quendam non avarè,  
non parcè, sed effu-  
sissimè, quantum est  
de se, omnia media  
suppeditare, quæ non  
sufficiant, imo abun-  
dent. pag. 128.

## XXIII.

## O XXIII.

## XXIII.

## XXIII.

De Fausto & fa-  
ciis canit Prosper c. 10.

„Gratia, quâ Chri-  
sti populus sumus,  
hoc cōhibetur

„Iinite vobiscum, &  
formam hanc adscri-  
bitis illi,

„Ut cunctos vocetilla  
quidem invitetque,  
nec ullum

„Præteriens, studeat  
communem adferre  
salutem

„Omnibus, & totum  
peccato absolvere  
mundum,

„Sed proprio quemque  
arbitrio parere vo-  
canti

„Judicioque suo, motâ  
se extendere mente,

„Ad lucem oblatam  
que se non subtrahat  
ulli.

Et Faustus lib. 1. c.

17. Dicit. *venite ad me  
omnes qui laboratis &  
onerati estis & ego refici-  
am vos, ne ullus excusa-  
re se possit exclusus, qui  
convincitur invitatus.*

Licet enim non om-  
nes

Nemo ergo Deum  
accuset: quippe nulla  
insula tam ferrea tam-  
que arida, cui cœlum  
non pluât; Nulla  
anima tam deplora-  
ta, cui non sufficiens,  
largumque auxilium.  
pag. 257. vide plura  
supra c. 1.



nes obedientiam exhibituros esse prænofferet, omnibus tamen velle & posse donaverat.

## XXIV.

Sicut dexteram in omni homine ipse formavit, sed & in potestate hominis posuit, ut eam quo veller extenderet, & ad diversa conferret; pari modo sensum rationis, & arbitrium voluntatis, in unamquamque animam inseruit. lib. I. cap. 10.

## XXIV.

Eas gratias & auxilia omnibus promittunt (Scripturæ) quibus non utcumque, sed tam facile, commodèque legem observarent, quam facile ea videmus & tangimus, quæ nobis vicina & ante oculos posita sunt. pag. 126.

## XXV.

Sicut homini manum, oculum, gresumque donavit, ita similiter omni homini voluntatem, ut eam in quamlibet partem versaret, indulgit. Justitia ergo in homine non personale, sed generale & publicum Dei munus, est aditus capeffendæ salutis. lib.

I. c. 10.

## XXVI.

## XXV.

Dati oculi ne impingeret, pedes ne caderet, manus ne torperet, os, dentes, stomachus, ne inediâ consumeretur. Quis ergo, nisi planè desipiat, suspicari possit, in omnes creaturas tam copiosum, tam splendidum, in solos homines tam parcum modicumque fuisse, ut

O 2

eis

eis quæ ad animæ salutem necessaria sunt, aut subtrahat, aut tam inclementer, avarèque suppeditet, ut difficillimè ægerri-  
mèque consequi eam possint. pag. 141.

## XXVI.

Tu deteriorem pe-  
eude hominem facis.  
Cur enim ei relin-  
quis peccatum, cui  
tollis arbitrium? aut  
si eum subdis pec-  
cato, noli pri-  
vare iudicio. Non  
ergo mentiatur ini-  
quitas sibi. Novit  
quid in occulto ho-  
mini dederit cogni-  
tor occultorum, &  
ideò quando ab eo  
quisque pro malo o-  
pere corripitur, &  
condemnatur, bo-  
num potuisse convin-  
citur. lib. 2. c. 9.

## XXVI.

Nihil deest avibus  
ad volandum, nihil  
piscibus ad natan-  
dum . . . . . Ergo  
multòque magis quan-  
tùm ex parte divinæ  
voluntatis est, om-  
nes homines . . . .  
ad finem suum, hoc  
est Dei possessionem  
diriguntur. pag. 29.  
& 141. Magis ergo  
bruta inanimantia,  
imo creaturas inani-  
mes diligat, quam  
animas immortales,  
suique imagine im-  
pressas & cælestis reg-  
ni hæredes? magis  
plantis providebit  
quam filiis?

## XXVII.

## XXVII.

## XXVII.

## XXVII.

Nunquid velut insensibilis & inepta materies de loco ad locum movendus est, & trahendus? Sed trahenti & vocanti Domino famulus manum Fidei, qua trahatur extendit, & dicit, *Credo Domine, adjuva incredulitatem meam*, & ita se duo ista conjungunt, attrahentis virtus, & obedientis affectus. Quomodo si æger aliquis assurgere conetur, & facultas animum non sequatur, & propterea porrigi sibi dexteram deprecetur? . . . ideo sicut gratiæ est, quod attrahitur, ita obedientiæ probatur esse quod sequitur . . . . . Ut per quandam voluntatis ansulam comprehendendi & attrahi valeat, qui vocatur. Quod si cum putas

at-

In arbitrio tuo est oblatam a Deo gratiam recipere (quæ, ut postea probabitur, nemini deest) sicque a peccatis mundari. pag. 36.

Non quod major sit in voluntate virtus resistendi, quam in Deo potentia superandi, sed quod Deus nolit potentiâ, sed gratiâ uti; hoc est non cogere liberam, sed invitare, ac more nobilis, castique amatoris petere consensum, non rapere. pag. 9.

Vides in arbitrio operantium esse, ut eligantur, Deo quidem gratiam ad opus offerente, sed homine oblatam acceptante: eo ferè modo quo in arbitrio ægrotantis est, ut sanetur & vivat, non quod pharmacum ipse præpa-

O 3      ret

attrahere nolentes, ret, sed quod maxime celesti iustitiæ ini-  
quitatis pondus imponis. lib. I. c. 17. ma arte ac labore a  
medico paratum accipiat. pag. 41.

## XXVIII.

Nihil hîc, ut opinor, redolet præsumptionis, cum & hoc ipsum incessabiliter asseram quod Deo ipsam debeam voluntatem, præsertim cum in omnibus ejus motibus ad opus gratiæ referam vel inchoationis initia, vel consummationis extrema. lib. 2. c. 8.

## XXIX.

Quid est autem attrahere nisi prædicare, nisi Scripturarum consolationibus excitare, increpationibus detertere, desideranda proponere &c. lib. I. c. 17.

## XXX.

## XXVIII.

Id semper observes, etiam ipsum velle, ipsumque accipere, & hominis esse & Dei, sed Dei magis, quam hominis; sicut sanari, & laborantis est & medentis, sed medentis magis quam laborantis. ibidem

## XXIX.

Fixum ergo ratumque sit, nihil aliud, ex sententia Augustini, gratiam effectricem esse, quam cognitionem congruam; hoc est quæ tale tamque proportionatum objectum, talique modo proponat, ut ad illud amplectendum voluntas mag-



magnetismo, & sympathiâ quadam certissimè moveatur. pag. 217.

## XXX.

## XXX.

De Fausto & sociis  
canit Prosper c. 15.

„Veluti cum vocelo-  
quentis

„Aut rerum actarum  
species, quas vidi-  
mus, aut quas

„Legimus, exoritur  
secreta cordis in  
aulâ,

„Nunc amor, aut o-  
dium, nunc spes,  
metus, ira, do-  
lorque:

„Nec tamen hos mo-  
tus scriptor, nar-  
rator, & Author

„Inseruere animis  
(quamvis forte hoc  
quoque vellent)

„Sed de præceptis  
mens iudex sponte  
movetur,

„Et pro more suo,  
quantum se exer-  
cuit istis,

Tran-

Cum objecta ex-  
terna sensum, sensus  
phantasiam, phanta-  
sia intellectum, in-  
tellectus voluntatem  
quodam nexu, ac se-  
rie causandi naturali-  
ter moveant, fieri  
non potest, ut ex iis  
quæ foris audiuntur,  
& spectantur, non  
propotionatè, pares-  
que illis externis in  
intellectu, & volun-  
tate, ipsâque con-  
scientiâ, cogitationes  
cognitiones, trepida-  
dationes, aliquæ  
motus, & affectus  
animi existant. pag.  
132.

O 4. XXXI.

Transit in affectum,  
quem confirmave-  
rit ex se

Illā volendo sequens,  
istis nolendo resi-  
stens.

## XXXI.

Hoc ergo agit in  
hominibus cœlestis  
misericordiæ dispen-  
satio, quod in terris  
pluviæ supervenientis  
infusio. Ad copiosi im-  
bris illapsum, cultus,  
& edomitus cespes  
multiplicatur germi-  
num fætibus; incul-  
tus, & crudus inuti-  
libus herbis repletur  
& sentibus, ac sic  
unus idemque imber  
duas res diversas at-  
que contrarias, juxta  
culturae aut studium  
operatur, aut vitium.  
Faustus lib. 2. c. 1.

## XXXI.

Quod verò alius  
ager proferat frumen-  
tum ad horreum, a-  
lius spinas ad ignem,  
id non pluviæ, quæ  
omnibus dulcis, ad-  
scribendum, sed bonæ  
aut malæ agrorum  
glebæ: Ita quod alii  
benè, alii malè ope-  
rantur, sicque quod  
alii sint electi ad  
cœlum velut frumen-  
tum ad horreum, alii  
verò sint reprobi, velu-  
ti spinæ ad ignem, id  
non cœli, non plu-  
viæ, hoc est non Dei,  
non gratiæ defectum,  
sed peccatorum esse.  
Quæ omnia falsa  
sunt, si Deus non  
vult omnes salvos  
esse: id enim perinde  
esset, ac si cœlum in  
frumen-

## XXXII.

frumenta tantum,  
non etiam in spinas  
plueret. pag. 33.

## XXXII.

Ad objectionem de  
obduratione respond.  
Non utique violentia  
compellentis, sed  
clementia relaxantis,  
obdurationis occasio  
est. Lib. 1. c. 18. &  
lib. 2. c. 1. Idem  
ipse Pharaon in decem  
plagis positus, cum  
percuteretur mitiga-  
batur, cum relaxare-  
tur ingravabatur; ac  
sic impium divina se-  
veritas inclinabat,  
bonitas obdurabat,  
&c.

## XXXII.

Hac ergo ratione  
dicitur Deus obdura-  
re, excæcare, non  
quod revera id faciat  
aut velit, aut quod  
ejus beneficia, &  
influxus eò spectent,  
cum potius ex natura  
sua, Deique clemen-  
tia, ac intentione ad  
solvendam cæcita-  
tem, & obdurationem  
dirigantur, (quid  
enim ad molliendum  
cor Pharaonis, ad  
eliminandas tenebras  
Judæorum aptius,  
potentiusque Deus  
facere potuit, quam  
quod fecit?) sed quod  
ex Dei longanimitate  
& clementia, non al-  
lius sequatur effectus,  
quam major cæcitas,  
majorque obduratio.  
pag. 91.

## XXXIII.

O 5

## XXXIII.

## XXXIII.

Ego, inquit, *obdurabo cor Pharaonis*. Sic interdum familiariter etiam apud homines hujus elocutionis vim assumimus; sic interdum contumacibus famulis exprobramus mansuetudinem nostram dicentes: ego patientiā meā te pessimum feci, ego remissione meā malitiam tuam, superbiamque nutriti, ego te contumacem indulgentiā meā reddidi, ego dissimulatione meā cor tuum, ut contra me obduraretur, animavi. Ibid.

## XXXIII.

Nec mirum est Deum, qui ut ab hominibus amaretur, humanam naturam induit, voluisse etiam, ut ab hominibus intelligeretur, humanam linguam imitari . . . sic dicimus magistrum pœnis, & flagellis nihil aliud agere, quam ut contumacem discipulum magis, magisque obduret. Dominum beneficiis, & indulgentiā servos indomitos, & insolentes reddere; non quod hoc velint, sed quod non alius effectus sequatur, quam si id vellent, datāque operā molirentur. pag. 91.

## XXXIV.

Cum inter medias correptiones profiteatur Pharaō, *justus*

es.

## XXXIV.

Postea tamen flagellis & prodigiis fractus, & Deum agnoscit.



*es Domine , ego novit , & peccatum  
verò & populus meus suum confessus est :  
impii , non se a Deo , Misit Pharaon , & vo-  
sed a voluntate pro- cavit Moysen & Aa-  
pria depravatam, con- ron dicens, peccavi etiam  
scientiæ suę testis nunc : Dominus justus  
ostendit; & tu Deum est , ego & populus  
circa Pharaonem du- meus impii. Hæc ve-  
rum vel iniquum fu- rò agnitio Dei, sine  
isse præsumis asserere, gratia interna fieri  
quem circa se justum non potuit. pag. 137.  
& pium ipse sacrile-  
gus non potuit abne-  
gare. ibid.*

## XXXV.

## XXXV.

Ad objectionem quod infideles non habeant gratiam sufficientem, respondet varia Faustus lib. 1. c. 15. Non specialem esse circa credentes Dei munificentiam docet, quando & eos quos incredulitas arguit, credere potuisse demonstrat.

Si nulla natio tam remota, tam barbara, cui non sol, non stella, non pluviae, non omnia, ad vitam corporis necessaria suppetant, quis credat necessaria ad vitam defutura. pag. 47. Et pag. 132. Aut ergo injusta exprobratio Judæorum præ Sidoniis fuit: aut si justa, non minus per internam vocationem Judæi, quam Sidonii, ad exeundum, & pœnitendum adjuti.

## XXXVI.

## O. 6. XXXVI.

## XXXVI.

## XXXVI.

Nam si nihil Deus  
famulo suo dedit, a  
famulo quid reposcit?  
lib. 1. c. 4. & 10.  
Omnibus itaque ob-  
latum est, quod ab  
omnibus reposcen-  
dum est.

Quam non potest  
cæco imputari, quod  
magis impingat, ca-  
datque, quam ille qui  
sanis oculis est, quia  
licet utriq. sol luceat,  
unus tamen interna  
videndi facultate ca-  
ret, alter non caret:  
ita non posset Judæis  
impænitentia præ Si-  
doniis exprobrari, si  
utrisque æqualiter  
quidem Christus præ-  
dicaret, æqualiter  
miracula ederet, sed  
non utrisque gratiam  
internam æqualiter  
daret. pag. 130.

## XXXVII.

## XXXVII.

Quis dubitet innu-  
meras ejus familias  
Deo placitas, liber-  
tate arbitrii præditas,  
& ex gentibus fuisse  
salvatas, de quibus  
pauci admodum, sed  
clari atque perfecti, ad  
illuminationem sæcu-  
culi sacris produntur  
clo-

Postquam. *Nodus*  
*dissolutus* retulerat a  
variis Socratem, Pla-  
tonem, Senecam,  
multosque Philoso-  
phos gentiles cælo  
adscribi, ait: Nul-  
la ergo gens, nul-  
lus, populus, imo  
nulla hominum tri-  
bus,

eloquiis? lib. 2. cap.  
7.

bus, ex quo non  
colonix, & delectus  
in cœlum ducuntur.  
pag. 156. imo S.  
Hieronymus tradit  
neminem eorum qui  
diluvio absorpti sunt,  
damnatum esse. pag.  
188.

## XXXVIII.

## XXXVIII.

Cui offert Prophe-  
ta comparandæ in-  
dulgentiæ occasio-  
nem, inesse ei volun-  
tatis asserit potesta-  
tem: sed & hoc quod  
Balthazar gentilis ar-  
guitur, dicente Pro-  
phetâ, *Laudasti Deos  
argenteos, & aureos,  
& ligneos, & lapideos,  
& Deum in cujus ma-  
nu status tuus est,  
non laudasti.* Vides  
quia hic alienigena,  
& scire potuit, &  
laudare, sed noluit.  
lib. 2. c. 10.

Adeò sibi defuit  
(Balthazar) ut vel in-  
certiâ, vel metu suo-  
rum, vel usu pristinæ  
vitæ abreptus, nec  
Deum quem agno-  
verat placandum cu-  
raret, nec consilium  
a Daniele, quem in  
aula habebat, modum-  
que quæreret, utram-  
que mortem tempo-  
ralem, æternamque  
vitandi. Quid ergo  
Balthazar suæ per-  
fidix, & ignaviæ ob-  
tendet? Et potuit, &  
debuit, & noluit.  
pag. 192.

## XXXIX.

## O 7

## XXXIX.

## XXXIX.

Ostendit itaque gens illa Ninivitarum ca quæ salutis hominis competunt, ipsâ ordinatione facturæ, Deum intra hominem collocasse, & ante mœna Redemptoris, circa rationabilem creaturam semper Authoris dona viguisse . . . .

Ninivitis ergo evidenter manifestata est clementiæ, & bonitatis plena vox Domini. ibid.

## XL.

Altius requiramus, quare hoc loco nolle putetur Dominus ut sanentur (id est) ne momentaneâ conversione susceptâ, conlatis beneficiis abutantur . . . is qui post acceptam notitiam veritatis, id est, post collatam (veritatem) sibi curam

## XXXIX.

Ne hunc quidem, civesque Ninivitas exemplo Regis sui flagitiosissimos, Dei clementia destituit. &c. pag. 198.

## XL.

Sublatâ Dei cognitione necessariò sequitur, nec injuriam, nec peccatum, nec æternam pœnam esse. Ergo cum hac ignorantia impeccabiles redderentur, alioquin certissimè peccaturi, si agnoscerent; sequitur hoc ipsum be-

ne-



ram salutis, sanguinem Testamenti, pollutum duxerat; in quo sanctificatus est, id est, in quo sanatus est, graviora mereri supplicia Apostolo attestante perhibetur. lib. 2. c. 5.

neficiū esse juxta illud Apostoli: *Melius enim erat illis non cognoscere viam justitiæ, quam post agnitionem retrorsum converti ab eo quod illis traditum est sancto mandato.* 2 Petri c. 2. Ergo sive Barbari agnoscant, sicque invocare illum, & salutem consequi possint, sive penitus ignorent, & ideo nec possint peccare, semper verum erit, ne illis quidem misericordiam deesse. pag. 152.

## XLI.

Dum Pelagii impietatem nescis refugere, ad Manichæorum dogma pestiferum, qui liberum arbitrium totum denegant, te intellige declinare. lib. 1. cap. 6.

## XLI.

Nulla peccato omnis gratia sufficiens & remota, hoc est gratia petendi amittitur, sine qua omnem quoque libertatem tolli necesse est. pag. 183.

## XLII.

## XLII.

## XLII.

Igitur dum liberi  
interemptor arbitrii, in  
alterutram partem  
omnia ex prædestina-  
tione statuta, & defi-  
nita esse pronuntiat,  
etiam suprema reme-  
dia pœnitentiæ sensu  
abruptæ impietatis  
evacuat. lib. I. c. II.

## XLII.

Id ipsum ex Sacris  
Literis constat, quæ  
toties omnes, nullo  
excepto, ad quæren-  
dum, pulsandum, pe-  
tendum, vitamque  
mutandum invitant,  
quæ omnia suppo-  
nunt hæc fieri posse,  
& consequenter gra-  
tiam saltem remotam  
dari omnibus: alic-  
quin frustra peccato-  
res ad rem impossi-  
bilem invitarentur.  
pag. 184.

## LXIII.

Hilarius in Epist.  
ad Aug. n. 3. scri-  
bit de Fausto & sociis,  
*Quod prædestinationem  
ejus impugnarent etiam  
ex ejus scriptis, sig-  
nante in Epist. ad  
Rom. prop. 60. hoc  
loco: „Æquales omnes  
sunt ante meritum,  
nec potest in rebus  
omnino æquali-  
bus*

## XLIII.

His verbis teste  
Plutarcho utebatur,  
(Hannibal ad suos  
milites) *Carthaginien-  
sis mihi erit quicumque  
hostem prostraverit. Ita  
Deus mortalibus: præ-  
destinatus mihi erit,  
quicumque peccatum  
vicerit: Idemque  
Augustinus in expo-  
sitione quarundam  
prepo-*

bus electio nomina-  
ri.

propositionum ex E-  
pis. ad Rom. c. 60.  
Scribit : *Quid ergo  
elegit Deus? si enim  
nullo merito, non est  
electio : æquales enim  
omnes sunt ante meri-  
tum, nec potest in  
rebus omnino æquali-  
bus electio nominari,*  
pag. 14.

## XLIV.

Cum dixerint, to-  
tum gratiæ Dei est:  
quis non ad tam re-  
verendum nomen  
omni cordis incline-  
tur affectu? sed cum  
responderimus: totum  
planè gratiæ est, sed  
omnibus eam offert,  
atque ingerit ad salu-  
tem omnium Condi-  
tor ac Redemptor;  
ad hæc illi longè a  
pietatis tramite rece-  
dentes respondere  
præsumunt, non eam  
Salvator omnibus de-  
dit, quia nec pro  
omnibus mortuus  
est. Ecce statim in  
se-

## XLIV,

Si quis Princeps  
moriturus ultimis ta-  
bulis disponat ut ex  
regio immensoque  
thesauro, quem hæ-  
redi relinquit, omnes  
totius regni captivi  
redimantur, qui tri-  
remibus & servituti  
addicti sunt, heres  
verò non de singulis  
generum, sed de gene-  
ribus singulorum, hoc,  
est non de omnibus  
sed de paucis tantum  
intelligi vellet: quis  
non infidelem præ-  
varicatorem, hostem-  
que paternæ volunta-  
tis diceret? at quan-  
tò

secundis apparet gratiæ impugnator, qui in primis putabatur assertor. Objiciunt nomen gratiæ, ut abominandum sensum operiant blasphemiam. Faust. lib. I. c. 4.

tò id justius dicendum de illis erit, qui contra clarissimam Scripturæ sententiam Christi redemptionem angustissimam faciunt, ejusque infinitum in homines amorem, brevissimis terminis coërcent, sicque rivum ex pelago faciunt? pag. 15.

Plura ejusmodi ex *Nodo*, & *Fausto* exhiberi possent, nisi tædium ex copia secutum, & plus secuturum timerem. Hinc ergo quibus convenit, judicent, unde *Nodi dissoluti* Author suam doctrinam hauserit. Illud interim ex dictis videtur manifestum, nequaquam subsistere, quod in approbatione, sua de illo ait F. Damascenus: *totum Augustinum longis iteratisque vigiliis, ut patet, ita hauserat, ut ipsius ore loqui videretur Augustinus.*

FINIS.



## OBSERVATIONES

In Excerpta è Libro, cui titulus,  
 NODUS PRÆDESTINATIONIS &c.  
 COLLECTÆ EX ECCLESIAE  
 DOGMATIBUS DE  
**GRATIA DEI,**

JUXTA EORUNDEM EXPLANATIONEM  
 A SANCTIS PATRIBUS TRADITAM,  
 ET PRÆSERTIM A

**D. AURELIO AUGUSTINO:**

*Cujus disputationibus cognoscen-  
 dis impende curam, ut in con-  
 fitenda Dei Gratia, defæ-  
 catissimam, ac saluber-  
 rimam Evangelicæ  
 Apostolicæque do-  
 ctrinæ intelli-  
 gentiam  
 conse-  
 qua-  
 ris.*

S. Prosper in fine Epistolæ ad  
 Rufinum.

D. O. M.

Ac Salvatori Nostro Iesu Christo

Votum Collectoris

1 Cor.  
2. 12.

*Ut sciamus, quæ a Deo*

*Donata sunt nobis;*

Eph. 1.  
6.

*In laudem gloriæ*

*Gratiæ suæ.*

## VI.

## OBSERVATIONES

In Excerpta è Libro, cui titulus,  
*NODUS PRÆDESTINATIONIS &c.*  
 COLLECTÆ EX ECCLESIAE  
 DOGMATIBUS DE

## GRATIA DEI,

JUXTA EORUNDEM EXPLANATIONEM  
 A SANCTIS PATRIBUS TRADITAM,  
 ET PRÆSERTIM A

D. AURELIO AUGUSTINO.

---

## CAPUT. I.

Animadversiones quædam præ-  
 mittuntur, ad tollendas am-  
 biguitates, quæ accidere  
 possunt in usu vocis  
 hujus *Gratia*.

1. **C**Um nomine gratiæ Scriptura, & Pa-  
 tres intelligant aliquod bonum quod  
 Creaturis rationalibus à Deo gratis conce-  
 ditur, vel ipsam operationem, qua Deus  
 illud *signi-*

*Scriptura, &  
 Patres,  
 quid  
 nomine  
 gratiæ  
 fident.*

illud idem bonum directè & per se in nobis operatur, ac plerumque absolutè gratia referatur ad illud præstantissimum bonum, ad quod cætera tendunt, nempe justitiam, virtutes, salutem, & præcipue Dei amorem, seu fidem per charitatem operantem, quæ aliorum finis est;

*Bona* II. Observandum est primò. Nonnulla *majora* bona aliis vel eminenter vel formaliter contineri, quæ non adesse nequeunt, cæteris concessis. Ejus generis sunt pleraque inferiora vel peculiaria respectu superiorum, & generalium, ut virtutum omnium affectus, qui charitate, quæ per fidem operatur, continentur &c. Itaque superioribus bonis datis, cætera etiam data esse meritò dicitur; superiora autem bona nunquam inferioribus continentur, nec his concessis, illa data esse dici possunt.

*Bona* III. Observandum secundò. Multa bona, *etiam* etiam minora prævias ad alia comparanda *minora* condiditiones, & instrumenta vel auxilia esse, *ad alia* sive necessaria, sive utilia: ut legem ad ejus *habenda, vel* observantiam, prædicationem ad fidem, *necessaria vel* fidem ad orationem, & dilectionem: tum *utilia.* verò iis effectum aliquando tribui, sed non accuratè. Quo sensu Apostolus ait, fideles à se in Christo genitos, quod eis Evangelium annuntiasset. Verùm etsi bona illa inferiora sive externa sive interna, sive naturalia,



ralia, sivè spiritualia, & supernaturalia, gratiæ dicantur esse, ad distincta alia bona comparanda, vel efficienda, non tamen hæc ipsa esse vel gratia, vel donum horum. Itaque prædicatio, fides, oratio, dilectio Divina, singuli eorum bonorum gradus, cum totidem bona distincta sunt, totidem etiam dona, gratiasque distinctas esse liquet, vel distinctis gratiis, Deique operationibus ea bona tribui, cum seorsim dantur. Quapropter tam ineptè prædicationis gratia diceretur gratia Fidei, aut gratia Fidei dilectionis gratia, aut gratia exiguæ dilectionis gratia magnæ dilectionis, quam prædicationis nomine fides designareretur, aut si fidei nomine charitas, aut exiguæ dilectionis magna & consummata dilectio intelligatur.

IV. Quare cum in Scriptura & Patribus occurrunt ejusmodi vocabula, gratia vel donum humilitatis, gratia conversionis, gratia dilectionis &c. non potest intelligi nisi vel operatio Dei, qua dilectionem operatur, efficitque in nobis, vel ipsa dilectio, quæ nobis inest quatenus à Deo data atque effecta est, atque ita in fide cæterisque virtutibus, singulisque eorum gradibus, & motionibus; uno verbo, in singulis bonis ita res sese habet, ut tùm gratia ejus vel donum adesse dicitur, cum Deus ea ipsa operatur, aut ea Deo operante adsunt.

*Cautio adhibenda in propositionibus de gratia.* V. Itaque ut ab eis, quæ fiunt de gratia, propositionibus penitus cavillii excludantur, cautio vel consideratio adhibenda est; adversus Pelagianos præcipuè utilis ac necessaria, ut animadvertatur, primò quid sit illa gratia, quale scilicet bonum, vel qualis ipsa sit; cum gratia pro bono dato accipitur; vel per eam adsit, deturque, an prædicatio, an cognitio, an virtutes ipsæ, & aliquæ ex ipsis, vel quo gradu adsint. Idemque faciendum est cum infusionis, inspirationis, auxilii, misericordiæ, virtutis, vel doni, munerisve dati nomina occurrunt, ut nempe semper statuatur cujus boni sit inspiratio, quale bonum datum &c. alioquin cum de gratia agitur, propositiones omnes vagæ, incertæ, implicatæ, innumeris cavillis obnoxiaæ sunt.

Eâ ratione Ecclesiæ Patres Pelagianorum artes eluserunt, eos cogendo ut definirent, de qua gratia loquerentur, id est, quod bonum à Deo accipiendum esse dicerent ut haberetur, vel quid Deus efficeret ut bonum aliquod adesset voluntati, an hæc, an alia ad illud necessaria, ab ipso tamen distincta, & quibus non continetur, qualis est cognitio respectu Divinæ dilectionis. Qui enim totam gratiam ad aliquod bonum opus, puta ad Deum amandum necessariam, in minoris boni gratiæ infusione & operatione collo-

cat,

cat, eâque datâ, bonum illud amplius haberi posse putat, nempè perfectum amorem, dilectionemque Dei, acceptâ tantùm à Deo ejus velleitate, is magnum illud bonum, Deo non ipsum dante, haberi posse censet, quæ ipsamet Pelagianorum impietas est.

*Pelagianorum impietas.*

VI. Id primò evidens est in illis propositionibus, quæ omnia bona a Deo esse docent, non enim accuratè, sed improprie penitus Deo tribuuntur, si qui minora tantùm bona acceperunt, majora acquirant; aut si qui paria cum aliis acceperunt, plura comparent, quibus alii (nullo tamen amisso) sint expertes. Hoc idem multò magis in his Scripturæ, Patrumque propositionibus evidens est, quæ omnia & singula bona, dona & gratias esse vel per gratiam haberi docent. Quæ non exigua solùm aut media, sed omnia penitus, & maximè quæ singillatim & nominatim ea designant, de quibus aliqui dubitant, & ipsam dilectionem, ipsum opus bonum à Deo esse decernunt. Quæ quibuslibet acceptis, alia quæ desunt, à Deo speranda & petenda esse definiunt. Exponendo enim quid sit bonum quod datum sit, quid desit, per quam operationem datum sit, quis ejus operationis futurus sit terminus immediatus, omnium propositionum sententia explicabitur.

*Bona majora non tribuuntur Deo, minora tantùm danti.*

## CAPUT. II.

Exhibetur notio Divinæ gratiæ, de qua agebatur cum Pelagianis, juxta expressiones SS. Patrum & Conciliorum ex Scripturis sumptas.

*Natura humana corruptio in duobus defectibus consistit.* I. **S**ciendum prius est quod Ecclesia Catholica nos docet, corruptionem in humano genere ex peccato originali proveniente, in duobus tantum defectibus consistere; primus est, quod homo privatur tum lumine quod ante primum peccatum non sinebat eum falli in cognitione Dei, ejusque legis; tum amore eidem cognitioni conformi; tum jure recipiendi inspirationem illorum spiritualium bonorum, quæ Deus primo homini contulit ejusque posteritati destinaverat. Secundus defectus consistit in rebellionem carnis contra rationem, & in eo quod ipsa invitâ sentiatur inclinatio ad peccatum, quæ adeò ad delinquendum incitat, ut nemo, præcipuè in gravibus tentationibus, ei resistat sine ea gratia, quæ fide impetratur; quæ etiam obtentâ, nequeunt adeò integrè evitari omnia prorsus peccata, quin in aliqua saltem levia cadatur; nec bonum ipsum sine difficultate aliqua perficitur.



II. Ex primo itaque defectu provenit indigentia recipiendi per Jesum Christum inspirationem illius cognitionis & amoris Dei, quem in Adam perdidimus. Ex secundo autem oritur indigentia externorum auxiliorum.

nam, illam efficientium congruitatem, quæ ex favorabilibus circumstantiis oritur, quæve eo magis necessaria est, quò prima gratia debilior, ac tenuior. Itaque Ecclesia consequenter docet, gratiam internam voluntatis, quam Christus nobis meruit, ut bona, quæ in Adamo perdidimus, recuperemus, & quam eadem Ecclesia contra Pelagianos definivit necessariam esse ad omnia opera bona, consistere in inspiratione earundem virtutum, quas Adam peccando amiserat, fidei nempe, & amoris Dei, quibus Divina lex observatur; aut in jure recipiendi eandem inspirationem, cum agendi conditiones adsunt. Item docet remissionem peccatorum, & gratiam habitualement quam in Baptismo recipimus, tribuere nobis jus ad hanc gratiam, Deo nos reconcilians, & nobis obtinens Christi Spiritum, qui eas virtutes nobis inspirat.

III. Ad hanc Ecclesiæ Catholicæ doctrinam referuntur omnes gratiæ hujus descriptiones, quas Patres ex scriptura desumpserunt, necnon testimonia quibus ad eam comprobendam contra Pelagianos utuntur;

*Remedia illorum defectuum.*

*Notiones gratiæ de qua agebatur cum Pelagianis.*

videlicet primò; eam esse reparationem imaginis Dei, quam ipse in primo homine sculpserat.

II. Esse gratiam novi Testamenti, quæ in eo consistit, quemadmodum ex Prophetis Apostolus probat, ut scribatur lex in cordibus nostris & spiritui nostro imprimatur.

III. Esse donum Fidei, quæ per dilectionem operatur.

IV. Esse desiderium quod Spiritus Dei in nobis excitat, ut expugnare nos faciat desideria carnis.

V. Esse Spiritum Dei, qui clamare nos facit, Abba Pater, inspirando affectum gemendi, & orandi.

VI. Esse participationem gratiæ, quam Spiritus Sanctus effudit in Christum ut Caput Ecclesiæ, & in Justos ut viventia Capitis illius membra.

VII. Esse Spiritum Sapientiæ & Intelligentiæ, & Pietatis & Consilii, & Fortitudinis & Timoris Dei, quem Christus accepit in tota sua plenitudine, & nos accipimus juxta proportionem unionis quam habemus ad ipsum.

VIII. Esse donum cælestis illius Sapientiæ, de qua S. Jacobus loquitur, continet-  
*Jacob.* que omnes virtutes, & omnia vitia de-  
 3. 17. bellat.

IX. Esse singulariter donum virtutum omnium salutarium, quas Deus nobis præcipit, & omnium bonorum motuum voluntatis, quos formamus.

X. Tandem, esse amorem Dei, & proximi, qui est plenitudo legis, quique in tota æternitate perdurat, cum usque in finem vitæ conservatur.

Quapropter S. Augustinus omnem controverſiam inter Catholicos, & Pelagianos ad unum hoc punctum redigit, an amor Dei, quem utrique admittebant à nostro oriri libero arbitrio, atque eſſe principium aliarum omnium ſalutarium actionum quas Deus jubet, an, inquam, eſſet à Deo aut à nobis iſſis, Deo illam non inſpirante.

"Unde eſt, inquit, in hominibus charitas Dei & proximi, niſi ex ipſo Deo? "nam ſi non ex Deo, ſed ex hominibus, vicerunt Pelagiani, ſi autem ex Deo, vicimus Pelagianos." Hinc gratiam definiens, ait, "Proprie gratia eſt inſpiratio dilectionis, ut cognita ſancto amore faciamus.

Concilium Africæ univerſale Carthagine habitum anno 416. eandem prorsus divinæ gratiæ notionem exhibet, nam Can. 5. definiens, quænam gratia conſtitenda ſit adverſus Pelagianos; hæc habet: "Quiſquis dixerit, gratiam Dei per Jeſum Chriſtum Dominum noſtrum propterea tantum nos

*Quæſtio inter Catholicos & Pelagianos ad quid redigatur.*

*Lib. de grat. & liber.*

*Arb. cap. 18.*

*Lib. 4. cont. 2.*

*Epist.*

*Pelagian.*

*cap. 5.*

*n. 11.*

*Vide S.*

*Aug.*

*de grat.*

3. lib. "adjuvare ad non peccandum, quia per ip-  
 arb. cap. "sam nobis revelatur, & aperitur intelli-  
 19. de "gentia mandatorum, ut sciamus quid ap-  
 grat. "petere & quid vitare debeamus, non au-  
 Chr. c. "tem per illam nobis præstari, ut quod fa-  
 26. lib. "ciendum cognoverimus, etiam facere di-  
 1. oper. "ligamus, atque valeamus, anathema sit.  
 Imp. "Cum autem dicat Apostolus: *Scientia in-*  
 cap. 93. "flat, *charitas edificat*, valdè impium est ut  
 1 Cor. "credamus ad eam quæ inflat nos habe-  
 8. 1. "re gratiam Christi, & ad eam quæ ædi-  
 "cat, non habere, cum sit utrumque do-  
 "num Dei, & scire quid facere debeamus,  
 " & diligere ut faciamus, ut ædificante  
 "charitate, scientia non possit inflare. Si-  
 Psal. "cut autem de Deo scriptum est: *Qui docet*  
 93. 10. "hominem scientiam, ita scriptum est, *Chari-*  
 1 Iohan. "tas ex Deo est." Apostolica quoque Sedes  
 4. 7. "eodem modo veram gratiam exposuit, ut  
 "videre est præsertim in responsis à S. Inno-  
 "centio I. Summo Pontif. ad Africanos Pa-  
 "tres datis. Idem significat etiam Concil.  
 "Araus. 2. dum potestatem, & vim servandi  
 "legem, tentationesque vincendi, in chari-  
 "tate collocat; "Fortitudinem gentilium, in-  
 Can. "quit, mundana cupiditas; fortitudinem  
 17. ex "autem Christianorum Dei charitas facit, quæ  
 S. Au- "diffusa est in cordibus nostris, non per  
 gustino "voluntatis arbitrium, quod est in nobis;  
 lib. 1. "sed per Spiritum sanctum, qui datus est  
 op. Imp. "cap. 83.



" nobis , , & clarius in fine : , Hoc etiam sa-  
 " lubriter profiteamur & credimus , quod ipse  
 " (Deus) nobis nullis præcedentibus bonis  
 " meritis & fidem & amorem sui prius in-  
 " spirat , ut & Baptismi Sacramenta fideliter  
 " requiramus , & post Baptismum cum ip-  
 " sius adjutorio ea , quæ sibi sunt placita ,  
 " implere possimus : " Concilium quoque  
 Trid. cā gratiæ notione tanquam principio  
 noto utitur ad refellendam impiam assertio-  
 nem Novatorum , de impossibilitate ad  
 implendi præcepta divina , quoad justos.  
 En verba sacri Concilii. " Deus impossibilia  
 " non jubet , sed jubendo monet & facere *Seff. 6.*  
 " quod possis , & petere quod non possis , *cap. II.*  
 " & adjuvat ut possis. Cujus mandata garvia *ex S.*  
 " non sunt , cujus jugum suave est , & onus *Augu-*  
 " leve. Qui enim sunt filii Dei , Christum *stino de*  
 " diligunt , qui autem diligunt eum , ut ip- *nat. &*  
 " semet testatur servant sermones ejus? " Ecce *cap. 43.*  
 quod potestatem , quam justi accipiunt servan-  
 di mandata , reducit Concilium ad amorem  
 Dei , qui reperitur in filiis ejus & conse-  
 quenter in justis.

## CAPUT. III.

Recensentur Ecclesiæ Catholicæ  
Dogmata de Divina gratia, tum  
in statu naturæ innocentis,  
tùm lapsæ, Erroresque  
eis contrarii.

*Gratia I  
naturæ  
inno-  
centis.*

**Q**Uoad innocentis naturæ rationalis statu constat, primò: Angelis, Adamoque in ipso ortu, fidei seu Dei cognitionis; imò & contemplationis, quâ Deum cognoscerent; Amoris, quo ipsum sincerè, purè & perfectè diligerent; omnium virtutum, quibus Dei legem perficerent, gratiam, & inspirationem esse collatam, eâque multò majorem, quam magnis nunc gemitibus implorare necesse est.

*Facul-  
tas, &  
facili-  
tas bene  
agendi.*

II. Secundò constat, ex ea gratia Angelo & homini in statu innocentia, plenam & expeditam benè agendi facultatem, imò & summam facilitatem adfuisse.

Tertiò constat, eadem bona, perpetuâ Dei operatione & jugi inspiratione, servata, & servanda semper fuisse, nisi prius ipsi, alia potius eligendo à Deo desciscerent.

III.

III. Quartò constat, nullam ipsis necessi- *In statu*  
tatem, imò nec propensionem ad peccan- *innoc.*  
dum adfuisse, antequam peccarent; sed in- *nulla*  
tegram & cui nihil penitus deesset, à Deo *necessi-*  
collatam potestatem, ut in accepta dilectio- *tas*  
ne stabiles permanerent; Ita ut nihil eis, qui *quin*  
cecidissent, opus esset à Deo tribui, ut stan- *nec pro-*  
tibus similes essent. *pensio*

\* \* \* \* \* *ad pec-*  
\* \* \* \* \* *can-*  
\* \* \* \* \* *dum.*

\* \* \* \* \*  
\* \* \* \* \*  
\* \* \* \* \*  
\* \* \* \* \*  
\* \* \* \* \*

Constat denique æternam felicitatem, &  
in bono stabilitatem, quæ potentiori deinde  
auxilio tribuenda erat, ex hac boni confer-  
vatione aut non desertione, quæ penes libe-  
rum arbitrium constituta erat, retribuën-  
dam fuisse.

IV. Quoad naturam lapsam, constat *Dogma-*  
Primò, naturam humanam per primi ho- *ta Ec-*  
minis peccatum iniquitati & æternæ dam- *clesia*  
nationi obnoxiam esse factam. Ita S. Inno- *de na-*  
centius Primus, Epistolis inter Augustinianas *tura*  
181. 182. alias 91. 93. Conc. Araus. 1. 2. *lapsa.*  
Concil. Trid. Sess. 6. cap. 1.

Secundò constat ab ea iniquitate, & dam-  
natione liberari ipsam non posse, nisi per Me-

diatorem ad hoc opus a Deo destinatum,

*Ad. juxta illud: Nec enim aliud nomen est sub Cælo  
4. 12. datum hominibus, in quo oporteat nos salvos fieri.*

Tertiò constat, justitiæ, charitatisque  
& consequenter salutis reparationem, juxta  
Dei Decretum, ex fide in Deum, & con-  
versione atque oratione pendere, juxta illa  
S. Scripturæ testimonia; *Sine fide impossi-  
bile est placere Deo. Penitentiam agite, appro-  
pinquavit enim Regnum Cælorum. Quicumque  
invocaverit nomen Domini, salvus erit.*

Quartò constat, naturam humanam ut  
jam diximus, per hoc Adæ peccatum, co-  
gnitione, & amore Dei ita orbatam, mun-  
dique amore, ceterisque inde sequentibus  
peccatis implicatam esse, ut neque ex iis  
emergere, neque illa, quibus ex singulari  
misericordia Deus peccati remissionem, ju-  
sticiam, salutemque pollicitus est, præstare  
possit, scilicet penitere, credere & orare,  
nisi Deus novâ gratiâ, id est, novâ & sin-  
gulari potentiæ suæ operatione, illa mala  
emendet & hæc bona præstet.

*Fidem  
& con-  
versio-  
nem di-  
vino  
munere  
& ope-  
ratione  
Dei in  
nobis  
effici  
ostendi-  
tur.*

V. Quid enim in Scripturis clarius, quam  
ipsam fidem, ipsam conversionem, cordis mu-  
tationem, indurationis seu contumaciæ &  
obcæcationis emendationem divino munere  
& potentiâ in nobis effici? Quid familiarius  
his Dei promissis; *Auferam cor lapideum &  
dabo cor carneum? Quis Patrum sive quis  
Chri-*



Christianorum, humani generis ad verum salutare cognoscendum infirmitatem aut potius impotentiam non agnovit? Quis non eam infirmitatem & cæcitatem ac ad omnia verę virtutis & pietatis studia ineptitudinem, ex Philosophorum cæcitate colligi docuit? Quis non indè Christi ejusque gratiæ & Evangelii necessitatem demonstravit? Quis illam gratiam primùm Judæis concessam, gentibus negatam, ab illis deinde ad gentes translata, iisdemque Judæis ante mundi exitum communicandam esse non dixit? Quis hoc donum tunc demum concessum esse non observavit, cum jam cætera præ iniquitate inutilia esse compertum esset, cum ad immensum excreverat iniquitas generis humani? Quis Religionis Christianę veritatem ex Christi in convertendis ad se omnibus gentibus potentia, ex promissorum, seu prophetiarum, quibus id futurum prædicabatur, effectu non demonstravit?

VI. Quo pertinent solemniter celebratæ *Idem* ab omnibus Episcopis, omnibus Sacerdotibus, *ostendi-* omnibus Christianis populis orationes pro *tur ex* conversione Gentilium, Judæorum, hæreticorum, pro perseverantia fidelium ac iustorum; si ad hoc demonstrandum minimè valent, fidem, conversionem, perseverantiam, specialia & gratuita Dei dona esse, seu ex speciali gratia, quam Ecclesia à Deo

*Epist.* precibus suis exposcit, hominibus inesse?  
 117. n. Unde Patres Africani in Ep. ad Innocen-  
 4. al. tium concludunt, *Ipsa igitur oratio clarissima*  
 95. *est gratiae testificatio.*

*Ex ipsa* VII. Quid denique evidentius illâ om-  
*sa expe-* nium sæculorum experienciâ, neminem ex  
*rientia.* tot Gentibus, ex iis etiam qui minus mali  
 essent, ex tot Philosophis qui summo stu-  
 dio veritatis cognitioni incubuissent, absque  
 peculiari Dei revelatione, qualis Abrahæ  
 contigit, aut illorum quibus concessa esset  
 institutione, qualis Abrahæ posteris accidit,  
 veram Religionem agnovisse, ab Idololatria  
 recessisse? An non omnes gentes, populi-  
 que orbis terrarum, quod plus pietatis præ se fe-  
 rebant, eo magis in Idololatriæ iniquitate  
 immerfi erant? An non Philosophi & pru-  
 dentiores quique, quo magis ingenii viribus  
 ad cognoscendam veritatem & errores vulgi  
 repudiandos nitebantur, eo magis ab omni  
 pietate, ab omni Religione, ab omni  
 præcipuè fide, & credulitate alieni erant?  
 Quibus benè perpensis, manifestè dignosci-  
 tur, insufficientia, inhabilitas, ac etiam  
 impotentia humanæ naturæ ad salutaris ve-  
 ritatis cognitionem adipiscendam, & ad  
 quævis opera veræ pietatis exercenda, simul-  
 que demonstratur necessitas specialis illu-  
 strationis, & singularis gratiæ Dei ut ejus-  
 modi bona habeantur. Cumque eadem bona,  
 fi.

ineff. fidei nempè, dilectionis &c. aliis adsint aliis  
noca defint, aliis concessa aliis negata esse liquet.

VIII. Quintò constat, electionem & *Electio.*  
discretionem gratiæ nullis antecedentibus *gratia*  
operibus, aut studiis niti, ita ut minus ma- *pénitus*  
lis negetur aliquando, pessimis concedatur: *gratui-*  
quod vel ex Christi adventu & Evangelicæ *ta.*  
prædicationis munere perspicuum est; a quo  
magnâ ex parte fidei & pœnitentiæ donum  
pendet, cum hæc cœlestis institutio pessimis  
temporibus concessa sit, melioribus aut mi-  
nus malis & magis tolerabilibus negata.  
Item Christi tempore iis præstita sit qui  
eam contumaciâ suâ repulerunt, ut liquet  
de Judæis, Corozaim & Bethsaida; iis ne-  
gata, quos ad fidem & pœnitentiam in-  
duxisset, ut idem Dominus testatur de Ty-  
riis & Sidoniensibus.

IX. Sextò constat, fide, pœnitentiâ & ora- *Fidei*  
tione remissionem peccati & veram inte- *pæni-*  
gramque justificationem a Deo tribuendam *tentie*  
esse, illis enim Deus promisit & præstat pro *& ora-*  
summa bonitate sua. Ea verò propriè & *tionis*  
accuratè merita non sunt, ut Synodus Trid. *meri-*  
docet, neque enim illi Dei amicitia & adop- *tunt.*  
tione digni censeri possunt, qui adhuc ejus  
innimici sunt & Diabolo mancipati, quam-  
vis ab hujus dominio solvi & Deo reconciliari cupiant. Ea tamen studia meriti nomine aliquatenus appellare licet, ut notat

S. Aug. quod ipsis Deus iustitiæ & reconciliationis beneficia promiserit. Eoque sensu meriti nomen Patres & Concilia usurpaverunt cum Pelagianos, & Semipelagianos damnare, quod fidem ex antecedentibus meritis dari statuerent; Hi enim ea studia & credulitatis exordia, quorum intuitu fidem ipsam seu ejus incrementa dari censebant, meriti nomine indigna esse ultro profitebantur.

*Iusti-* X. Septimò constat, justificationi id ex  
*ficatus* Dei iustitia promissisq; tribui, ut nunquam  
*non de-* anima ejus particeps à Deo deseratur, vel  
*seritur* ejus dilectionis inspiratio qua cognita fan-  
*à Deo* cto amore faciat, eidem subtrahatur, nisi  
*nisi pri-* Deum ipsa ante deseruerit. Hanc verita-  
*us De-* tem Patres docent: & Concil. Trid. defi-  
*um de-* nit his verbis: *Deus suâ gratiâ semel iustifi-*  
*Seff. 6.* *catus non deserit, nisi ab eis prius desera-*  
*Cap.* *tur.*

*II. ex* XI. Octavò constat, ad naturam lapsam  
*S. Au-* quod attinet, singulari Dei gratiâ & pro-  
*gustino* tectione, quæ speciale perseverantiæ donum  
*de nat.* appellatur, opus esse, ut quis in finem Deum  
*& Grat.* non deserat, ipsique conjunctus ex hac vita  
*c. 26.* emigret. Quod pariter statuit Conci. Trid.  
*Perseve-* Atque vel ex iis consideratis evidens est,  
*rantia* quæ tum ad istam perseverantiam pertinent,  
*usque* tum à libero non pendent arbitrio, ut ten-  
*in fi-* tationes, quibus quisque in malum indu-  
*nem* cent-  
*speciale*  
*donum*



condus est adsint vel absint, tùm ut op- *Dei &*  
 portuno tempore & cum Deo conjunctus *gratui-*  
 est, ex hac vita quisque transferatur vel non *tum.*  
 transferatur. Hoc autem donum nullis *Ibid.*  
 antecedentis justitiæ meritis certâ lege tribui, *cap 13.*  
 non solum fide, sed experientiâ ipsâ notum  
 est; cum iis, qui optimi fuerunt, aliquan-  
 do negetur, aliis plerisque minus bonis sæ-  
 pè concedatur. Equidem humilibus, oran-  
 tibus, vigilantibus &c. semper à Deo præsta-  
 tur ut Scriptura, Patresque docent, atque  
 etiam ex Dei promissis, vel protectio, quâ  
 tentationes removeantur, vel virtutis incre-  
 mentum, quo superentur. Verum id non  
 antecedenti humilitati & orationi, sed tum  
 perseveranti præstat. Ipsa autem orationis,  
 humilitatis, vigilantia perseverantia nullis  
 meritis, vel conitibus, vel antecedentibus  
 certò tribui potest.

Hæc est igitur, quæ penitus gratuita est.  
 Cur enim alios Deus suæ mutabilitati per-  
 mittat, ut ab humilitate, oratione, vigi-  
 lantiâ recedant, alios ita protegat & ad-  
 juvet, ut his præditi moriantur, nulla ex an-  
 tecedentibus studiis ratio peti potest, ita ut  
 illic maximè locum habeat exclamatio A-  
 postoli: *O altitudo divitiarum sapientiæ &*  
*scientiæ Dei!*

XII. Ista de divina gratia seu de mise- *Errores*  
 ricordia & justitia Christianæ Fidei Placi- *contra-*  
 ta.

*vii do-  
ctrina  
Eccle-  
siae de  
vera  
gratia.*

ta varii Hæretici contrariis erroribus impug-  
narunt. Unâ ex parte primò, Veteres illi ut  
sup. notavimus, qui naturas essentialiter bo-  
nas & malas, atque adeò felices, & mi-  
seras esse constituerunt, Valentiniiani, Mani-  
chæi, &c. Secundò, qui voluntati creatæ, etsi  
natura neque bona neque mala sit, præter  
ullum virtutis & peccati intuitum, felici-  
tatem, & miseriam à Deo præparatam esse  
voluerunt. Tùm verò voluntatem ipsam  
innocentem tam in bonum, quam in ma-  
lum divinâ potentiâ atque operatione com-  
pelli & determinari, cujus impietatis olim  
incusati sunt, quos Prædestinianosappel-  
lamus. Calvinus & plerique ex ejus Secta  
ob eandem impietatem meritò damnati sunt.  
Tertiò, qui naturam lapsam ita per Chri-  
stum salvari & reparari voluere, ut nulla  
ipsi vera justitia, nulla vera merita conse-  
rantur; sed manente iniquitate & peccato,  
fidem de salute per Christum futura, pro ju-  
stitia, quæ abest, solis electis seu Prædesti-  
natis reputari, atque adeò gloriam non cu-  
jusque meritis, sed soli de propria præde-  
stinatione fidei conferri. Denique, qui eos fi-  
deles, qui peccatis suis acceptam justitiam  
seu divinæ dilectionis inspirationem extin-  
guunt, ac propterea damnantur, ex peccati  
originalis merito vel deseri à Deo vel dam-  
nari docent.

XIII. Altera ex parte Ecclesiæ de iisdem Capitibus doctrinam contrariis erroribus impugnarunt: Primò, qui creatæ voluntatis *Alu*  
arbitrium ante peccatum, & etiam postea *ex oppo-*  
tam bonos, quam malos motus exercere *sito er-*  
posse dixerunt, Deo non ipsos bonos ut nec *rores.*  
malos operante, etsi non repugnare putarent, ut bonos Deus operaretur cum libertate. Itaque quemadmodum voluntas bona, Deumque amans ab eo deficere potest, Deo ipsam defectionem minimè operante; ita malam & à Deo averfam ad ipsum converti posse, Deo ipsam conversionem non efficiente: eò tamen difficilius, quo pejor, & à Deo magis averfa atque ad creatam conversa sit. Cujus impietatis Origines Autor habitus est, fautores celeberrimi Pelagius & Cælestius, eorumque discipuli fuere.

Secundò, eodem errore ex parte retento, Ecclesiæ doctrinam de divina gratia impugnarunt, qui a S. Prospero Reliquiæ Pelagianorum, à nobis Semipelagiani vocantur, qui duplicis veluti classis fuere. Alii magis moderati eandem explicandæ gratiæ rationem sequentes, quam S. Augustinus circa prima conversionis tempora & ad Episcopatum usque tenuerat, omnia quidem bona, ea præcipuè per quæ boni sumus, cæterisque bene utimur, his nunquam malè, omnia

omnia virtutum studia, omnes ad illas motus & progressus, omnes actiones probabiles, omnia & singula liberi arbitrii opera quæ bona & laudabiliora sunt, dona Dei esse, neque à voluntate fieri, nisi Deo totum ejus velle & operari operante. Ex quo etiam sequebatur, quæ semel amissa essent & à peccato extincta, non posse nisi Deo eadem restituente, recuperari. Nec alias voluntatis etiam sanæ & vigentis partes esse, nisi ut accepta bona fervet, motumque peccari, quo illa extinguuntur, non exerat. Quocirca isti à Pelagianorum impietate, qui voluntatem ad bonum & ad malum per se producendum, communibus & necessariis ad utrumque auxiliis præsentibus æquè validam & liberam esse statuerunt, sincerè abhorrebant; iidem præterea post primi hominis peccatum salutaris veritatis revelatione aut internâ aut externâ, quæ gratuita penitus erat, ad initium bonorum operum & ipsa Fidei exordia opus esse prædicant. At verò ejusmodi gratiâ antecedente vel accedente, inesse cujusque voluntati tantum gratiæ internæ ac virium ex primævæ justitiæ divinæque imaginis reliquiis, ut qui eas propriis peccatis non corrupisset, aures initio Fidei, hoc est propositæ salutari veritati suscipiendæ haberet idoneas. Cæterum cum Ecclesia Catholica sincerè prædicabant  
alias



alias virtutes omnes, veræ pietatis studia, & vires ad legem Dei observandam idoneas, originali peccato amissas, & ex constituto de virtutum origine principio, nisi Deo restituente à nemine recuperari posse, ita ut nihil boni voluntas deinceps efficeret, nisi Deo per Christum gratiâ id præstante, ac velle ipsum & operari operante. Sed hæc Divina gratia & operatio ut aliis adesset & aliis deesset, non ex mera Dei misericordia & beneplacito accidere, sed accedente justitiæ Decreto, quo se omnibus adiutorum esse pollicitus est quærentibus, pulsantibus, petentibus, orantibus, ex illa scilicet fide, quæ ex illis primævæ gratiæ reliquiis, affulgente prædicationis lumine prodiiisset.

Alii plerique Semipelagiani in tantum à Pelagianorum, ut ait D. Prosper, vestigiis non recedebant, ut nullâ primævæ originalis illius gratiæ, aut novæ per Christum illuminationis habitâ ratione, tantum fere voluntati ad bene, quam male agendum facultatis inesse contenderent; Deo non magis ipsum bonum, quam malum velle in ipsa operante, nihilque ex originali peccato (quod ambitiosè contra Pelagianos se admittere profitebantur) mali accessisse voluntati, præter peccati reatum, nisi aliquantum propter vitiosos con-

concupiscentiæ motus ad virtutem consequendam difficultatis, qualem Pelagiani ex propriis cujusque peccatis accidere ultrò prædicabant. Itaque à vitiis ad virtutes assurgere & à virtutibus ad vitia declinare, penes proprium cujuslibet arbitrium esse positum.

His pro recta eorum, quæ deinceps dicenda erunt intelligentia præmissis, incipiam proponere præcipua capita ejus doctrinæ, quam in suo libro *Emin. Sfond.* exposuit, ut Nodum Prædestinationis dissolveret, eaque postea perpendenda erunt,

#### CAPUT. IV.

Adducuntur Gratiæ notiones seu definitiones, quas **CARDINALIS SFONDRATUS** tradit & explicat.

**U**T melius postea consideremus ea quæ Autor iste docet, tùm de voluntate Dei circa omnium hominum salutem, tùm præcipuè de gratiis & mediis necessariis ad illam consequendam, prius scire opus est, quam gratiam ipse profiteatur, quod ex  
ejus

ejus definitionibus, quas ille contexuit, manifestum fiet.

Antequam ad definitiones suas deveniat, advertit naturam humanam seu voluntatem non moveri nisi gaudio & delectatione, quod verum est: nam sicut voluntas non fertur in objectum suum quod est bonum nisi volitione & amore, ita & delectatione. Quid est enim aliud delectari aliquâ re, quam eam velle & amare? Ista namque re-ipsa eadem sunt, & sicuti non volumus & non amamus nisi quod delectat, ita nihil delectat nisi quod volumus & amamus. Hanc perspicuam veritatem pluribus exponit, & probat nonnullis, ex infinitis quæ adduci possunt, S. Augustini testimoniis ut est illud celebre. *De spi.*

"Cum id quod agendum est cæperit non latere, nisi etiam delectet & ametur, non

"agitur, non suscipitur &c." Et aliud lib.

x. ad Simpl. ubi S. Doctor hæc habet.

"Quis animo complectitur aliquid, quod cum non delectat? aut quis habet potesta-

"tem, ut vel occurrat quod eum delectare

"possit, vel delectet cum occurrerit? Cum

"ergo nos ea delectant, quibus profici-

"mus ad Deum, inspiratur hoc, & pro-

"batur gratiâ Dei, non nutu nostro, aut

"industriâ, aut operum meritis comparatur."

Ex quibus pluribusque aliis, quæ addu-

"boni tam affabrè voluntati depingit ut rapiat in amorem.

Id verò asserit ostendi a S. Doctore exemplo Estheræ Reginæ, de qua Sfondratus ob-<sup>pag.</sup>  
servat, eam quamvis pulchram ornatamque, 212.  
"non tamen flexisse animum Regis . . . .  
"flexisse autem pallidam, exanguem & in deli-  
"quium, sinumque ancillæ collapsam, quod  
"ergo non forma, non roseus color, non  
"regius ornatus potuit, id pallor & deli-  
"quium potuit &c." Et post multa alia in  
candem rem dicta, tandem infert. "Quid  
"ergo mirum, ait, aliquid esse, quod etiam  
"voluntatem, si ostenderetur, certissimè in<sup>pag.</sup>  
"aliam mutet? Ostendere verò, inquit, ad 213.  
"gratiam pertinet.

Magnam quoque vim animos commo-  
vendi extare demonstrat in cantibus, sonis,  
& musica, & postea inde colligit, "Si ergo,  
"ait, in mollienda flectendaque voluntate, <sup>Ibid.</sup>  
"tantum valet proportio soni, quantum ma-  
"gis valebit proportio & cognitio boni,  
"quod proprium illius objectum est? An  
"verò poterit peritus musicus reperire so-  
"num, quo certissimè affectum moveat, &  
"non poterit Dens reperire objectum, quo  
"certissimè voluntatem in aliam mutet?  
"Aut anima magis cantui subditur, quam  
"veritati?

Denique ad hoc ipsum præstandum <sup>pag.</sup>  
plu- 215.



plurimum valere ostendit vim persuadendi seu eloquentiam & inde ita discurret.

Pag.  
216.

"Si ergo in ducenda, volvendaque voluntate tanta vis est verbo humano, quantamta erit verbo divino? Potest philosophus verba & argumenta reperire, quibus in tactâ libertate, voluntatem pleno cursu ruentem non tantum sistat, verum etiam in oppositum vertat, & non poterit Deus! Plus dabimus Oratori, quam Creatori? Quibus animadversis, ita gratiam definit.

Ibid.

Gratia  
Sfon-  
drati-  
on.

"Nihil aliud est, inquit, triumphatrix gratia, de qua loquimur, quam Oratio & Rethorica Dei humanam voluntatem alloquentis, & alloquendo in quamcumque partem voluerit persuadentis. „ Quod his Scripturæ verbis declarat: *Liquifacta est anima mea, cum dilectus loquutus est*, inquit aliqua, subjungit Ipse „ *quæ amat*; hoc ergo est, ait, cordi duro verbum Dei, quod metallo est ardor ignis, liquefcunt igni metalla, & non liquefcunt corda Dei verbo? Fac ærea, fac adamantina esse, ad hunc ignem solventur. Quod si in magno hoc mundo, dicente Deo, facta sunt omnia, nihil novi aut insoliti est, si dicamus etiam in mundo minori, hoc est homine, dicente Deo, fieri omnia &c.

Utrum

" Unum Dei verbum nutusque sufficit: dixit.  
 " *Fiat lux*, & facta est lux; fiat Cœlum,  
 " fiat mare, factumque Cœlum & mare;  
 " cur non etiam dicente illo, fiat in volun-  
 " tate amor, non fiet amor? fiant lacrymæ,  
 " fiat castitas, non fient lacrymæ & casti-  
 " tas? Ergo ut aliquando concludam:  
 " Deus qui dicendo fecit mundum ex nihilo,  
 " dicendo quoque facit justum ex peccatore,  
 " nam & peccatum nihil est, & hoc ipsum  
 " ita dicere, ut hoc fiat, est gratia Dei,  
 " quam prædicamus, & quam semper docuit *pag.*  
 " Aug. Qui verò aliter explicant, aliter 217.  
 " sentiunt, pace illorum dixerim, nec satis  
 " cum Augustino conveniunt, nec tantum  
 " Deo in anima loquenti tribuunt, quantum  
 " Dei verba merentur., Hoc modo expositâ  
 " suâ primâ gratiæ definitione, ad aliam de-  
 " venit, ita absolute decernens.

" Fixum ergo ratumque sit, nihil aliud *Ibid.*  
 " ex sententiâ Augustini gratiam effectricem  
 " esse, quam *cognitionem congruam*, hoc est,  
 " qua tale, tamque proportionatum objec-  
 " tum, talique modo proponat, ut ad illud  
 " amplectendum voluntas magnetismo &  
 " sympathiâ quadam certissime moveatur."  
 " Qua definitione explicata, tandem docet,  
 " Quod nulla cupiditas, nulla consuetudo,  
 " nullum vitium erit, quod timori omnium  
 " maximi & certissimi mali, ac spei omni-  
 " um

"um maximi, & certissimi boni non continuo cedat, gratiâ utrumque validissimè proponente." Hæc celebris ille Vir gratiam Dei definiens, atque declarans. Quæ prolixius, ac prout jacent referre censui, ut manifestius fiat, quodnam ipse principalis gratiæ genus constituat, Augustinoque tribuat.

## CAPUT V.

Allatas definitiones non continere notionem ejus gratiæ, de qua agebatur cum Pelagianis: Easque non esse  
Juxta mentem S. Augustini ostenditur  
ex ejus testimoniis.

**R**ESTÈ quidem & juxta Augustini sententiam Sfond. ex ejusdem S. Patris, quas retulerat, assertionibus colligit gratiam Dei manifestatione eternæ veritatis, & infusione delectationis seu dilectionis summi boni, nempe Dei, efficere ut homo peccare non velit; sed optandum erat, ut collectam  
do-

doctrinam integram retineret ac deinceps suam sententiam exponendo, definitionesque gratiæ formando, meliorem ejus partem inò totam illam, de qua cum Pelagianis disputabatur, non omitteret, si illi cordi erat Augustinum sequi.

I. Hic namque eo, quem ipsemet citat, loco ad simplicianum docet, ad credendum duo requiri, ut scilicet veritas salutaris representetur, & ut delectet; " Ut autem delectet, inquit, inspiratur hoc, & præbentur gratiâ Dei non nutu nostro &c. " Id præclare, & generaliter tradit citato lib. de spir. & litera: Ubi hæc habet c. 3. " Neque liberum arbitrium quidquam nisi ad peccandum valet, si lateat veritatis via & cum id quod agendum est & quo nitendum est, cæperit non latere, nisi etiam delectet, & ametur, non agitur, non suscipitur, non bene vivitur. " Ut autem diligatur, Charitas Dei diffunditur in cordibus nostris, non per liberum arbitrium, quod surgit ex nobis, sed per Spiritum sanctum qui datus est nobis. Quam veritatem toto eo libro clarè demonstrat adversus Pelagianos docens. *Humanam voluntatem* (verba illius sunt) *sic divinitus adjuvari* ad faciendam justitiam, ut præter id quod creatus est homo cum libero arbitrio voluntatis, præterque doctrinam, qua ei præcipitur,

*Lib. 1.  
q. 2. n.  
21.*

*Ad credendum & bene operandum requiritur cognitio & dilectio Dei.  
cap. 3.*

*Ibid.*



quemadmodum vivere debeat, accipiat Spiritum sanctum quo fiat in animo ejus delectatio, dilectioque summi illius atque incomparabilis boni, quod Deus est.

II. Ubi observandum est Pelagianos semper per eam gratiam negasse, quæ in dilectione Dei, cæterisque bonis motibus liberi arbitrii, sive in operatione Dei, quâ ejusmodi boni motus, & affectiones inspirantur, consistit. Non verò negabant gratiam illam, quæ sita est in lege atque doctrina seu, ut modo dici ceptum est, in Oratione, & Rhetorica Dei; quin imò hoc genus gratiæ ultrò profitebantur. Audiamus Pelagium ipsum illud prædicantem. Sibi enim opponens locum Apostoli: *Deus est enim, qui operatur in vobis & velle, & perficere.* Ita oppositionem eludere nititur: *Operatur,* inquit, in nobis velle quod bonum est, velle quod sanctum est, dum nos terrenis cupiditatibus deditos, & mutorum more animalium tantummodò præsentia diligentes, futuræ gloriæ magnitudine, & præmiorum pollicitatione succendit; Dum revelatione sapientiæ in desiderium sui stupentem suscitavit voluntatem; dum nobis SUADET omne quod bonum est.

Qua interpretatione adductâ, S. Aug. *Ibid.* Hæresiarchæ fraudem detegens subdit: *"Quid manifestius, nihil aliud eum dicere gratiam*

"tiam, qua Deus operatur velle quod bo-  
 "num est, quam legem, atque doctrinam?  
 "In lege namque & doctrina SS. Scriptura-  
 "rum futuræ gloriæ atque præmiorum  
 "promittitur magnitudo; ad doctrinam  
 "pertinet etiam, quod sapientia revelatur;  
 "ad doctrinam pertinet cum suadetur om- p. 216.  
 "ne quod bonum est. Etsi inter docere &  
 "suadere, vel potius exhortari distare ali-  
 "quid videtur, etiam hoc tamen doctrinæ  
 "generalitate concluditur. Nam & sanctæ  
 "Scripturæ & docent, & exhortantur, & po-  
 "test esse in docendo & exhortando etiam  
 "hominis operatio." Quod Sfondratus quo-  
 "que fatetur ut ostendat vim Rhetoricæ Dei  
 "in voluntatem hominis. "Nec mirentur,  
 "inquit, si dicimus posse Deum argumenta  
 "& rationes invenire, quibus certissimè  
 "quancumque etiam oblutantem volunta-  
 "tem expugnaret, cum id Diogenes, Julii,  
 "Antonii, Cleopatræ, Xenocrates, ali-  
 "que potuerint." Nescio cur nostros sa-  
 "cros Oratores non nominaverit, nisi fortè  
 "quia de his, quantumvis disertissimis, dici-  
 "tur, *Neque qui plantat, neque qui rigat*  
*est aliquid, sed qui incrementum dat Deus.*  
 At redeamus ad August. qui declarans  
 quam gratiam Pelagius debuisset confiteri,  
 immediate subiungit: "Sed nos, inquit, eam  
 "gratiam volumus ille fateatur, qua futuræ  
Q 3
glo-

"gloriæ magnitudo non solum promittitur,  
 "verum etiam creditur & speratur, non  
 "solum revelatur sapientia, verum etiam &  
 "amatur, nec suadetur solum omne quod  
 "bonum est, verum & persuadetur; *Non*  
 "*enim omnium est fides*, qui audiunt per  
 "Scripturas Dominum Regnum Coelorum  
 "pollicentem; aut omnibus persuadetur,  
 "quibuscumque suadetur ut veniant ad  
 "eum qui dicit. *Venite ad me omnes qui la-*  
*Matth.* "*boratis.* Quorum autem sit fides, & qui-  
 11.28. bus persuadetur ut ad eum veniant, satis  
 ipse demonstravit ubi ait, *Nemo venit ad me*  
*Johan.* "*nisi Pater qui misit me traxerit eum.* Et pau-  
 6.44. lo post, cum de non credentibus loquere-  
 tur, *dixi*, inquit, *vobis*, *quia nemo potest*  
*venire ad me, nisi fuerit ei datum à Patre*  
*meo.* Cum autem Pelagius à Catholicis  
 accusaretur, quod in lege tantum gratiam  
 poneret; Respondit, *gratiam nos non, ut tu*  
*putas, in lege tantummodo, sed & in Dei ad-*  
*jutorio confitemur.* Tum Aug. reponit,  
 "Quis non hic desideret, ut ostendat, quam  
 "velit intelligi gratiam? Propter hoc enim  
 "maximè de illo expectare debemus, ut dicat  
 "hoc, quod dicit, non in lege tantummodò  
 "se gratiam confiteri; sed nobis hac expecta-  
 "tione suspensis, quid addiderit intuemini.  
 "Adjuvat enim nos, inquit, Deus per doctri-  
 "nam & revelationem suam, dum cordis

„ nostri oculos aperit, dum nobis, ne præ-  
 „ sentibus occupemur, futura demonstrat,  
 „ dum Diaboli pandit insidias, dum nos mul-  
 „ tiformi & ineffabili dono gratiæ cælestis il-  
 „ luminat. ” Deinde sententiam suam qua-  
 „ dam veluti absolutione concludens : *Qui*  
*hæc dicit*, inquit, *gratiam tibi videtur negare*,  
 „ an & liberum arb. & Dei gratiam confitetur?  
 Hanc etiam Pelagii artem qua errorem su-  
 um occultare conatur, S. Aug. eludit his  
 verbis : „ In his omnibus, inquit, non re-  
 „ cessit à commendatione legis, atque do-  
 „ ctrinæ, hanc esse adjuvantem gratiam di-  
 „ ligenter inculcans, & hoc exequens, quod  
 „ proposuerat, *sed in Dei esse adjutorio confite-*  
*mur*. Denique Dei adjutorium multipli-  
 citer insinuandum putavit commemorando  
 doctrinam, & revelationem, & occultam  
 cordis adaptionem, & demonstrationem  
 futurorum, & apertionem Diabolicarum in-  
 sidiarum, & multiformi, & ineffabili dono  
 gratiæ cælestis illuminationem, ad hoc uti-  
 que ut divina præcepta, & promissa discamus.  
 Hoc est ergo gratiam Dei ponere in  
 lege atque doctrina &c.

III. Pelagianos admisisse eas gratias, quæ *Pelagi-*  
 ad suadendum & exhortandum pertinent, *ani ad*  
 siue à Deo immediatè, siue per Ministros *mi-*  
 ejus adhibeantur, magis etiam constabit, si *runt*  
 advertamus gratiæ adjutoria, quæ profite- *gratias*



*spe&at* batur Julianus. En ejus verba " Affirmamus;  
*ad sua-* " inquit , à Deo fieri hominem liberi arbi-  
*den-* " trii , cumque innumeris divinæ gratiæ spe-  
*dum &* " ciebus juvari , cui possibile sit vel servare  
*exhor-* " Dei mandata , vel transgredi &c. Et hoc  
*tan-* " est ubi liberum arbitrium esse defendimus,  
*dum.* " ut cum Deus tam multis modis benigni-  
*Apu&* " tatem suam asserat , id est præcipiendo , be-  
*S. Au-* " nedicendo , sanctificando , coërcendo ,  
*gust.* " provocando , illuminando , unusquisque  
*lib. 3.* " eorum , qui jam ratione utitur , liberum  
*Op.* " habeat , voluntatem Dei vel servare , vel  
*Imp.* " spernere.  
*cap.*

106. S. autem Aug. hac gratiæ confessione  
 meritò non contentus , ita Julianus respondet.

" Tam multa , inquit , dicis quibus nos ad-  
 " juvat Deus , id est , præcipiendo , bene-  
 " dicendo , sanctificando , coërcendo , pro-  
 " vocando , illuminando , & non dicis  
 " charitatem dando , cum dicat Joannes A-

1 *Joh.* " postolus. *Charitas ex Deo est* , unde etiam

4. 7. " dicit. *Ecce qualem charitatem dedit nobis*

*Ibid.* 3. " Pater ; *ut filii Dei vocemur , & simus.*

1. " In hac charitate , quæ cordi humano spi-  
 " ritu NON LITERA datur , etiam potestas  
 " illa intelligitur , de qua idem ipse in E-

*Johan.* " uangelio suo ; *Dedit eis* , inquit , *potesta-*

1. 12. " *tem filios Dei fieri.* Hanc vos ab homine

" esse dicitis homini per liberum arbitrium ,

" spiritum habentes hujus mundi , non cum

qui

"qui ex Deo est, propter quod nescitis quæ à *1 Cor.*  
 "Deo donata sunt nobis &c." Item alibi in *2. 12.*  
 eodem proposito, "Inter divinæ gratiæ spe-  
 "cies, inquit, si poneretis dilectionem, *Op.*  
 "quam non ex nobis, sed ex Deo esse, *Imp.*  
 "eamque Deum dare filiis suis apertissime *lib. 3.*  
 "legitis, sine qua nemo piè vivit, & cum *cap.*  
 "qua nemo nisi piè vivit, sine qua nullius *122.*  
 "est bona voluntas, & cum qua nullius est.  
 "nisi bona voluntas, verè liberum defen-  
 "deretis, non inflaretis arbitrium. "Ea-  
 "dem habet alio loco; "Cum quæritur, *Ibid.*  
 "inquit, à vobis, quæ sint adjutoria gra- *cap.*  
 "tiæ Dei, edicitis quæ supra commemora- *114.*  
 "sti, *Deum adjuvare præcipiendo &c.* Quæ  
 "omnia etiam per homines fiunt secundum  
 "Scripturas. Nam & præcipiunt homines,  
 "& benedicunt, & per divina Sacramenta  
 "sanctificant, & corripiendo coercunt, &  
 "exhortando provocant, & docendo illu-  
 "minant. Non tamen qui plantat est ali-  
 "quid, neque qui rigat, sed qui incremen- *1 Cor.*  
 "tum dat Deus. Hoc est autem incremen- *3. 7.*  
 "tum, ut unusquisque obediat præceptis  
 "Dei, quod non fit, quando verè fit, nisi  
 "Charitate. Istam Charitatem non dat nisi  
 "Deus. Charitas enim ex Deo est. Hanc  
 "vos inter adjutoria gratiæ, quæ comunc-  
 "moratis, nominare non vultis, ne hoc

cedenti de Rhetorica definitionem progrediens, ratiocinationem suam decretoriis verbis, ut de re certissima, ita concludit.

„Fixum ergo ratumque sit nihil aliud ex  
 „sententia Augustini gratiam effectricem esse, pag. 217.  
 „*quam cognitionem congruam*, hoc est quæ tale  
 „tamque proportionatum objectum, talique  
 „modo proponat.” Atque id quidem consequenter ad illud suum dictum quod, *Ostendere ad gratiam pertinet*. Modo videamus an id, & mox allata definitio sit juxta S. Augustini sententiam, an verò aliud de gratia ipse censeat.

Agens itaque de illa gratia, quam summopere contendebat, ut Pelagiani confiterentur: „Hæc gratia, inquit, si doctrina dicenda est, certè sic dicatur, ut altius  
 „& interius eam Deus cum ineffabili suavitare credatur infundere, non solum per  
 „eos qui plantant, & rigant extrinsecus,  
 „sed etiam per se ipsum qui incrementum  
 „suum ministrat occultus, ita ut non ostendat tantummodo veritatem, verum etiam  
 „IMPERTIAT CHARITATEM.” Non ergo solum ostendere pertinet ad gratiam secundum Augustinum. Lib. de Grat. Christi cap. 13

Ad cognitionem verò quod attinet eorum, quæ credenda, & diligenda sunt; cum Pelagius illam tantum esse gratiam necessariam

ad piè justèque vivendum doceret, sic eum  
*Ibid.* S. Pater redarguit: "Cognitionem & di-  
*cap. 26.* "lectionem, sicut sunt discernenda, discer-  
*in edit.* "nat. . . . Et cum sit utrumque Donum  
*Bene-* "Dei, sed unum minus, alterum majus,  
*dictina.* "non hic justitiam nostram super laudem  
 "Justificatoris nostri extollat, ut horum  
 "duorum quod minus est, divino tribuat  
 "adjutorio, quod autem majus est, huma-  
 "no usurpet arbitrio; „& paulo superius;  
 "Legant, & intelligant, inquit, intueantur,  
 "atque fateantur, non lege atque doctrinâ  
 "insonante forinsecus; sed internâ, atque  
 "occultâ, mirabili ac ineffabili potestate  
 "operari Deum in cordibus hominum non  
 "solum veras revelationes, sed etiam bonas  
 "voluntates.

*Suasio* \* IV. Quamobrem gratia necessaria ad  
*& co-* credendum & agendum ea, quæ ad pieta-  
*gnitio* tem & salutem pertinent, non est sola legis  
*veri* & cognitio, & doctrina vel Rhetorica Dei,  
*boni* aut manifestatio æternæ veritatis vel qualif-  
*non est* cumque veri boni revelatio, atli sermo esset  
*suffi-* de magnitudine revelationum Pauli Aposto-  
*ciens ad* li ut bene observat S. Aug. lib. de grat.  
*creden-* Christ. cap. II. De hujusmodi enim gratia  
*dum* & non disputabatur inter Catholicos & Pela-  
*benè* gianos, cum utrique illam admitterent, &  
*operan-* isti eam ambitiosè prædicarent, sed insuper  
*dum.* requiritur alia & quidem principalis gratia,  
 hoc



hoc est, operatio qua Deus fidem, dilectionem sui, & reliquas virtutes inspiret, quibus divina mandata servantur, ut jam observatum est, & de hac gratia controversia erat cum Pelagianis, qui illam obstinatè negantes ab Ecclesia proscripti fuerunt.

At dicet forsan aliquis, Sfondratum statuere non qualemcumque cognitionem veri & boni esse principalem gratiam, *Sed cognitionem congruam.* Cui scilicet capiendæ, ut inquit Aug. loc. cit. ad Simplicianum idoneus fit animus cognoscentis eique congruat, ac contemperetur; Benè quidem: At verò ut animus vocationi vel cognitioni congruat, *Cognitio ut* opus est, ut sit benè dispositus per aliquam *congrua* bonam affectionem, & delectationem, seu *fit quid* dilectionem boni sibi propositi; verum enim *requira* & bonum quod cognoscitur, ait Aug. non *tur.* suscipitur, non agitur, nisi etiam delectet, & ametur, ut autem delectet, & ametur non fit hoc prædicatione, aut qualicumque suasionem seu exhortationem, quæ sine fructu & utilitate, ac profectu audientium, vel cognoscentium adhibentur, nisi Deus det incrementum, id est nisi fides ipsa & Cha- *Ad* ritas diffundatur in cordibus eorum per Spi- *Simpl.* ritum sanctum, unde Aug. ait; „ Ut autem *lib. I.* delectet & ametur, inspiratur hoc & præbe- *q. 2. n.* tur gratiâ Dei non nutu nostro aut industriâ. *21.* „ Nam licet id non fiat sine nostro nutu &

„conatu, nos enim revera volumus & cona-  
 „mur” Tamen ut sit nutus voluntatis (profe-  
 „quitur Aug.) ut sit industria studii, ut sint  
 „opera charitate ferventia, ille tribuit, ille  
 „largitur. „ Cum ergo ad credendum & bo-  
 num agendum requiratur cognitio & dilectio  
 seu charitas, cur Sfond. definiendo gra-  
 tiam necessariam ad id præstandum, cogni-  
 tionem tantum seu scientiam com-  
 memorat; non autem dilectionem, vel chari-  
 tatem, quæ supereminet scientiæ? Oporte-  
 bat ut adderet etiam, quin-imò principaliter  
 exprimeret inspirationem dilectionis, si  
 vellet cum Aug. sententia convenire, qui,  
 ut vidimus, definit, „gratiam esse inspira-  
 „tionem dilectionis, ut cognita sancto  
 „amore faciamus.

Atqui unum inquit Sfond. Dei verbum,  
 nutusque sufficit. „ Dixit Deus, fiat lux,  
 „ & facta est lux . . . . Cur non etiam di-  
 „cente illo, fiat in voluntate amor, non fiet  
 „amor? fiant lacrymæ, fiat castitas, non  
 „fient lacrymæ & castitas? Ergo ut aliquan-  
 „do concludam, qui dicendo fecit mun-  
 „dum ex nihilo, dicendo quoque facit  
 „justum ex peccatore . . . . Et hoc ip-  
 „sum ita dicere ut fiat, est gratia Dei, quam  
 „prædicamus.” Ita profecto est. Hanc sanè  
 gratiam S. Aug. ex Scripturæ, Traditionis, &  
 rectæ rationis etiam documentis professus  
 est:

est: "Deus, inquit, ipse verbo fecit omnia. *In Ps.*  
 Et paulo post "non solum quippè homi- 18.  
 "nes, sed etiam justos (si tamen sumus) ipse *Enarr.*  
 "fecit nos, & non ipsi nos." Hoc idem 2. n. 3.  
 disertè docet pluribus aliis locis, & præser-  
 tim ubi adversus Pelagianos agens, osten-  
 dit omnia bona, & præcipuè maxima, qui-  
 bus nempe boni sumus, ut omnes bonos  
 motus liberi arbitrii, fidem, dilectionem,  
 omnes denique virtutes Deo placentes, esse  
 singularia Dei dona, hoc est, Deo eadem  
 bona dante proprièque operante adesse, &  
 effici in voluntate; unde verissimum est, ac  
 S. Aug. vel potius Ecclesiæ doctrinæ om-  
 nino consonum, ut quemadmodum in ma-  
 gno mundo, Deo dicente, facta sunt om-  
 nia, ita in mundo minori, id est, homine,  
 dicente Deo, fieri omnia bona.

"Multa (inquit Concil. Arausic.) Deus fa- *Can.*  
 "cit in homine bona, quæ non facit homo, 20.  
 "nulla verò facit homo bona quæ non Deus *Lib. 2.*  
 "præster, ut faciat homo:" Sunt verba *cont. 2.*  
 Aug. in canonem redacta. Itaque, Deo *Ep. Pe-*  
 dicente, fiat in voluntate amor, fiant la- *lagian.*  
 crymæ, fiat castitas, sine ulla dubitatione *cap. 9.*  
 fient; omnia enim quæcumque voluit Deus,  
 fecit in Cælo, & in Terra. imo aliter quam  
 Deo dicente, hoc est easdem virtutes per se  
 operante, illæ fieri, & haberi in homine  
 non possunt.

Quare

Quare si Emin. Sfond. sincerè fateatur verbum Dei, seu operationem Dei, qua virtutes in voluntate creata producantur, esse præcipuam gratiam Dei, cum Aug. equidem sentit. At aliam gratiam ab ipso intelligi jam vidimus, & clarè modo etiam apparebit si advertatur æquivocatio quæ accidere potest in usu vocis hujus *verbum Dei*. Duplicem enim in nostro proposito habere potest significationem; altera quo denotatur verbum Dei, quo nota fiunt ea quæ præsertim ad salutem animæ pertinent, præcipiendo, prædicando, illuminando &c. sive id Deus præstet per Scripturas suas, sive per Ministros ejus, homines, vel Angelos, sive tandem ipsamet immediatè illa menti creatæ præsentet, atque revelet; altera est, qua innuitur Verbum Dei, quo ipse in sua æternitate decrevit, & voluit fieri omnia quæ fecit, & operatur. Et hoc est Verbum de quo scriptum est, *dixit & facta sunt* &c. & quod est per se effectrix causa omnium bonorum. Hoc Verbo, quo Deus dicendo operatur in voluntate creata, solus ipse utitur, liberum enim arbitrium hominis istius & propriè non movetur, nisi à Deo, & à se ipso, quemadmodum soli Deo immediatè per se subditur. Brevius dici potest aliud est Verbum Dei loquens, aliud operans. Modo facile est advertere Card. Sfond. possi illa

cna.



enarata de Verbo Dei operantis, statim redire ad verbum Dei loquentis, atque in isto, non autem in illo ab ipso constitui gratiam.

Hinc etiam constat de verbo Dei non alloquentis humanam voluntatem, aut loquentis in anima, sed operantis rectè dici; hoc est cordi duro verbum Dei, quod metallo ardor ignis &c. ut enim metalla non splendore sed ardore ignis, ita corda non illuminatione, sed amore liquefcunt: amor autem iste, unde dura corda mollescunt, non fit in voluntate nisi eo dicente, & dicendo intus operante, qui ait: *Auferam cor lapideum de carne vestra, & dabo vobis cor novum.* *Ezech. 36: 26.*

VI. Verum est etiam animum habere voluptates suas: „ quibus, inquit Aug. à *Ani-*  
„ Stond. adductus, delectatur veritate, de- *ma vo-*  
„ lectatur beatitudine, delectatur iustitiâ, de- *lupta-*  
„ lectatur sempiternâ vitâ, „ sed ut his spiritua- *tes.*  
libus bonis delectetur, non sufficit ut ea *P. 208.*  
affabrè menti depingantur, nisi etiam illi placeant, & amentur, Propterea S. Doctor immediate subdit. „ Da amantem, da deside- *Tract.*  
„ rantem &c. & scit quid dicam, si autem *26. in*  
„ frigido loquar, nescit quid loquor &c. „ Ut *Jo.*  
verò eadem bona amentur, certum est charitatem diffundi in animo per Spiritum sanctum, & verbo Dei operantis, vel dicentis fiat amor &c.

Id revera, non autem quod putavit Sfond. ostendit Aug. exemplo Esther. Eo enim loco S. Patris intentio est, auctoritate Scripturæ demonstrare, corda hominum à Deo mutari, & converti, non tantum externa objecta proponendo, sed voluntatem seu volitionem in eis operando.

*Esther.* Adductis namque Scripturæ sacræ verbis, 15. 11. quibus de Rege Assuero dicitur *Et conver-*

*Lib. 1. tit Deus indignationem ejus in lenitatem,* cont. 2. subjungit, „Deum complevisse operando in

*Ep. Pe-* „corde Regis, quid aliud quam voluntatem, *lagian.* „qua jussit & factum est, quod ab eo Regi-

*cap. 20.* „na poposcerat. Quam Deus jam ut fieret,

„exaudierat, qui cor Regis, antequam mulieris

„sermonem poscentis audisset, occultissimâ, &

„efficacissimâ potestate convertit & transtulit

„ab indignatione ad lenitatem, hoc est, à vo-

„luntate lædendi ad voluntatem favendi, se-

„cundum illud Apostoli, *Deus operatur in*

„*vobis & velle.* „ Ubi clarissimè cernitur,

Aug. non docere, Deum ad mutandum

cor illius Regis, & transferendi ab uno in

aliu contrarium affectum, usum fuisse

illius S. Reginae pallore; sed id præstitisse

suâ occultissimâ & efficacissimâ potestate &c.

Ex quibus omnibus satis constare puto, gra-

tiam, quam Emin. Sfond. exposuit non

esse illam, de qua agebatur cum Pelagia-

nis, & quam S. Aug. contra eosdem Hære-

ticos

ticos docuit, atque sustinuit. Neque gratiæ definitiones, quas Autor iste tradidit, esse juxta ejusdem S. Patris sententiam.

## CAPUT. VI.

Nonnulla summatim recensentur quæ Card. Sfond. docet de voluntate Dei salvandi omnes, ac præcipuè de mediis seu gratiis ad salutem consequendam à Deo omnibus hominibus concessis.

**P**ROponit imprimis esse in Deo seriam *pag. 3.* pensamque, & quantum in se est efficacissimam voluntatem salvandi omnes. Deinde, præmissa celebri illa divinæ voluntatis distinctione in antecedentem, & consequentem, eaque latè expositâ declarat se loqui de voluntate antecedente, de qua intelligi vult propositam suam assertionem, quam probare nititur pluribus inductis ac ventilatis, tum Scripturæ, tum Patrum præsertim S. Aug. testimoniis, quibus sacra quidem eloquia Dei bonitatem & largitatem in omnes homines effusam commendant, Patres verò præcipuè ad pœnitentiam, ad pravorum

rum morum einendationem, ad piè justè-  
que vivendum Christianos [populos] hortan-  
tur. Postea idem agit rationibus, singula-  
riterque invehitur contra illos, qui docent  
Deum non omnes homines salvos velle, e-  
tiam nullo habito respectu ad peccata  
&c.

pag.  
121.

Itaque firmatâ suâ opinione de voluntate  
Dei pro omnium hominum salutē, statuit  
à Deo ex eadem voluntate dari omnibus ho-  
minibus ad æternam vitam consequendam  
non tantum necessarias & qualescumque,  
sed copiosissimas, & abundantes gratias,  
quibus si vellent facillè cominodèquē obtine-  
re illam possint; Neque id tantum de fide-  
libus, verum etiam infidelibus credendum  
esse.

*Ibid.* Initio Paragraphi 2. describit felicem  
" II Angelorum, & hominis innocentis statum,  
à quo Lucifer, & Adam cecidit, non ali-  
quo, inquit, gratiæ defectu, sed voluntatis  
arbitrio. Quod probat autoritate S. Augu-  
stini dicentis; " Quid ergo Adam non ha-  
" buit Dei gratiam? immò verò habuit mag-  
" nam &c." inde inferrit " Ergo nec Lucife-  
" ro, nec Adamo, nec aliis multis mag-  
" na gratia defuit, sed defuit magna & bona  
" voluntas. Hanc sufficientissimam, & va-  
lidissimam gratiam, ut ipse ex Augustino ap-  
pellat, ostendere conatur non quomodocum-  
que



que, inquit, sed abundantissimè hominibus etiam post Adæ peccatum dari.

Deveniens postea ad declarandum in quo consistant copiosissimæ illæ & abundantissimæ gratiæ, quibus homo si velit ad salutem æternam pervenit, observandum esse monet: "Ad divina præcepta implenda vin-  
 "cendasque tentationes duplici auxilio no-  
 "bis opus esse, remoto videlicet & proxi-  
 "mo. Remotum est, inquit, gratia oran-  
 "di, petendique à Deo vires necessarias.  
 "Proximum est, quo nobis vires tribuuntur  
 "præceptum ipsum adimplendi. Remotum  
 "auxilium, seu gratia orandi omnibus, qui  
 "præcepto tenentur, loco & tempore op-  
 "portuno datur.

Hinc fatetur quidem quod "nascitur ho-  
 "mo omnium quæ ad vitam æternam per-  
 "tinent, expers & nudus: Sed ut omnia  
 "sine quibus nascitur, industriâ quoque suâ,  
 "& cum merito acquireret, data est ei post-  
 "quam ad usum rationis pervenit, gratia &  
 "facultas orandi, quam paulò post vocat  
 "etiam spiritum orandi, qua velut manu  
 "uteretur ad omnes reliquas gratias compa-  
 "randas, sine quibus nec legem impleri nec  
 "vitam æternam consequi possit." Hanc ip-  
 "sam putat esse mentem S. Augustini, qui,  
 inquit Sfondratus, mille locis de homini-  
 bus non imaginariis, non in cornibus lunæ  
 aut

p. 181  
Remo-  
tum &  
proxi-  
mum  
auxili-  
um

pag.  
182.

„ aut terrestri paradiso degentibus, sed de  
 „ hominibus, quales in mundo sunt, hoc  
 „ est, peccato originali multisque actualibus  
 „ obstrictis constantissimè docet, non pecca-  
 „ tuos violatis divinis præceptis; nisi potesta-  
 „ tem haberent illa observandi, & consequen-  
 „ ter, nisi haberent gratiam saltem inchoa-  
 „ tam, hoc est orandi., Et post pauca con-  
 „ cludit; „sicut ergo ex sententia Augustini,  
 „ nullo peccato, quandiu ratio viget, amitti-  
 „ tur libertas, & potestas adimplendi legem  
 „ divinam, vitandique peccati, ita nullo pec-  
 „ cato omnis gratia sufficiens & remota,  
 „ hoc est, gratia petendi amittitur, sine qua  
 „ omnem quoque libertatem tolli necesse est.,  
 „ Ut ostendat hanc esse mentem S. Augu-  
 „ stini, adducit quædam illius testimonia,  
 „ quorum præcipuum desumit ex lib. 3. deli-  
 „ ber. arb. cap. 18. Ubi S. Pater hæc habet :  
 „ Si laboriosum est omnia mandare memo-  
 „ riæ quæ à nobis tam multa de peccato di-  
 „ cta sunt, hoc brevissimum tene. Quæ-  
 „ cumque est ista causa voluntatis, si ei non  
 „ potest resisti, sine peccato ei ceditur;  
 „ si autem potest, non ei cedatur &, non  
 „ peccabitur., Hæc sanè, inquit, nullâ inter-  
 „ pretatione opus habent &c.

Quamvis autem hoc loco Sfondratus non  
 exprimat in quo bono posita sit ea gratia, fa-  
 cultas & spiritus orandi quem dicit cunctis  
 hominibus tribui, statim ac ad usum ratio-  
 nis

nis perveniunt, tamen jam antea docuerat *p. 146.*  
 consistere in multis auxiliis, & adminiculis,  
 quibus Ecclesia abundat, Christianis partim  
 sanctificandis, partim expiandis, partim in  
 accepta gratia conservandis &c.

Quæ omnia præsidia salutis licet, inquit, *p. 146,*  
 in Christianis maximè appareant, in cæteris  
 quoque mortalium, quamvis Infidelibus  
 & Barbaris suo modo intelligenda sunt, in-  
 ter quæ præcipuè enumerat cognitionem  
 Dei ex pulcherrimo hoc mundi opere col-  
 lectam: Insuper advertit Angelum tutelarem  
 qui omnibus datus est non cessaturum,  
 ea suggerere, sine quibus salvi esse non pos-  
 sunt; item commemorat notissimum illud prin-  
 cipium morale: *Quod tibi non vis alteri non*  
*feceris*; tandem conscientiae stimulos &c.

Id ipsum, præsertim Deum à nullo homi-  
 ne ignorari ostendit Scripturæ, & Patrum  
 autoritatibus, quibus recensitis concludit,  
 „Si ergo (ait) nulla natio est tam barbara  
 „tamque ab humanis moribus aliena, cui *p. 149,*  
 Deus sui notitiam, tanquam primam regu-  
 „lam primumque principium omnis moralis  
 „& honestæ actionis, seu naturæ seu gratiæ  
 „instinctu non indiderit, ita quoque nulla est,  
 „quæ illum colendum, & invocandum esse  
 „ignoret . . . . At invocatio Dei, subsu- *p. 130,*  
 „mit ipse, est præcipuum, certissimumque  
 „medium reliquas omnino gratias ab eo

con;

"consequendi . . . . patet ergo nullum  
 "esse mortaliū , cui Deus non solum  
 p. 151. "qualemcumque gratiam , verum etiam me-  
 "dia , clavemque dederit majorem sem-  
 "per , majoremque obtinendi ; Quis verò  
 "causari inopiam possit , si clavem ad The-  
 "saurum accepit ?

Ejusmodi autem Dei notitiam inesse de-  
 monstrat cuilibet , etiam indoctissimo ,  
 quandoquidem non Philosophi tantum ,  
 Ibid. ait , „ sed quicumque mortaliū , viso  
 "pulcherrimo hoc magnoque mundi opere ,  
 "ignorare non potest esse aliquem qui fecit ,  
 " & hunc Deum esse .” Et post nonnulla :

pag. "Quia hujusmodi notitia , inquit , præfer-  
 157. "tim apud Barbaros , & rudes est nimis va-  
 "ga , confusa & universalis , propterea à  
 "Deo supplente naturæ defectum , ea per  
 "gratiæ inspirationem magis completur , ad  
 "ipsum Creatorem , velut rerum humana-  
 "rum principium , & bonorum malorum-  
 "que remuneratorem cognoscendum , in-  
 "vocandum , colendum , timendumque . Et  
 "hoc est , inquit , illa fides inchoata , sine  
 "qua nemo placere Deo potest , & quā si  
 "bene aliquis utatur , ad completam quo-  
 "que & Christianam fidem perventurus  
 "est .

Cum autem huic doctrinæ quā consti-  
 tuit gratiam , & spiritum orationis consi-  
 stere



flere in cognitione, quâ omnibus hominibus p. 160.  
 notum est Deum esse, opposuisset locum  
 Apostoli, demonstrantis fidem necessariam  
 esse ad orationem, scilicet, *Quomodo enim*  
*invocabunt in quem non crediderunt?* Rom. 10.

Respondet Apostolum loqui de fide explicita in Christum, „quam certum est, inquit, ordinario modo, nisi prædicatione Evangelii, haberi non posse; Cæterum sine hac fide explicita in Christum, quam plurimos ante illius adventum per solam gratiam, qua legem naturæ observabant & si eam transgressi erant, de Deo omnium Creatore & Provisore offenso dolabant, salutem adeptos esse, dubium, ait, nullum est.

Quod etiam probat ex Apostolo dicente, *Accedentem ad Deum oportet credere quia est, & quia remunerator est.* Hebr. 11. Vides, inquit, nullam fieri Incarnationis mentionem, solamque, ad æternam vitam cognitionem existentis & providentis Dei sufficere.

His itaque à Cardinali Sfondrato constitutis de gratia necessaria ad observandam legem Dei, & æternam salutem consequendam, videtur sufficienter provisum non solum Christianis, sed etiam infidelibus, barbaris licet & rudibus. Solum negotium facessere potest innumerabilis multitudo

R

par-

parvulorum, qui ante rationis usum non accepto baptismo decedunt. His sanè perdifficile est invenire salutare remedium. At forsan illud reperiet Em. Sfondratus: id videndum erit cap. seq.

## C A P U T. VII.

Proponuntur ea quæ Cardinalis Sfondratus docet de infantibus qui ante usum propriæ voluntatis non accepto Baptismate moriuntur.

**F**atendum est, decernit quidem Sfondratus "Quod nunquam parvulis ante Baptismum sublati Deus æternam vitam voluit,, & alibi „quod beati quidem illi non sunt, non tamen percunt, nec æternis suppliciis addicuntur, & ideo, inquit, *Johan.* "dicitur: *Nisi quis renatus fuerit ex aqua, & 3. 5.* "Spiritu sancto non potest intrare in Regnum cælorum: Non dicit Christus, ait ipse, "æternis suppliciis punitur, sed non intrabit in Regnum Cælorum.

Id incipit probare autoritate S. Augustini: „Is enim, inquit Sfondratus, licet ardore disputandi contra Pelagianos severius

"rus aliquando de parvulis senserit, alibi  
 "tamen mitius pronuntiat; nempe lib. 3. de  
 "liber. arbitrio cap. 23. "Deinde idem ra-  
 "tione probat. "Peccatum originale, in-  
 "quit, nullam reprehensionem meretur...  
 "si ergo propter culpam originalem nemo  
 "potest vituperari, quantò minus torqueri?  
 "Sanè longè atrocius flammæ dolent quam  
 "verba &c.

Itaque determinat, quod Deus parvulos *p. 119.*  
 Cœlo exclusit ob peccatum non proprium  
 sed paternum; etsi non elegit ad gloriam,  
 non ideo sequitur eos damnari, etsi non  
 fecit beatos, at non fecit miseros. Cur au-  
 tem non fecit miseros, quos Cœlo exclusit;  
 singularem sanè & ante hoc ævum inau-  
 ditam rationem excogitavit Sfondratus. Il-  
 lam audiamus.

„ In hac parvulorum causa, inquit, con- *p. 120.*  
 „siderandum est, licet Deus ad cœlestem  
 „gloriam non eos admiserit: alio tamen  
 „multoque majori beneficio affecisse, quod  
 „illi ipsi longè Cœlo prætulissent, & nos  
 „quoque si electio daretur, multò majoris  
 „pretii quam Cœlum duceremus. Id verò  
 „beneficium fuit, quod fato præmaturo  
 „abreptos, innocentiae suæ personalis secu-  
 „ros reddidit &c. Hoc verò innocentiae  
 „donum & immunitas à peccato tantum est,  
 „ut ipsi parvuli millies Cœlo carere mal-  
 „lent,

”lent, quam vel uno peccato involvi, nul-  
 ”lusque Christianus est, cujus non idem  
 ”votum esse debeat &c.

p. 164. Id ipsum alio loco repetit occasione res-  
 pondendi ad quandam objectionem allatam  
 contra suam sententiam de gratia sufficien-  
 ti: „ Nos dicimus, ait, parvulis exhiberi,  
 ”si non gratiam sufficientem, quâ vitam  
 ”eternam consequi possint, exhiberi tamen  
 ”beneficium longè præstantius, quodque in-  
 ”finitis partibus ipsam gratiam sufficientem  
 ”antecellat; eo enim beneficio, prius è me-  
 ”dio tolluntur, quam peccatis se obstringant,  
 ”& non damnantur, & innocentiam, perso-  
 ”nalem quæ scilicet peccatis actualibus oppo-  
 ”nitur, illibatam conservant &c. Et certum est  
 ”etiam in parvulis maximam Dei misericor-  
 ”diam elucere &c.

Hæc Cardinalis Sfondratus de parvulis  
 sine baptismo decedentibus cogitavit, do-  
 cuit & typis mandavit: ut videlicet ipso  
 instruente, omnes scirent, ejusmodi infan-  
 tes, non judicium sed maximam Dei mi-  
 sericordiam expertos esse, adeò ut renati  
 fonte baptismatis illis penè invidere debe-  
 ant, quippè qui longè majori beneficio (si  
 Sfondrato credimus) potiti, quam sibi attu-  
 lerit Christi gratia & salutare lavacrum &c.



## CAPUT. VIII.

Recensentur quæ Sfondratus  
de S. Augustino pro-  
nunciat.

**P**Rimum in sui libri titulatione Cardinalis Sfondratus profitetur, se ex S. Aug. etiam doctrina Nodum Prædestinationis soluturum; Item suam causam ejus testimoniis & autoritate armaturum, *Quod cum de* p. 30. *prædestinatione agitur*, inquit, *præcipuam & ipse paginam faciat, fidemque mereatur.*

Illum postea adeò commendat, ut di- p. 56. cat, „In iis, quæ August. contra Pelagia-  
nos aut Semipelagianos de gratia dis-  
putavit, certum est neminem illo pul-  
chrius, fortius, eloquentius ac verius  
scripsisse; adeo ut quidquid Ecclesia de  
gratia credendum proposuit, id totum non  
ex sententia tantum, sed etiam ex verbis  
Augustini definiverit.

Nil sanè de Augustino ejusque doctrina honorificentius dici poterat. Verum non multum constans videtur in ejusdem S. Patris laudibus, sed identidem illum carpere visus est.

*Ibid.* Afferit enim eum non semper in causa gratiæ unam, eandemque sententiam tenuisse. Item de pœnis parvulorum diversimodè sensisse: & ab eo sententiam mediam parvulis non baptizatis inter supplicium meritumque constitui: lib. 3. de liber. arb. cap. 23. Neque id unquam ab eo fuisse retractatum.

„ Quamobrem observandum monet,  
 „ nullâ re magis Augustini animum (ut ipse  
 „ profitetur, ait Sfondratus, præsertim Ep.  
 „ 28.) agitaturn, tortumque fuisse, quam  
 „ hac de parvulorum pœna quæstione. Un-  
 „ de, ut se hoc nodo explicaret, inquit, in  
 „ alias, aliasque sententias flexit: tandem-  
 „ que fassus est se prorsus animi pendere, &  
 „ quod statueret, planè ignari: Epist. 28. ad  
 „ Hieronym, ubi ait: cum ad pœnas ven-  
 „ tum est parvulorum, magnis, mihi crede  
 „ angustiis arctor, nec quid respondeam,  
 „ penitus invenio . . . . . Quantumvis de-  
 „ siderem, rogem & exoptem ut per te mi-  
 „ hi Dominus hujus rei auferat ignorantiam,  
 „ tamen si minimè meruero, patientiam  
 „ mihi petam à Dom. Deo nostro.” Hic sub-  
 „ jungit Sfondratus ” Denique in hac quæstio-  
 „ ne id evenit Augustinò, quod venatori-  
 „ bus solet, ut videlicet odore & desiderio  
 „ prædæ quam insequuntur nec capiunt,  
 „ toties mutant locum, quoties spem inve-  
 „ niendi.

Non

” Non dubitat etiam affirmare Sfond. *p. 164.*  
 ” quod quamvis nemo melius de gratia &  
 ” contra Pelagianos scripserit : non scripsit  
 ” tamen omnia , quippè haud necessaria,  
 ” Calvino nec dum exorto , & hominis ar-  
 ” bitrium , Deique bonitatem impugnante.  
 ” Aliis nunc armis opus est , alio hoste,  
 ” belloque instante : & ipse Aug. non con-  
 ” traria quidem iis quæ scripsit , sed alia di-  
 ” ceret , si , ut olim cum Pelagio , ita modo  
 ” cum Calvino & Jansenio signa conferret :  
 ” Quid ergo mali est , si modo id facimus ,  
 ” quod faceret Augustinus , imò quod fecit ,  
 ” quando non contra Pelagium & pro gra-  
 ” tia , sed contra Manichæos & pro liber-  
 ” tate pugnaverat ?

Postremò asserit Sfond. ” Aug. difficilem *p. 57.*  
 ” intellectu esse , & ut intelligatur , oportere  
 ” hujus Doctoris studiosum in scopum & ar-  
 ” gumentum respicere , quod sibi disputandum  
 ” præscripserat : ” Quid verò Aug. ex professò ,  
 ” contra Pelagium intenderit paulo ante dixe-  
 ” rat. ” Non aliud fuisse quam gratiam non *p. 56.*  
 ” ex præcedente merito sed ex solo Dei pro-  
 ” posito , meroque beneplacito conferri ; hic  
 ” cardo , inquit , hic scopus omnium Aug.  
 ” de gratia disputationum.

Ex tribus his postremis Capitibus satis con-  
 fiat quid Emin. Sfond. sentiat de voluntate  
 Dei salvandi omnes homines , ac de mediis

& gratia ad id necessariis; de infantibus sine baptismo morientibus & de S. Aug. Quæ singillatim deinceps consideranda erunt, sed necesse est prius nonnulla alia observare.

## CAPUT. IX.

Qua ratione rectè aut perperam commendentur generalia beneficia & gratiæ à Deo omnibus hominibus concessæ.

*Præ-  
dicatio  
genera-  
lium  
gratia-  
rum  
suspecta  
esse non  
debet.*

I. **N**Ovi prædicationem tum benignæ voluntatis Dei pro omnium hominum salute, tum beneficiorum, tum gratiarum inde cunctis concessarum, quibusdam suspectam fuisse Pelagianismi vel saltem Semipelagianismi: cum huiusmodi divinæ bonæ voluntatis communiumque gratiarum commendatio Pelagianis & Semipelagianis familiaris sit. Ita est sanè; sed quis eos illo nomine inculpandos, quis ingratos esse dicat, quod divina etiam in improbos, & infideles dona prædicent? An Pelagianis aut Semipelagianis Deus favet, cum beneficia in Judæos à se collata enumerat, eorumque solum iniquitate cassa ad salutem fuisse docet?



et? An Pelagianis patrocinantur tot Christi testimonia de divina in omnes bonitate, de suis in Judæos beneficiis, quibus ad fidem & pœnitentiam impellendi erant nisi pessimi fuissent? Cum soli eorum culpæ, perversitati, superbïæ tribuit, quod non ad ipsum veniant, ipsi non credant, ipsum insectentur? An Pelagianis aut Semipelagianis favet S. Paulus, dum divinę bonitatis & patientiæ Judæos, omnesque impios ad pœnitentiam adducentis thesauros prædicat? Dum ait Deum non sine testimonio apud gentes semetipsum reliquisse, tum etiam cum eas sineret ingredi vias suas? An B. Johannes Pelagianis vel Semipelagianis favet, dum disertè dicit lucem in tenebris lucere, & à tenebris non comprehendi? Denique an B. Augustinus in Pelagianorum sententiam declinavit, dum ex Christi verbis colligit, inesse plerisque, etiam infidelibus, insitum *De deo* naturaliter, id est ab ipsa origine, donum *no Per-* intelligentiæ, quo moveantur ad fidem, si *seu* congrua suis mentibus vel audiant verba, *cap. 14.* vel signa conspiciant? Dum divinam imaginem, quam in Dei cognitione & amore cœlesti ipse collocat, in nemine penitus abolitam esse testatur? Dum divinas, & singulares in nonnullis Infidelibus gratias prædicat? Dum omnes homines omnium, quę creata sunt, clamoribus excitari dicit ut

Deum ament? Dum medicinam a Christo ægrotis omnibus sanandis idoneam esse docet, eos mortis suæ auctores esse, qui eam uti nolint? Quis unquam de Aug. sentiat quod propterea ad Pelagianos declinaverit? Quis denique divinæ gratiæ prædicationi contrarium, & ingratorum superbiæ congruens esse putet, ut divina erga eos beneficia prædicentur, qui revera magna quidem accepere? An non Scripturæ & Patribus familiare est, homines excitare, ut divina in omnes beneficia laudibus celebrent? An non id exemplo suo & cohortationibus commendatum? Laudanda itaque potius est, quam ut suspecta habenda intentio, studiumque eorum, qui beneficam Dei voluntatem, & liberalem largitatem in omnes nuntiare atque demonstrare conantur.

*Multiplices  
Dei  
gratiæ  
in om-  
nes.*

II. Et nos igitur multiplices Dei gratias lubenter agnoscamus tum externas tum etiam internas; ipsa virtutum in malis semina animadvertamus; conscientiæ dictamen de plerisque rebus, divinum lumen in tenebris sese ingerens, in eisque lucens perspiciamus; divini Verbi stantis ad ostium & pulsantis, & ad quoslibet sibi aperientes intrantis misericordiam extollamus; cælestis Medici omnibus salutem afferentis, remedium omnibus sanandis idoneam, pretium om-

omnibus, qui oblationem acceperint, liberandis sufficientissimum & abundantissimum prædicemus; soli hominum malitiæ tribuendum demonstremus, quod salutem non consequantur. Denique gratiæ ipsis infidelibus & obcæcatis, tum internæ tum externæ, tum naturales tum temporales, tum supernaturales aut spirituales concessæ exaggerentur. Plures etiam Dei illustrationes motionesque in eis suspicemur quam cogitari possint.

III. Id verò piè, id utiliter & salubriter fieri potest ad commendandam Dei bonitatem; ad humani cordis tantas misericordiæ divinæ divitias contemnentes; divini Verbi intus clamantis, pulsantisque vocem non audientis, impulsus non sentientis; lumen æternum ubique fulgens non videntis; Cæli, Terræ, Sanctorum Angelorum, hominumque omnium; denique creaturarum undique clamantium voces non audientis; Christi insuper prædicantis, morientis, totum orbem exemplo suo divinißimis legibus, innumeris signis, tum per se tum per suos editis, omnes gentes ad fidem suâ potentiam pertrahentis, monita, cohortationes non audientis; ad infirmitatem, cæcitatem, duritiem, stupiditatem patefaciendam; ad voluntatis perversitatem, horum malorum radicem, quanta, quamque indomabilis sit,

*Gratiarum generallium commendatio, quod tendere debeat.*

declarandam; ad majoris, potentiorisque gratiæ necessitatem demonstrandam, quâ cor lapideum auferatur, & detur cor carneum: quâ lex Dei cordi inscribatur, quâ denique inspiratâ charitate perversitas emendetur.

*Gratias  
non da-  
tas, da-  
tas præ-  
dicare.*

IV. Quod siquî nonnulla etiam bona Deique munera iis inesse existiment, quibus re ipsa non adsint; puta si omnibus & singulis, barbaris licet & effertis hominibus, tribuatur, quod D. Paulus Philosophis concessum esse docet, ut invisibilia Dei per ea quæ facta sunt intellecta conspiciant, sempiternam quoque ejus virtutem, & divinitatem, Deo hoc illis manifestante: si omnibus communia prædicentur quæ aliis concessa, aliis negata tûm Scripturæ testimoniis, tûm ipsâ omnium temporum gentiumque experienciâ constat; id temerè, id impudenter, id stultè fieri potest; impiè etiam, si contra Scripturæ aut Patrum auctoritatem; maligno & hæretico spiritu, si hæc auctoritas contemnatur. In primi generis culpa Semipelagiani versabantur, dum omnes homines jam ad Christi fidem vocatos esse contendebant. In alterum incidunt, qui gratiam à Deo, salutemque per Christum absque Christi fide dari putant.

Bona tamen non omnibus data, data existimare, citra proprium Pelagianorum vel Semi-



Semipelagianorum errorem fieri potest, si omnia gratiæ Dei sincerè tribuantur. Non enim, ut diximus, Dei erga omnes homines ipsosque infideles & obcæcatos beneficia prædicare, aut ea quæ data non sunt, data credere ingratum est, superbum est, impium est, denique Pelagianum est: quamvis id ipsi Pelagiani vel Semipelagiani superbè, impiè, ingrato animo facere solebant; sed tùm demum id superbè, id ingratiè, id impiè fit, cum Pelagianorum vel Semipelagianorum proposito fit: ut earum bonis & malis, impiis piisque, fidelibus & infidelibus communium gratiarum, & beneficiorum enumeratione & exaggeratione factâ, majora & summa bona non Deo sed voluntati creatæ adscribantur: ea scilicet quæ bonis, quæ piis, quæ credentibus, quæ orantibus & benè operantibus propria sunt, eosque a malis & impiis, a non credentibus, non orantibus, non benè operantibus distinguunt; ut hæc summa bona, ipsæ scilicet virtutes, ipsi pii voluntatis & liberi arbitrii motus, ipsa opera bona, non omnia & singula Dei bona, ejusque in nobis gratiæ, operationis, potentiæ, bonitatisque singularis opera esse; sed a voluntate ipsa sese discernente, communibusque bonis benè utente, denique opus bonum, quod Deus in ipsa non operetur, operante, esse suadeatur. Impia

etiam & superbâ, ut ita dicam, humilitate, hominum in his magnis quidem, sed minoribus tamen primi generis donis contemnendis & repudiandis, iniquitas, cæcitas, induratio prædicatur, cum eo proposito prædicatur, ut inde colligatur plenam illis & integram ex his malis emergendi, seque ab impietate, infidelitate, iniquitate, cæcitate, induratione (ipsâ fide, bonitate, luce conversione cordis non acceptâ) liberandi facultatem adesse. Eosdem ad fidem, ad pietatem, ad virtutes comparandas vires idoneas accepisse; his tamen virtutibus non acceptis, & cum earum adhuc sint expertes. Denique nos eo culpabiles & damnabiles esse, quod concessâ nobis ad bonum æquè & ad malum facultate non utamur: ut sicut ex nobis mendacium, peccatum, impietas, Deo non illa operante & efficiente sponte oritur: ita fides, charitas, cæteræque virtutes, Deo non illas efficiente & operante, voluntatis nutu generentur.

*Gratia  
com-  
munes  
non  
sunt  
depri-  
menda  
ut par-  
ticula-  
res exal-  
tentur.*

V. Illi itaque mihi videntur frustra operam collocare, & minus cautè, imò & invidiosè divinæ gratiæ fidelibus & electis propriæ excellentiam commendare, cum gratias infidelibus aut non electis collatas deprimere contendunt, eaque de re altercantur. Equidem quæ in eo genere contra apertam veritatem, contra experientiam jactantur, veritatis

tatis amore & impudentiæ odio obiter refellenda sunt. Qua ratione Patres inanes & temerarias Semipelagianorum de generali singulorum hominum ad gratiam Christi vocatione, declamationes refellunt; cum notum & perspicuum esset, etsi omnes gentes ad fidem Euangelio prædicato vocandæ sint, pleraque tamen illâ ætate, nedum aliquid de Christo audivisse; multo minus ea tolerari debent, quæ contra evidentia Scripturæ testimonia jactantur; ut illud quod diximus, nonnullis à Deo charitatem cæteraque spiritualia bona, & deinde salutem concessa esse, qui nullam de Christo vel externam vel internam revelationem recepissent: sed remotis ejusmodi causis, de his quæ a Deo improbis quibusque beneficia collata sunt aut etiam nunc conferuntur, frustra, ut diximus, atque invidiosè contenditur.

VI. Denique ita gratiam ipsam propugnandam, ejusque inimicos ita refellendos esse censeo, ut semper cogitemus non inter nos agi de divinis in omnes homines beneficiis negandis aut imminuendis: sed utrum bona quibus mali carent, & quibus quod careant mali sunt, & quæ boni habent & quod habeant boni sunt; utrum inquam ejusmodi bona non sint in bonis singularia Dei dona & specialis gratiæ munera. Num  
 liceat:

liceat Christianis piisque hominibus summa  
 illa bona quibus ab impiis, ab infidelibus,  
 improbis & minus bonis differunt, non pe-  
 culiari ac discernenti Dei gratiæ & opera-  
 tioni tribuere: sed singulari hominum labori  
 & industriæ, iis quæ iniquis & infidelibus, im-  
 piis ac quibuscumque communia sunt, nullis  
 præterea aliis à Deo acceptis, benè utentium.  
 In his refellendis omnis industria & conten-  
 tio collocanda est. Ac ut contra demon-  
 strems, singula quæ præ aliis nobis ad-  
 sunt, illa imprimis maxima, quibus quif-  
 que bonus est cæterisque benè utitur, dona  
 Dei esse. Itaque quisquis ejusmodi bonis præ-  
 ditus est, quibus alii careant, vel fide vel  
 spe, vel continentia vel fortitudine, cæte-  
 risque virtutibus, vel ipsâ humilitate &  
 Dei dilectione omnium apice & radice, vel  
 quibuscumque harum affectibus; quisquis ali-  
 quid boni operatur quod alii non  
 operentur; quisquis præ cæteris aut credit  
 aut orat, aut amat, aut sustinet, aut ab-  
 stinet: dona & gratias accepisse, quibus  
 alii careant, vel his amissis vel nunquam  
 acceptis; in eo Deum operari, quæ in aliis  
 non operatur, ipsum scilicet bonum velle,  
 & operari, quo alii carent: item ut hæc  
 bona non amittat, sed ad exitum usque te-  
 neat iisque præditus moriatur, speciali  
 etiam Dei gratiæ & protectioni tribuendum  
 esse.



esse. Hic certaminis locus à divinæ gratiæ defensoribus deligendus est, in hunc adversarii deducendi sunt. Hac in re versari, pro hac certare, in hac vincere, Scripturæ, Patrum, Conciliorum, omnium verè humilium & piorum, ipsius denique Ecclesiæ suffragio & judicio facile, tutum ac securum est. Hac in re Adversariorum fraudes, cavilli, calumniæ aut ullatenus prodire nequeunt, aut subito dissipantur. Hæc in re nemo, qui Catholicus, qui Christianus, qui veritatis amicus haberi vellet, contra sinceros S. Aug. vel potius Ecclesiæ Catholicæ Apostolicæ, & Christi Discipulos pro Pelagianis aut Semipelagianis stare ac decertare audebit.

## CAPUT. X.

### De voluntate Dei circa salutem omnium hominum.

I. **I**N primis admittimus distinctionem voluntatis Dei in antecedentem aut hypotheticam, & consequentem vel absolutam. Addimus insuper Dei voluntatem ex Scripturæ & Patrum doctrina distingui posse in voluntatem eternæ essentialisque Legis, & voluntatem Decreti. Voluntas eternæ essentialisque Legis, est ipsum æternum, immutabile & essenziale, ut ita dicam, æternum veritatis, sapientiæ rationisque dictamen

men, tùm de ipsius Dei Dotibus, veritate, bonitate, sapientiâ, iustitia, omnipotentia, felicitate, earumque individua conjunctione: tùm de rebus creatis & singularum ordine, præstantia, perfectione &c. Voluntas Decreti est, quâ Deus, ea vult & decernit, quæ non velle & decernere posset: uno verbo quæ per liberum arbitrium velle dici solet.

*Voluntas Dei  
circa  
felicitatem  
Angelorum  
& hominum  
ante  
peccatum.*

II. Itaque posito Dei proposito circa hominum & Angelorum felicitatem, Deus æternæ & immutabilis legis voluntate penitus & immobiliter æquè vult illos omnes ad eam felicitatem pervenire, eas etiam dotes, ac virtutes impertire, sine quibus illam felicitatem assequi nequeant, & quibus non amissis certissimè assequantur. Vult ut illi ea bona, quæ ipsis omninò tribuit non amittere valeant: ita ut aliquos non majori gratiâ præditos ea servare non repugnet, quæ alii forsitan amiserint. Deinde eâdem voluntate vult eis semper inspirare, quidquid boni peccato non extinxerint. Eâdem æternæ, & immutabilis legis voluntate vult ea bona in ipsis servare, quæ aliis Dei Decretis ab ipso receperint, nisi ea peccatis suis everterint.

Posito autem peccato, quo creatæ mentes concessa à Deo bona extinxere, tantum & tandiu lex illa æterna & immutabilis eos a felici-

licitate alienos esse præcipit, quantum & quandiu ab hac miseria redimendi seu liberandi aut salvandi non sunt. De illa autem redemptione, liberatione, salute nihil illa statuit, sed voluntati Decreti totum permittit.

III. Voluntate Decreti primum Deus *Voluntas Decreti* hoc ipso voluit omnes Angelos hominesque cælesti felicitate gaudere, nisi eam proprio peccato amiserint, à quo eos declinare posse lex æterna jubet, quod eos ad hanc felicitatem destinaverit ex eadem lege assequendam. Eadem voluntate Decreti efficere non voluit ut nulli Angeli, hominesque à veritate exeiderent; quod tamen tantâ facilitate poterat, quantâ id nunc electis præstat, concessio speciali perseverantiæ Dono: quantâ beatas mentes, vel post antecedentis vitæ merita, vel ante ullum arbitrii usum, in eo bono confirmat.

Constans enim omnium Christianorum sententia est, Deum ea omnia prævidere, quibus homines, Angelique in peccatum inducentur, & ea solo nutu remove posse; sicque certissimè efficere ne peccent, salvâ voluntatis aut arbitrii libertate, eâque etiam tantâ quantam Pelagiani volebant. Id etiam beneficium plerisque præstari constat, aliis non præstari: non vult ergo eo modo eos salvos facere cum possit.

*Carol-* IV. Ex his efficitur primò, Deum non  
*laria ex* velle omnes salvos facere vulgari loquendi  
*Ante-* modo, quo homines ea dumtaxat velle di-  
*cedenti-* cuntur, quæ ut eveniant efficiunt quantum  
*bns.* in ipsis est; maximè si id summâ facilitate,  
 & absque ullo incommodo valeant. Itaque  
 Deus ex omnium Christianorum sententia  
 eos tantum salvos fieri vult qui salvi fiunt,  
 si voluntatis nomen eo modo usurpetur,  
 quo illud omnes homines usurpant, cum de  
 sua aliorumque hominum voluntate agitur;  
 idque ut ait S. Aug. ad primum Symboli  
 caput pertinet; quo Deus omnipotens esse  
 dicitur.

Efficitur 2. ex illa singulari Dei volunta-  
 te eos dumtaxat hoc modo salvandi qui  
 salvi fiunt, nullatenus colligi posse nec  
 Deum verè & sincerè alios salvos fieri non  
 velle, tam voluntate Legis quam Decreti,  
 quæ antecedens & hypothetica appellatur,  
 nisi scilicet peccatum intercederet: nec ex  
 antecedente voluntate eos salvandi, non om-  
 nia penitus ad salutem necessaria dona &  
 auxilia conferri: & majora etiam sæpè  
 quam necesse sit, & quam illis conceduntur  
 qui revera salvi fiunt. Nam constat ejus-  
 modi auxilia saltem Angelis & primis Pa-  
 rentibus adfuisse ne peccarent: quos tamen  
 Deus à peccato revocare non voluit eâ vo-  
 luntate, qua homines dicuntur quæcumque



volunt aut leviter etiam optant. Quæ autem & quanta dona & auxilia ad salutem Deus singulis hominibus præstet, aliunde colligitur: & tam ex Scripturâ & Traditione quam ipsa experientia facile colligitur.

Tertiò ex his efficitur, negatâ in hunc sensum generali Dei voluntate circa salutem omnium hominum, non magis ejus bonitati derogari, quam eâdem denegatâ, circa salutem Angelorum qui ceciderunt.

Quartò efficitur, repugnare æternæ legi, Dei potentia & rerum creaturarum conditioni, ut ad divinam bonitatem pertineat eo modo omnes mentes creatas salvas esse vel-  
le, quo homines volunt ea quæ volunt; alioquin tam necessariò salvæ essent & a peccato immunes, quam Deus bonus est.

V. Jam si petatur an eâ singulari quam diximus, remotâ voluntate, Deus velit *An*  
mentes omnes creatas salvas fieri? Ex supra *Deus*  
memoratis Ecclesiæ placitis plana est res- *velit*  
ponso. Ante omne peccatum, Deus verè *omnes*  
voluntate antecedenti & hypotheticâ vult om- *mentes*  
nes salvos facere: & ex eadem voluntate *creatas*  
prodeunt omnia necessaria, immo amplio- *salvas*  
ra quam opus sit ad salutem, ut dictum est; *fieri.*  
eaque divinæ legis, bonitatis seu voluntatis  
ejusmodi notio, seu ut ita dicam genus est,  
ut

ut nisi mentis creatæ perversitas & tenebræ obstitarent, omnes sui cognitione & amore imbueret.

*Quid statuen-  
dum de  
volun-  
tate Dei  
circa  
salutem  
omni-  
um ho-  
minum  
positis  
pecca-  
tis.* VI. Positis autem peccatis quibus ani-  
mus ad divinam lucem, vocem, seu moti-  
onem ac impressionem, vel obscuruit vel  
occalluit, vel obtenebratus vel obscuratus  
est: Deus eatenus vult ut omnes salvi fiant,  
quatenus nemo nisi culpâ, & peccato salu-  
te careat, & quatenus omnibus credentibus,  
pænitentibus, perseverantibus usque in fi-  
nem, justitiam cui salus annexa est, & glo-  
riam promittit & vult.

Quocirca Ecclesia hypotheticam hanc &  
antecedentem de omnium salute volunta-  
tem supponens & prædicans, ut hæc effe-  
ctum sortiatur, à Deo precibus expetit, ut  
ipse ea bona præstet & efficiat, ex quibus ille pen-  
det; fidem infideli, pænitentiam peccatori,  
perseverantiam justis; cætera denique quæ-  
cumque ipse exigit aut jubet, bona vel me-  
rita, ut salutem deinde tribuat. Eadem do-  
cet, Deo precibus annuente, hæc ipsa quæ  
petit bona liberi arbitrii opera, certissimè  
absolutâ & consequenti Dei voluntate ad-  
esse & effici; at eo despiciente, nec effici  
nec haberi posse.

Quod si quæratur, an eâ remotâ volun-  
tate Dei consequente & absolutâ, positâ ta-  
men antecedenti & hypotheticâ, & quæ ex  
hac

hæc consequuntur bonis: possint homines ea consequi, quæ Deus pollicetur, justitiam & salutem à Deo; ut nihil eis desit quod ad ista consequenda sit omninò necessarium? Plana est ex certis fidei capitibus responsio. Ac primò quidem, cum hujusmodi hypothesis, ex qua justitia salusque pendent, non ad illorum pertinet arbitrium quibus ea bona conferenda sunt; sed ex novo adsit, quod confertur, Dei beneficio: ut Evangelium Infidelibus prædicari ut credant; vitam aut aquam, ministrisve parvulis adesse ut baptizentur; constat eos, eâ Dei voluntate, quâ illa præstantur, remotâ, salutis beneficio frui non posse; Quæ verò conditionis loco ad justitiam requiruntur bona, & ad liberum arbitrium pertinent; cum non adsint nisi à Deo illi collata sint, ut fides infideli, pænitentia peccatori; constat etiam ejusmodi bona iis adesse non posse, nisi Deus hæc absolutâ voluntate præstare velit, quâ remotâ nemo illa sibi, nemo alii tribuit.

Quoad justitiam verò, quæ credentibus & pænitentibus à Deo promittitur; Cum de hominibus mortali corpore indutis, & post originale peccatum cupiditatis pondere vel certamine depressis agatur, possent absolute qui justificationis gratiâ præditi sunt, ut perseverare & non peccare, ita salvi esse: sed

sed neminem eâ potestate salvandum esse constat , nisi speciale perseverantiæ finalis donum adsit. Atque adeo Ecclesia , quæ de rebus moraliter & more humano disputat , remoto singulari perseverantiæ dono, neminem usque in finem perseverare posse docet.

*Scriptura*

*testi-*

*monia*

*quibus*

*innui-*

*tur vo-*

*luntas*

*Dei*

*salvan-*

*di om-*

*nes qua*

*intelli-*

*genda.*

VII. Hic autem , ubi de voluntate Dei circa salutem omnium hominum agitur , notandum insuper est , Scripturæ loca eaque frequentia , quibus Dei bona & beneficia in omnes prædicantur , intelligenda esse tum de voluntate antecedenti , quâ Deus omnes omnino homines illuminat & ad salutem invitat & quâ salvi fierent , nisi eorum malitia & duntius cordis , vel propriâ culpâ , vel primo hominis peccato contracta obfisteret : tum de illa consequenti , qua eos omnes illuminat , qui illuminantur ; & salvos facit , qui salvi fiunt. Ita ut his locis doceatur , omnes qui illuminantur , eo illuminante illuminari : omnes qui salvantur , eo salvante salvari. Utraque autem expositio tum sermonis contextui accommodari potest , tum generali Scripturarum de utraque divina voluntate doctrinæ rectè congruit. Itaque cum S. Aug. adversus Pelagianos

dis-



disputans, hæc loca posteriori modo exponit de voluntate consequente, seu de ea qua homines velle dicuntur, quæcumque volunt; nullatenus his repugnant, qui ea generalius exponunt de antecedente voluntate, quæ peccatorum præscientiam antecedere cogitatur. Hæc pro nunc sufficere posse puto ad intelligentiam eorundem testimoniorum Scripturæ Sacræ, quæ hucusque allatæ doctrinæ opponi possent. Singula interpretari modò non vacat nec opus est; cum particulares, amplioresque eorum expositiones apud S. Augustinum facile videri possint, præcipuè ubi contra Pelagianos agit, qui iisdem auctoritatibus ad suum errorem firmandum abutebantur.

## C A P U T XI.

Considerantur ea quæ retulimus. Cap. 6.

I. **Q**Uamvis Cardinalis Sfondratus dicat esse Deo seriam impensamque &, quantum in se est, efficacissimam voluntatem salvandi omnes; certum tamen est intelligere non posse, Deum velle omni-  
S um

um salutem eo modo, quo vulgari loquendi usu homines dicunt se velle quaecumque fieri volunt, ut demonstravimus cap. 10. n. 4. & facile etiam colligi potest ex ejusdem Autoris doctrina. Nihilominus, hac absolutâ voluntate remotâ, esse posse in Deo ferriam ac efficacem voluntatem salvandi omnes, pariter ostendimus loc. cit. exemplo Adami & Angelorum.

*Angelis & Adamo non defuit bona voluntas antequam.* II. Id notavit etiam Sfondratus; ac inter cæteras dotes & gratias Lucifero & Adamo concessas, enumerat perfectissimam Dei cognitionem & parem cognitioni amorem; ideoque illis non defuisse magnam gratiam, quod optimè probat S. Augustini testimonio. Verum quod ibidem subjungit, videlicet eis defuisse magnam & bonam voluntatem, nec sibi met cohæret, nec cum Augustini sententia. Ipse enim paulò ante dixerat Lucifero & Adæ non defuisse magnam & perfectum amorem Dei. An amor iste non est bona voluntas? Ergo sicut non defuit eis magnus & bonus amor, ita nec magna & bona voluntas.

Hanc quidem bonam voluntatem peccando abjecerunt: sed ante peccatum non deerat; illam enim Deus jugiter eis inspirabat. S. verò Augustinus pluribus in locis disertè docet primis hominibus & Angelis antequam peccarent, adfuisse bonam voluntatem.

tem. De his asserit „ quod Deus Angelos cum  
 „ bona voluntate, id est, cum amore casto, 12. de  
 „ quo illi adhærent, creavit” De homine Civit.  
 verò loco, quem ipse Sfondratus citat, Dei  
 ait. ” Tunc dederat homini Deus bo- cap. 9.  
 „ nam voluntatem, in illa quippe eum fe- De cor.  
 „ cerat, qui fecerat rectum.” Et alibi ” Piâ; S. Grat.  
 „ inquit, & sobriâ cogitatione colligitur, cap. 11.  
 „ primam voluntatem bonam Dei opus esse, Lib. 3.  
 „ cum illa quippe fecit hominem rectum; Op. 1m.  
 „ nec enim unquam nisi recta volens rectus est cap. 61.  
 „ quisquam. „ Sed quidquid hac de re  
 Sfondratus sentiat, certum est, ut dicebamus,  
 licet Deus Angelos & primum hominem  
 salvos non voluerit eo sensu, quo homines  
 dicunt se & alios aliquid velle; nihilomi-  
 nus propriè & seriò beatitudinem eis volu-  
 isse, atque ex hac voluntate media & gra-  
 tias non solum necessarias ad illam obti-  
 nendam contulisse, sed etiam abundan-  
 tes.

Post lapsum verò hominis, positisque pec-  
 catis, quibus in deterius mutatum est genus  
 humanum; qua ratione dici valeat Deum  
 velle omnes homines salvos fieri, Capite an-  
 tecedenti ex certis fidei Dogmatibus declara-  
 vimus. Emin. Sfondratus, ut vidimus,  
 profitetur quod Deus ita vult cunctis homi-  
 nibus æternam salutem, ut etiam post Adæ  
 peccatum ex ea voluntate illis omnibus tri-

buat, non tantum necessarias & qualescumque, ut ipse ait, sed copiosissimas & abundantes gratias, quibus si velint facile commodèque obtinere illam possint.

*Gratia ad salutem consequendam secund. Sfondrat.* III. Multas sanè commemorat ille in toto suo libro gratias: ac Dei bonitate hominibus, etiam in præsentì statu, concedi probat tum Scripturæ Patrumque auctoritate, tum etiam rationibus: sed facile est advertere, eas tantum gratias ab ipso prædicari, quæ communes sunt vel esse possunt fidelibus & infidelibus; bonis, & malis; peccatoribus & iustis: non autem eas gratias seu bona, quibus isti ab invicem discernuntur; ut sunt fides, pænitentia, iustitia, seu dilectio Dei &c. quæ tamen singularia bona & gratiæ adeò necessariæ sunt ad salutem æternam consequendam, ut sine illis hæc obtineri omninò non possit. Igitur opus erat ut Sfondratus ostenderet non solum communia, sed singula quoque ejusmodi bona omnibus hominibus in præsentì statu adesse; si demonstrare volebat, veram esse illam suam propositionem; videlicet quod etiam post Adami peccatum Deus, quantum ex se est, vult omnes efficaciter impensèque salvari &c.

P. 122.

Ut ab hac difficultate se expediat, docet, ut vidimus, quod licet homo nascatur omnium, quæ ad vitam æternam pertinent,



expers & nudus; tamen cum primùm ad  
 usum rationis pervenit, datur ei gratia &  
 facultas orandi, quæ consistat in cognitio-  
 ne Dei Creatoris mundi; nam qui Deum  
 novit, novit etiam esse invocandum; id e-  
 nim, inquit ipse, "ex primo naturaliter se-  
 „quitur, sicut qui novit hunc Patrem  
 „suum esse, mox intelligit amandum & ho-  
 „nore prosequendum esse.", Propterea asse-  
 rit „hanc Dei notitiam esse fidem inchoatam, *p. 150.*  
 „quâ si benè aliquis orando utatur, ad com-  
 „pletam quoque & Christianam fidem per-  
 „venturus est.", Porro nullum esse hominem  
 ait, „cui Deus sui notitiam seu naturæ, seu *p. 149.*  
 „gratiæ instinctu non indiderit, & consequen-  
 ter, cui secundùm ipsum, non dederit grati-  
 am orandi quam adeò intimam esse credit hu-  
 manæ libertati, ut velit illi essentiali, &  
 ab ea inseparabilem esse; docet enim quod *p. 184.*  
 sublatâ bujufmodi gratiâ petendi, om-  
 nem quoque libertatem tolli necesse  
 est.

IV. Hinc juxta Viri hujus dogmata; *Quid ex ejus doctrina sequatur.*  
 effici videtur, ad salutem æternam conse-  
 quendam sufficere, ut homo accipiat à  
 Deo liberum arbitrium. Nam ipso docen-  
 te, gratia orandi est inseparabilis a liber-  
 tate hominis.

Item eadem gratia est, ut ait, præcipu-  
 um

um certissimumque medium consequendi à Deo reliquas omnes gratias; idèdque illam vocat *clavem* ad Thesaurum. Igitur ut homo salvetur, secundum Autorem istum, sufficit quod à Deo conditus sit cum libero arbitrio. Hanc tamen consequentiam nunquam profectò admitteret Sfondratus, nec à quoquam ea admitti potest, nisi cum Pelagianis vel saltem cum Semipelagianis errando sentiat. Aut ergo ostendendum erit non esse benè deductam ex antecedentibus, quod difficile puto; aut repudianda sunt antecedentia, sicut penitus repudianda est eadem consequentia.

V. Putat autem Sfondratus id quod ipse *Mens* statuit de gratia orandi, esse juxta mentem *Aug.* S. Augustini; quod de hominibus, quales *degratia orandi* in Mundo sunt, constantissimè doceat, inquit ipse, non peccaturos, violatis divinis *secund.* præceptis, nisi potestatem haberent illa observandi &c. *Sfond.*

VI. Scio equidem Augustinum docuisse, *Vera S.* quod si hominibus in terrestri Paradiso de gentibus adjutorium defuisset, sine quo in *Aug.* obedientia divinæ legis manere non possent, *mens ex* non utique suâ culpâ cecidissent. De hominibus verò, quales in mundo sunt, peccato *ejus* originali multisque actualibus obstrictis, hæc *sententiis demon-* subjungit. " Nunc autem quibus deest tale *stratur.* " adjutorium, jam pæna peccati est : quibus  
autem

„autem datur, secundum gratiam datur, non De  
 „secundum debitum. „ Ubi S. Doctor suppo- Corr.  
 nit quibusdam hominibus modò deesse adju- & grat.  
 torium sine quo divina præcepta servare non cap. II.  
 possunt sicut oportet, ut ad salutem per-  
 veniant; & tamen iisdem violatis, eos suâ  
 culpâ delinquere. Hoc constantissimè sem-  
 per docuit, undè ne unum saltem ex mille,  
 quos vidit Sfond. invenire potui locum, in  
 quo contrarium affirmet.

VII. Legitur autem apud Aug. de homi- Pelagii  
 nibus quales in mundo sunt, hoc est pec- senten-  
 catoribus, dictum fuisse; si idcirco tales fue- tia.  
 runt, quia aliud esse non potuerunt, culpâ De  
 carent. Verùm hæc non est Aug. sed Pela- nat. &  
 gii sententia, quam S. Pater non approbat, grat.  
 sed penitus rejicit & exemplis falsam esse cap. 7:  
 demonstrat, ita discurrens. „ Videte, in- Ibid.  
 „quit, quid dixerit (Pelagius.) Ego autem cap. 8.  
 „dico parvulum, natum in eo loco, ubi  
 „ei non potuit subveniri, morte præven-  
 „tum, idcirco talem fuisse, id est, sine La-  
 „vacro regenerationis exisse, quia esse aliud  
 „non potuit. Absolvat ergo eum, & ape-  
 „riat ei contra sententiam Domini Regnum  
 „Cælorum. Sed non eum absolvit Aposto- Rom. 5.  
 „lus, qui ait, Per unum hominem pecca- 12.  
 „tum intravit in mundum, & per pecca-  
 „tum mors, & ita in omnes homines per-  
 „transiit in quo omnes peccaverunt. Rectè

" ergo eâ damnatione , quæ per universam  
 " massam currit , non admittitur in Regnum  
 " Cælorum , quamvis Christianus non solum  
*Ibid.* " non fuerit , sed nec esse potuerit. Sed de  
*cap. 9.* " infante non loquor , prosequitur Aug. Juve-  
 " nis vel senex in ea Regione defunctus  
 " est , ubi non potuit Christi nomen audire :  
 " potuit fieri justus per naturam & liberum  
 " arbitrium an non potuit ? Si potuisse di-  
 " cunt , ecce quod est Crucem Christi  
 " evacuare , sine illa quemquam per natura-  
 " lem legem & voluntatis arbitrium justi-  
 " ficari posse contendere. Dicamus & hic ,  
 " ergo Christus gratis mortuus est : hoc  
 " enim omnes possent etiamsi mortuus ille  
 " non esset ; & si iniusti essent , quia vellent ,  
 " essent ; non quia iusti esse non possent.  
 " Si autem sine Christi gratia justificari om-  
 " ninò non potuit ; etiam istum , si audet ,  
 " absolvat secundùm verba sua ; quia si id-  
 " circò talis fuit , quod aliter esse omnino  
 " non potuit , culpâ caruit. " Ex quibus  
 evidens est non Aug. sed Pelagii mentem  
 esse , non peccaturos homines , vel culpâ ca-  
 rere , violatis divinis præceptis , si potesta-  
 tem non haberent ea adimplendi , & ita  
 ad justitiam seu justificationem per-  
 veniendi.

*Sen-  
tentia.*

*Aug.  
ab ipso  
exponi-  
tur.*

VIII. Testimonium autem Aug. ex lib.  
 3. de lib. Arbitrio cap. 18. quod Sfond.  
 pro-



profert ut probet sententiam suam quam Augustino tribuit, olim etiam adduxit Pelagius ad comprobandum suum illud dictum de peccatoribus. "Si idcirco tales fuerunt, quia aliud esse non potuerunt, culpâ carent., Audiamus ergo Augustinum Pelagio & aliis respondentem, ac se ipsum exponentem.

"Agnosco, inquit, verba mea sunt; sed *De nat.*  
 "etiam ipse dignetur agnoscere, superius *& grat.*  
 "cuncta quæ dicta sunt. De gratia quippè *cap. 67.*  
 "Dei agitur, quæ nobis per Mediatorem *Vide*  
 "medicina opitulatur, non de impossibili- *similem*  
 "tate justitiæ. Potest ergo ei causæ, quæ *Respon-*  
 "cumque illa sit resisti. Potest planè. Nam *sionem*  
 "in hoc adjutorium postulamus, dicentes, *lib. 1.*  
 "ne nos inferas in tentationem: quod ad- *Retrac.*  
 "jutorium non posceremus, si resisti nullo *cap. 9.*  
 "modo posse crederemus. Potest peccatum *Matth.*  
 "caveri, sed opitulante illo, qui non potest *6. 13.*  
 "falli. Nam & hoc ipsum ad cavendum  
 "peccatum pertinet, si veraciter dicamus,  
 "dimitte nobis debita nostra, sicut & nos  
 "dimittimus debitoribus nostris. Duobus  
 "enim modis etiam in corpore cavetur  
 "morbi malum, & ut non accidat, & ut si  
 "acciderit, citò sanetur. Ut non accidat,  
 "caveamus dicendo, ne nos inferas in ten-  
 "tationem; ut citò sanetur, caveamus di-  
 "cendo, dimitte nobis debita nostra.

S. 5. Sed

"Sed ut non tantum illi, verum etiam iis,  
 "qui eosdem Libros meos, quos iste legit  
 "de Libero Arbitrio non legerunt; atque illis  
 "non lectis hunc forsitan legunt, de hac re  
 "sententia mea satis appareat; ex ipsis libris  
 "commemorare me oportet, quod iste si  
 "sentiret atque in suis literis poneret, nulla  
 "inter nos de hac re controversia remane-  
 "ret. Continuo quippe post verba mea, quæ  
 "iste commemoravit, quod occurrere pote-  
 "rat ipse subjeci, & quantum potui per-  
 "tractavi, dicens; Et tamen etiam per igno-  
 "rantiam facta quædam improbantur, &  
 "corrigenda judicantur; sicut in divinis au-  
 "toritatibus legimus, atque hinc inde ad-  
 "hibitis exemplis, etiam de infirmitate lo-  
 "quutus sum, dicens; *Sunt etiam necessitate*  
 "*facta improbanda*, ubi vult homo rectè fa-  
 "cere & non potest: nam undè sunt vo-  
 "ces, *Non enim quod volo, facio bonum,*  
 "*sed quod odi malum*, *hoc ago*. Atque,  
 "aliis in hanc sententiam commemoratis  
 "testimoniis divinorum eloquiorum: Sed  
 "hæc, inquam, omnia hominum sunt voces  
 "ex illa mortis damnatione venientium,  
 "nam si non est ista pæna hominis, sed  
 "natura, nulla ista peccata sunt: deinde  
 "paulo post. Relinquitur ergo, inquam,  
 "ut hæc pæna justa de damnatione homi-  
 "nis veniat. Nec mirandum est, quod vel  
 "ignorando non habet liberum arbitrium

"voluntatis ad eligendum, quod rectè fa-  
 "ciat, vel resistente carnali consuetudine,  
 "quæ violentiâ mortalis successione quo-  
 "dammodo naturaliter inolevit, videat quid  
 "rectè faciendum sit, & velit nec possit im-  
 "plere. Illa est enim peccati pœna justissima,  
 "ut amittat quisque, quo benè uti noluit,  
 "cum sine ulla posset difficultate si vellet:  
 "id est autem, ut qui sciens rectè non facit;  
 "amittat scire quid rectum sit: & qui rectè  
 "facere cum posset, noluit, amittat posse  
 "cum velit. Nam sunt revera omni pec-  
 "canti animæ duo ista pœnalia, ignorantia,  
 "& difficultas. Ex ignorantia dehonestat  
 "error, ex difficultate cruciatus affligit: sed  
 "approbare falsa pro veris, ut erret invitus,  
 "& resistente atque torquente dolore car-  
 "nalis vinculi, non posse à libidinosis ope-  
 "ribus temperare, non est natura constituti  
 "hominis sed pœna damnati. Cum autem  
 "de libera voluntate rectè faciendi loqui-  
 "mur, de illa scilicet, in qua homo factus  
 "est, loquimur. Hinc jam hominibus de  
 "ipsius ignorantie, difficultatisque in prolem  
 "primi hominis trajectis vitiis atque trans-  
 "fusis, veluti justam querelam deponentibus,  
 "ita responsum est. Quibus breviter, in-  
 "quam, responderetur, ut quiescant & adver-  
 "sus Deum murmurare desistant. Rectè  
 "enim fortasse quererentur, si erroris & li-  
 "bidinis

"bidinis nullus hominum autor existeret:  
 "cum verò ubique sit præsens, qui multis  
 "modis per creaturam sibi Domino servien-  
 "tem aversum vocet, doceat credentem,  
 "consoletur sperantem, diligentem adhor-  
 "tetur, conantem adjuvet, exaudiat depre-  
 "cantem; non tibi deputatur ad culpam  
 "quod invitus ignoras, sed quod negligis  
 "quærere quod ignoras: neque illud quod  
 "vulnerata membra non colligis, sed quod  
 "volentem sanare contemnis.

"Ita & exhortatus sum, quantum potui, ad  
 "rectè vivendum; & gratiam Dei non eva-  
 "cuavi, sine qua natura humana jam con-  
 "tenebrata atque vitata, illuminari non po-  
 "test & sanari: de qua re cum illis tota  
 "vertitur quæstio, ne gratiam Dei, quæ est  
 "in Christo Jesu Domino nostro, perversâ  
 "naturæ defensione frustremus. Si ergo,  
 "prosequitur Aug. volumus animos ad rectè  
 "vivendum frigidos & pigros Christianis  
 "exhortationibus excitare & accendere;  
 "primitus exhortemur ad fidem, qua Chri-  
 "stiani fiant, & ejus nomini subjiciantur,  
 "sine quo salvi esse non possunt; si autem  
 "jam Christiani sunt & rectè vivere negli-  
 "gunt; verberentur terroribus, & præmio-  
 "rum laudibus erigantur; ita sanè ut non  
 "solum ad bonas actiones, verum etiam  
 "ad pias orationes exhortari meminerimus,

atque



"atque hac instruere sanitate doctrinæ; ut &  
 "illinc gratias agant, cum instituerint bene  
 "vivere, quod aliquid sine difficultate fece-  
 "rint; & ubi difficultatem aliquam sentiunt,  
 "fidelissimis & perseverantissimis precibus  
 "& misericordiæ promptis operibus faci-  
 "litarem à Domino impetrare persistant.

Sed ait Sfond. nullum esse peccatorem p. 159.  
 tam deploratum, tam durum, cui negatum  
*fit facere quod possit & petere quod non possit.*  
 Postrema hæc verba sunt Aug. qui etiam,  
 ut observat idem Auctor, Lib. de grat. & lib.  
 arb. cap. 16. ita loquitur: "Certum est nos  
 "mandata servare, si volumus; sed quia  
 "præparatur voluntas a Domino, ab illo  
 "petendum est ut tantum velimus, quan-  
 "tum sufficit, ut volendo faciamus." Ex  
 quibus aliisque similibus S. Aug. testimo-  
 niis colligi posse putat Sfond. ejusdem  
 S. Doctoris mentem fuisse, nemini prorsus  
 deesse gratiam, saltem, ut ipse ait, incom-  
 pletam & remotam, intelligens utique de  
 gratia orandi.

IX. Verum evidens est in ejusmodi locis *Grat. 9.*  
 hanc non esse Aug. mentem; constat enim *orandi*  
 ibi cum loqui de fidelibus, quos monet ut a *quibus*  
 Deo petant, quod sibi necessarium esse sentiunt *ad sit.*  
 ad servanda Dei præcepta; non autem lo-  
 quitur de infidelibus, qui quod inde careant,  
 incapaces sunt Deum precandi, sicut oportet.

tet ad salutem consequendam, juxta illud, *Quomodo enim invocabunt in quem non crediderunt?* Propterea S. Pater loco paulò ante a nobis adducto admonet, ita cum infidelibus agendum esse, ut prius illos exhortemur ad fidem, qua Christiani fiant &c. Imò & ipso cap. 16. lib. 1. de grat. & lib. arb. disertè fatetur, quod *ipsa est fides quæ orando impetrat quod lex imperat.* Igitur spiritus aut gratia orandi Aug. non est notitia Dei, naturæ vel gratiæ instinctu indita, quæ communis est fidelibus & infidelibus; sed est ipsa fides, qua discernuntur fideles ab infidelibus.

Reponet forsan Sfond. sicut respondet, ut vidimus ad objectionem petitam ex memorato Apostoli loco, videlicet Aug. loqui de fide explicita in Christum: cæterum sine hac fide ait, quam plurimos ante illius adventum per solam gratiam, qua legem naturæ observabant, salutem adeptos esse: solamque ad æternam vitam cognitionem existentis & providentis Dei sufficere &c.

At verò tantum abest, ut hæc fuerit Aug. mens, quin è contra semper vel supposuit vel evidentibus Scripturæ autoritatibus demonstravit, fidei dogma esse nullum hominem ullo unquam tempore justitiam & salutem adeptum fuisse, aut adepturum esse sine Christi fide. Innumera pæne hac de re, caque

eaque clara illius testimonia producere possem:  
 unum tantummodò vel alterum ex præstan-  
 tioribus referam. Itaque cum Pelagia-  
 ni docere auderent, sine ulla vel externa vel *Sine*  
 interna revelatione Christi & absque ejus- *Christi*  
 dem fide, hominem pervenire posse ad ju- *nemi-*  
 stitiam & salutem, B. Augustinus eos ita *nem*  
 refellit: "Quid faciet, inquiens, humana *unquam*  
 natura, vel quid fecit, quæ vel ante non au- *salvari*  
 dierat hoc futurum, id est, Sacramentum *potuisse.*  
 Divinitatis & Humanitatis Christi, quod *De*  
 manifestatum est in carne: vel adhuc non *Nat. &*  
 comperit factum, nisi credendo in Deum, *grat.*  
 qui fecit cælum & terram, à quo & se *cap. 2.*  
 factam naturaliter sentit, & rectè vivendo  
 ejus impleat voluntatem, nulla fide passio-  
 nis Christi & Resurrectionis imbuta?  
 Quod si fieri potuit aut potest, hoc &  
 ego dico, quod de Lege dixit Apostolus:  
 Ergo Christus gratis mortuus est. Si enim  
 hoc ille dixit de Lege, quam accepit gens  
 una Judæorum, quantò justius dicitur de  
 Lege naturæ quam accepit universum genus  
 humanum: si per naturam justitia, ergo  
 Christus gratis mortuus est? Si autem non  
 gratis Christus mortuus est, ergo omnis hu-  
 mana natura justificari & redimi ab ira  
 Dei justissima, hoc est, a vindicta nullo  
 modo potest, nisi per fidem & Sacramen-  
 tum sanguinis Christi.

Idem.

Idem fortius & præclarissimè alio loco docet, ipsum fidei nostræ tuncamentum tangens : „In causa inquit duorum hominum, quorum per unum venundati sumus sub peccato, per alterum redimimur a peccatis; per unum præcipitati sumus in mortem, per alterum liberamur ad vitam; quorum ille nos in se perdidit, faciendo voluntatem suam non ejus à quo factus est; iste nos salvos fecit non faciendo voluntatem suam sed ejus a quo missus est: in horum ergo duorum hominum causa propriè fides Christiana consistit; *Unus est enim Deus & unus Mediator Dei, & hominum homo Christus Jesus. Quoniam non est aliud nomen sub cælo datum hominibus in quo oporteat nos salvos fieri, & in illo definivit Deus fidem omnibus, suscitans illum a mortuis. Itaque sine ista fide, hoc est, sine fide unius Mediatoris Dei & hominum hominis Christi Jesu, sine fide inquam resurrectionis ejus, quam Deus omnibus definivit, quæ utique sine incarnatione ejus, ac morte non potest veraciter credi; sine fide ergo incarnationis & mortis & resurrectionis Christi, nec ANTIQUOS JUSTOS ut justi essent à peccatis potuisse mundari, & Dei gratiâ justificari, veritas Christiana non dubitat; sive in eis justis, quos quidem illa non commemorat,*

sed



" sed tamen fuisse credendi sunt , vel ante  
 " diluvium , vel inde usque ad Legem da-  
 " tam , vel ipsius Legis tempore , non solum  
 " in filiis Israël sicut fuerunt Prophetę , sed  
 " etiam extra eundem populum , sicut fuit  
 " Job. Et ipsorum enim corda eadem mun-  
 " dabantur Mediatoris fide , & diffundebatur  
 " in eis Charitas per Spiritum Sanctum , qui  
 " ubi vult spirat , non merita sequens , sed  
 " etiam ipsa merita faciens. Non enim Dei  
 " gratia gratia erit ullo modo , nisi gratuita  
 " fuerit omni modo &c.

" Non igitur , loquitur paulò post , sicut *Ibid.*  
 " Pelagius & ejus Discipuli tempora divi- *cap. 26.*  
 " damus , *Primum vixisse justos homines ex Na-*  
 " *tura ; deinde sub Lege ; tertio sub Gratia.*  
 " Ex natura scilicet ab Adam tam longâ æta-  
 " te , qua lex nondum erat data. *Tunc enim*  
 " *ajunt duce ratione cognoscebatur Creator ; &*  
 " *quem admodum esset vivendum , scriptum gere-*  
 " *batur in cordibus , non lege literæ , sed naturæ.*  
 " *Verum vitiatis moribus , inquiunt , ubi capie-*  
 " *re non sufficere natura jam decolor ; Lex ei addita*  
 " *est , qua velut Luna fulgori pristino , detrita*  
 " *rubigine , redderetur. Sed posteaquam nimia ,*  
 " *sicut disputant , peccandi consuetudo prava-*  
 " *luit , cui sanandæ Lex parum valeret , Christus*  
 " *advēnit , & tanquam morbo desperatissimo , non*  
 " *per Discipulos suos sed per se ipsum Medicus*  
 " *ipse subvenit. Hæc Pelagius & Discipuli ejus.*  
 Qui-

Quibus respondens S. Augustinus: "Hæc  
 "disputantes, inquit, a gratia Mediatoris ex-  
 "cludere conantur antiquos, tamquam Dei  
 "& illorum hominum non fuerit Mediator  
 "homo Christus Jesus, quia nondum ex  
 "Virginis utero carne suscepta homo  
 "fuit, quando illi iusti fuerunt. Quod si  
 "ita esset, nequaquam Apostolus diceret:  
 I Cor. "Per hominem mors, & per hominem re-  
 15.21. "surrectio mortuorum: sicut enim in Adam  
 "omnes moriuntur, sic & in Christo omnes  
 "vivificabuntur: Quandoquidem illi antiqui  
 "Iusti, secundum istorum vaniloquia, sibi  
 "sufficiente naturâ, nec Mediatore homine  
 "Christo indiguerunt, per quem reconci-  
 "liarentur Deo; nec in eo vivificabuntur,  
 "ad cuius corpus & membra secundum id  
 "quod propter homines homo factus est,  
 "non pertinere monstrantur. Si autem quem-  
 "admodum per Apostolos suos Veritas lo-  
 I Cor. "quitur, Sicut in Adam omnes moriuntur,  
 15.22. "sic & in Christo omnes vivificabuntur,  
 "quia per illum hominem mors, & per  
 "illum hominem resurrectio mortuorum:  
 "Quis audeat dubitare Christianus, etiam  
 "illos iustos, qui recentioribus generis hu-  
 "mani temporibus Deo placuerunt, ideo  
 "in resurrectionem vitæ æternæ, non mor-  
 "tis æternæ esse venturos, quia in Christo  
 "vivificabuntur: Ideo autem vivificari in  
 Chri-

"Christo , quoniam ad Corpus pertinent  
 "Christi ; & ideo pertinere ad Corpus Christi,  
 "quia & ipsis caput est Christus ; & ideo  
 "ipsis caput esse Christum , quia unus Me-  
 "diator est Dei & hominum homo Christus  
 "Jesus ? Quod eis non fuisset nisi in ejus re-  
 "surrectionem per ejus gratiam credidissent.  
 "Et hoc quomodo fieret , si eum in carne  
 "venturum esse nescissent , neque ex hac  
 "fide justè pièque vixissent ? &c. . . .

Ibid.

cap. 27.

„ Neque putandum est quod antiquis justis  
 "sola , quæ semper erat Divinitas Christi , non  
 "etiam quæ nondum erat ejus Humanitas  
 "revelata profuerit. Illud enim quod ait  
 "Dominus Jesus , *Abraham concupivit diem* Joh. 8.  
 "*meum videre ; vidit , & gavisus est.* 56.  
 "Si diem suum , voluit suum tempus intel-  
 "ligi , testimonium profectò perhibuit A-  
 "brahæ , quod fide fuerit Incarnationis ejus  
 "imbutus. Secundum hanc enim habet  
 "tempus : Divinitas verò ejus omne tempus  
 "excedit , quia per illam universa facta sunt  
 "tempora &c.

Ibid.

cap. 29.

„ Quapropter quisquis humanam contendit  
 "in qualibet ætate naturam , non indigere  
 "medico secundo Adam , quia non est vi-  
 "tiata in primo Adam ; non in aliqua quæ-  
 "stione , in qua dubitari vel errari salvâ  
 "fide potest , sed in ipsa REGULA FIDEI ,  
 "qua Christiani sumus , gratiæ Dei convin-  
 "citur inimicus &c.

His

His qui aliquid adderet, splendidissimæ luci tenebras potius offunderet, quam ea illustraret : nec aliâ profectò demonstratione opus esse videtur, ut liquidò constet, quæ sit Augustino mens, tam de cognitione Dei Factoris Cœli & Terræ; tum de necessitate Fidei Incarnationis Christi, ut ad justitiam æternamque salutem perveniantur. Atque simul liquet quod genus erroris sit, affirmare solam cognitionem Dei existentis & providentis sufficere ad salutem &c.

Eandem doctrinam de insufficientia notitiæ Dei omnibus hominibus indite, & de necessitate Fidei Christi ad obtinendam justificationem & salutem, definit Tridentina

*Sess. 6.* Synodus, ac " declarat (sunt ejus verba) ad  
*cap. I.* " justificationis doctrinam probè ac sincerè  
 " intelligendam, oportere ut unusquisque  
 " agnoscat & fateatur, quod cum omnes  
 " homines in prævaricatione Adæ innocentiam perdidissent facti immundi, & ut Apostolus, inquit, naturâ filii iræ . . . .  
 " usque adeo servi erant peccati, & sub potestate Diaboli ac mortis, ut non modò  
 " Gentes per vim naturæ, sed nec Judæi quidem per ipsam etiam literam Legis Moysis inde liberari ac surgere possent &c. "

Postea verò totâ illa Sessione docet, ut homines ab his malis liberarentur, nullum pe-

ni



nitus aliud unquam fuisse aut esse remedium, quam ut per fidem Christi disponantur ad justificationem, cui annexa est salus &c.

Præter notitiam Dei humanæ naturæ inditam, aliaque beneficia omnibus hominibus concessa, Cardinalis Sfondratus meritò enumerat etiam Angelum Tutelarem, cujus non semel mentionem facit: ideò hoc de proposito pauca quædam animadvertenda duximus.

*De Angelorum Officiis pro salute hominum.*

Inprimis sanctorum Angelorum opera in cohibendis demonum conatibus præcipuè apparet. Id enim per illos Deum præstare Tobiae Liber apertè docet; tum verò per eosdem innumera, quæ ex communi rerum ordine, sæpe temeritate & levitate ac imprudentiâ nostrâ acciderent vel impendent, amoventur; sanctæ cogitationes suggeruntur; orationes adjuvantur; omnia denique bona procurantur; præter illa quæ per homines, vel per se ipsum suumque Spiritum Deus efficit.

Id tamen experiëntiâ liquet, non omnia a sanctis Angelis præstari, quæ ad salutem salvâ libertate nostrâ quemque juvare possunt. Apud barbaros & infideles omnes & singulos, Beati Angeli Euangelium prædicare possent, eaque coram ipsis mira patrare, quibus ad fidem, Deo aspirante, moverentur,

tur, & à maximis peccatis deterrentur. Ipsis verò fidelibus quot ab Angelis præsidia subministrari possent, vel noxias inutilisque cogitationes seu phantasmata removendo; congruas suggerendo; à pravis societatibus, necessitudinibus, consiliis deterrendo; multa mira patrando, quibus in Dei amore tenerentur & crescerent, vel à peccatis deterrentur? Nemo non innumera ejusmodi animo versare potest, quæ tamen non præstantur omnibus. Imò B. Augustinus testatur, „Paucissimis esse do-  
*De do-* „natum, ut nullo sibi homine prædicante,  
*no per-* „per ipsum Dominum vel per Angelos Cœ-  
*sev. cap.* „lorum doctrinam salutis accipiant.” Ex  
 19. quo liquet eos, ut quælibet hominibus beneficia conferant, non communia charitatis dictamina, sed peculiaria Dei Decreta nutusque in singulis spectare; & eorum consideratione & amore detineri, ne omnia, quæ facile possent, bona conferant. Hinc efficitur, de singularibus operibus seu officiis sanctorum Angelorum pro salute hominum, nihil nobis certò constare posse, nisi vel ex Scriptura, Revelatione, aut Traditione, vel ex ipsa experientia; non autem rationis humanæ conjecturis, aut discursu &c.

## CAPUT. XII.

Perpenduntur ea quæ Cap. 7.  
relata sunt de parvulis an-  
te susceptionem Bap-  
tismi sublati.

I. **A**Rgumentum ex parvulis qui baptiza-  
ti vel non baptizati moriuntur, *Vis ar-  
gumen-  
ti ex  
parvu-  
lis peti-  
ti*  
deductum, quo præcipuè ex Apostolo usus  
est S. Augustinus ad demonstrandum sal-  
vantem Christi gratiam penitus gratuito &  
non omnibus dari; atque non secundùm  
hominum, sed Dei voluntatem dispensari,  
adeò arctat oppositum sentientes, ut aliter  
inde evadere nequeant, quam in erroris ab-  
rupta se conjiciendo. Id constat primò ex-  
emplo Semipelagianorum, qui olim, ut  
hujus argumenti vim effugerent, in eam de-  
mentiam ac impietatem prolapsi sunt, ut  
dicerent infantes, qui sine Baptismate inter-  
eunt, eo privari ob peccata, quæ Deus præ-  
vidit illos patratuuros esse, si diutius vixissent.  
Deinde constat ex eo, quod accidit qui-  
busdam Recentioribus, qui ut ab eadem  
diffi-

difficultate se extricarent, animas innumera-  
 bilium parvulorum alienare videntur a  
 providentia Dei; ac cursui causarum se-  
 cundarum seu fortuitis casibus, aliorum-  
 que tantum hominum voluntati relinquere,  
 cum agitur de illis liberandis vel damnan-  
 dis, quasi ibi nihil agant sive misericordia sive  
 Judicia Dei. Num vero Card. Sfond. suâ  
 illâ singulari doctrinâ quam Cap. 7. exscrip-  
 simus, non minus infelicitè ejusdem diffi-  
 cultatis nodum dissolvat, ex sequentibus ju-  
 dicari poterit.

Inprimis certum est, novitatem in rebus  
 Theologicis nedum suspectam, sed &  
 magnum judicium esse falsitatis: atqui no-  
 vum & inauditum est quod Sfond. tradit de  
 innocentia parvulorum non baptizatorum &  
 immunitate a peccatis activis seu actuali-  
 bus; quæ scilicet usû propriæ voluntatis  
 committuntur; nempe eam esse beneficium  
 multo majus cælesti gloriâ; igitur ex hoc  
 capite jure merito falsitatis argui potest.

*Inno-* 2. Deinde innocentia hominis, etiamsi in-  
*centia* tegra esset & illibata, quomodo dici potest  
*non est* esse multò majus beneficium seu bonum  
*majus* cælesti gloriâ, quæ est vera creatæ mentis  
*Bene-* Beatitudo? cum omnium hominum con-  
*ficiunt* sensu certum sit, ipsam Beatitudinem, in quo-  
*calesti* cumque tandem bono statuatur, esse sum-  
*gloriâ.* mum hominis bonum, quo majus cogitari  
 ne.



nequeat? Quod autem asseritur de electione, non firmo nititur fundamento; quod enim in quibusdam circumstantiis alteri in eligendo anteponitur, non semper majus in se bonum est; ut liquet in his, qui se continere non posse sentientes, nuptias præ virginali continentia eligunt. An quia D. Paulus charitatis excessu pro fratribus anathema esse a Christo optabat; idcirco majus bonum erit a Christo separari, quam illi esse conjunctum? Insuper innocentia & virtutes, ut animi ornamenta sunt & decus, nisi dirigantur in Deum, & ad cælestem gloriam acquirendam; sed propter se appetantur, ut Stoici faciebant, steriles & vanæ sunt: qua ratione ergo innocentia creatæ mentis potest esse majus bonum æternæ gloriæ, ad quam si non ordinetur, pro nihilo reputatur.

III. Sed quidquid sit de præstantia innocentia creatæ, nec non de illa optione, quæ nos cogitare compellit aut simul consistere posse tenebras & lucem; hoc est, peccatum & visionem Dei: aut peccatum accidere posse in illo Regno, in quod nihil coinquatum introibit. Amplius refelli potest singularis hæc Sfond. doctrina, animadvertendo, si ea admittatur, nullam penitus vim obtinere posse argumentum, alioquin revera invictum, quo toties Aug. contra Pelagianos, originale peccatum negantes,

*Refellitur sententia quod innocentia Parvulorum sit majus bonum &c.*

insurgit inquit : *Quâ justitiâ Imago Dei se-*  
*paratur a Regno Dei, si nullum est originale pec-*  
*catum.* Cum enim illi Hæretici culpam ori-  
 ginalem minimè confiterentur; ideoque par-  
 vulis, etiam non baptizatis, innocentiam  
 penitus illibatam tribuerent; juxta Recentio-  
 ris hujus commentum potiori jure respon-  
 dere poterant, absque ulla Dei injustitia aut  
 iniquitate contingere posse, ut Imago Dei in  
 parvulis sine baptismo mortuis separaretur a  
 Regno Dei; quandoquidem licet ab eo Regno  
 excludantur, servatur tamen eis in perpe-  
 tuum integra & illibata innocentia, quæ est  
 beneficium longè majus Regno Cælorum.  
 Quid ergo conqueri de Deo possunt, sub-  
 jungerent cum Sfond. Pelagiani, aut quid  
 120. ipsis mali fecit, si non quidem Cælo, sed  
 alio beneficio donavit quod multò præstan-  
 tius Cælo est; quodque & ipsi & omnes sa-  
 pientes, si potestas eligendi daretur, longè  
 Cælo præferrent? Quod si Deus id agit, quod  
 & ipsi & nemo alius non optaret; ergo  
 nulla dolendi, nulla conquerendi, sed magna  
 laudandi gratiasque agendi causa est. Ita in-  
 quam potiori ratione solvere potuissent Pe-  
 lagiani objectionem Aug. Sed quia nullum  
 est majus bonum hominis beatitudine, seu  
 Regno Cælorum; eoque privari maximum  
 malum est, & hoc agnoscere facillimum est,  
 p. 39. ut novit etiam Sfond. qui disertè fatetur  
 nec

nec exilium aut majus esse, quam quod perpetuum, aut pejus quam quo Cælum amittitur: ideo nec Pelagiani hoc dicere potuerunt, & multo magis nec Sfond. dicere debuerat.

*Dici non potest* (ut verbis Aug. utar) *quam moleste feram* quod viderunt Pelagiani esse falsissimum, hoc non vidisse istum, qui nobiscum errorem illorum hæreticorum Catholicâ auctoritate condemnat.

*De  
Præd.  
S. S.  
Ca. p.  
13.*

Rursus ex nova ista Sfond. doctrina de innocentia parvulorum non baptizatorum, etiam efficitur, ut idem argumentum, quod ipse ab Aug. sumpsit, & applicat ad impugnandam opinionem illorum, qui docent plures animas Dei voluntate excludi a Regno cælorum citra omnem prorsus culpam, quamvis alioquin validissimum, nullius roboris evadat. Argumentum istud Sfond. ita contexuit: „ Vos dicitis, inquit, Deum „ tam multos eorum, quos ad imaginem „ suam finxit, & ad felicitatem æternam „ creavit, non quidem æternis flammis ad- „ dixisse; sed tamen sponte suâ, nullâque „ prævisâ culpâ, Cælo eliminasse; vobisque „ misericordes, clementesque videmini, quia „ non infertis quidem eis pœnam; damnatis „ tamen, cum Cælo excluditis. Dicite mihi „ quæ est ista justitia; quid offenderunt, si „ nullam habent culpam? Defendite justitiam Dei; nec enim parva pœna est non

*pag. 40.*

esse in Patria ; Et si parva esset, quare vel  
parva infligitur innocenti, in quo nullum  
omnino invenitur nec prævidetur peccatum?

Facile & isti juxta Sfondrati sententiam  
respondere possent, quod quamvis Deus innocentes animas Cœlo eliminet, non est tamen injustus; imo maxima in eis Dei misericordia elucet: nam licet ad cœlestem gloriam non illos admiserit, alio tamen, multoque majori beneficio affecit, quod illi ipsi longè Cœlo prætulissent &c. Quid ergo conqueri de Deo possunt, aut quid ipsis mali fecit, si non quidem Cœlo sed alio beneficio donavit, quod multò præstantius Cœlo est? &c. Quæ sanè aptissima essent eorum causæ defendendæ: sed quia veram creatæ mentis Beatitudinem cuiusvis alteri bono præferre stultissimum & perversissimum est; nec Auctores illi ea dicere possunt; & valde optandum erat, tum ut nemini unquam illa venissent in mentem; tum ut ab ore & corde omnium Christianorum penitus removeantur; ne horum pietas quâ cum parvulis suis baptizandis currunt ad salutare Lavacrum, larvâ innocentiae delusa tepescat; aut quod pejus & horrendum est dicere, inani decepta spe parvulos suos ditandi beneficio multo majori cœlesti gloriâ, extinguatur. Et fallaci laudatori per-



„perditos relinquat ; non veraci Salvatori *Ex S.*  
 „Christo liberandos offerat. *Aug.*

IV. Modò videndum superest, quid sentiendum sit de innocentia infantium nondum baptizatorum. Itaque apud omnes constat, eos ante usum rationis esse immunes ab illis omnibus peccatis, quæ propriæ cujusque voluntatis electione committuntur : atque ex hoc capite parvuli vulgò dici solent innocentes. Certum tamen de fide est, eos contrahere originale peccatum, quod, ut docet Concilium Trident, *Propagatione* *Infantes non baptizati innocentes minime sunt!* *transfusum inest unicuique proprium.* Ut autem, ob hoc contractum peccatum, reatui damnationis obnoxii nascuntur ; ita ante susceptum Baptismum revera culpâ non careant, & innocentes non sunt. Hinc eadem Tridentina Synodus pro certo supponit, omnes homines, utique pusillos cum magnis, Adamo peccante innocentiam amisisse : „Cum omnes homines, inquit, in prævaricatione Adæ INNOCENTIAM PERDIDISSENT, facti immundi, & ut Apostolus, inquit, naturâ filii iræ . . . . usque a deo servi erant peccati, & sub potestate Diaboli ac mortis, ut non modò &c. „Eadem fidei certitudine constat, deperditam in Adami prævaricatione innocentiam à nullo homine infante vel adulto recuperari ; nec quemquam Deo reconcilari ; a potesta-

te tenebrarum erui ; a mortalitate liberari ; a servitute peccati redimi posse , nisi per Christi meritum , regenerationis Sacramento , his sanè qui nondum baptizati sunt , applicatum.

*Ibid.*  
*cap. 3.* Ita definit idem Concilium , inquit , „ Etsi ille (Christus) pro omnibus mortuus „ est , non omnes tamen mortis ejus bene- „ ficiū recipiunt ; sed ii duntaxat , quibus „ meritum Passionis ejus communicatur. „ Et paulò post declarans , quomodo fiat ejusmodi communicatio , ait : „ Homines „ nisi in Christo renascerentur , nunquam ju- „ stificarentur , cum eà renascentiā per me- „ rita Passionis ejus , gratia , quā justī fiunt , „ illis tribuatur. „ Quæ clara sunt , nullāque indigent interpretatione.

*p. 164.* Non dubitat tamen Sfondratus asserere exhiberi parvulis non baptizatis , „ Si non „ gratiam sufficientem , qua vitam æternam „ consequi possint ; exhiberi tamen bene- „ ficiū longè præstantius , quodque infini- „ tis partibus ipsam gratiam sufficientem an- „ tecedat. Eo enim beneficio prius è me- „ dio tolluntur , quam peccatis se obstrin- „ gant , & non damnantur . . . . Et in „ eum statum bonorum naturalium transe- „ runt , quem , ait , paragrapho primo de- „ scripsimus. „ Hinc concludit ; „ Ergo ut „ jam satis supra ostensum , certum est , e- „ tiam

"tiam in parvulis maximam Dei misericordi-  
 "am elucere : quamvis enim Dei visione,  
 "æternâque gloriâ priventur ; at præservantur  
 "ne peccent ; hoc est , ne Deum ipsi offen-  
 "dant ; ne jacturam innocentiae faciant ; ne  
 "perpetuis ignibus crucientur ; quæ omnia  
 "& maxima beneficia esse , & cœlesti glo-  
 "riæ certâ ratione preferri , & consequenter  
 "ad Christi merita & redemptionem perti-  
 "nere , jam supra , inquit , ostendimus. "  
 Quia videlicet , ut alibi dixerat , ea ipsi par-  
 vuli Cælo prætulissent , si electio dare-  
 tur.

V. Verum si parvulis sine Baptismo dece-  
 dentibus non exhibetur gratia sufficiens, qua  
 vitam æternam consequi possint ; quæ circa  
 eos , qui , ut declarat Tridentina Synodus  
*Innocentiam perdiderunt , facti immundi , na-  
 turâ filii iræ , servi peccati , & sub potestate vatos ,  
 Diaboli ac mortis permanent :* Quæ , inquam  
 circa eos , diceret Augustinus , compensa-  
 "tio cogitanda est ; quibus insuper & dam-  
 "natio præparata est ? „ Quânam verò ra-  
 tione dici valet in eis parvulis , quibus Bap-  
 tismi gratia minimè conceditur , maximam  
 misericordiam elucere , cum ira ejus ma-  
 neat super eos , ac justum illius judicium  
 subeant ?

p. 120.

*Circa*

*parvu-*

*los cœ-*

*lesti glo-*

*riâ pri-*

*nulla*

*com-*

*pensatio*

*cogitari*

*potest.*

*Ep.*

166.

*cap. 7.*

*alias*

*Ep. 28.*

Quomodo iidem infantes alieni a Chri-  
 sti gratia , maxima beneficia & ad ejus-  
 dem

dem Christi merita & redemptionem pertinentia accipiunt, qui ipsi Christo incorporati non sunt per regenerationis Sacramentum, sine quo nec Passionis Domini meritum, nec Redemptionis ejus fructum participare possunt? „ An alterum Baptismum, dicam cum

*Serm.*

293.

*alias 5.*

*ex Vig-*

*neria-*

*nis.*

„ Augustino, instituiamus parvulis istis? Qui

„ planè si loqui possent, vocem contradicen-

„ tis refellerent & clamarent; Da nobis

„ vitam Christi; in Adam mortui sumus:

„ Da nobis vitam Christi, in cujus conspe-

„ctu mundus non est nec infans cujus est

„ unius diei vita super terram . . . . Fiat

„ misericordia cum miseris; ut quid eorum

„ INNOCENTIA ULTRA MODUM LAUDATUR?

„ inveniant Salvatorem, nondum sentiant

*Job.*

14. 4.

*juxta*

70.

„ adulatorem. Nos planè in tanto infan-

„ tium periculo, nec disputare debemus; ne

„ eorum salutem vel disputando differre vi-

„ deamur. Afferantur, abluantur, liberen-

„ tur, vivificentur; sicut in Adam omnes

„ moriuntur, sic in Christo omnes vivifica-

„ buntur. Non invenerunt, quà venirent in

„ hujus sæculi vitam nisi per Adam; non in-

„ venient quà evadant futuri sæculi poenam,

„ nisi per Christum. Quid claudis unicam

„ januam? Unus enim Deus, unus & Me-

„ diator Dei & hominum homo Christus

„ Jesus. A veneno serpentis non liberat,

„ nisi exaltatio serpentis.



VI. Modò tranſeamus ad alia, quæ Cardinalis Sfondratus tradit de parvulis ante ſuſceptum Baptiſinum defunctis. *Abſurdè dici à Sfond.*

\* Aſſerit itaque quod nunquam illis Deus æternam vitam voluit. Mirum eſt Auctorem iſtum, cum de infantibus agere inſtituit, non meminiffe bonitatis Dei, cujus cauſam præcipuè tuendam ſuſcepit; cum enim conſtanter profiteatur; quod „ Vult „ Deus (verba illius ſunt) quippe omni- „ um Pater, omnes homines ſalvos eſſe, „ vult regno potiri; vult Hæredes ſcribi, „ idque amore non qualicumque, ſed pater- „ no, hoc eſt omnium maximo, ac ſinceriſſimo; Et ſiqui rebelles evadunt, non i- „ deo propoſitum & amorem mutat &c. „ Cum inquam id profiteatur, faciatque tam benevolum Deum erga peſſimos etiam & perduelles quoſque homines; Cur parvulis, „ illibatâ innocentia ut docet ipſe, prædi- „ tis, vixque culpâ originali aſperſis; „ nunquam vult vitam æternam, non vult Regno potiri &c. Cur viſcera paterna innocentibus claudit? An non Pater etiam il-  
*Abſurdè dici à Sfond. Deum nolle vitam æternam parvulis non baptizatis. \*p. 48. p. 8. p. 120.*

Ita Auguſtinus olim adverſus Pelagianos inſurrexit: „ Si Deus, inquit, vult omnes „ ſalvos facere & in agnitionem veritatis „ venire, ſed ideo non veniunt, quia ipſi „ nolunt; cur tot millia parvulorum, qui

"non percepto Baptismate moriuntur, non-  
 "veniunt in Regnum Dei, ubi certa est ag-  
 "nitio veritatis? Nunquid aut homines non  
 "sunt, aut non pertinent ad id, quod di-  
 "ctum est, *omnes homines*? . . . Cur Deus  
 "qui vult omnes homines salvos fieri & in  
 "agnitionem veritatis venire, tam multos in  
 "Regnum suum . . . . qui nullo ei resistent  
 "arbitrio, patitur non venire?

Respondebant Pelagiani, "Ideo parvulos

*Ibid.* "non in eorum numero deputan-  
 "dos, quos Deus omnes vult salvos fieri;  
 "quia eâ salute, quæ hic intelligenda est,  
 "salvi sunt ipsi, nihil trahentes omnino pec-  
 "cati.

Responderet forsitan etiam Sfondratus il-  
 los infantes beatos quidem non esse, seu  
 non intrare in Regnum Dei, nec tamen pe-  
 reunt; qui autem non perit, jam salvus est  
 &c. Urget Augustinus. „ At ita te into-  
 „lerabilis, inquit, sequitur absurditas: isto  
 „enim modo benevolentio rem facis Deum  
 „omnibus impiissimis & sceleratissimis ho-  
 „minibus, quam innocentissimis & purissi-  
 „mis ab omni labe peccati: Quandoqui-  
 „dem illos, quia vult eos omnes salvos fi-  
 „eri, vult etiam intrare in Regnum suum...  
 „Immensum verò numerum parvulorum,  
 „qui sine Baptismate moriuntur, suo Regno  
 „adjici non vult. Hic Pelagiani obmutue-  
 runt.

runt. Sfondratus tamen acutissimum aliquod invenit quod reponeret; videlicet non sequi eam, quam Augustinus objicit absurditatem; benevolentior enim Deus, secundum ipsum Sfondraum, se præbet illis infantibus, quippe qui in perpetuum servat eis innocentiam &c. quæ multo majus beneficium est Regno Dei. O quantum perdidit Pelagiani, qui Auctorem istum non audierunt! potiori namque jure, ut jam innuimus, hoc idem respondere poterant ipsi, qui penitus integram parvulis ac purissimam tribuebant innocentiam, eosque nec saltem aspersos originali labe dicebant. Nihilominus existimari potest, id eis quoque in mentem venisse; sed propalare forte noluerunt; ne docendo atque divulgando, ut modò fit, animas a Christi gratia alienas, & a Regno Dei exclusas *affici beneficio celestis gratia multò majori quodque infinitis partibus ipsam Christi gratiam antecellat*, Christianis horrore essent &c.

VII. Afferit etiam Cardinalis Sfondratus, quod si Deus parvulos ad gloriam non elegit, non ideo sequitur eos damnari.

\*Docet equidem S. August. quod plurimi  
 „infantes qui ante susceptionem Baptismi  
 „abripuntur, secundum Catholicam fidem  
 „à damnatione gravissima tollantur; secundum  
 „verò hæresim Pelagianam ab omni.

*Parva-  
 li ante  
 baptis-  
 mum  
 abrepti  
 non li-  
 rantur  
 ab omni  
 damna-  
 tione.*

\**Lib. 1.* Itaque quando Sfond. dicit parvulos non  
*op. imp.* damnari, vel intelligit eos tolli ab omni  
*cap. 64.* damnatione, vel solum a graviore vel gra-  
 vissima; si ab omni, hoc dicitur, ut Aug.  
 testatur, secundum hæresim Pelagianam: si  
 tantum a graviore aut gravissima, quàm ple-  
 etuntur, qui suâ propriâ voluntate peccave-  
 runt: ab alia tamen damnatione, licet in  
 comparatione cæterarum omnium levissimâ,  
 non tolluntur, falsum igitur erit eos non  
 damnari.

Et sanè parvulos nasci damnationi æternæ  
 obnoxios, in eamque ire, si antequam ob-  
 ierint, in Christo non renascantur, nemo  
 negare potest, nisi qui velit Apostolo apertè  
 repugnare, ut toties observat S. Aug. qui  
*Rom. 5.* super illa verba; *Judicium quidem ex uno in*  
*16.* *condemnationem, gratia autem ex multis de-*  
*licitis in justificationem*, ait. " Ex uno ergo,  
 " quid, nisi delicto? Quia sequitur, *gratia*  
*De* " *autem ex multis delictis*. Dicant isti: (per-  
*Nup. 5.* " *git Aug.) quomodo ex uno delicto in con-*  
*concup.* " *demnationem, nisi quia sufficit ad con-*  
*lib. 2.* " *demnationem unum originale peccatum,*  
*cap. 27.* " *quod in omnes homines pertransiit? Et*  
 " paulò post. Quomodo ergo per unius de-  
 " lictum in omnes homines ad condemna-  
 " tionem, & non potius per multa sua cu-  
 " jusque delicta; nisi quia etiam si unum sit  
 " tantum, idoneum est perducere ad con-  
 dem.



"demnationem, etiam nullis additis cæteris;  
 "sicut perducit parvulos morientes, qui ex  
 "Adam nascuntur, si in Christo non re-  
 "nascuntur?

"Quid ad ista dicturi sunt (ait Aug. alio *Epi.*  
 "loco sed in eodem proposito) aut quid eis 157.  
 "restat nisi ut Apostolum errasse conten- *cap. 3:*  
 "dant? Clamat Vas electionis, Doctor Gen- *alias*  
 "tium, Tuba Christi: *Judicium ex uno in con-* *Ep. 89:*  
 "*demnationem*; & reclamant isti asserentes,  
 "parvulos quos ex illo uno homine, de quo  
 "loquitur, ducere propaginem confitentur,  
 "non ire in condemnationem, etsi in Chri-  
 "sto non fuerint baptizati. *Judicium*, inquit,  
 "*ex uno in condemnationem*. Quid dicit ex  
 "uno, nisi delicto? Ergo inde iudicium,  
 "etiam ex uno delicto, ducit in condemna-  
 "tionem. Quapropter si non audent resi-  
 "stere Apostolo, exponant nobis, quare  
 "iudicium ex uno delicto ducat in condem-  
 "nationem?" Sfond. autem proficetur, non  
 "iudicium ducere in condemnationem par-  
 "vulos sine baptismo morientes, sed maxi-  
 "mam Dei misericordiam in eis etiam elu-  
 "cere &c.

*De pæ-  
na par-  
vulo-  
rum*

VIII. Affirmat tandem Sfond. parvulos  
 non baptizatos, quamvis Dei visione æter-  
 næque gloriæ priventur, præservari tamen, *questio-*  
 ne perpetuis ignibus crucientur. In eadem *quomo-*  
 opinione plures alii versantur Auctores, *do dis-*  
 T 7 quos *cutien-*  
*da.*

quos ratiocinatio potius humana delectat, quam divina auctoritas. Sed quæstionem de pæna originali peccato debita, adeo difficilem censuit Aug. ut fateatur illam humanis rationibus dissolvere supra vires quoque suas fuisse.

- Serm.* "Ego, inquit, istam quæstionem pro-  
*294.* "fundam sentio, & ad ejus fundum riman-  
*cap. 7.* "dum vires meas idoneas non agnosco.  
*alias* "Libet me & hic exclamare, quod Paulus,  
*14. de* "O altitudo divitiarum! parvulus non bap-  
*verbis* "tizatus pergit in damnationem (Apostoli  
*Apost.* "enim verba sunt, *Ex uno in condemnatio-*  
*nem*) non satis invenio dignam causam;  
 "quia non invenio, non quia non est.  
*Fortè* "Ubi ergo non invenio in profundo pro-  
*fun-* "fundum, attendere debeo humanam in-  
*dum.* "firmitatem, non damnare divinam aucto-  
 "ritatem &c.

Inde plurimum commendat & approbat, ut in investiganda rei hujus veritate ad eandem auctoritatem confugiat: Quod ipse diligentissimè æquè ac sapientissimè præstitit; & Scripturæ sacræ testimoniis, iisque multum apertis, sententiam suam, de qua nunquam dubitavit, ut cap. sequenti constabit, demonstravit; videlicet, quoad illos homines omnes, qui cum peccato, quod est mors animæ (quale procul dubio est etiam originale) moriuntur, non dari medium locum inter Regnum Cælorum &

gehennam ignis ; ac proinde ab illo exclusos in hanc mitti. Cui sententiæ, Scripturæ divinæ magis consentaneæ, & nos adhæremus ; arctiusque connectimur auctoritate Concilii Florentini, quod disertè statuit : *In li-*  
 " Illorum animas , qui in actuali mortali *teris*  
 " peccato, vel solo originali decedunt, mox *san-*  
 " in infernum descendere, pænis tamen dis- *ta*  
 " paribus puniendas." Hic nullus relinquitur *unio-*  
*nis.*  
 tergi versandi locus.

IX. Superest ut perpendamus vim argu- *Ar-*  
 menti, quod Sfond. quibusdam aliis, quæ *gum.*  
 induxit, adjungit. \* *Si nemo, inquit, prop-* *Sfond.*  
*ter peccatum originale reprehendi potest, quanto* *expen-*  
*minus torqueri &c.* *ditur.*

Si hæc ratio valeret, probaret parvulos *Licet*  
 etiam in hac vita non posse ob culpam ori- *infantes*  
 ginalem tot doloribus, quos patiuntur fleti- *non pos-*  
 busque indicant, torqueri ; tot morborum *sunt re-*  
 generibus, dæmonum invasionibus, cæteris- *prehen-*  
 que innumeris calamitatibus affligi ; ac tan- *di, pos-*  
 dem morte corporis puniri ; ita enim liceret *sunt ta-*  
 cum Auctore isto arguere : *men pu-*  
*niri ob*

Planè atrociùs morbi dolent, præsertim *pecca-*  
 diuturni ; magis torquet dæmon &c. quam *tum ori-*  
 verba : quis ergo tam absurdè sentiat, posse *ginale.*  
 torqueri parvulos morbis, qui non possunt *\* pag.*  
 verbis ? nihilominus apud Christianos cer- *118.*  
 tum est, parvulos hujusmodi pænis subjici  
 propter peccatum originale : quam verita-

tem esse indubitatum fidei dogma, testatur etiam ipsemet S. Thomas, inquit :  
*De Ma-* " Absque omni dubio secundum fidem Ca-  
*lo q. 5.* " tholicam tenendum est, quod mors &  
*art. 4.* " omnes defectus præsentis vitæ sunt pæna  
 " peccati originalis." Igitur non absurdè,  
 sed absque omni dubio secundum fidem  
 Catholicam sentit, " Qui confitetur infantes  
 " torqueri in præsentis sæculo posse ob cul-  
 " pam originalem, quamvis verum esset ob  
 " eandem non posse reprehendi." Cur etiam  
 in futuro sæculo ubi infantes non baptizati  
 eidem culpæ originali manent semper ob-  
 stricti, non possunt torqueri pænis, licet  
 non possent verbis ? Deinde si eidem ratio-  
 cinationi attendendum esset, inferri quoque  
 deberet, parvulos non baptizatos neque a  
 Regno Cœlorum excludi posse. Nam Sfond.  
 ipse ex S. Aug. fatetur, maximam creaturæ  
 rationalis pænam esse, si excludatur ab eo  
 Regno, hoc est, si exilio mulctetur : " Nec  
 " verò, inquit, exilium aut majus esse,  
 " quam quod perpetuum, aut pejus, quam  
 " quam quo Cælum amittitur ; tantò enim  
 " infelicius exilium, quantò felicior Patria :  
 " sicut tanto gravius malum, quanto majus  
 " est bonum, quo privat.

Quo supposito ita cum eodem Auctore ra-  
 tiocinari possumus. Planè longè atrocius  
 dolet exilium, præsertim perpetuum, quam  
 verba.



verba. Quis ergo tam absurdè sentiat, ut dicat luctuosissimo exilio posse mulctari parvulos, qui non possunt reprehendi? Possè puniri exilio, qui non possunt verbo? Et tamen nemo unquam negavit aut negat, infantes sine Baptismate morientes a Regno Cœlorum excludi, sicque durissimo exilio puniri; quamvis verum esset non posse reprehendi.

X. Sed ne Sfond. rationibus tantùm in- *Alina*  
 niti videatur, agit etiam auctoritate: itaque *ejusdem*  
 observat de non baptizatis dici quidem *arg. ex*  
 Johan. 3. *Nisi quis renatus fuerit ex aqua & auctori-*  
*Spiritu Sancto, non potest intrare in Regnum* *tate re-*  
*Cœlorum*: Non dicit Christus, inquit ipse, *jicitur.*  
*æternis ignibus punitur; sed non intrabit in p. 114.*  
*Regnum Cœlorum &c.* Sed ex S. Aug. ani-  
 madverti potest, si in hoc sensu accipien-  
 dum esset testimonium illud Euangelii, quia  
 ibi non exprimitur pœna ignis æterni, inde  
 sequi, "Non tantum parvulos non bapti-  
 "zatos, sed scelestos, facinorosos, conta-  
 "minatos, perditos, si non corrigantur, in  
 "Regno quidem non futuros, minimè ta-  
 "men æternis suppliciis puniendos; de hujus-  
 "modi enim peccatoribus Apostolus pronun-  
 "ciat: *Regnum Dei non possidebunt.* Non 1 Cor. 1.  
 "dixit, subjungit Aug. illi & illi, tales & 6. 9.  
 "tales igni æterno torquebuntur, sed *Reg-*  
*num Dei non possidebunt.*" An quia de  
 illis

illis peccatoribus non dixit. Apostolus, *Æternis ignibus punientur*, sed *Regnum Dei non possidebunt*: Idcirco illi quidem Regnum Dei non possidebunt; sed tamen æternis suppliciis non torquebuntur? Quis audeat hoc dicere? Quare ergo Scriptura divina aliquando peccatoribus comminatur exclusionem a Regno Cœlorum, non faciã mentione ignis æterni? Audiamus Aug. "Non eos, inquit, terruit, quod erunt in igne sempiterno, quo sine dubio ibunt; sed tantum terruit, quia in Regno non erunt: ut cum viderint se perdere spem Regni, non viderent esse consequentem, nisi pœnam ignis æterni . . . subtracã dextrã, non remanet nisi sinistra: unde autem evadunt ab igne sempiterno? Non ob aliud, nisi quia erunt in Regno &c." De mente autem ejusdem S. Patris quoad pœnam parvulorum sine Baptismo decedentium, licet jam constare possit, fufius tamen agendum erit cap. seq. ubi videbitur an eam attigerit Card. Sfond. &c.

## CAPUT. XIII.

Considerantur ea, quæ relata sunt Capite octavo.

**I**N primis an Emin. Sfond. Nodum Prædestinationis ex doctrina S. Aug. dissolvat,

vat, facile est cuique discernere ex iis; quæ hæcenus observata sunt, & quæ deinceps perpendentur.

Tentavit quidem munire se armis ejusdem S. Doctoris, ejus nempe testimoniis & auctoritate; sed non potuit sic incedere, non enim habebat consuetudinem; idcirco postea profitetur, aliis armis nunc opus esse, alio hoste belloque instante. Mirificè commendat B. Aug. doctrinam; debebat ergo audire tantum Virum docentem, cujus doctrinam laudavit.

Dicit tamen, cum non semper in causa gratiæ unam eandemque sententiam tenuisse. Negari non potest S. Aug. ante Episcopatum aliquo errore in materia de gratia laborasse, quo putabat fidem seu fidei initium non esse donum Dei; sed circa exordia sui Episcopatus, Deo per Scripturas suas veritatem ei revelante, errorem abjecit; ac deinceps semper unam eandemque de gratia sententiam tenuit. Si autem scire cupis, unde error ille ad Aug. defluerat; id docet Sfond.

"Adverte, inquit, ad eò illos Semipelagia-*p. 55.*  
 "nos speciosis rationibus, ac auro pietatis  
 "obductos fuisse; ut quod mireris, non so-  
 "lum sanctitate ac doctrinâ præcipuos in  
 "Gallia, verum etiam in Africa ipsum Aug.  
 "occuparent." Multum sanè mirabile est,  
 Aug. deceptum fuisse a Semipelagianis, tri-  
 ginta

ginta & amplius annos ; antequam aliquid de  
 iis sciverit vel audiverit ; quinimo vigin-  
 ti circiter annos , priusquam exortus aut  
 notus esset , non solum eorundem Semi-  
 pelagianorum sed etiam Pelagianorum  
 error &c.

*S. Aug.* I. Putat etiam Sfond. in quæstione de pæ-  
*non non* na parvulorum , qui non regenerati moriun-  
*dubita-* tur , valde dubium semper extitisse. Verum  
*vit de* excepto eo loco Lib. 3. de lib. arb. c. 23. de quo  
*pæna* infra agitur , quamvis sæpissimè de illa pæna  
*parvu-* tractaverit , vel contra Hæreticos disputan-  
*lorum.* do , vel Christianos docendo ; ne minimum  
 tamen ejus dubitationis indicium unquam  
 præbuit , ut postea clarè demonstrabitur.  
 Quin contra vel semper supponit , vel do-  
 cet , vel evidentibus Scripturis probat , par-  
 vulis sine Baptismo decedentibus præpara-  
 tum non esse ullum medium locum inter  
 Regnum Cœlorum , & gehennam ignis ; sed  
 ab illo exclusos huic destinari. In quam  
 sententiam flexit S. Pater , non inconside-  
 ratè agens , aut quasi sæviens adversus in-  
 fantes ; quod insanissimè ac temerè de  
 mansuetudine , de modestia ac sapientia tanti  
 Doctoris suspicaretur ; sed divinæ auctoritati  
 adhærens , perpendens quam magnam con-  
 nexionem illa habent cum certis fidei nostræ  
 capitibus ; ac tandem unanimi illius tem-  
 poris Ecclesiæ consensu ductus.



II. Non igitur in eam sententiam abrep- *In sen-*  
 tus est ardore disputandi contra Pelagianos, *tentiam*  
 ut quidam ineptè, ne dicam impudenter, *de eâ-*  
 obloquuntur. Hinc est, quod illam nedum *dem*  
 sustinuit adversus eosdem Hæreticos ad acer- *pæna*  
 rimè disputans; sed tradidit etiam, cum *abrep-*  
 tranquillo & sedato animo Fideles verbo *tus non*  
 vel scripto doceret; ut cunctis Lucubra- *est ardo-*  
 tiones ejus percurrentibus constare po- *re pu-*  
 test. *gnandi.*

III. Insuper quam maximè studuit hac in *Intra*  
 re continere se intra discretæ moderatio- *discre-*  
 nis limites, quantum salvâ divinorum Elo- *ta mo-*  
 quiorum auctoritate, salvâ Fidei veritate ei *derat.*  
 licuit. Hinc primùm docet, parvulos qui *limites*  
 non baptizati moriuntur, damnatione le- *se con-*  
 vissimâ ac mitissimâ pænâ mulctari, quod *tinuit*  
 procul dubio intelligit factâ comparatione *S. Aug.*  
 cum pænis, quibus alii damnati ob pecca- *dispu-*  
 ta, propriâ cujusque voluntate commissa *pæna*  
 torquentur. Qualis vero & quanta in se *parvu-*  
 sit pæna originali culpæ debita, fatetur se *lorum.*  
 definire non posse; id enim discernere non  
 ad hominis sed Dei Judicium spectare, non  
 semel ipse declarat, ac in universum Tract.  
 89. in Johan. "Tanta est autem, inquit, *Num.*  
 "suppliciorum, quanta est diversitas pecca-  
 "torum; quæ quomodo se habeat, altius in-  
 "dicat Sapientia divina, quam coniectura  
 "scrutatur aut effatur humana.

Deinde cum Julianus contra originale peccatum opponeret; si parvuli peccato & damnationi obnoxii nascerentur, de illis proferendum esset, quod Christus de Proditore dixit, *Melius erat homini illi non nasci.* At S. Aug. respondet, cum id Dominus pronuntiaverit tantum de maximis peccatoribus, extendendum non esse ad qualescumque peccatores; & multo minus ad parvulos non baptizatos, qui erunt in pena mitissima, cæterisque omnibus multò magis tolerabili.

*Cont.*

*Jul.*

*lib. 5.*

*cap. 11.*

*Matth.*

*10. 15.*

*8. cap.*

*11. 24.*

*Ignis*

*infernus*

*quo gra-*

*vius vel*

*levius*

*tor-*

*quet.*

"Ego autem non dico, inquit, parvulos  
" sine Christi Baptismate morientes tantâ penâ  
" esse plectendos, ut eis non nasci potius expe-  
" diret; cum hoc Dominus non de quibus-  
" libet, sed de sceleratissimis & impiissimis  
" dixerit. Si enim quod de Sodomis ait, &  
" utique non de solis intelligi voluit, alius  
" alio tolerabilius in die judicii punietur:  
" Quis dubitaverit parvulos non baptizatos,  
" qui solum habent originale peccatum, nec  
" ullis propriis aggravantur, in damnatione  
" omnium levissima futuros? Quæ qualis  
" & quanta erit, quamvis definire non  
" possim; non tamen audeo dicere, quod  
" eis ut nulli essent, quam ut ibi essent,  
" potius expediret.

IV. Demum ut cogitetur, qua ratione ac-  
cidere possit, ut ignis inferni, pro quali-  
tate & quantitate culparum, aliis gravio-  
rem,

rem, aliis levio-rem, aliis levissimum cruciatum infligat; insinuat Aug. altero ex his modis fieri posse; nempe, vel ita ut vis & ardor ipsius ignis a Deo augeatur aut minuatur; vel æquali vi & ardore ignis manente, non æqualiter sentiatur. "Ne-

"quaquam, inquit, negandum est, etiam "ipsum æternum ignem pro diversitate me-  
 "ritorum, quamvis malorum, aliis levio-  
 "rem, aliis futurum esse gravio-rem; sive  
 "ipsius vis atque ardor pro pœna digna  
 "cujusque varietur; sive ipse æqualiter ar-  
 "deat, sed non æquali molestiâ sentiatur.;

Quæ Augustini doctrina explicari forsitan possit exemplo ignis seu ardoris febrilis, qui juxta gravitatem vel levitatem febris, magis vel minus tolerabilis est, ac majori vel minori molestiâ sentitur &c. Quibus autem ista Aug. sententiæ moderatio non satis est, aliquod melius quærant; sed caveant; ne eximendo parvulos ante Baptis- mum sublato ab omni penitus inferorum pœna, simul liberatos declarent a captivitate peccati, a potestate Diaboli ac mortis,

ab ira Dei &c. absque gratia Sacramenti

Mediatoris Dei & hominum: Sicque in-

ducant illam quamdam secundam felicitatem, minorem Regno Cœlorum, quam iis-

dem parvulis Pelagiana hæresis fabricavit: aut forte, quod pejus est, majorem ipsi felici-

*De Ci-  
vit. Dei  
lib. 21.  
cap. 16.*

*S. Aug-  
gust.*

*lib 1.  
Op. Im.*

*cap. 3.  
& 1b.  
lib. 2.*

*c. 113-  
cita-*

citatem illis ædificent, quos affirmare non dubitant, beneficio cælesti gloriâ multò majori a Deo affici: sed de his hæc-

*S. Au-*  
*gust. re-*  
*tracta-*  
*vit sen-*  
*tentiam*  
*mediam*  
*inter*  
*prami-*  
*um &*  
*suppli-*  
*cium*  
*Ec.*

*De do-*  
*no per-*  
*sev. cap.*  
*12.*

V. Accedamus ad ea consideranda, quæ Sfondratus proposuit, ut suaderet S. Patrem plurimum dubitasse de pœna parvulorum non accepto Baptismate morientium. Primò asserit sententiam mediam parvulis non baptizatis inter supplicium meritum-que ab Augustino constitui; neque id unquam ab eo fuisse retractatum. Mirum fanè est Auctorem istum, qui ut ajunt, Patrum, præcipuè verò Augustini, tam sæpe & tam sedulò opera evolvit, non legisse, aut non animadvertisse hæc S. Augustini verba. "Frustra, inquit, mihi de illius Libri mei vetustate præscribitur, ne agam cau-  
sam sicut debeo agere parvulorum . . . .  
"Si enim quando Libros de lib. arb. Laicus cæpi, Præbiter explicavi, adhuc de damnatione infantium non renascentium, & de renascentium liberatione dubitarem; nemo, ut opinor, esset tam injustus atque invidus, qui me proficere prohiberet, atque in hac dubitatione remanendum mihi esse judicaret. Cum verò rectius possit intelligi; non me propterea de hac re dubitasse credi oportere, quia contra quos mea dirigebatur intentio, sic mihi visi sunt



"sunt refellendi, ut sive pœna esset peccati  
 "originalis in parvulis, quod veritas habet;  
 "sive non esset, quod nonnulli errantes o-  
 "pinantur; nullo modo tamen, quam Mani-  
 "chæorum error inducit, duarum natura-  
 "rum, Boni scilicet & Mali, permixtio  
 "crederetur. Absit ut causam parvulorum  
 "sic relinquamus, ut esse nobis dicamus in-  
 "certum, utrum in Christo regenerati, si  
 "moriantur, parvuli transeant in æternam  
 "salutem, non regenerati autem transeant  
 "in mortem secundam. Quoniam quod  
 "scriptum est, *Per unum hominem peccatum Rem.*  
 "*intravit in mundum, & per peccatum mors, 15. 12.*  
 "*& ita in omnes homines pertransiit;* aliter  
 "rectè intelligi non potest: nec a morte  
 "perpetua, quæ justissimè est retributa pec-  
 "cato, liberat quemquam pusillorum at-  
 "que magnorum, nisi ille, qui propter redi-  
 "menda & originalia & propria nostra pec-  
 "cata, mortuus est sine ullo originali, pro-  
 "prio peccato." His S. Doctor profitetur,  
 "si humaniùs erga illum agatur, non opus  
 "esse, ut ob illud suum effatum de medietate  
 "inter præmium & supplicium, existimetur ip-  
 "sum tum dubitasse de damnatione parvulo-  
 "rum, an esset pœna originalis culpæ; qua de  
 "quæstione, cum Libros de libero arb. scribe-  
 "ret, necesse non habuit quidquam definire,  
 "ut Manichæos, contra quos tunc agebat,

refelleret; quod æquè bene præstare poterat, si pæna esset, ut ait, peccati originalis in parvulis, quod veritas habet; si non esset, quod nonnulli errantes opinantur; Quod si attendisset Sfond. facillè poterat ab Aug. mente amovere magnam illam de pæna parvulorum dubietatem & inconsistentiam. Verùm si noluit ei esse humanus, saltem non sit injustus atque invidus, ut prohibeat Aug. proficere, & judicet in hac dubitatione illi remanendum esse. " Absit, " inquit, ut causam parvulorum sic relin-

*De Ci-* " met docet) non sit separatione animæ &  
*vit Dei* " corporis, sed in æternam pænam potius  
*lib. 3.* " utriusque complexu." Falsum igitur est  
*cap. 10.* S. Aug. in causa parvulorum non retractasse

vel non repudiasse sententiam illam mediam &c. Et æquè falsum de pæna infantium non baptizatorum, post exaratos Libros de libero arb. dubitasse; imò non incongruam ipse suggerit rationem, ob quam benignè

*An S.* judicari poterat, ne tum quidem hac de re  
*Aug.* in illa dubietate fuisset.

*in Ep.* VI. Sed valde dubium & inconsistentem,  
*28. du-* cum agitur de parvulorum pæna, extitisse  
*bitet de* S. Aug. præcipuè probat Sfond. ex Epist.  
*pæna* 28. ad Hier. " Tædet attendere (ut Aug.  
*parvu-*  
*lorum.*

"verbis ad rem nostram utar) pigetque pro- *Epif.*  
 "ferre, sed magis compellimur dicere; 186.  
 "Quod enim potuerunt magna & acuta *cap. 5.*  
 "ingenia cogitare, aut inopix est tacendo *alias*  
 "vitare, aut arrogantix contemnendo præ- 106.  
 "terire." Nulla re magis Aug. ani-  
 mum, ut ipse profitetur, ait Sfond. præ-  
 fertim Epist. 28. agitatum tortumque fuisse,  
 quam hac de parvulorum pæna quæstione.  
 Paulum ergo attentius perpendamus, an  
 S. Aug. id revera profiteatur, præsertim in  
 laudata Ep. 28.

Ac primum quæ fuerit Aug. intentio, qua  
 Librum seu Epistolam illam exaravit, decla-  
 rat ipse lib. 2. Retract. cap. 45. *Scripti*  
*etiam*, inquit, *duos libros ad Hieronymum*  
*Præbyterum sedentem in Bethlæm, unum*  
 (Et hic est Epist. de qua agitur.) *De origine*  
*animæ hominis, alterum &c. & infra de in-*  
*tentione, qua eundem Librum publicum fecit.*  
 "Ad hoc, inquit, edidi priorem, ut qui le-  
 "git, admoneatur, aut non quærere om-  
 "nino quomodo detur anima nascentibus,  
 "aut certè de re obscurissima eam solutionem  
 "quæstionis hujus admittere, quæ contraria  
 "non sit apertissimis rebus, quas de origi-  
 "nali peccato fides Catholica novit in par-  
 "vulis, nisi regenerentur in Christo, sine dū-  
 "bitatione damnandis." Quæstio igitur  
 tum valde dubia & obscurissima de qua

S. Doctor tractare intendit in ea Ep. non est de pœna parvulorum, sed de origine animæ. Imo pœnam seu damnationem infantium, qui non regenerentur in Christo, hic ponit ipse inter res apertissimas, quas fides Catholica sine ulla dubitatione novit. An in ejusmodi rebus anceps esse poterat Aug.?

*Ea Ep.* VII. Sed inspiciamus Ep. ipsam, ubi  
*expen-* Aug. antequam aperiat, quid a sancto Hie-  
*ditur.* ronymo doceri cupiat, ea profitetur quæ ipse de anima indubitanter sentiebat & tandem ad nostrum propositum deveniens,  
*Epif.* "Certus etiam sum, ait, animam nullâ  
 166. "Dei culpâ, nullâ Dei necessitate vel suâ,  
*cap. 2.* "sed propriâ voluntate in peccatum esse  
*alias* "collapsam; nec liberari posse de corpore  
 28. "mortis hujus vel suæ voluntatis virtute,  
 "vel ipsius corporis morte; sed gratiâ Dei  
 "per Jesum Christum Dominum nostrum:  
 "Nec omninò esse animam ullam in genere  
 "humano, cui non sit necessarius ad libera-  
 "tionem Mediator Dei & Hominum Ho-  
 "mo Christus Jesus. Quæcumque autem sine  
 "gratia Mediatoris & Sacramento ejus, in  
 "qualibet corporis ætate de corpore exierit,  
 "& in pœna futuram, & in ultimo judi-  
 "cio recepturam corpus ad pœnam. Hæc  
 "sunt, inquit, quæ de anima firmissimè  
 "teneo.



Postea refert quatuor opiniones de origine animæ, ex quibus, "quænam sit eligenda, inquit, scire desidero." Deinde supponens Hieronymi mentem esse, singulas animas singulis nascentibus etiam modò à Deo fieri, proponit difficultatem, quæ illum summopere angebat; hoc est, quomodò eâ admissâ D. Hieronymi sententiâ, exponi valeat animas hominum nascentium contrahere originale peccatum, damnationisque reatum. En ejus verba, "Doce quæso, inquit, quod doceam, doce quod teneam, & dic mihi, si animæ singulatim singulis hodieque nascentibus fiunt, ubi in parvulis peccent, ut indigeant in Sacramento Christi remissione peccati peccantes in Adam, ex quo caro est propagata peccati &c." Hic nodus ille erat, quo implicabatur Aug. mens, & cujus solutionem ab Hieronymo enixè poscebat. Postea devenit ad testimonium quod Sfond. truncum adducit; „Cum ad pœnas, inquit, ventum est parvulorum, magnis, mihi crede, coarctor angustiis, nec quid respondeam, prorsus invenio. Hucusque Sfond. exscripsit; sed Aug. immediatè ita prosequitur: „Non solùm, ait, cas pœnas dico, quas habet post hanc vitam illa damnatio, quò necesse est trahantur, si de corpore exierint sine Christianæ gratiæ Sacramento; sed eas ipsas,

*Ibid.**cap. 3.**Ibid.**cap. 6.*

„quæ in hac vita, dolentibus nobis, ver-  
 „santur ante oculos. „ Quæ postrema ver-  
 ba consultò forsan omisit Sfond. ne statim  
 evanesceret ingens illa dubitatio de pænis  
 parvulorum, quam ipse nititur Aug. affige-  
 re; tantùm enim abest, ut iis verbis signi-  
 ficet, se de illa pænâ dubitare, quin pro-  
 certo supponit & dicit, animas infantium, qui  
 sine Baptismo intereunt, trahi necesse in dam-  
 nationem, quæ pænas habet.

*De quo dubitet Aug. in ea Epist.* VIII. Magnis itaque angustiis coarctaba-  
 tur Augustinus non ob quæstionem de pœ-  
 na parvulorum; sed quia quærebat justam  
 causam, cur eadem pœna eis infligatur,  
 quæ quidem alia esse nequit præter origina-  
 le peccatum; sed tamen non percipiens qua  
 ratione istud contraheretur, si animæ, ut sen-  
 tiebat D. Hieronymus, singulis nascenti-  
 bus a Deo creantur; neque consequenter  
 invenire poterat causam damnationis infan-  
 tium sine Baptismate morientium: Propterea  
 petit hac de re instrui: "Quærenda causa est  
*Ibid. cap. 8.* "inquit, atque reddenda, quare damnentur  
 "animæ, quæ novæ creantur singulis quibus-  
 "que nascentibus, si præter Christi Sacra-  
 "mentum parvuli moriantur: Damnari e-  
 "nim eas, si sic de corpore exierint, &  
 "sancta Scriptura, & sancta est testis Ec-  
 "clesia: Unde illa de animarum creatione  
 "sententia, si hanc fidem fundatissimam  
 non

"non oppugnās, sit & mea; si oppugnās,  
"non sit & tua.

Ubi sacrae Scripturae auctoritate, totiusque Ecclesiae testimonio, ac proinde, ut ait, secundum fundatissimam fidem, cui nulla ex causa repugnandum sit, indubitatum esse supponit, parvulos sine Baptismo decedentes ire in damnationem; cui conjunctam esse aliquam inferorum poenam, semper ipse aut pro certo sumit aut probat.

Demum ad ea verba devenio, quæ Sfondratus prioribus ab ipso adductis statim subiungit, videlicet. „ Quamvis desiderem  
"inquit, rogem, votis ardentibus exoptem, ut per se mihi Dominus hujus rei  
"auferat ignorantiam; tamen si quod absit,  
"minimè meruero, patientiam mihi petam  
"à Domino Deo nostro. „ Quod fervens Augustini desiderium ac ejus vehementem instantiam Sfondratus revocat ad quæsitum de parvulorum poena; sed omninò fallitur, ut jam liquidò constat. Ignorantia etiam à qua liberari cupiebat, taurum procul dubio versabatur circa quæstionem de origine animæ; ignorans nempe, quam ex quatuor de illa opinionibus eligeret, ut manifestè indicat sequentibus verbis, quibus Epistolæ finem imponit. „Antequam sciam, inquit,  
"quænam earum opinionum de origine animæ,  
"potius eligenda sit, hoc me non te-

"merè sentire profiteor, eam quæ vera est,  
 "non adversari robustissimæ ac fundatissi-  
 "mæ fidei, quæ Christi Ecclesia nec parvu-  
 "los homines recentissimè natos à damna-  
 "tione credit, nisi per gratiam nominis  
 "Christi, quam in suis Sacramentis com-  
 "mendavit, posse liberari.

Itaque ea Augustini mentis agitatio, quam  
 in hac Epistolâ expressit, referenda non est  
 ad quæstionem de pœna parvulorum, de  
 qua nunquam dubitavit, ut evidens est,  
 eum ex multis aliis ejus Lucubrationibus,  
 tum præclarissimè ex hac ipsa, quam mox  
 expendimus Epistola.

Nihilominus Sfondratus confidenter pro-  
 nunciat, „ Nullâ re magis Augustini ani-  
 "mum agitaturn, tortumque fuisse, quam  
 "hac de parvulorum pœnis quæstione, ut Aug-  
 "ipse profitetur, inquit Auctor iste, præfer-  
 "tim Ep. 28., „ Quæ fides habenda est homini,  
 qui hæc dicit, & S. Augustinum instar ve-  
 natorum huc atque illuc cursitantem facit,  
 ut eam veritatem apprehendat, quam fir-  
 missimè jam ille tenebat, quamque secun-  
 dùm *Apostolicam, manifestissimam, robustissi-*  
*mam ac fundatissimam fidem* tenendam esse  
 profitetur eo ipso loco, in quo præsertim  
 S. Doctorem de illa multum dubitasse, idem  
 Auctor scribit.

*An* IX. Dicit etiam Sfondratus Augustinum  
 diffi-



difficilem intellectu esse: Puto non id ab eo *Aug.*  
 defectui S. Patris tribui, sed quod consentiat *diffici-*  
 accidere, vel ob difficultatem subtilitatem- *lis in-*  
 que disputationum, de quibus necessitatem *intellectus*  
 tractandi habuit; vel ob vitium eorum qui *&c.*  
 nimio suæ opinionis amore excæcati, sen-  
 sum ejus non percipiunt. Cæterum cum a-  
 liquando Julianus obscuritatem illi exproba-  
 ret, „ Nihil, inquit magis agit Augusti-  
 „ nus, quam ut parum intelligatur:” S. Do- *Apuđ*  
 ctor Hæretici calumniam ita refellit. „ Pror- *S. Au-*  
 „ sus intelligor, inquit, velis nolis; sed tu *gust.*  
 „ contra ista nihil dicturus, vis non intelligi *Lib. 3.*  
 „ quod ego verissimum atque firmissi- *Op. Im.*  
 „ mum dixi. *cap.*

X. Monet etiam Sfondratus scopum, *140.*  
 quem Augustinus sibi proposuit, cum con- *Quæ*  
 tra Pelagianos disputaret, non alium fuisse, *intentio*  
 quam gratiam non ex præcedente merito *& sco-*  
 conferri &c. *pus*

Verum quidem est August. semper con- *Aug.*  
 tendisse, gratiam non ex præcedente merito *in disp.*  
 nostro conferri; sed falsum est, non alium si- *de gra-*  
 bi scopum proposuisse, cum adversus illos *tia.*  
 Hæreticos ageret: Prius enim ac præcipue  
 quoque intendit, ut quando asseritur gra-  
 tiam gratis & non ex merito dari, id in-  
 telligatur de illa, qua Christiani Catholici  
 sumus, cujus notiones jam nos ab initio  
 dedimus; Constat namque Pelagianos, ut

errorem suum tegerent, ac invidiam, damnationemque effugerent, aliquando concessisse, gratiam Dei non secundum merita nostra dari: Sed id tacite referebant ad gratias, quas ipsi ultro admittebant, liberum arbitrium, legem, doctrinam, ceterasque similes, de quibus nulla tunc erat controversia. Propterea Patres, qui illos impugnabant, aliam contra eos adhibere compulsi sunt cautionem, eamque maximè necessariam ad illorum errores detegendos, artesque eludendas, quibus illum occultare nitebantur, cogentes eos explicitè fateri, de qua gratia loquerentur.

Unde S. Hieronymus de Pelagianis ita ad Cresiphontem scribit. " Illud verò quod  
" ad decipiendos homines quosque postea  
" huic sententiæ coaptarunt (non absque Dei  
" gratia) cum primà legentes fronte decipi-  
" at, introspectum & diligentissimè venti-  
" latum decipere non potest.

Et infra eos alloquens: „ Ecclesiæ, in-  
" quit, victoria est, vos apertè dicere quod  
" sentitis . . . . . Sententias vestras pro-  
" didisse, superasse est." Item Patres Afri-

*Inter* cani in Epistola sua Sancto Innocentio sum-  
*Aug.* mo Pontifici de Pelagio significarunt. „ Aut  
*Ep.* „ à tua Veneratione acciendus est Romam &  
177. „ diligenter interrogandus, quam dicat gra-  
„ 3. a. tiam . . . . . Aut hoc ipsum cum eo  
*liar* 95, „ per

„per literas agendum &c. „ S. Augustinus verò hoc de proposito integrum Librum qui est de gratia Christi, ex industria composuit, & alibi sæpè disputat admonens; in concertationibus de gratia Dei, attendendum semper esse, quid nomine gratiæ, auxili, adjutorii &c. significetur, & quæ sit illa gratia, quam Catholici contendebant ut Pelagius confiteretur, si non solum nominari, sed etiam esse vellet Christianus. Hic alter est & sanè principalis scopus, hic cardo disputationum Augustini de gratia, quem pariter, si quis non attendat, errabit sæpius, quam attinget.

Ultimo loco conjectat Sfondratus: si S. Augustinus his viveret temporibus, non contraria quidem iis, quæ de gratia contra Pelagium scripsit, sed alia diceret &c.

Licet non exprimat quænam sint ista alia, quæ modò diceret Augustinus, quæve sibi contraria non essent; tamen intelligi vult esse ea, quæ docuit ipse, ut Nodum Prædestinationis dissolveret; id enim satis indicant hæc ejus verba: „ Quid ergo mali est, si modò id fecimus, quod faceret Augustinus;” Itaque videamus an diceret Augustinus, quæ Auctor iste singulariter tradit. Ac ut facilius, clarius magisque expeditè procedatur, supponamus, si placet superesse modò Augustinum, ac stantem vel sedentem

cum Recentiore isto conferre, atque ab eo petere.

*Brevis Collatio S. Aug. cum Sfondratus.* XI. *Augustinus* Quænam sunt ista plenioris, cautiorisque doctrinæ additamenta non contraria iis, quæ contra Pelagium de gratia scripsi?

*Sfondratus.* Ea tradidi, fusèque exposui in meo Libro. Præcipua tantum illorum capita referam, incipiens à meis definitionibus gratiæ: Nihil aliud itaque est triumphatrix gratia, quam oratio & Rethorica Dei, humanam voluntatem alloquentis &c. vel cognitio congrua, hoc est quæ tale tamque proportionatum objectum, tali modo proponat, ut &c. Ostendere autem ad gratiam pertinet.

*Apud Aug. lib. 3. Op. Im. cap. 106. Ibid. cap. 114. Lib. 2. Op. Im. ap. 10.* *Augustinus*, Mihi antiqua scienti hæc nova non sunt, jam dudum audiivi Julianum docentem Gratiâ Dei nos adjuvare præcipiendo, benedicendo, sanctificando, COERCENDO, PROVOCANDO, ILLUMINANDO: sed non approbavi; imo illum rejeci, non enim dixit, charitatem dando. Hanc vos inter adiutoria gratiæ Dei, quæ commemoratis, nominare non vultis, ne hoc ipsum, quod obedi-mus Deo, ejus esse gratiæ concedatis.

Humanæ enim voluntati, nisi divinæ gratiæ subveniat adiutorium, quid prodest copiosum & ornatum cujuscunque exhortantis colloquium?

De



De cognitione verò jam monui, a dile- *Lib. de*  
ctione discernendam esse, & utrumque do- *gratia*  
num Dei attribendum adjutorio, ad cujus *Christi*  
gratiam spectat, non solum ostendere veri- *cap. 13.*  
tatem, sed etiam impertire charitatem.

*Sfond.* Cur exhortantis eloquium, seu  
Rethorica Dei humanam voluntatem allo-  
quentis, atque cognitio objectum affabre  
illì proponens, non ei proderit, cum nun-  
quam homini potestas observandi Dei man-  
data defit? Tu enim ipse mille locis de ho-  
minibus, quales in mundo sunt, constan- *p. 184.*  
tissimè doces, non peccaturos, violatis di-  
vinis præceptis, nisi potestatem haberent il-  
la observandi.

*Aug.* De hominibus quales in mundo  
sunt, hoc est, peccato obstrictis, ne semel *Vide de*  
quidem tale quid pronunciavi. Imo cum *Nat. &*  
Pelagius id diceret, illum redargui, eoque *Grat.*  
disputando adegì, ut alterum ex his faten- *cap 7.*  
dum illi esset; vel hominem non peccare *& 8.*  
cum peccat, vel Christum gratis mortuum  
esse; utrumque autem non minus absurdum  
quam impium est asserere.

*Sfond.* Verum quidem est, quod homo *p. 182.*  
nascitur omnium, quæ ad vitam eternam  
pertinent, expers & nudus; sed data est ei  
postquam ad usum rationis pervenit, gratia  
orandi, quæ nemini deest: sicut ergo nul- *p. 183.*  
lo peccato, quandiu ratio viget, amittitur

ibertas & potestas adimplendi legem divinam, vitandique peccati, ita nullo peccato gratia petendi amittitur, sine qua omnem quoque libertatem tolli necesse est.

*Ep. ad Aug.* *Aug.* Eadem olim docuisse Massilienses, ad me scripsit Hilarius; dicebant enim, fidem unde emanat oratio, hominis naturæ voluntate Conditoris concessam esse, & nullam ita depravatam vel extinctam putabant, ut non debeat vel possit se velle satuari; nec negari gratiam, si præcedere dicatur talis voluntas, quæ tantum Medicum quærat. Hæc placita Massiliensium; quæ fidelissimus meus Discipulus meritò appellat Reliquias Pelagianorum, approbare nolui, ad eaque extirpanda librum de Prædestinatione Sanctorum consultò scripsi; ibique demonstravi, quod fides, & inchoata & perfecta donum Dei est: & hoc donum quibusdam dari, quibusdam non dari omnino non dubitet, qui non vult manifestissimis sacris Literis repugnare. Si autem fides, sive inchoata sive completa non omnibus datur, neque omnibus conceditur gratia orandi; propterea populo Christiano prædicans dicebam. "Orare non possētis, nisi fidem haberetis, non enim orat, nisi fides." *Rom.* "Quomodo enim invocabunt, in quem non crediderunt." Adverte etiam me non docere, si-

*cap. 8. n. 16.*

*Serm. 186. n. 15. alias 17. ex hom. 5e.*

*10. 14.*

cut.

cut nullo peccato amittitur libertas, ita nec  
 ullo peccato amitti potestatem adimplendi  
 legem Dei, vitandique peccati. " Semper *De*  
 " enim est in nobis voluntas libera, sed non *Grat. 8*  
 " semper est bona. Aut enim à justitia li- *lib arb.*  
 " bera est, quando servit peccato, & tunc *cap. 15.*  
 " est mala: Aut à peccato libera est, quan-  
 " do servit justitiæ, & tunc est bona. *Gra- Cont.*  
 " tia verò Dei semper est bona, & per hanc *2. Ep.*  
 " fit, ut sit homo bonæ voluntatis, qui pri- *de Pe-*  
 " us fuit voluntatis male. Sed cum non vi- *lagianis.*  
 " vant benè filii hominum, nisi effecti filii *lib. 1.*  
 " Dei, quid est quod iste libero arbitrio vult *cap. 3.*  
 " benè vivendi tribuere potestatem; Cum *5 lib.*  
 " hæc potestas non detur, nisi gratiâ Dei per *1. Op.*  
 " Jesum Christum Dominum nostrum, di- *Im. cap.*  
 " cente Evangelio : *Quotquot autem acce-*  
 " perunt eum, dedit eis potestatem filios *Johan.*  
 " Dei fieri. Quæ potestas nisi detur à Deo, *1. 12.*  
 " nulla esse potest à libero arbitrio. " Po- *Ex*  
 " testas enim ista posita est in charitate, *Aug.*  
 " *tas autem, dicit Johannes Apostolus, ex Deo* *Op. Im.*  
 " *est; Unde item dicit, Ecce qualem charitatem* *lib. 1.*  
 " *dedit nobis Pater, ut filii Dei vocemur* *cap.*  
 " *mus.* Deinde si semper libertati hominis con- *106.*  
 " juncta est potestas adimplendi legem divi- *Johan.*  
 " nam, vitandique peccati, " Unde ergo *4. 7.*  
 " illa vox : *Non enim quod volo, facio bo-* *3. 1.*  
 " *num, sed quod odi malum hoc ago?* *Lib. de*  
 " Ubi est possibilitas, quæ inseparabiliter in- *Nar. 8.*  
 " *fit* *cap. 50.*

"sita probatur esse naturæ." Ecce homines non ea quæ volunt faciunt; & de non peccando utique agebat, non de volando, quia homines, non alites erant. Ecce homo, quod vult bonum, non facit, sed quod non vult malum hoc agit; velle illi adjacet, perficere autem bonum non adjacet. "Ubi est possibilitas, quæ inseparabiliter insita probatur esse naturæ . . . . ."

p. 169. "sed his verbis id agitur etiam à nesciente. . . . . ut evacuatur Dei gratia."

*Sfond.* Verum tamen sine fide explicita in Christum, quam plurimos ante illius adventum per solam gratiam, quâ legem naturæ observabant & si eam transgressi erant, de Deo omnium Creatore, & Provifore dolebant, salutem adeptos esse, dubium nullum est. Dicit enim Apostolus: *Accedentem ad Deum oportet credere quia est, & quia remunerator est.* Vides nullam fieri Incarnationis mentionem, solamque ad æternam vitam cognitionem existentis & providentis Dei sufficere.

*Cont.* *Aug.* Neque hoc recens est, ut advertere poteris apud me legendo quintam Juliani Antithesim de justis veteris Testamenti.

*lib. I.* Audi hujus Hæretici verba: "Dicimus, in cap. 21. "quit, sanctos veteris Testamenti perfectâ

hinc:



" hinc iustitiâ ad æternam transisse vitam ; id  
 " est , studio virtutis ab omnibus recessisse  
 " peccatis : quia & illi , quos legimus ali-  
 " quid peccasse , postea tamen eos emen-  
 " dasse cognovimus. " Audis & ipsum  
 profiteri , plurimos antè adventum Christi  
 sine ejus fide ad vitam æternam transisse ,  
 & si aliquando peccaverunt , pœniten-  
 tiam egisse &c. Cui tamen ego hic respon-  
 di. " Quantælibet fuisse virtutis antiquos *Ibid.*  
 " prædices justos , non eos salvos fecit , nisi  
 " fides Mediatoris , qui in remissionem pec-  
 " catorum sanguinem fudit. Ipsorum enim *Psal.*  
 " vox est ; *Credidi propter quod locutus sum* , 115.  
 " unde ait & Apostolus Paulus. *Habentes* 1.  
 " autem eundem spiritum fidei , secundum  
 " quod scriptum est , *credidi propter quod* 2 *Cor.*  
 " *locutus sum* , & nos credimus , propter 4. 13.  
 " quod & loquimur. Quid est eundem Spi-  
 " ritum , nisi quem iusti quoque illi habue-  
 " runt , qui ista dixerunt : Dicit etiam Apo-  
 " stolus Petrus : *Quid vultis jugum impone-* *Act.*  
 " *re Gentibus* , quod neque nos portare potui- *15: 10.*  
 " mus , neque Patres nostri : sed per gratiam *11.*  
 " Domini Jesu Christi credimus salvi fieri ,  
 " quemadmodum & illi : Hoc vos non vul-  
 " tis , inimici huic gratiæ , ut eadem gratiâ  
 " Jesu Christi salvi facti credantur antiqui :  
 " Sed distribuitis tempora secundum Pela-  
 " gium ; in cujus libris hoc legitur , & antè  
 Legem

" Legem dicitis salvos factos esse naturâ ;  
 " deinde per Legem ; postremò per Chri-  
 " stum : Quasi hominibus duorum superio-  
 " rum temporum, antè Legem scilicet , & in  
 " Lege , Sanguis Christi non fuerit necessa-  
 " rius : Evacuantes, quod dictum est, *Unus*  
 " *enim Deus , unus & Mediator Dei & homi-*  
 " *num homo Christus Jesus.*

*Spond.* Fateor me illa aut non legisse , aut  
 lecta non animadvertisse ; totusque divinæ  
 bonitati tuendæ intentus , cum etiam post  
 Christi adventum & hisce temporibus  
 p. 256. " Multi conquerantur, Turcis, Æthiopibus,  
 " Persis, Indis, Barbarisque Evangelium  
 " & Sacramenta defuisse, quibus salvaren-  
 " tur, exclamentque, heu insulas ferreas,  
 " quibus Cælum nunquam pluit ! Ego tali-  
 " ter conquerentibus respondi : Eos non in-  
 " telligere nullum esse tam Barbarum, cui  
 " licet Evangelio, Sacramentis, aliisque or-  
 " dinariis mediis destituto, alia remedia, alia  
 " & occulta gratiæ auxilia, aliæ nubes sin-  
 " gulis mortalibus innatæ non suppetant, se-  
 " dandæ siti, vincendæ concupiscentiæ ac  
 " evitandæ æternæ morti." Et consequen-  
 p. 118. ter sempiternæ vitæ obtinendæ, cum in adul-  
 tis medium non detur.

*Cont.* *Aug.* Si salvi erunt aliqui sine Christo, &  
*Julian.* justificantur aliqui sine Christo, ergo Chri-  
 lib. 6. stus gratis mortuus est. „ Erat enim &  
 cap. 24. alius

„ alius modus , sicut vultis , in natura , in  
 „ libero arbitrio , in Lege naturali , sive con-  
 „ scripta ; quo possent salvi & iusti esse qui  
 „ vellent . . . Non est itaque præter unum *1 Tim.*  
 „ Mediatorem Dei & Hominum hominem *2. 5.*  
 „ Christum Jesum , aliud nomen sub Cælo *AB.*  
 „ datum , in quo oporteat salvos fieri nos. *4. 12.*  
 „ Et ideo dictum est , *In Christo omnes vivifi-* *1 Cor.*  
 „ *cabuntur* , quoniam in illo Deus definivit fi- *15. 22.*  
 „ dem omnibus , suscitans illum à mortuis. *AB.*  
 „ Vestrum autem dogma id persuadere cona- *17.*  
 „ tur . . . . ut , etsi opus sit , necesse tamen  
 „ non sit ad Christum pro æterna salute tran-  
 „ sire , & quod per Sacramentum mortis &  
 „ resurrectionis ejus ( si tamen vel hoc puta-  
 „ tis ) commodior via sit , non quod alia via  
 „ esse non possit. Unde quantum vos de-  
 „ testari debant Christiani , renunciate vobis ,  
 „ etiam tacentibus nobis.

*Sfond.* Te itaque tacente , aliquid dicam  
 de parvulis ; „ Tu enim ipse non voluisti aliis *p. 164.*  
 „ libertatem adimere ea omnia dicendi , quæ  
 „ deinceps opportuna videntur.

*Aug.* Tantum noli obscurare clara , recta  
 pervertere , implicare simplicia : „ Omnis sanè *Lib. 6.*  
 „ ratio , qua defendimus gratiam Dei per Je- *Op.*  
 „ sum Christum Dominum nostrum , verè *Imp.*  
 „ esse gratiam , id est , non secundum merita *cap. 31.*  
 „ nostra dari , quamvis evidentissimè divi- *De*  
 „ norum Eloquiorum testimoniis asseratur , *Præd.*  
 „ tamen *S. S.*  
 tamen *cap. 12.*

„tamen . . . laboratur aliquando in ætate  
 „majorum jam utentium voluntatis arbi-  
 „trio; sed ubi venit ad parvulos, omnis  
 „deficit præcedentium gratiam Dei huma-  
 „norum assertio meritorum; quia nullis bo-  
 „nis præcedentibus meritis discernuntur à  
 „cæteris, ut pertineant ad Liberatorem ho-  
 „minum.

*Sfond.* Quamvis parvuli antè Baptismum  
 sublati non pertineant ad Liberatorem homi-  
 num, quid tamen amplius in causa illorum  
 exigi a Deo potest? Nam licet ad cælestem  
 gloriam non eos admiserit, alio tamen,  
 multoque majori beneficio affecit. Et beati  
 quidem non sunt, nec tamen pereunt, nec  
 sequitur eos damnari.

*Aug.* Quomodò parvuli non baptizati affi-  
 ciuntur beneficio cælesti gloria multò ma-  
 jori? „*Be Ci-* Visio enim Dei tantæ pulchritudinis  
 „*rit?* „Visio est, & tanto amore dignissima, ut sine  
 „*vit. Dei* visio est, & tanto amore dignissima, ut sine  
 „*lib. 10.* hac quibuscumque aliis bonis præditum atque  
 „*cap. 16.* abundantem, non dubitet Plotinus infeli-  
 „cissimum dicere. „ Quod Theologo Chri-  
 stiano rubori esse deberet &c.

*Op. Imp.* „Sed Tu qui facis duas æternas felicitates;  
 „*lib. 2.* unam, quæ sit in Regno Dei, alteram  
 „*cap. 13.* quæ sit extra Regnum Dei: dic obsecro,  
 „in ea felicitate, quæ extra Dei Regnum  
 „erit, ullusne regnabit, an nullus? Si nul-  
 „lus, liberior erit procul dubio sine ullo  
 Rege



„Rege illa felicitas : Si verò ullus in ea regna-  
 „bit, quis erit Rex Imaginum Dei, qui non  
 „erit Deus ? Quod si Deus ipse regnabit,  
 „cujus illæ Imagines sunt, etiam ipsæ Ima-  
 „gines ejus in veri Dei sui Regno felices  
 „erunt. Et ubi erit, *Nisi quis renatus fuerit* *Johan.*  
 „*ex aqua & Spiritu non potest introire in* 3. 5.  
 „*Regnum Dei* ? Quid est verò quod idem dicit, *Serm.*  
 „Parvuli, qui sine Baptismo decedunt, non 174.  
 „pereunt ? Quare novis disputationibus anti- c. 6.  
 „quam fidei regulam frangere conaris ? Fi- & 8.  
 „lius hominis non venit nisi quærere & *alias*  
 „salvare quod perierat. Quare parvulos ad *Serm.*  
 „me affers, si non perierant ? Quid est quod 8. *de*  
 „dicis, nisi ut non accedant ad Jesum ? Sed *verb.*  
 „tibi clamat Jesus, *Sinite parvulos venire* *Apost.*  
 „*ad me.* At si mihi non credis, audi ex *Marc.*  
 „cellentem Dei dispensatorem, beatum 10. 14.  
 „loquor Ambrosium. Hic Vir cum secun- *Cont.*  
 „dum Lucam exponeret Euangelium, *Fuit* *Julian.*  
 „inquit, *Adam, & in illo fuimus omnes;*  
 „*periit Adam, & in illo omnes perierunt.*  
 Tandem asseris eosdem parvulos non dam-  
 nari. Ad id, quod intellectu perspicacissi-  
 mo assequi non valemus, auctoritate di-  
 vinâ consentire cogamur . . . Necessè est  
 parvulos baptizatos in credentium numero  
 sine ulla tergiversatione constituere. Con-  
 sequenter igitur, si non baptizentur, inter  
 eos, qui non credunt, erunt ; ac per hoc

nec

- „nec vitam æternam habebunt, sed ira Dei  
*Johan.* „manet super eos quoniam; qui non cre-  
 3. 36. „dit Filio, non habet vitam, sed ira Dei manet  
*Ibid.* „super eum: Et judicati sunt, quoniam, *Qui*  
 18. „non credit, jam judicatus est: Et condem-  
 „nabuntur, quoniam *Qui crediderit, & bap-*  
*Marc.* „tizatus fuerit salvus erit, qui autem non  
 16. 16. „crediderit condemnabitur.

Qua brevi attentâ Collatione; nec non  
 iis, quæ huc usque observata sunt, conside-  
 ratis, manifestum fit, quod si adversus No-  
 vatores modò agendum Aug. esset, non alia,  
 hoc est, illa quæ Sfond. docuit, ipse diceret,  
 & si diceret contraria iis, quæ scripsit, diceret.  
 Id verò sanè faceret, quod fecit, quando  
 contra Manichæos pro libertate disputavit;  
 sed simul moneret ut illius verba ac senten-  
 tia eo planè sensu intelligerentur, quem ipse  
 declaravit, cum pro gratia contra Pelagia-  
 nos certaret; non autem illo, ad quem isti  
 Hæretici ejus dicta torquebant, ut suo pa-  
 trocinarentur errori. Novo itaque hoste,  
 belloque instante, non aliis armis pugnaret  
 Aug. aut saltem non illis certè, quæ olim  
 ab ipso percussa & fracta, modò recolliguntur;  
 sed suis consuetis dimicaret, quæ  
 plurimum idonea ac fortissima sunt ad  
 tuendam, sicut opus est, libertatem; quæ  
 non solum contra Calvinum defendenda  
 est, sed etiam contra Pelagium; eam enim  
 uter-

uterque præcipitat , dum ille nimis depri-  
mit , iste nimis extollit ; ille exsufflat , iste  
inflat.

Absit ergo à nobis ut propter Recentio-  
ris Librum , Aug. arma abjiciamus ; Sed po-  
tius B. Fulgentio credendum testanti , Aug.  
non solùm ipsum pugnasse & vicisse ; sed  
nobis etiam pugnandi , vincendique modum  
reliquisse. " Aug. inquit Fulgentius , turrim  
" fortitudinis ipsam gratiam tenens , & exin-  
" de cuncta hostilium machinamenta telo-  
" rum cælestis juvaminis virtute confrin-  
" gens , non solùm ipse de hoste victoriam  
" referens triumphavit , quin etiam posteris  
" certandi & vincendi ordinem ostendit. Sen-  
" sum quippe Christi habens , tam gratiæ  
" quam humani arbitrii , & officia discrevit  
" & merita. " Nemo namque ignorat Aug.  
pro gratia contra Pelagianos dimicanti , ad  
nauseam usque objectum ab iisdem fuisse  
errorem Manichæorum & aliorum qui libe-  
rum hominis arbitrium negabant. Idcirco  
ut ab impacta calumnia se liberaret , compul-  
sus est intra strictos veritatis limites se con-  
tinere ; simulque Dei gratiam & hominis  
libertatem tueri ; utrumque autem non mi-  
nus discretè quam strenuè ab ipso præsti-  
tum esse , cuique ejus opera pervolventi li-  
quidò constat.

*De  
verit.  
Præd.  
lib. 2.  
cap. 18.*

F I N I S.

X

VII.

VII.  
 EXCERPTUM  
 Ex  
 HISTORIA  
 CONGREGATIONUM  
 De  
 AUXILIIS  
 RECENS EDITA.

**Adversus quatuor nova Enodato-**  
 ris Paradoxa de Naturali Beatitudine  
 Parvulorum sine Baptismo deceden-  
 tium Sive Caput XVII. Libri IV. hujus  
 Historiæ, Præclarissimi illius Operis quod  
 Deus excitavit tùm ad benè refarcien-  
 dum malè illata suæ gratiæ damna, tùm  
 ad confundendam linguam eorum qui  
 suo latere & bitumine turrim moliebantur,  
 cujus culmen Cœlos invaderet.

**E**T hîc rursûs adoriundus mihi est Scriptor  
 Leodiensis. Criminationem hætenûs  
 inauditam instruit verbosus cavillator, quâ  
 Pontificii Diplomatis Editores incusat, qua-  
 si Moline propositiones, de quibus nusquam  
 in



in tota hujusce causæ tractatione disputatum esset, inter errores Pontificio Diplomate proscribendos intervenissent. *Inter quin-* p. 22.  
*quaginta Propositiones, inquit, quæ eo in Di-*  
*plomate censurâ notantur, multæ sunt, de qui-*  
*buis nusquam examen instructum est. Sic deter-*  
*tia propositione, quæ de pueris sine lavacro rege-*  
*nerationis inorientibus agit, nulla unquam dispu-*  
*tatio fuit tum privatis illis Congregationibus anno*  
*1601. celebratis, tum aliis solennioribus quæ*  
*præsentibus ipsis Pontificibus, secutis annis in-*  
*stitutæ sunt. Quod ut semel tanquam ex-*  
*ploratam veritatem supposuit, multa nugatur;*  
*ut vel Societati suæ irrogatam injuriam*  
*probet, quæ tametsi minùs audita, erroris*  
*tamen damnata sit; vel certè Diplomatis*  
*specimen, ubi indiscussæ propositiones erro-*  
*ris notarentur, à malevolis fabricatum ostendat.*

Quid ea criminatione sibi velit novus iste Molinianæ militiæ centuriatus miles, satis intelliget, quisquis propositionem tertiam, cujus occasione de adumbrati Diplomatis Editoribus expostulat, his verbis expressam observabit; *Parvuli sine Baptismo decedentes, meliorem post diem judicii vitam, vitio omni mentis & corporis immunem in perpetuas æternitates ducent, quàm ullus unquam mortalium duxerit. Quæ totidem terminis, aliisque etiam laxioribus legitur apud Molinam, in*

CONCORDIA, quæst. 23. art. 4. & 5. mem. 9. *Parvuli reprobati perinde se habent, ac si in solis naturalibus fuissent constituti: immò post diem Judicii, cum ipsorum animæ suis fuerint corporibus restituta, ab omnibus molestiis & ærumnis, quibus in hac mortali vita subjacemus, supernaturaliter liberabuntur, melioremque in naturalibus vitam, vitio omni mentis & corporis immunem, in perpetuas æternitates ducent, quàm ullus unquam mortalium duxerit.* Nemo enim, nisi planè in re literariâ sit hospes, aut eas fortè novi Orbis Regiones incolat, quæ nobis adversa vestigia ferunt, non agnoscit, tantò nunc acerbiores Molinianis esse hujusce propositionis damnationem, quantò eminentioribus ad eam tuendam titulis communiti, novisque viribus aucti videntur, quo ex tempore novus Nodi Prædestinationis Dissolutor, obsoletas illas opiniones, aliasque laxiores magni nominis umbrâ tegit ac fovet. At uti nil veritati præscribunt spatia temporum, ita nec patrocinia personarum. Novo Dissolutori coram Apostolica Sede, à Religiosissimis doctissimisque Galliæ Præsulibus dicta dies est. Nec verendum, ne quæ Clementi VIII. & Paulo V. opinionum portenta visa sunt, Innocentio XII. probentur.

*Cardinal.  
Cælestin.  
Sfondratus.*

Interim dum æquissimi Pontificis judicium expectatur, quàm turpiter in ea instruenda  
cri-

criminatione cespitarit Leodiensis Scriba, demonstrare nostrarum hîc partium arbitramur, seu facti seu juris quæstionem ingredi velit: ne quid fortè lucis, ad novum istud examen instituendum, desiderari à nobis possit.

Ac primò quidem, quod facti quæstionem attinet; de pueris sine lavacro Regenerationis mundo sublati, præsentè Clemente VIII. disputatum esse, sin minùs ex instituto, saltem ex occasione, palàm fecimus Libro III. dum nonæ Congregationis Acta compendio daremus ex Secretarii Commentariis. Ostendimus quippe Lemosium die 2. Septembris 1602. de victoriâ tentationum disputantem, eò demùm devenisse, *Ut peccatum originale à Molina veipsâ negatum demonstraret, in CONCORDIA quæst. 23. art. 4. & 5. memb. 9. ubi pueros sine baptismo morientes, vitam meliorem habituros defendit, omni mentis & corporis vitio immunem, perinde ac si in puris naturalibus conditi fuissent.* Quòd hæc paulò fortasse secretiora nesciverit Leodientis noster, non illi quidem vitio vertimus; sed quòd ista cùm nesciat, Secretariorumque Commentarios nusquam legerit, tantà nihilominùs fiducia pronuntiet. Neque tamen illi secretiores Congregationum istarum tabulas evolvere opus erat, ut ea de re disputatum disceret: satis illi, si

Thomam de Lemos legisset in editis , tomo 1. de læsione liberi arbitrii per peccatum originale cap. 22. ubi nedum eam Molinæ sententiam prolixius oppugnat, verum etiam quid de ea sentiret Clemens VIII. quid in ejus defensionem reposuerit Societatis Actor, minutatim exponit; quæ certè vir probus, si nulla fuisset ea de re disputatio, nusquam scribere ausus esset. *Quæ omnia, inquit, cum coram felicis recordationis Clemente VIII. proposita & examinata fuissent, idem Pontifex Maximus publicavit, quod notum Romæ ac manifestum fuit, ex sententia Molinæ & sectatorum ejus convinci ipsum non admittere, originale peccatum veram culpam in parvulis esse, nec veram rationem culpæ habere. Nec obest, si dicatur, sicut aliquando Gregorius de Valentia dicebat, damnatam esse sententiam promittentem parvulis, sine baptismo decedentibus æternam vitam supernaturalem extra Regnum Cælorum. Primo, quia Pelagiani nunquam dixerunt vel imaginati sunt, dari sine baptismo parvulis æternam vitam supernaturalem. &c. Quidni ergo ea de re ex occasione saltem disputatum asseramus?*

Ex occasione dico; quippe ex instituto, ac præscripto ab Summo Pontifice hujusce concertationis themate, disputatum non esse satis scio. Unde & effectum est, ut tantilla inter Dominum Armachanum &



reliquos Consultores in ordinandis erroneis propositionibus enata discordia sit. Armachanus enim, quòd de ea propositione disputatum esset ex occasione saltem, erroremque manifestum præ se ferret, hanc interdamnandas assertiones repositam voluit: alii, quòd nulla ex instituto, præscriptoque Pontificis ad illius examen Congregatio habitafuisset, missam illam contendebant. Cæterum (quod notare hic operæ pretium est, & retundendæ Leodiensis Scribæ dicacitati plus justo sufficit) illi ipsi Censores, qui eam idcirco assertionem omittendam existimabant, quòd singularis de illa tractatio ex instituto facta non esset, hanc tamen & esse Molinæ, & esse manifestè erroneam declararunt in Animadversionibus Paulo V. die vigesima-quarta Junii datis, quibus suum de dam- *Exstat in vol. Afor. Cong.* nandarum propositionum Elencho per D. Armachanum digesto, judicium protulerunt. *Observarunt* (Consultores omnes) *ex sub prædictis propositionibus, aliquas quidem esse Paulo Molina ET MANIFESTE ERRONEAS; sed neque in disputationibus anno 1601. neque in Concertationibus habitis primum coram felicis recordationis Clemente VIII. postea verò coram S. D. N. Papa Paulo V fuisse agitatas, videlicet ex professo. Ac tum postea tertiam illam, quæ de parvulis est, obelo notant, uti delendam ex ordine.*

Ut quid ergo illatam Molinæ suo injuriam obtendit Leodiensis Epistolæ confarinator; cum ea de re quæstio saltem ex occasione incidisset, ne inauditus damnari dici posset? Immo magnâ cum illo indulgentiâ actum fatebitur, si verè sapit, dum intelliget propositionem omnium Censuræ judicio manifestè erroneam, ob id unum è damnandarum propositionum Elencho expunctam esse, quod singularem de ea disputationem non indixisset Romanus Pontifex. Etenim missio illo, quem D. Armachanus digesserat, propositionum Indiculo, alter à Secretariis digestus (à quo ea de parvulis propositio procul abest) acceptus est, & meditato Pontificio Diplomati insertus.

In In-  
stit. Pa-  
stor.

Jam quod alteram, quæ juris est, quæstionem spectat, Num scilicet eam Molinæ sententiam velut *manifestè erroneam* jure damnarint universi Censores; dicam hîc paulò fusius, ut & vanas criminationes eluam, & Illustrissimi Remensium Archiepiscopi Judicium, quod vanum illud Molinæ Paradoxum ne quidem ex Ecclesiæ tolerantia permitti nuperrimè pronuntiavit, in tuto ponam.

Ac statim, ne de Purpurati Dissolutoris patrocinio superbiant Moliniani, absoumque illud Magistri sui figmentum in Purpuræ

puræ tutelam ac fidem receptum existiment ; notare initio lubet , quàm acrem in illud censuram tulerint tria Purpurati Ordinis lumina , quibus recentem Dissolutorem , quod rerum Theologicarum peritiam attinet , conferendum nemo dixerit.

Prodit primus in ordine Robertus Bellarminus , cujus iudicio non stare , Societati religio sit. Is tomo 3. Controversiarum lib. 6. de statu peccati , qui & tertius est de peccato originis , errorem hunc ab Ambrosio Catharino primò procusum , tribus primis Capitibus exagitat , uti Pelagianæ doctrinæ caput , atque etiam hæresim manifestam.

*Altera sententia* , inquit cap. 1. paulo quidem minùs liberalis , sed tamen valde mitis , fuit illorum qui parvulos non baptizatos excludebant à Regno Cælorum , & vitâ beatâ Sanctis promissâ ; tamen eis dabant vitam æternam & naturalem beatitudinem , sine ulla molestiâ aut dolore , extra Regnum Beatorum , & procul à carcere damnatorum ; hoc est , in loco medio inter gehennam & Cælum , qualis locus vix potest fingi alius , quàm terræ convexum. Ita sensisse olim Pelagianos , docet S. Augustinus in libro de hæresibus cap. 88. Nam , inquit , etiamsi non baptizentur , promittunt eis extra Regnum quidem Dei , sed tamen æternam & beatam quandam vitam suam. Quòd autem per Regnum Dei intelligat Augustinus non solum

domum cœlestem, sed etiam visionem Dei; & quod Pelagiani non promiserint parvulis non baptizatis vitam æternam supernaturalem, quæ consistit in visione Dei, sed solum vitam æternam, sive beatitudinem naturalem, perspicuum est, ex lib. 5. in Julianum cap. 8. ubi Augustino teste, Pelagiani alienabant parvulos non baptizatos à vita Dei, cum alienarent à Regno Dei. Quid est autem vita Dei, nisi visio Dei? Sed neque Regnum Cœlorum in Scripturis aliud significat, nisi felicitatem æternam, quæ in Dei visione consistit . . . . . Itaque Pelagiani non vitam æternam simpliciter, sed, ut Augustinus loquitur, quandam suam vitam infantibus non baptizatis promittebant. Ad quem errorem proximè accessisse videtur Ambrosius Catharinus, in libro De statu Puerorum sine baptismo decedentium, Albertus Pighius in prima controversia, & Hieronymus Savonarola in libro de Triumpho Crucis. Docent enim infantes sine baptismo morientes, futuros post Iudicium beatos naturali Beatitudine, & in quodam veluti Paradiso terrestri, perpetuè feliciterque viuturos.

Tum initio Capitis secundi ita distinctiùs censuram distringit. Ex enumeratis sententiis prima & secunda (Pelagianorum scilicet & Catharini) non solum falsa, sed etiam HÆRETICÆ existimandæ sunt. Et contrà, fide Catholicâ tenendum est, pueros sine baptismo deceden-



*dentes, absolute esse damnatos; & non solâ Cœlesti, sed etiam naturali beatitudine perpetuò carituros.*

Quod Molinam cæteris hujus erroris atque etiam hæreseos, ut loquitur, Assertoribus non adnumerarit Bellarminus, non est cur miretur aliquis: nondum enim vulgatus erat CONCORDIÆ liber, dum suum ille Controversiarum Opus absolverat. Hæresim tamen ipsam notasse ac confutasse satis est. Mirandum longè minùs, quòd Alphonsum Salmeronem, alterum Societatis Theologum, inter eosdem fabulatores non adnotarit, tametsi is lucubrationes suas absolvisset jam ante annum 1585. quo diem suum obiit; cùm nonnisi longè post obitum, ac post vulgatas Bellarmini Controversias, publici juris esse cœperint, Coloniae Agrippinæ typis editæ anno 1612. clariora quippe sunt Salmeronis verba, tomo 13. lib. 2. in Epistolam ad Romanos disp. 48. quàm ut Bellarminum latere potuissent, si dum is sua scriberet, Concellitæ sui opus vulgatum esset. *Resurgent, inquit, puri per Christum: & super beatitudinem naturalem, qua quotidie proficient in cognitione operum Dei, & substantiarum separatarum, visitationes habebunt Angelicas, & tanquam nostri rustici hanc terram incolent. Ut qui medii sunt inter gloriam & supplicium, sint etiam medio in loco; & ut appareat*

X 6 magni.

*magnitudo & excellentia felicitatis naturalis.* Tum subinde objecto sibi Sancti Augustini testimonio, qui libro de Anima & ejus origine, necnon tract. 67. in Joannem ad hæreticam Pelagianam spectare ait sententiam illam, *Quæ non baptizatis parvulis inter damnationem Regnumque Cælorum, quietis vel felicitatis cujuslibet, aut ubilibet, quasi medium locum adpromittit;* Respondet excessisse hac occasione Augustinum, nec ex *Ecclesiæ Traditione* locutum, sed confidentius.

Roberto Bellarmino in eo-explodendo & confutando errore, dat manus Emin. Cardinalis de Laurea disp. 27. de statu parvulorum, articulo 3, num. 40. *Parvuli, inquit, cum originali peccato decedentes, positivi damnandi sunt. Est communis & ex fidei principiis colligitur.* Sub finem verò articuli 7. controversiam illam ita concludit. *Fateor meam inscitiam, non potui aliquem Scripturæ locum, vel Sanctum antiquumque Patrem invenire, qui parvulos cum originali colloset extra infernum, in loco tertio: Libenter ei adhaerere, & maxime si loco Scripturæ esset innixus. Quod dicunt nostri moderni, huc usque censeo inane, novum, & ridiculum: nempe de statione, habitaculo & deambulatione super terram. Unde id habent? Quis eis revelavit? Tolerabilior mihi videretur sententia de Inferno superiori,*

riori , seu ut dicit Augustinus , orâ inferni , ac lymbo ; quia minùs recedere videtur à Scriptura. Et si antiqui alicujus Patris , vel Ecclesie Doctoris mihi innuatur sententia , cui alii antiquiores non refragentur , libenter ei acquiescam. At neque in hoc puncto , superioris seu ora ac lymbi inferni aliquid invenio apud antiquos Ecclesie Doctores. E contrâ autem , Scripturam ubique de loco ignis & inferno , pro omni damnato loquentem observo , & Patres prima nota idem confirmantes , & Ecclesiam ipsam pro solo originali infernum decernentem. Ideò non possum in conscientia ab hac , quam puto veram , sententiâ recedere ; nisi aliud me doceat Sancta Mater Ecclesia , cujus Magisterio innotescit Principatibus & Potestatibus multiformis gratia Dei.

Duriore longè Censurâ insulsum illud Molinæ Paradoxum percellit Cardinalis Henricus de Noris , ac Pelagiano errore multò deterius pronuntiat in Vindiciis Augustinianis cap. 3. §. 5. ubi post relatum , multisque confutatum argumentis Pelagianorum errorem , quo pueris necdum sacro lavacro tinctis medium quemdam felicitatis locum concedebant , ita demùm in Scholasticos sermonem convertit : *Et tamen videmus plures scholasticos beatitudinem naturalem perfectissimam , citra dolores & tristitiam parvulis promittere extra Regnum Dei : quorum sententia minùs*

*tolerari potest, quàm illa Pelagianorum: quia isti contendebant infantes esse innocentes, & nulla culpâ coinquinatos: unde non adeò grave absurdum videbatur, quandam eis felicitatem præparare; cum tamen Scholastici nec ignobiles asserant cum Ecclesia Catholica pueros esse originali labe infectos, sub potestate demoni; filios iræ; nec postea dubitent eisdem beatam quandam vitam promittere. Et postea, multis interjectis antiquæ Traditionis monumentis, quibus S. Augustini sententiam de pœnâ sensibili pueris infligendâ, vindicandam sibi sumit, ita demùm colligit: Hæc itaque antiquæ Ecclesiæ ac Sanctis Patribus, de infantium pœnis sententia stetit, donec post ducentessimum supra millesimum annum Christianæ Epochæ, novæ opiniones à Scholasticis procusæ sunt. Qui si in Patrum voluminibus tantum studii ac laboris posuissent, quantum Aristoteli explicando impenderunt, projectò S. Augustini sententiam non obduxissent, neque eorum plerique Pelagianorum opinionem, quod naturalem illam puero-rum beatitatem attinet, hominum mentibus tam altè infixissent. Hæc Eruditissimus Augustinianæ doctrinæ Vindex, idemque sacri Senatus Lumen clarissimum.*

*Quam justè porrò de eo quorundam recentiorum Paradoxo pronuntiarint Eminen-tissimi Theologi, cæterique Congregatio-num istarum Censores ab Apostolica Sede*

con-



constituti, iis manifestum fore arbitror, qui quatuor Ecclesiasticæ Traditionis ac fidei capita, quibus error iste in antecessum obtritrus est, animo defixerint.

Primum est, post extremum & universale Iudicium, nullum præter Regnum Cœlorum & inferos Damnatorum, medium fore locum, ubi pueri sacro lavacro non abluti sedem figant, ubi vivant. Ita planè D. Augustinus Ecclesiæ contra Pelagianos partes agens, lib. 1. de peccat. meritis & remiss. cap. 28. *Nec est ullus medius locus, ut ipse possit esse nisi cum diabolo, qui non est cum Christo. Hinc. & ipse Dominus volens auferre de cordibus malè credentium, istam nescio quam medietatem, quam conantur quidam pueris non baptizatis tribuere, ut quasi merito innocentie sint in vitâ æterna: sed quia non sunt baptizati, non sint cum Christo in regno ejus, definitivam protulit ad hæc ora obstruenda sententiam, ubi ait. Qui mecum non est, adversum me est.*

Rursùm Sermone 14. de verbis Apostoli, post relatam Christi judicantis sententiam, *Ita in ignem æternum, qui paratus est Diabolo & Angelis ejus. . . . . Venite benedicti Patris mei, percipite Regnum, ita Pelagianos exagitat: Hanc regnum nominat, hanc cum diabolo damnationem. Nullus relictus est medius locus, ubi ponere queas infantes. De vivis & mor-*  
tuis.

*tuis judicabitur , alii erunt ad dexteram , alii ad sinistram. Non novi aliud : qui inducis medium , recede de medio. . . . Qui non in dexterâ , procul dubio in sinistra : ergo qui non in regno ; procul dubio in igne æterno. Quibus similia habet lib. 1. de peccat. meritis cap. 23. lib. 2. de peccato originali cap. 21. Epist. 105, ad Paulinum. lib. 5. contra Jul. cap. 8. in Enchir. cap. 93.*

*Hanc verò sententiam , quâ parvulos , secluso medio , ad partem alterutram collocandos , & cum reliquis extremo die judicandos asserebat , ut vel regnum obtineant , vel in æternum ignem abeant , non uti opinione liberam tuebatur , sed uti Catholicæ fidei dogma. Hinc lib. 1. de origine animarum cap. 9. Non baptizatis parvulis , inquit , nemo promittat inter damnationem regnumque Cælorum , quietis vel felicitatis cujuslibet , atque ubilibet , quasi medium locum : hoc enim eis etiam hæresis Pelagiana promissit. Quo loco distinctiones omnes variarum felicitatum exclusit. Et libro De hæresibus ad Quodvult Deum , hoc inter cætera Pelagiani erroris capita collocat : Etiam si pueri non baptizentur , promittunt eis extra regnum quidem Dei , sed tamen æternæ beatitudinis quandam vitam suam. Rursùm Epistola 107. ad Vitalem , dogma illud , à se toties contra Pelagianos vindicatum , inter eas sententias*

reponit, *quas ad fidem Catholicam pertinere nemo negat.* Ac tandem Tractatu 67. in Joannem: *Respuendi sunt à corde Christiano, qui putant ideo dictum, multas esse mansiones, quia extra regnum Cælorum erit aliquid, ubi maneant innocentes, qui sine baptismo ex hac vita emigrarunt, quia sine illo in regnum Cælorum intrare non poterunt. Hæc fides non est fides, quoniam non est vera & Catholica fides.*

Jam quid ad hæc Scholastici quidam novelli, qui attrita & obsoleta Pelagianorum dogmata recidunt? Ita quidem Augustinum fensisse respondent, sed æstu disputationis abreptum, Traditionis & Ecclesiasticæ fidei limites prætergressum. Ita Ambrosius Catharinus primus hujus erroris architectus, ita Alphonsus Salmeron, qui spurium Catharini partum, & à Thomistica schola rejectum, statim atque lucem aspexit, avidè arripuit, fovit, novisque pigmentis obduxit. Benè profectò, benè: habemus hîc fatentes reos, qui se eodem cum Pelagio arasse vitulo, satis probant, dum ea suffugia quæritant. Verum quid, si Concilia Orbis veneratione consecrata, si supremi Ecclesiæ Hierarchæ Romani Pontifices, Augustini sententiæ calculum ponant, & Pelagianos, quòd oppositum dicerent, anathemate feriant? Inne justos Ecclesiæ limites prætergressus

gressus dici poterit? Sit ita, necne, videamus. *Novellos hæreticos Pelagianos*, inquit Augustinus lib. 2. de Origine animæ capite 12. *justissimè Conciliorum catholicorum*, & *Sedis Apostolicæ damnavit autoritas*, eo quòd *ausi fuerint non baptizatis parvulis dare quietis & salutis locum*, etiam præter regnum Cælorum. Augustini itaque sententiam, Pelagianæ hæreseos damnatione consecrârunt.

Ac ne quis fortè dicat Hipponensem Episcopum, ut sua efferret ambitiosius, fictitia Conciliorum atque Pontificum decreta venditasse (quod tamen vel imaginari sacrilegum est) fidem illi locupletissimam facit Concilium Generale totius Africæ, anno 418. celebratum, quo medius ille fictitiæ beatitudinis locus explosus est. *Si quis dixerit, ideo dixisse Dominum, In domo Patris mei mansiones multæ sunt, ut intelligatur, quia in regno Cælorum erit aliquis medius, aut ullus alibi locus, ubi beate vivant parvuli, qui sine baptismo ex hac vita migrarunt, sine quo in regnum Cælorum, quod est vita æterna, intrare non possint, anathema sit. Nam cum Dominus dicat, Nisi quis renatus fuerit ex Aqua & Spiritu S. non intrabit in regnum Cælorum, quis Catholicus dubitet, participem fieri diaboli eum, qui cohares esse non meruit Christi? Qui enim dextrâ caret, sinistram procul dubio partem incurret.*

Suffra-



Suffragantur quoque Romani Pontifices, qui nullum præter regnum Cœlorum & supplicium æternum, medium locum superesse sancivere; ac momenta ipsa ab Augustino ad id altruendum toties usurpata, Apostolicis definitionibus confirmarunt. Gelasius I. in Epistola ad Episcopos per Picenum constitutos. *Tollant, inquit, de medio nescio quem ipsi tertium quem decipiendis parvulis faciunt locum. Et quia non nisi dextram partem legimus & sinistram, non illos faciant in sinistra regione sine baptismo remanere; sed baptizatos sinant ad dexteram salutarem sacra regeneratione transferri.*

Innocentius I. nedum Augustiniana Dogmata sua facit, verum etiam rationum momenta, quibus hoc præsertim in capite Pelagianos exagitabat. Id mutuâ testimoniorum collatione videas. Ita adversus Pelagianos disputabat Augustinus lib. I. ad Bonif. cap. 22. *Datis eis extra regnum Dei locum salutis & vitæ æternæ, etiamsi non fuerint baptizati: nec attenditis quod scriptum est: Qui crediderit & baptizatus fuerit, salvus erit; qui autem non crediderit, condemnabitur. Propter quod in Ecclesia Salvatoris per alios parvuli credunt, sicut ex aliis ea quæ illis in Baptismo remittuntur peccata traxerunt. Nec illud cogitatis, eos vitam habere non posse, qui fuerint expertes Corporis & Sanguinis Christi,*  
dicente

498 EXC. EX HIST. CONGR. DE AUX.  
*dicente ipso : Nisi manducaveritis carnem  
meam , & biberitis meum sanguinem , non  
habebitis vitam in vobis. Aut si Evange-  
licis vocibus cogimini confiteri , nec vitam salu-  
temque posse habere parvulos de corpore exeuntes ,  
nisi fuerint baptizati ; quarite cur compellan-  
tur non baptizati secundæ mortis subire suppli-  
cium , judicante illo qui neminem damnat ini-  
meritum , & invenietis quod non vultis , origi-  
nale peccatum. Ita quoque libro I. de peccat.  
meritis & remiss. cap. 18. lib. de peccato  
originali cap. 18.*

At non absimiliter Innocentius I. in Epi-  
stola ad Patres Concilii Milevitani , hoc  
idem dogma , idem & dogmatis fundamen-  
tum ponit : ut videas Augustinum ex Eccle-  
siæ sententiâ pronuntiasse , nec privatis præ-  
judiciis plus justo dedisse. *Illud verò , in-  
quit , quod Pelagianos vestra Fraternitas asserit  
predicare , parvulos æterna vitæ præmiis ,  
etiam sine baptismatis gratiâ posse donari , per-  
fatum est. Nisi enim manducaverint carnem  
Filii hominis , & biberint sanguinem ejus , non  
habebunt vitam æternam in semetipsis. Qui au-  
tem hanc eis sine regeneratione defendunt , viden-  
tur mihi ipsum Baptisma velle cassare ; cum præ-  
dicant hos habere , quod in eos credunt nonnisi  
baptismate conferendum.*

Explicatiùs etiam , & ad præsens institu-  
tum magis appositè Geladius I. Epistolâ mox  
lau-

laudatâ ad Episcopos per Picenum constitutos, eandem illam Augustini & Innocentii rationem usurpans, à regno Cœlorum, in quo fatentibus Pelagianis pueri non sunt, ad mortem æternam, in qua futuri sint necessariò, transitum facit, nullo medio felicitatis naturalis loco. *Qui crediderit, & baptizatus fuerit, habebit vitam æternam; qui autem non crediderit, jam judicatus est, & ira Dei manet super eum. Illa utique, de qua dictum est, Morte morieris. Ipse Dominus Jesus Christus cœlesti voce pronuntiat, Qui non manducaverit carnem Filii hominis, & biberit Sanguinem ejus, non habebit vitam in semetipso. Ubi utique neminem videmus exceptum: nec ausus est aliquis dicere, parvulum sine hoc Sacramento salutari ad vitam æternam posse perducì: sine illa autem vitâ, in perpetuâ futurum morte, non dubium est.*

Ex hoc igitur primo Ecclesiasticæ doctrinæ & fidei Catholicæ Capite, ab Augustino, à Conciliis Africanis, à Summis Ecclesiæ Pontificibus constanter asserto, videas quàm æquè de tertia illa Moline propositione judicium tulerint Congregationum istarum selecti Censores; quàm verè, quàm eruditè Illustrissimus Remensium Præsul, suâ nuper Institutione Pastoralì pronuntiaverit, eam nequidem ex Ecclesiæ indulgentiâ permitti, tametsi Autor ex nomine damnatus non est.

Si

Si etenim ultra regnum Cœlorum, & damnatorum infernum æternumque supplicium nullus restat parvulis non renatis medius locus, nulla certè naturalis beatitudo relinquatur, quâ fruantur in terris, aliove ubi libuerit angulo, exsufflatur Moliniana felicitas; nisi fortè novo quis absurditatis ac impietatis genere fabuletur, parvulos in ipso damnatorum inferno, æternoque supplicio, naturali cum diabolo Beatitudine frui, omni mentis & corporis vitio prorsus immunes: ut ita Molinæ figmentum cum Christi sententiâ & Ecclesiæ Catholicæ fide componat.

Alterum fidei Catholicæ caput, quo Molinianæ beatitudinis paradoxum exploditur, errorisque manifesti convincitur, illud est: Statum scilicet quo nunc versantur infantes non abluti, æternum fore; mortem ac pœnam quâ plectuntur, æternam; ignem suppliciumque cui deputantur, æternum, cujusvis tandem generis velis esse pœnam illam atque supplicium, juxta varias saniorum Theologorum opiniones. De pœnæ siquidem ignisque conditione litigare hîc non est opus, modò æternum, quo nunc detinentur, statum astruamus. Ex hoc quippe uno Molinianæ assertionis error in aperto ponitur, quo pueros illos, post extremi judicii diem, ab omnibus molestiis & ærumnis superna-



pernaturaliter liberandos , omnique mentis & corporis vitio immunes evasuros , feliciterque victuros existimat.

In eo asserendo dogmate totus est Augustinus lib. 6. contra Julianum cap. 12. *Parvuli baptizati eruuntur de potestate tenebrarum , ne ab eis trabantur in supplicium sempiternum.* Epistola 106. ad Paulinum , *Parvuli non baptizati vitam habere non possunt. Ac per hoc quamlibet tolerabilius omnibus , qui etiam propria peccata committunt , tamen aeternâ morte multantur.* Quocirca relatâ Synodi Palæstinæ sententiâ , quæ Pelagium errorem illum retractare compulit , quo infantes etiam si non baptizentur , vitam æternam habituros assererat , ita demùm colligit S. Doctor : *Hac autem negatâ , quid nisi mors aeterna remanebit ?*

Ac ne fortè D. Augustinum ex privato sensu loquutum obtrudant Molinianæ Beatitudinis vindices , eumque uti minùs æquum Ecclesiæ ac Traditionis interpretem excipiant , ut puerorum supplicio ac damnationi finem ponant ; adstipulantur Romani Pontifices , sacri Episcoporum Cœtus , cæterique Ecclesiæ Patres. Gelasius I. Epistolâ mox laudatâ , *Nihil ist ergo , inquit , quod non renati infantes tantummodo in regnum cælorum ire non valeant , non autem perpetuâ damnatione puniantur.* En ultra regni cœlestis

ex-

exsilium, quod fatebantur Pelagiani, perpetuam puerorum damnationem agnoscit, quævis tandem illa dicatur esse, juxta varias probatorum Theologorum opiniones. Unde & addit: *Dicant igitur in morte perpetua constituti, si non æstimentur esse damnati? Tollant ergo de medio, nescio quem ipsi tertium, quem diciendis parvulis faciunt locum, &c.*

Quindecim Episcoporum Byfacenorum in Sardinia exsulum sacra Synodus, in libello de Incarnatione & gratia (quem sanctus Fulgentius Ruspensis Episcopus, communis omnium Amanuensis exaravit) Augustini sensum luculenter expressit, cap. 14. ubi hæc ex Pelagianorum personâ obmurmurationes referuntur. *Quæ justitia est, ut imago Dei, quæ nihil potuit per se ipsam delinquere, si non redimatur Sanguine Filii Dei, in regnum Dei non permittatur intrare? Quò utique quisquis non ingreditur, interminabilibus ignis æterni cruciabitur pœnis. Quæ igitur justitiâ Deus justus infantibus sine Baptismo nascentibus ingerit pœnam, in quibus pœnâ non invenit causam? Et istæ rursus cap. 30. Quomodo infantibus qui baptizantur, & in eadem infantia moriuntur, donat æternam salutem, quorum bonam non expectat nec invenit voluntatem? Item alios quomodo sine baptismo mortuos æternis cruciatibus damnat, cum in eis nullam*

*nullam culpam malæ voluntatis inveniatur? Quibus ita respondent, Nonne istos inimicos gratiæ Dei, nec defensores humani, sed deceptores arbitrii, ad hoc sua perversitas cogit, ut Deum putent iniquum in omnium obitu parvulorum; ubi nulla interveniens vel bonitate vel malitia voluntatis, alios vident regno, alios interminabili deputatos incendio?*

Sed & Fulgentius ipse, lib. de fide ad Petrum; ubi certè non privatorum opinionationes, sed quadraginta capita recenset, ad veram fidem, ut loquitur, firmissimè pertinentia; fideliter credenda, fortiter tenenda, veraciter patienterque defendenda; Augustinianum illud de pœnis puerorum sine baptismo decedentium capitulum ponit, numero decimum-quartum. *Firmissimè tene, & nulla-*

*tenus dubites, non solum homines jam ratione utentes, verum etiam parvulos, qui sive in uteris matrum vivere incipiunt & ibi moriuntur, sive jam de matribus nati, sine Sacramento sacri baptismatis, quod datur in nomine Patris & Filii & Spiritus Sancti, de hoc seculo transeunt, ignis æterni sempiterno supplicio puniendos. Quia etsi propriæ actionis peccatum nullum habuerunt, originalis tamen peccati damnationem, carnali conceptione & nativitate traxerunt, Quibus similia habet cap. 3. libri ejusdem. Rursus lib. 1. de veritate Prædestinationis & Gratiae cap. 14. Reddet unicuique, inquit,*

*Ult. ed.  
cap. 26.  
sive Reg.  
14.*

*secundum opera sua, ut non solum pro originali peccato æternis ignibus ardeant, quibus arsi sunt sine baptisinate morientes etiam Parvuli, qui nihil boni aut mali egerunt; sed etiam pro sua voluntate mala, tanto deterius torqueantur, quanto amplius propriæ iniquitatis adjiciunt. En duplex tormenti genus, unum quidem deterius altero, utrumque tamen æternum.*

S. Hieronymus, qui in Pelagianos ante Augustinum ipsum signa contulerat, eidem in illo asserendo dogmate prælusit lib. 3. Dialogorum. Ubi cum Cretobolus Pelagianus Interlocutor, velut quid absurdum Catholicis exprobrasset puerorum cruciatus æternos, in hæc verba, *Peccare non possunt, & possunt perire? Genua labant, vagitus verba non explicant, balbutiens lingua videtur, & æterni cruciatus miseris præparantur: tantum abest ut eam sententiam Catholicis afflictam respondeat, qui Ecclesiæ partes agit: quin potius ea tormenta non injustè pueris infligi, ex divinis Scripturis ostendit.*

S. Gregorius Magnus lib. 9. Moralium, ad ea Jobi verba: *Multiplicabit vulnera mea, etiam sine causâ, ita scribit: Nonnulli prius à præsentī luce subtrahuntur, quam ad profervenda bona malave merita activa vitæ perveniant. Quos quia à culpa originis Sacramenta salutis non liberant, & hic ex proprio nihil egerunt,*

¶



& illuc ad tormenta perveniunt : quibus unum vulnus est corruptibiliter nasci , aliud carnaliter emori. Sed quia post mortem quoque aeterna mors sequitur , occulto eis justoque judicio , etiam sine causa vulnera multiplicantur. Perpetua quoque tormenta percipiunt , qui nihil ex propria voluntate peccaverunt. Et paulò infrà : Illos districtus Judex in aeternum percutit , quos reatus arbitrii non addicit.

S. Prudentius libro de Prædestinatione cap. 16. Extra baptismi gratiam morientes , non suo , sed Protoplasti peccato perpetuâ plectiōne damnantur. Quod hîc perpetuam plectiōnem dicit , Gehennam paulò superiùs dixerat.

Cæteros quid appellem numero plures , qui tales perpetuò fore quorumcunque damnatorum pœnas , quales post obitum luunt , summâ consensione definiunt , & ex illo Ecclesiastici oraculo manifestè colligunt : Si ceciderit lignum ad austrum , aut cap. II. ad Aquilonem , in quocumque loco ceciderit , ibi erit.

Jam si ea quibus nunc pueri deputantur supplicia , cruciatus , gehennæ , plectiōnes , ignes , miseriæ , tormenta , mors ipsa atque damnatio , æternum & interminabiliter duratura sunt , Pontificum quidem , Synodorum ac Patrum judicio ; an non justâ erroris censurâ petuntur , quotquot illorum statum immutatum tandem iri fabulantur ;

ut suppliciis , cruciatibus , ac miseriis exsolutis , ipsaque etiam morte devictâ , meliorem in naturalibus vitam , vitio omni corporis & mentis immunem , in perpetuas æternitates ducant , quàm ullus unquam hominum duxerit ?

Tertium Catholicæ fidei caput , unde iuxta Moliniani Paradoxii censura petitur , istud est : Pueros nempe solo originali peccato inquinatos , sub diaboli potestate esse , ac etiam perpetuò fore , donec salutaribus undis deletò chirographo ; in Christi potestatem transferantur.

Probat id Ecclesiæ disciplina , quæ baptizandos exorcismis & insufflationibus even-tilat , ut ab eis immundus Spiritus abigatur : quod adultis jam baptizatis ; & in peccata mortalia prolapsis præstare non solet , dum ad Pænitentiae sacramentum accedunt. Hoc argumento usus est Augustinus , ut Parvulos à diabolo possideri , æternùmque ab illo possidendos ostenderet , si absque regenerationis Sacramento rapiantur. Ita libro 3. Operis imperfecti , contra Julianum cap. 199. *Exsufflantur parvuli in Exorcismo , priusquam baptizentur. Exsufflantur igitur vivæ imagines , non Regis cujuscunque , sed Dei. Immo verò exsufflatur sed diabolus , qui contagione peccati tenet parvulum reum , ut illo scæris misso parvulus transferatur ad Christum.*

Ex-

*Exsuffletur itaque Juliani amentia , ne Majestatis rea in parvulorum mundatione & exsufflatione dicatur Ecclesia. Si autem non eruitur à potestate tenebrarum , & illic remanet parvulus ; quid miraris in igne aeterno cum diabolo futurum , qui in Dei regnum intrare non sinitur.*

Hanc inter fidei capita veritatem ponit lib. 6. Operis prior. in eundem cap. 5. *Verum tamen est , inquit , quod antiquitus veraci fide Catholica prædicatur & creditur per Ecclesiam totam , qua filios fidelium nec exorcisaret , nec exsufflaret , si non eos de potestate tenebrarum & à Principe mortis erueret. Quod in libro meo , cui velut respondes , à me positum est. Sed id tu commemorare timuisti , tanquam ipse ab Orbe toto exsufflandus esses , si huic exsufflationi , qua Princeps mundi & à parvulis ejicitur foras , contradicere voluisses.*

Qua in re interpretem Ecclesiæ egisse Augustinum , nec privatas opinionationes , ut Catholicas hæreticis objectasse , probant Capitula ex Pontificum & Conciliorum statutis deflorata , ac totius Orbis veneratione consecrata , quibus Ecclesiæ fides exponitur , ad calcem Epistolæ Cœlestini ad Gallicanos Episcopos. Illud etiam quod circa baptizandos in universo mundo Sancta Ecclesia uniformiter agit , non otioso contemplerur intuitu. Cum sive parvuli sive juvenes ad regenerationis

*veniunt Sacramentum , non prius fontem vitæ  
adeunt , quàm exorcismis & exsufflationibus  
Clericorum Spiritus ab eis abigatur immundus : ut  
tunc verè appareat, quomodo Princeps hujus mundi  
mittatur foras , & quomodò prius alligetur fortis ,  
& deinceps vasa ejus diripiantur , in possessionem  
translata victoris , qui captivam ducit captivita-  
tem & dat dona hominibus.*

Et verò dicat, amabo, Ludovicus Mo-  
lina, quâ sorte futurum sperat, ut pueri non  
renati sua illa naturali felicitate fruantur?  
An durante tyrannidè diabolicâ beatos illos  
futuros existimat, omni mentis & corporis  
vitio prorsus immunes? Id si velit, erit ejus  
potiùs quàm Juliani amentia exsuffianda.  
An solvendam tandem tyrannidem putat?  
Id si dicat, Ecclesiæ fidem negat, quæ tan-  
diù illam duraturam decernit, donec sacrâ  
regeneratione chirographum dissolvatur.  
Plus dico, pari hariolandi libertate garrire  
poterit, quosvis alios reprobos libertate  
donatum iri: una siquidem eademque dam-  
natorum omnium (quantum pœnarum æter-  
nitatem attinet) causa vertitur. Cùm enim  
sub diaboli potestate detineantur parvuli non  
abluti, ob unum originale peccatum; tan-  
diù illos detineri necesse est, quandiu origi-  
nale peccatum, unde jus in illos obtinuit,  
non deletur. Nisi quis Deum justitię suę  
joribus cedere velit, ut id odio non habeat,

immò



inimò & è diaboli potestate auferat, quod  
& hominem verè inaculat, & iræ filium facit.  
*Causa majorum atque parvulorum*, inquit S.  
Fulgentius lib. 1. de veritate Prædestinatio-  
nis cap. 14. *qui sine baptismo cursum vitæ  
præsentis in infidelitate consummant, quantum  
attinet ad communionem originalis peccati, una  
est; & ex hac utrique ibunt in ignem æternum,  
qui paratus est diabolo & Angelis ejus; quia in  
eis chirographum, quo sibi eos deceptoris nequi-  
tia subdidit, Salvatoris gratia non deleuit.*  
Diabolus uti fortis armatus custodit atrium  
suum, victosque carcere detinet; ut lo-  
quitur Evangelium. *Quis porro intrare potest  
in domum fortis, & vasa ejus diripere, nisi  
prius alligaverit fortem? Aut quis fortem alligaverit, nisi sublato chirographo jus & potestatem ademerit?*

Matth.  
12.

Ultimum; ex quo districtæ censuræ æquitate discere liceat; fidei caput est; Pucros sacro fonte non ablutos, filios iræ reputari; in damnationem & interitum traditos, contumeliæ vasa, Deo exosos, gehennæ pœnæ & inferis destinatos, nullâque in altera vita compensatione fruituros. Quæ omnia à naturali illa Beatitudine; plenaque vitiorum tum corporis tum animæ immunitate procul absunt.

Iis passim loquendi modis abundant Scripturarum, Conciliorum ac Patrum codices;

ut illos non tam deflorare, quàm exscribere  
 necesse sit. Apostolus ad Romanos 5. *Ju-*  
*dicium ex uno in omnes homines in condemna-*  
*tionem.* Undè sanctissimus Gratia Vindex  
 lib. 1. de peccat. meritis cap. 16. *Potest pe-*  
*rinde rectè dici, parvulos sine baptisinate de cor-*  
*pore exeuntes in damnatione omnium mitissima*  
*futuros, dicente Apostolo, Judicium ex uno*  
*delicto in condemnationem.* Et lib. 1. de Nup-  
 tiis & Concupiscentia cap. 23. de natura  
 originali peccato sauciata sermonem habens,  
*Non propter se ipsam, inquit, quæ laudabilis*  
*est, quia opus Dei est, sed propter damnabile*  
*vitium, quo vitata est, natura humana damna-*  
*tur: & propter quod damnatur, propter hoc &*  
*damnabili diabolo subjugatur, quia & ipse dia-*  
*bolus spiritus immundus est.*

Rursùs idem Apostolus ad Romanos 6.  
*Sustinuit in multa patientiâ vasa iræ apta in*  
*interitum.* Ad Ephesios 2. *Eramus naturâ*  
*filiis iræ, sicut & ceteri.* Ex quibus meritò  
 colligit idem Augustinus tractatu 44. in  
 Joannem: *Si filii iræ, filii vindictæ, filii*  
*pænæ, filii gehennæ.* Ac post illum Conci-  
 lium Tridentinum sessione 6. de Justificatio-  
 ne cap. 1. secundùm illud Apostoli oracu-  
 lum decrevit, quodd *Omnes homines in pra-*  
*varicatione Adæ innocentiam perdiderunt, facti*  
*immundi, & ut Apostolus inquit, filii iræ.*  
 Hanc autem iram in inferis sustinendam

decreverat in antecessum Concilium Florentinum; in decreto unionis, dum statuit *illorum animas, qui in actuali mortali peccato, vel solo originali decedunt, descendere mox in infernum, pœnis tamen disparibus puniendas.*

Quapropter cum aliàs Augustinus, variis hinc inde difficultatibus laceratus, subdubitanter affirmasset, futuram parvulis illis nescio quam in altera vita bonam compensationem, ut Dei justitiam, quâ eos etiam in hac vita miseriis afficit, in tuto poneret adversus Pelagianorum obmurmurationes; hoc ipsum in Epistola 28. ad S. Hieronymum retractavit. *Ego quidem, inquit, non de ingeniis, sed saltem de pœnis parvulorum, quas in hac vita patiuntur, dixi aliquid in libris meis De libero arbitrio, quod quale sit, & cur mihi in ista, quam habemus in manibus questione non sufficiat, intimabo. . . . Nam quæ circa eos compensatio cogitando est, quibus insuper damnatio preparato est? Suamque illam assertionem, robustissimam ac fundatissimam Ecclesiæ fidem appellat.*

Lib. 3.  
de lib.  
arb. cap.  
3.

Quàm igitur longè aberat sanctissimus Doctor ab ea felicitate naturali, quam hic Molina comminiscitur, parvulis concedenda: quæ certè cumulatissimæ præsentium miseriarum compensationis loco esset.

At de his satis à nobis dictum, ut nullam Societati injuriam irrogatam obtendat

Leo.

Leodiensis Epistolæ Confarcinator, dum absonum Molinæ paradoxum manifesti erroris damnarunt Congregationum istarum Censores æquissimi. Neque verò Molinam juvare potuit, quòd Catharinum hujus suæ doctrinæ ducem habuerit. Virum nosse debuerat, quem Magistrum acciperet: ingenio tumidum, in statuendis paradoxis liberalem, & ab ipsa scholâ Thomistica ob nimiam novandi pruriginem, summo consensu rejectum: de quo Prædicatorum Ordinis Theologi coram Paulo III. expositularunt anno 1546. ob quinquaginta ejus assertiones à communi scholarum sententiâ peregrinas.

Addam, nec addidisse pigebit, nihil errorem hunc à Pelagianorum systemate discrepare, nihilque illos, felicitatis & beatæ vitæ nomine, pueris concessisse, nisi naturalem illam Catharini & Molinæ Beatitudinem. Neque enim Pelagium, aliunde satis acutum, usque adeò stipitem fuisse putandum est, ut extra regnum Cœlorum, supernaturalem Beatitudinem in Dei visione positam, haberi perpetuò posse existimaret. Neque Augustinus Pelagianam illam Beatitudinem, velut ignoti cujusdam generis, & inaudite conditionis felicitatem derisisset. *Quærent parvulis extra regnum Dei. nescio cujus suæ felicitatis locum.*  
lib.



lib. de Prædest. Sanctorum cap. 13. *Pro-*  
*mittunt eis extra regnum quidem Dei, sed*  
*tamen æternam beatam quamdam vitam suam,*  
 libro de hæresibus cap. 88. & alibi sæpius.  
 Nec demùm Pelagius ipse eam ita subob-  
 scurè & ambiguè delineasset, ut quid re  
 ipsa tandem esset, se nescire professus sit.  
*Sine Baptismo parvuli morientes quò non eant,*  
*scio; quò eant, nescio,* aiebat ille apud Au-  
 gustinum lib. de peccato originali cap. 21.  
 Næ ergo Molinam & Catharinum Pelagio  
 ipso audaciores qui quò extra regnum  
 Cœlorum & inferos, eant, tantâ confidentiâ  
 definiunt!

Cæterum quid de novo Dissolutore, qui  
 tantos nuper Molinianis dedit animos, sen-  
 tiendum veniat, docebit nos Apostolicæ  
 Sedis Oraculum, dum de Nodo Prædesti-  
 nationis dissoluto sententiam tulerit: eâque  
 Magistrâ discemus, an cum illis quatuor  
 fidei capitibus, ex Apostolicæ Traditionis  
 fonte ad nos usque derivatis, conciliari  
 satis possint, quatuor ista Novæ Solutionis  
 Paradoxa.

1. *Parvuli qui sine baptismo decedunt, beati*  
*quidem non sunt, non tamen pereunt, nec*  
*damnantur.*

2. *Parvuli innocentiam personalem, quæ*  
*peccatis actualibus opponitur, illibatam ser-*  
*vant.*

3. Qui solo originali peccato tenentur , nec dici possunt Deum deserere , nec à Deo deseri.


4. Infantes baptismo non tincti , ad aliquod quod gratiâ & vitâ aternâ melius sit , deplimentantur.




F I N I S.













5-5-1

